

TITI LIVI
AB URBE CONDITA
LIBRI.

EDITIONEM PRIMAM CURAVIT
GUILELMUS WEISSENBORN.

EDITIONE ALTERA, QUAM CURAVIT
MAURITIUS MÜLLER.

PARS III. FASC. II.
LIB. XXVII—XXX.



LIPSIAE
IN AEDIBUS B. G. TEUBNERI.
MDCCXCII.

TITI LIVI
AB URBE CONDITA
LIBER XXVII.

PERIOCHA LIBRI XXVII.

Cn. Fulvius proconsul cum exercitu ab Hannibale ad Herdoneam caesus est. meliore eventu ab Claudio Marcello consule adversus eundem ad Numistronem pugnatum est. inde Hannibal nocte recessit; Marcellus insecutus est et subinde cedentem pressit, donec confligeret. priore pugna Hannibal superior, Marcellus sequenti. Fabius Maximus consul pater Tarentinos per proditionem recepit. Clandinus Marcellus T. Quintius Crispinus consules, speculandi causa progressi e castris, insidiis ab Hannibale circumventi sunt. Marcellus occisus, Crispinus fugit. lustrum a censoribus conditum est. censa sunt civium capita CXXXVII CVIII; ex quo numero apparuit, quantum hominum tot proeliorum adversa fortuna populo Romano abstulisset. in Hispania ad Baeculam Scipio cum Hasdrubale et Hamilcare conflixit et vicit. inter alia captum regalem puerum eximiae formae ad avunculum Masinissam eum domis dimisit. Hasdrubal, qui cum exercitu novo Alpes transcederat, ut se Hannibali coniungeret, cum milibus hominum LVI caesus est, capta VCCC M. Livi consulis ducta, sed non minore opera Clandi Neronis consulis, qui, cum Hannibali oppositus esset, relicta castris ita, ut hostem falleret, cum electa manu profectus Hasdrubalem circumvenerat. res praeterea a P. Scipione in Hispania et a P. Sulpicio praetore adversus Philippum et Achaeos gestas continet.

I. Hic status rerum in Hispania erat. in Italia 1 consul Marcellus Salapia per proditionem recepta Marmoreas et Meles de Samnitibus vi cepit. ad tria milia 2 militum ibi Hannibalis, quae praesidii causa reliqua

erant, oppressa. praeda — et aliquantum eius fuit —
 militi concessa. tritici quoque ducenta quadraginta
 milia modium et centum decem milia hordei inventa.
 3 ceterum nequaquam inde tantum gaudium fuit, quanta
 clades intra paucos dies accepta est haud procul Her-
 4 donea urbe. castra ibi Cn. Fulvius proconsul habebat
 spe recipiundae Herdoneae, quae post Cannensem
 cladem ab Romanis defecerat, nec loco satis tuto posita
 5 nec praesidiis firmata. negligentiam insitam ingenio
 ducis augebat spes ea, quod labare iis adversus Poenum
 fidem senserat, postquam Salapia amissa excessisse
 6 iis locis in Bruttios Hannibalem auditum est. ea omnia
 ab Herdonea per occultos nuntios delata Hannibali
 simul curam sociae retinendae urbis et spem fecere
 incertum hostem adgrediendi. exercitu expedito, ita
 ut famam prope paeveniret, magnis itineribus ad
 Herdoneam contendit et, quo plus terroris hosti obi-
 7 ceret, acie instructa accessit. par audacia Romanus,
 consilio et viribus impar, copiis raptim eductis con-
 fluxit. quinta legio et sinistra ala acriter pugnam
 8 inierunt. ceterum Hannibal signo equitibus dato, ut,
 eum pedestres acies occupassent praesenti certamine
 oculos animosque, circumvecti pars castra hostium
 pars terga pugnam spectantium invaderent, ipse Cn.
 9 Fulvi similitudinem nominis, quia Cn. Fulvium pae-
 torem biennio ante in isdem devicerat locis, increpans,
 10 similem eventum pugnae fore adfirmabat. neque ea
 spes vana fuit; nam cum communis acie et peditum
 11 certamine multi cecidissent Romanorum, starent tamen
 ordines signaque, equestris tumultus a tergo, simul a
 castris clamor hostilis auditus sextam ante legionem,
 quae in secunda acie posita prior ab Numidis turbata
 est, quintam deinde atque eos, qui ad prima signa
 12 erant, avertit. pars in fugam effusi, pars in medio caesi,
 ubi et ipse Cn. Fulvius cum undecim tribunis militum
 13 cecidit. Romanorum sociorumque quot caesa in eo
 proelio milia sint, quis pro certo adfirmet, cum alibi

tredecim milia, alibi haud plus quam septem inveniam?
 castris praedaque victor potitur. Herdoneam quia et 14
 defecturam fuisse ad Romanos comperit nec mansuram
 in fide, si inde abscessisset, multitudine omni Meta-
 pontum ac Thurios tradueta incendit; occidit principes,
 qui cum Fulvio conloquia occulta habuisse comperti
 sunt. Romani, qui ex tanta clade evaserant, diversis 15
 itineribus semermes ad Marellum consulem in Sam-
 nium perfugerunt.

II. Marcellus nihil admodum tanta clade territus 1
 litteras Romam ad senatum de duce atque exercitu ad 2
 Herdoneam amissos scribit: ceterum eundem se, qui 3
 post Cannensem pugnam ferocem Victoria Hannibalem 4
 contuderit, ire adversus eum, brevem illi laetitiam, qua 5
 exultet, facturum. et Romae quidem cum luctus ingens 6
 ex praeterito tum timor in futurum erat. consul ex 7
 Samnio in Lucanos transgressus ad Numistronem in 8
 conspectu Hannibalis loco plano, cum Poenus collem 9
 teneret, posuit castra. addidit et aliam fidentis speciem, 10
 quod prior in aciem eduxit; nec detractavit Hannibal, 11
 ut signa portis efferti vidiit. ita tamen aciem in- 12
 struxerunt, ut Poenus dextrum cornu in collem eri- 13
 geret, Romani sinistrum ad oppidum adipicarent. ab 14
 hora tertia cum ad noctem pugnam extendissent, fessae- 15
 que pugnando primae acies essent — ab Romanis 16
 prima legio et dextra ala, ab Hannibale Hispani mili- 17
 tes et funditores Baliliaris, elephanti quoque commisso 18
 iam certamine in proelium acti —, diu pugna neutro 19
 inclinata stetit. ut primae legioni tertia, dextrae alae 20
 sinistra subiit, et apud hostis integri a fessis pugnam 21
 accepere, novum atque atrox proelium ex iam segni 22
 repente exarsit recentibus animis corporibusque; sed 23
 nox incerta victoria diremit pugnantis. postero die 24
 Romani ab sole orto in multum diei stetere in acie; 25
 ubi nemo hostium adversus prodiit, spolia per otium 26
 legere et congestos in unum locum cremavere suos. 27
 nocte insequenti Hannibal silentio movit castra et in 28
 12*

Apuliam abiit. Marcellus, ubi lux fugam hostium aperuit, sauciis cum praesidio modico Numistrone relictis praepositoque iis L. Furio Purpurione tribuno militum, vestigiis institutis sequi. ad Venusiam adeptus 11 eum est. ibi per dies aliquot, cum ab stationibus pro- cursaretur, mixta equitum peditumque tumultuosa magis proelia quam magna, et ferme omnia Romanis secunda 12 fuere. inde per Apuliam ducti exercitus sine ullo memorando certamine, cum Hannibal nocte signa moveret, locum insidiis quaerens, Marcellus nisi certa luce et explorato ante non sequeretur.

III. Capuae interim Flaccus dum bonis principum vendendis, agro, qui publicatus erat, locando — locavit autem omnem frumento — tempus terit, ne deesset materia in Campanos saeviendi, novum in occulto gliscens per indicium protractum est facinus. milites aedificiis emotos, simul ut cum agro tecta urbis fruenda locarentur, simul metuens, ne suum quoque exercitum sicut Hannibal nimia urbis amoenitas emolliret, in portis murisque sibimet ipsos tecta mili- 3 tariter coegerat aedificare. erant autem pleraque ex cratibus ac tabulis facta, alia harundine texta, stramento infecta omnia, velut de industria alimentis ignis. 4 haec noctis una hora omnia ut incenderent, centum septuaginta Campani principibus fratribus Blossiis con- 5 iuraverant. indicio eius rei ex familia Blossiorum facto, portis repente iussu proconsulis clausis, cum ad arma signo dato milites concurrissent, comprehensi omnes, qui in noxa erant, et quaestione aeriter habita damnati necatique; indicibus libertas et aeris dena milia data. 6 Nucerinos et Acerranos, querentes, ubi habitarent, non esse, Acerris ex parte incensis, Nuceria deleta, Romam 7 Fulvius ad senatum misit. Acerranis permissum, ut aedi- ficarent, quae incensa erant; Nucerini Atellam, quia id maluerant, Atellanis Calatiam migrare iussi traducti. 8 Inter multas magnasque res, quae nunc secundae nunc adversae occupabant cogitationes hominum, ne

Tarentinae quidem arcis excidit memoria. M. Ogulnius 9 et P. Aquilius in Etruriam legati ad frumentum coemendum, quod Tarentum portaretur, profecti, et mille milites de exercitu urbano, par numerus Romanorum sociorumque eodem in praesidium cum frumento missi.

IV. Iam aestas in exitu erat, comitiorumque consularium instabat tempus. sed litterae Marcelli negantis e re publica esse vestigium abscedi ab Hannibale, cui cedenti certamenque abnuenti gravis ipse instaret, curam iniecerant, ne aut consulem tum maxime res agentem a bello avocarent, aut in annum consules deessent. optimum visum est, quamquam extra Italianam esset, Valerium potius consulem ex Sicilia revocari. ad eum litterae iussu senatus ab L. Manlio praetore urbano missae cum litteris consulis M. Marcelli, ut ex iis nosceret, quae causa patribus eum potius quam collegam revocandi ex provincia esset.

Eo fere tempore legati ab rege Syphace Romanum venerunt, quae is prospera proelia cum Carthaginensibus fecisset, memorantes. regem nec inimiciorem ulli populo quam Carthaginiensi nec amiciorem quam Romano esse afirmabant; misisse eum antea legatos in Hispaniam ad Cn. et P. Cornelios imperatores Romanos; nunc ab ipso velut fonte petere Romanam amicitiam voluisse. senatus non legatis modo benigne respondit, sed et ipse legatos cum donis ad regem misit, L. Genucum P. Poetelium P. Popillium, dona tulere togam et tunicam purpuream, sellam eburneam, pateram ex quinque pondo auri factam. protinus et alios Africae regulos iussi adire. iis quoque quae darentur, portata, togae praetextae et terna pondo paterae aureae. et Alexandream ad Ptolomaeum et Cleopatram reges M. Atilius et M'. Acilius legati, ad commemorandam renovandamque amicitiam missi, dona tulere, regi togam et tunicam purpuream cum sella eburnea, reginae pallam cum amiculo purpureo.

11 Multa ea aestate, qua haec facta sunt, ex propinquis urbibus agrisque nuntiata sunt prodigia: Tusculi agnum cum ubere lactenti natum, Iovis aedis culmen fulmine ictum ac prope omni tecto nudatum; 12 isdem ferme diebus Anagniae terram ante portam iactam diem ac noctem sine ullo ignis alimento arsisse, et aves ad Comitum Anagninum in luco Dianaë 13 nidos in arboribus reliquisse; Tarracinae in mari haud procul portu angues magnitudinis mirae lascivientium 14 piscium modo exultasse; Tarquinii porcum cum ore humano genitum, et in agro Capenate ad lucem Feroniae quattuor signa sanguine multo diem ac noctem 15 sudasse. haec prodigia hostiis maioribus procurata decreto pontificum; et supplicatio diem unum Romae ad omnia pulvinaria, alterum in Capenati agro ad Feroniae lucum indicta.

1 V. M. Valerius consul litteris excitus, provincia exercituque mandato L. Cincio praetori, M. Valerio Messalla praefecto classis cum parte navium in Africam praedatum simul speculatumque, quae populus Carthaginiensis ageret pararetque, misso, ipse decem navibus Romanam profectus cum prospere pervenisset, 2 senatum extemplo habuit. ibi de suis rebus gestis commemoravit: cum annos prope sexaginta in Sicilia terra marique magnis saepe cladibus bellatum esset, se eam provinciam confecisse; neminem Carthaginiensem in Sicilia esse; neminem Siculum, qui fugati metu inde afuerint, non esse; omnis in urbes, in agros suos 5 reductos arare, serere; desertam recoli tandem terram, frugiferam ipsis cultoribus, populoque Romano pace 6 ac bello fidissimum annonae subsidium. exim Muttine et si quorum aliorum merita erga populum Romanum erant in senatum introductis, honores omnibus ad ex- 7 solvendam fidem consulis habitи. Muttines etiam civis Romanus factus rogatione ab tribuno plebis ex auctoritate patrum ad plebem lata.

8 Dum haec Romae geruntur, M. Valerius quinqua-

ginta navibus cum ante lucem ad Africam accessisset, inproviso in agrum Uticensem escensionem fecit; eumque late depopulatus multis mortalibus cum alia omnis generis praeda captis ad naves redit atque in Siciliam trahisit, tertio decumo die, quam profectus inde erat, Lilybaeum revectus. ex captivis quaestione habita haec comperta consulique Laevino omnia ordine perscripta, ut sciret, quo in statu Africae res essent: quinque milia Numidarum cum Masinissa Galae filio, acerrimo iuvene, Carthagine esse, et alias per totam Africam milites mercede conducei, qui in Hispaniam ad Hasdrubalem traicerentur, ut is quam maximo exercitu primo quoque tempore in Italianam transgressus iungeret se Hannibali; in eo positam victoriam credere Carthaginenses; classem praeterea ingentem apparari ad Siciliam repetendam, eamque se credere brevi traieciuntur. haec recitata a consule ita movere senatum, 14 ut non expectanda comitia consuli censerent, sed dictatore comitiorum habendorum causa dicto extemplo in provinciam redeundum. illa disceptatio tenebat, quod 15 consul in Sicilia se M. Valerium Messallam, qui tum classi praeesset, dictatorem dicturum esse aiebat, patres extra Romanum agrum — eum autem in Italia terminari — negabant dictatorem dici posse. M. Lucretius tribunus plebis cum de ea re consuleret, ita decrevit senatus, ut consul, priusquam ab urbe discederet, populum rogaret, quem dictatorem dici placeret eumque, quem populus iussisset, diceret dictatorem; si consul noluissest, praetor populum rogaret; si ne is quidem vellet, tum tribuni ad plebem ferrent. cum 17 consul se populum rogaturum negasset, quod suae potestatis esset, praetoremque vetuissest rogare, tribuni plebis rogarunt, plebesque scivit, ut Q. Fulvius, qui tum ad Capuam erat, dictator diceretur. sed quo die id plebis concilium futurum erat, consul clam nocte in Siciliam abiit; destitutique patres litteras ad M. Claudium mittendas censuerunt, ut desertae ab conlega

rei publicae subveniret diceretque quem populus iussisset
 19 dictatorem. ita a M. Claudio consule Q. Fulvius dictator dictus, et ex eodem plebis scito ab Q. Fulvio dictatore P. Licinius Crassus pontifex maximus magister
 1 equitum dictus. VI. dictator postquam Romam venit,
 C. Sempronium Blaesum legatum, quem ad Capuam
 habuerat, in Etruriam provinciam ad exercitum misit
 in locum C. Calpurni praetoris, quem, ut Capuae
 2 exercituique suo praeesset, litteris excivit. ipse comitia
 in quem diem primum potuit edixit; quae certamine
 inter tribunos dictatoremque injecto perfici non po-
 3 tuerunt. Galeria iuniorum, quae sorte praerogativa
 erat, Q. Fulvium et Q. Fabium consules dixerat,
 eodemque iure vocatae inclinassent, ni se tribuni plebis
 4 C. et L. Arrenii interposuisserint, qui neque magistra-
 tum continuari satis civile esse aiebant, et multo foedioris
 5 exempli eum ipsum creari, qui comitia haberet; itaque
 si suum nomen dictator acciperet, se comitis inter-
 cessuros; si aliorum praeterquam ipsius ratio haberetur,
 6 comitiis se moram non facere. dictator causam comiti-
 torum auctoritate senatus, plebis scito, exemplis tu-
 7 tabatur: namque Cn. Servilio consule, cum C. Flaminius
 alter consul ad Trasumenum cecidisset, ex auctoritate
 patrum ad plebem latum, plebemque scivisse, ut,
 quoad bellum in Italia esset, ex iis, qui consules
 fuissent, quos et quotiens vellet, reficiendi consules
 8 populo ius esset; exemplaque in eam rem se habere
 vetus L. Postumi Megelli, qui interrex iis comitiis,
 quae ipse habuisset, consul cum C. Iunio Bubulco
 creatus esset; recens Q. Fabii, qui sibi continuari con-
 sulatum, nisi id bono publico fieret, profecto num-
 9 quam sisset. his orationibus cum diu certatum esset,
 postremo ita inter dictatorem ac tribunos convenit, ut
 10 eo, quod censuisset senatus, staretur. patribus id tempus
 rei publicae visum est, ut per veteres et expertos
 bellique peritos imperatores res publica gereretur:
 11 itaque moram fieri comitiis non placere. concedentibus

tribunis comitia habita; declarati consules Q. Fabius
 Maximus quintum, Q. Fulvius Flaccus quartum. praetores
 12 inde creati L. Veturius Philo, T. Quintius Crispinus,
 C. Hostilius Tubulus, C. Aurunculeius. magistris
 tristibus in annum creatis Q. Fulvius dictatura se
 abdicavit.

Extremo aestatis huius classis Punica navium
 13 quadraginta cum praefecto Hamilcare in Sardiniam
 triecta Olbiensem primo, dein, postquam ibi P. Man-
 lius Volso praetor cum exercitu apparuit, circumacta
 14 inde ad alterum insulae latus, Caralitanum agrum
 vastavit, et cum praeda omnis generis in Africam
 redit.

Sacerdotes Romani eo anno mortui aliquot suf-
 15 factique: C. Servilius pontifex factus in locum T. Ota-
 cilii Crassi; Ti. Sempronius Ti. F. Longus augur factus
 in locum T. Otacilii Crassi; decemvir item sacris
 16 faciundis in locum Ti. Semproni C. F. Longi Ti. Sem-
 pronius Ti. F. Longus suffectus. M. Marcius rex sa-
 crorum mortuus est et M. Aemilius Papus maximus
 curio; neque in eorum locum sacerdotes eo anno
 suffecti.

Et censores hic annus habuit L. Veturium Phi-
 lonem et P. Licinium Crassum, maximum ponti-
 ficem. Crassus Licinius nec consul nec praetor ante
 fuerat, quam censor est factus; ex aedilitate gradum
 ad censuram fecit. sed hi censores neque senatum
 17 legerunt neque quicquam publicae rei egerunt: mors
 diremit L. Veturi; inde et Licinius censura se abdicavit.
 aediles curules L. Veturius et P. Licinius Varus ludos
 18 Romanos diem unum instaurarunt. aediles plebei Q. Catius
 et L. Poreius Licinus ex multaticcio argento signa
 aenea ad Cereris dedere, et ludos pro temporis eius
 copia magnifici apparatus fecerunt.

VII. Exitu anni huius C. Laelius legatus Scipio-
 1 nis die quarto et tricensimo, quam ab Tarracone pro-
 fectus erat, Romam venit; isque cum agmine capti-

vorum ingressus urbem magnum concursum hominum
 2 fecit. postero die in senatum introductus captam Car-
 thaginem, caput Hispaniae, uno die receptasque ali-
 3 quo urbes, quae defecissent, novasque in societatem
 adscitas exposuit. ex captiis comperta iis fere con-
 gruentia, quae in litteris fuerant M. Valerii Messallae.
 maxime movit patres Hasdrubalis transitus in Italiam
 4 vix Hannibali atque eius armis obstantem. productus
 et in contionem Laelius eadem edisseruit. senatus ob
 res feliciter a P. Scipione gestas supplicationem in
 unum diem decrevit; C. Laelium primo quoque tempore
 cum quibus venerat navibus redire in Hispaniam iussit.
 5 Carthaginis expugnationem in hunc annum contuli
 multis auctoribus, hand nescius quosdam esse, qui
 6 anno inseparati captam tradiderint; sed mihi minus
 simile veri visum est annum integrum Scipionem nihil
 gerundo in Hispania consumpsisse.

7 Q. Fabio Maximo quintum, Q. Fulvio Flacco quartum
 consulibus idibus Martiis, quo die magistratum
 inierunt, Italia ambobus provincia decreta, regionibus
 tamen partitum imperium: Fabius ad Tarentum, Ful-
 vius in Lucanis ac Bruttis rem gereret. M. Claudio
 prorogatum in annum imperium. praetores sortiti pro-
 vincias, C. Hostilius Tubulus urbanam, L. Veturius
 Philo peregrinam cum Gallia, T. Quintius Crispinus
 9 Capuam, C. Aurunculeius Sardiniam. exercitus ita per
 provincias divisi: Fulvio duae legiones, quas in Sicilia
 M. Valerius Laevinus haberet, Q. Fabio, quibus in
 Etruria C. Calpurnius praefunisset; urbanus exercitus
 10 ut in Etruriam succederet; C. Calpurnius eidem praefun-
 esset provinciae exercituique; Capuam exercitumque,
 quem Q. Fulvius habuisset, T. Quintius obtineret.
 11 C. Hostilius ab C. Laetorio propraetore provinciam
 exercitumque, qui tum Ariminum erat, acciperet. M. Mar-
 cello, quibus consul rem gesserat, legiones decretae.
 12 M. Valerio cum L. Cincio — iis quoque enim proro-
 gatum in Sicilia imperium — Cannensis exercitus datus,

eumque supplere ex militibus, qui ex legionibus Cn.
 Fulvi superessent, iussi. conquisitos eos consules in 13
 Siciliam miserunt; additaque eadem militiae ignominia,
 sub qua Cannenses militabant quique ex praetoris
 Cn. Fulvi exercitu ob similis iram fugae missi eo ab
 senatu fuerant. C. Aurunculeio eadem in Sardinia 14
 legiones, quibus P. Manlius Volso eam provinciam
 obtinuerat, decretae. P. Sulpicio eadem legione eadem- 15
 que classe Macedoniam obtinere iusso prorogatum in
 annum imperium. triginta quinquemates ex Sicilia
 Tarentum ad Q. Fabium consulem mitti iussae; cetera 16
 classe placere praedatum in Africam aut ipsum M.
 Valerium Laevinum traicere, aut mittere seu L. Cin-
 cius seu M. Valerium Messallam vellet. nec de Hispania 17
 quicquam mutatum, nisi quod non in annum Scipioni
 Silanoque, sed donec revocati ab senatu forent, proro-
 gatum imperium est. ita provinciae exercituumque in
 eum annum partita imperia.

VIII. Inter maiorum rerum curas comitia maximi
 eurionis, cum in locum M. Aemili sacerdos crearetur,
 vetus excitaverunt certamen, patriciis negantibus C.
 Mamili Atelli, qui unus ex plebe petebat, habendam
 rationem esse, quia nemo ante eum nisi ex patribus
 id sacerdotium habuisse. tribuni appellati ad senatum
 rem reiecerunt; senatus populi potestatem fecit: ita
 primus ex plebe creatus maximus curio C. Mamilius
 Atellus. et flaminem Dialem invitum inaugurarri coegit
 P. Licinius pontifex maximus C. Valerium Flaccum;
 decemvirum sacris faciundis creatus in locum Q. Muci
 Scaevolae demortui C. Laetorius. causam inaugurarri
 coacti flaminis libens reticuisse, ni ex mala fama
 in bonam vertisset. ob adulescentiam neglegentem
 luxuriosamque C. Flaccus flamen captus a P. Licinio
 pontifice maximo erat, L. Flacco fratri germano
 cognatisque aliis ob eadem vitia inquisitus. is, ut ani-
 mum eius cura sacrorum et caerimoniarum cepit, ita
 repente exuit antiquos mores, ut nemo tota iuventute

haberetur prior nec probatior primoribus patrum, suis
 7 pariter alienisque, esset, huius famae consensu elatus
 ad iustam fiduciam sui rem intermissam per multos
 annos ob indignitatem flaminum priorum repetivit, ut
 8 in senatum introiret. ingressum eum curiam cum
 L. Licinius praetor inde eduxisset, tribunos plebis
 appellavit. flamen vetustum ius sacerdotii repetebat:
 datum id cum toga praetexta et sella curuli ei flamo-
 9 nio esse. praetor non exoletis vetustate annualium exem-
 plis stare ius, sed recentissimae cuiusque consuetudinis
 usu volebat; nec patrum nec avorum memoria Dialem
 10 quemquam id ius usurpasse. tribuni rem inertia flami-
 num obliteratam ipsis, non sacerdotio damno fuisse
 cum aequum censuissent, ne ipso quidem contra ten-
 dente praetore magno adsensu patrum plebisque
 flaminem in senatum introduxerunt, omnibus ita
 existimantibus, magis sanctitate vitae quam sacerdotii
 iure eam rem flaminem obtinuisse.

11 Consules priusquam in provincias irent, duas urba-
 nas legiones, in supplementum quantum opus erat
 12 ceteris exercitibus militum scripserunt. urbanum veter-
 rem exercitum Fulvius consul C. Fulvio Flacco legato
 — frater hic consulis erat — in Etruriam dedit du-
 cendum et legiones, quae in Etruria erant, Romam
 13 deducendas. et Fabius consul reliquias exercitus Ful-
 viani conquisitas — fuere autem ad quattuor milia
 trecenti quadraginta quattuor — Q. Maximum filium
 ducere in Siciliam ad M. Valerium proconsulem iussit
 atque ab eo duas legiones et triginta quinqueremes
 14 accipere. nihil eae deductae ex insula legiones mi-
 nuerunt nec viribus nec specie eius provinciae praesi-
 dium. nam cum praeter egregie suppletas duas veteres
 legiones transfugarum etiam Numidarum equitum pedi-
 tumque magnam vim haberet, Sieulos quoque, qui in
 exercitu Epicydis aut Poenororum fuerant, belli peritos
 15 viros, milites scripsit. ea externa auxilia cum singulis
 Romanis legionibus adiunxit, duorum speciem exer-

cituum servavit: altero L. Cincium partem insulae,
 qua regnum Hieronis fuerat, tueri iussit; altero ipse 17
 ceteram insulam tuebatur, divisam quandam Romani
 Punicique imperii finibus, classe quoque septuaginta
 navium partita, ut omni ambitu litorum praesidio orae
 maritumae essent. ipse cum Muttinis equitatu provin- 18
 ciā peragrabat, ut viseret agros cultaque ab incultis
 notaret et perinde dominos laudaret castigaretque.
 ita tantum ea cura frumenti provenit, ut et Romam 19
 mitteret et Catinam conveheret, unde exercitui, qui ad
 Tarentum aestiva acturus esset, posset praeberi.

IX. Ceterum transportati milites in Siciliam — 1
 et erant maior pars Latini nominis sociorumque —
 prope magni motus causa fuere: adeo ex parvis saepe
 magnarum momenta rerum pendent. fremitus enim 2
 inter Latinos sociosque in conciliis ortus, decimum
 annum dilectibus, stipendiis se exhaustos esse; quo-
 tannis ferme clade magna pugnare; alios in acie occidi, 3
 alios morbo absumi; magis perire sibi civem, qui ab
 Romano miles lectus sit, quam qui ab Poeno captus:
 quippe ab hoste gratis remitti in patriam, ab Romanis
 extra Italiam in exilium verius quam in militiam ab- 4
 legari. octavum iam ibi annum senescere Cannensem
 militem, moriturum ante, quam Italia hostis, quippe
 nunc cum maxime florens viribus, exceedat. si veteres 5
 milites non redeant in patriam, novi legantur, brevi
 neminem superfuturum. itaque, quod propediem res
 ipsa negatura sit, priusquam ad ultimam solitudinem
 atque egestatem perveniant, negandum populo Romano
 esse. si consentientes in hoc socios videant Romani, 6
 profecto de pace cum Carthaginiensibus iungenda
 cogitatueros; aliter numquam vivo Hannibale sine bello
 Italianam fore. haec acta in conciliis. triginta tum co- 7
 loniae populi Romani erant; ex iis duodecim, cum
 omnium legationes Romae essent, negaverunt consulibus
 esse, unde milites pecuniamque darent. eae fuere
 Ardea, Nepete, Sutrium, Alba, Carseoli, Sora, Suessa,

8 Circei, Setia, Cales, Narnia, Interamna. nova re consules icti cum absterre eos a tam detestabili consilio vellent, castigando increpandoque plus quam leniter agendo profecturos rati, eos ausos esse consulibus 9 dicere aiebant, quod consules ut in senatu pronuntiarent in animum inducere non possent: non enim detractionem eam munerum militiae sed apertam defectionem 10 a populo Romano esse. redirent itaque propere in colonias et tamquam integra re, locuti magis quam ausi tantum nefas, cum suis consulerent. admonerent non Campanos neque Tarentinos esse eos sed Romanos; 11 inde oriundos, inde in colonias atque in agrum bello captum stirpis augendae causa missos. quae liberi parentibus deberent, ea illos Romanis debere, si ulla pietas, si memoria antiquae patriae esset. consulerent 12 igitur de integro: nam tum quidem quae temere agitassent, ea prodendi imperii Romani, tradendae Hannibali victoriae esse. cum alternis haec consules diu iactassent, nihil moti legati neque se, quod domum renuntiarent, habere dixerunt neque senatum suum, quod novi consuleret, ubi nec miles, qui legeretur, nec 14 pecunia, quae daretur in stipendum, esset. cum obstinatos eos viderent consules, rem ad senatum detulerunt, ubi tantus pavor animis hominum est injectus, ut magna pars actum de imperio dicerent: idem alias colonias facturas, idem socios; consensisse omnes ad 1 prodendam Hannibali urbem Romanam. X. consules hortari et consolari senatum et dicere alias colonias in fide atque officio pristino fore; eas quoque ipsas, quae officio decesserint, si legati circa eas colonias mittantur, qui castigent, non qui precentur, verecundiā diam imperii habituras esse, permisum ab senatu iis cum esset, agerent facerentque ut e re publica ducerent, perfemptatis prius aliarum coloniarum animis citaverunt legatos quae siveruntque ab iis, ecquid milites ex formula paratos haberent. pro duodeviginti coloniis M. Sextilius Fregellanus respondit et milites ex formula

paratos esse, et, si pluribus opus esset, pluris datus et, quidquid aliud imperaret velletque populus Romanus, enixe facturos: ad id sibi neque opes deesse et animum etiam superesse. consules parum sibi videri praefati pro merito eorum sua voce conlaudari eos, nisi universi patres iis in curia gratias egissent, sequi in senatum eos iusserunt. senatus quam poterat honoratissimo decreto addocutus eos mandat consulibus, ut ad populum quoque eos producerent et inter multa alia praeclera, quae ipsis maioribusque suis praestitissent, recens etiam meritum eorum in rem publicam commemorarent. ne nunc quidem post tot saecula sileantur 7 fraudenturve laude sua: Signini fure et Norbani Satulanique et Fregellani et Lucerini et Venusini et Brundusini et Hadriani et Firmani et Ariminenses, et 8 ab altero mari Pontiani et Paestani et Cosani, et mediterranei Beneventani et Aesernini et Spoletini et Placentini et Cremonenses. harum coloniarum subsidio 9 tum imperium populi Romani stetit, iisque gratiae in senatu et apud populum actae. duodecim aliarum 10 coloniarum, quae detractaverunt imperium, mentionem fieri patres vetuerunt, neque illos dimitti neque retineri neque appellari a consulibus. ea tacita castigatio maxime ex dignitate populi Romani visa est.

Cetera expedientibus, quae ad bellum opus erant, 11 consulibus aurum vicinimarium, quod in sanctiore aerario ad ultimos casus servabatur, promi placuit. prompta ad quattuor milia pondo auri. inde quingena 12 pondo data consulibus et M. Marcello et P. Sulpicio proconsulibus et L. Vetorio praetori, qui Galliam provinciam erat sortitus, additumque Fabio consuli centum pondo auri praecipuum, quod in arcem Tarentinam portaretur; cetero auro usi sunt ad vestimenta praesenti pecunia locanda exercitui, qui in Hispania bellum secunda sua fama ducisque gerebat. XI. Prodigia quoque, priusquam ab urbe consules proficiscerentur, procurari placuit. in Albano monte tacta 1 2

de caelo erant signum Iovis arborque templo propinqua et ostium lacus, et Capuae murus Fortunaeque aedis, et Sinuessa murus portaque: haec de caelo
 3 tacta. cruentam etiam fluxisse aquam Albanam quidam auctores erant; et Romae intus in cella [aedis] Fortis Fortunae de capite signum, quod in corona erat, in
 4 manum sponte sua prolapsum; et Priverni satis constabat bovem locutum, volturiumque frequenti foro in tabernam devolasse, et Sinuessa natum ambiguō inter marem ac feminam sexu infantem, quos androgynos
 5 volgus, ut pleraque, faciliore ad dupliceanda verba Graeco sermone, appellat, et lacte pluvisse, et cum
 6 elephanti capite puerum natum. ea prodigia hostiis maioribus procurata, et supplicatio circa omnia pulvinaria et obsecratio in unum diem indicta; et decretum, ut C. Hostilius praetor Iudos Apollini, sicut
 iis annis voti factique erant, voveret faceretque.

7 Per eos dies et censoribus creandis Q. Fulvius consul comitia habuit, creati censores, ambo qui nondum consules fuerant, M. Cornelius Cethagus, P. Sempronius Tuditanus. ii censores ut agrum Campanum fruendum locarent, ex auctoritate patrum latum ad
 8 plebem est, plebesque scivit. senatus lectionem contentio inter censores de principe legendo tenuit. Sempronii lectio erat; ceterum Cornelius morem traditum
 10 a patribus sequendum aiebat, ut qui primus censor ex iis, qui viverent, fuisse, eum principem legerent:
 11 is T. Manlius Torquatus erat; Sempronius, cui di sortem legendi dedissent, ei ius liberum eosdem dedisse deos; se id suo arbitrio facturum lecturumque Q. Fabium Maximum, quem tum principem Romanae
 12 civitatis esse vel Hannibale iudice victurus esset, cum diu certatum verbis esset, concedente conlega lectus a Sempronio princeps in senatu Q. Fabius Maximus consul. inde alias lectus senatus octo praeteritis, inter quos M. Caecilius Metellus erat, infamis auctor dese-
 13 rendae Italiae post Cannensem cladem. in equestribus

quoque notis eadem servata causa; sed erant perpauci, quos ea infamia attingeret. illis omnibus — et multi 14 erant — adempti equi, qui Cannensem legionum equites in Sicilia erant. addiderunt acerbitali etiam tempus, ne praeterita stipendia procederent iis, quae equo publico meruerant, sed dena stipendia equis privatis facerent. magnum praeterea numerum eorum conquisi- 15 verunt, qui equo merere deberent; atque ex iis, qui principio eius belli septemdecim annos nati fuerant neque militaverant, omnes aerarios fecerunt. locaverunt 16 inde reficienda, quae circa forum incendio consumpta erant, septem tabernas, macellum, atrium regium.

XII. Transactis omnibus, quae Romae agenda erant, 1 consules ad bellum profecti. prior Fulvius praegressus 2 Capuam; post paucos dies consecutus Fabius, qui et conlegam coram obtestatus et per litteras Marcellum, ut quam acerrimo bello detinerent Hannibalem, dum ipse Tarentum oppugnaret: ea urbe adempta hosti iam 3 undique pulso, nec ubi consistenter nec quod fidum respiceret habenti, ne remorandi quidem causam in Italia fore. Regium etiam nuntium mittit ad praefectum praesidii, quod ab Laevino consule adversus Bruttios ibi locatum erat, octo milia hominum, pars maxima ab Agathyrna, sicut ante dictum est, ex Sicilia traxi, rapto vivere hominum adsuitorum; additi erant Bruttiorum indidem perfugae, et audacia et audendi omnia necessitatibus pares. hanc manum ad Bruttiū primum agrum depopulandum duci iussit, inde ad Cauloneam urbem oppugnandam. imperata non impigne solum sed etiam avide executi direptis fugatisque cultoribus agri summa vi urbem oppugnabant. Marcellus et consulis litteris excitus et quia ita induxerat in animum neminem ducem Romanum tam parem Hannibali quam se esse, ubi primum in agris pabuli copia fuit, ex hibernis profectus ad Canusium Hannibali occurrit sollicitabat ad defectionem Canusinos Poenus; 8 ceterum ut adpropinquare Marcellum audivit, castra

inde movit. aperta erat regio sine ullis ad insidias latebris; itaque in loca saltuosa cedere inde coepit. Marcellus vestigiis instabat castraque castris conferebat et opere perfecto extemplo in aciem legiones educebat. Hannibal turmatim per equites peditumque iaculatores levia certamina serens casum universae pugnae non necessarium ducebat. tractus est tamen ad id, quod vitabat, certamen. nocte praegressum adsequitur locis planis ac patentibus Marcellus; castra inde ponentem pugnando undique in munitores operibus prohibet. ita signa conlata pugnatumque totis copiis et, cum iam nox instaret, Marte aequo discessum est. castra exiguo distantia spatio raptim ante noctem permunita. postero die luce prima Marcellus in aciem copias eduxit; nec Hannibal detractavit certamen multis verbis adhortatus milites, ut memores Trasumenni Cannarumque contunderent ferociam hostis: urgere atque instare eum, non iter quietos facere, non castra ponere pati, non respirare aut circumspicere; cotidie simul orientem solem et Romanam aciem in campis videndam esse: si uno proelio haud incuruentus abeat, quietius deinde tranquiliusque eum bellaturum. his irritati adhortationibus simulque taedio ferociae hostium cotidie instantium lacessientiumque acriter proelium ineunt.

pugnatum amplius duabus horis est. cedere inde ab Romanis dextra ala et extraordinarii coopere. quod ubi Marcellus vidit, duodevicensimam legionem in primam aciem inducit. dum alii trepidi cedunt, alii segniter subeunt, turbata tota acies est, dein prorsus fusa, et vincente pudorem metu terga dabant. cecidere in pugna fugaque ad duo milia et septingenti civium sociorumque; in iis quattuor Romani centuriones, duo tribuni militum, M. Licinius et M. Helvius. signa militaria quattuor de ala, prima quae fugit, duo de legione, quae cedentibus sociis successerat, amissa.

XIII. Marcellus, postquam in castra redditum est, contentionem adeo saevam atque acerbam apud milites

habuit, ut proelio per diem totum infeliciter tolerato tristior iis irati ducis oratio esset. „dis immortalibus, ut in tali re, laudes gratesque“ inquit „ago, quod vix hostis cum tanto pavore incidentibus vobis in vallum portasque non ipsa castra est adgressus; deseruissetis profecto eodem terrore castra, quo omisistis pugnam. qui pavor hic, qui terror, quae repente, qui et cum quibus pugnaretis, oblivio animos cepit? nempe idem sunt hi hostes, quos vincendo et victos sequendo priorem aestatem absumpsistis, quibus dies noctesque fugientibus per hos dies institistis, quos levibus proeliis fatigastis, quos hesterno die nec iter facere nec castra ponere passi estis. omitto ea, quibus gloriari potestis; cuius et ipsius pudere ac paenitere vos oportet, referam. nempe aequis manibus hesterno die diremisti pugnam. quid haec nox, quid hic dies attulit? vestræ iis copiae inminutæ sunt an illorum auctæ? non equidem mihi cum exercitu meo loqui videor nec cum Romanis militibus; corpora tantum atque arma sunt eadem. an, si eosdem animos habuissetis, terga vestræ vidisset hostis? signa alicui manipulo aut cohorti ademisset? adhuc caesis legionibus Romanis glorificabatur; vos illi hodierno die primum fugati exercitus dedistis decus.“ clamor inde ortus, ut veniam eius diei daret; ubi vellet deinde experiretur militum sūorum animos. „ego vero experiar“ inquit, „milites, et vos crastino die in aciem educam, ut victores potius quam victi veniam impetratis quam petitis“. cohortibus, quae signa amiserant, hordeum dari iussit, centurionesque manipulorum, quorum signa amissa fuerant, destricis gladiis discinctos destituit; et, ut postero die omnes, equites pedites, armati adessent, edixit. ita contio dimissa fatentium iure ac merito sese increpitatos, neque illo die virum quemquam in acie Romana fuisse praeter unum ducem, cui aut morte satisfacendum aut egregia Victoria esset. postero die armati ornataque ad edictum aderant. imperator eos conlaudat

pronuntiatque, a quibus orta pridie fuga esset, cohortesque, quae signa amisissent, se in primam aciem inducturum; edicere iam sese omnibus pugnandum ac vincendum esse et adnitendum singulis universisque, ne prius hesternae fugae quam hodiernae victoriae fama Romanam perveniat. inde cibo corpora firmare iussi, ut, si longior pugna esset, viribus sufficerent. ubi omnia dicta factaque sunt, quibus excitantur animi militum, in aciem procedunt. XIV. quod ubi Hannibali nuntiatum est, „cum eo nimirum“ inquit „hoste res est, qui nec bonam nec malam ferre fortunam possit! seu vicit, ferociter instat victis; seu vicius est, instaurat cum victoribus certamen“. signa inde canere iussit et copias educit. pugnatum utrumque aliquanto quam pridie acrius est, Poenis ad obtinendum hesternum decus adnitentibus, Romanis ad demen-
dam ignominiam. sinistra ala ab Romanis et cohortes, quae amiserant signa, in prima acie pugnabant, et legio vicensima ab dextro cornu instructa. L. Cornelius Lentulus et C. Claudius Nero legati cornibus praeverant; Marcellus medium aciem hortator testisque praeseus firmabat. ab Hannibale Hispani primam obtinebant frontem, et id roboris in omni exercitu erat. cum anceps diu pugna esset, Hannibal elephantes in primam aciem induci iussit, si quem inicere ea res tumultum ac pavorem posset. et primo turbarunt signa ordinesque, et partim oculatis partim dissupatis terrore, qui circa erant, nudaverant una parte aciem, latiusque fuga manasset, ni C. Decimius Flavus tribunus militum signo arrepto primi hastati manipulum eius signi sequi se iussisset. duxit, ubi maxime tumultum globatae beluae faciebant, pilaque in eas conici iussit. haesere omnia tela haud diffcili ex propinquuo in tanta corpora iectu et tam conferta turba. sed ut non omnes vulnerati sunt, ita in quorum tergis infixa stetere pila, ut est genus anceps, in fugam versi etiam integros avertere. tum iam non unus manipulus, sed pro se

quisque miles, qui modo adsequi agmen fugientium elephantorum poterat, pila conicere. eo magis ruere in suos beluae tantoque maiorem stragem edere, quam inter hostes ediderant, quanto acrius pavor consernatam agit, quam insidentis magistri imperio regitur. in perturbatam transcursu beluarum aciem signa in-
ferunt Romani pedites et hand magno certamine disupatos trepidantesque avertunt. tum in fugientes equitatum immittit Marcellus, nec ante finis sequendi est factus, quam in castra paventes compulsi sunt. nam super alia, quae terrorem trepidationemque facerent, elephanti quoque duo in ipsa porta corruerant, coactique erant milites per fossam vallumque ruere in castra. ibi maxima hostium caedes facta: caesa ad octo milia hominum, quinque elephanti. nec Romanis incruenta victoria fuit: mille ferme et septingenti de duabus legionibus et sociorum supra mille et trecentos occisi; vulnerati permulti civium sociorumque. Hannibal nocte proxima castra movit; cupientem insequi Marcellum prohibuit multitudo sauciorum. XV. speculatores, qui prosequerentur agmen, missi postero die rettulerunt Bruttios Hannibalem petere.

Isdem ferme diebus et ad Q. Fulvium consulem Hirpini et Lucani et Volcientes traditis praesidiis Hannibal, quae in urbibus habebant, dediderunt sese, clementerque a consule cum verborum tantum castigatione ob errorem praeteritum accepti. et Bruttiis similis spes veniae facta est, cum ab iis Vibius et Paccius fratres, longe nobilissimi gentis eius, eandem, quae data Lucanis erat, condicione deditio petentes venissent. Q. Fabius consul oppidum in Sallentinis Manduriā vi cepit. ibi ad tria milia hominum capta et ceterae praedae aliquantum. inde Tarentum profectus in ipsis faueibus portus posuit castra. naves, quas Laevinus tutandis commeatibus habuerat, partim machinationibus onerat apparatusque moenium oppugnandorum, partim tormentis et saxis omnique

missilium telorum genere instruit, onerarias quoque,
6 non eas solum, quae remis agerentur, ut alii machinas
scalasque ad muros ferrent, alii procul ex navibus
7 vulnerarent moenium propugnatores. hae naves ut ab
aperto mari urbem adgredierentur, instructae paratae-
que sunt. et erat liberum mare classe Punica, cum
Philippus oppugnare Aetolos pararet, Coreyram tra-
8 missa. in Bruttis interim Cauloneae propugnatores sub
adventum Hannibal, ne opprimerentur, in tumulum
a praesenti impetu tutum, ad cetera inopem, con-
cessere.

9 Fabium Tarentum obsidentem leve dictu momen-
tum ad rem ingentem potiundam adiuvit. praesidium
Bruttiorum datum ab Hannibale Tarentini habebant.
eius praesidii praefectus deperibat amore mulierculae,
10 cuius frater in exercitu Fabii consulis erat. is certior
litteris sororis factus de nova consuetudine advenae
locupletis atque inter popularis tam honorati, spem
nactus per sororem quolibet inpelli amantem posse,
11 quid speraret ad consulem detulit. quae cum haud
vana cogitatio visa esset, pro perfuga iussus Tarentum
transire, ac per sororem praefecto conciliatus, primo
occulte temptando animum, dein satis explorata levitate
blanditiis muliebribus perpulit eum ad proditionem
12 custodiae loci, cui praepositus erat. ubi et ratio agen-
dae rei et tempus convenit, miles nocte per intervalla
stationum clam ex urbe emissus ea, quae acta erant,
quaeque ut agerentur convenerat, ad consulem refert.
13 Fabius vigilia prima dato signo iis, qui in arce erant,
quique custodiam portus habebant, ipse circumito portu
ab regione urbis in orientem versa occultus consedit.
14 canere inde tubae simul ab arce simul a portu et ab
navibus, quae ab aperto mari ad pulsae erant, clamor-
que undique cum ingenti tumultu, unde minimum
periculi erat, de industria ortus. consul interim silentio
15 continebat suos. igitur Democrates, qui praefectus
antea classis fuerat, forte illo loco praepositus, post-

quam quieta omnia circa se vidit, alias partes eo tu-
multu personare, ut captae urbis interdum excitaretur
clamor, veritus, ne inter cunctationem suam consul
16 aliquam vim faceret ac signa inferret, praesidium ad
arcem, unde maxime terribilis accidebat sonus, tra-
ducit. Fabius cum et ex temporis spatio et ex silentio
17 ipso, quod, ubi paulo ante strepebant excitantes vocan-
tesque ad arma, inde nulla accidebat vox, deductas
custodias sensisset, ferri scalas ad eam partem muri,
qua Bruttiorum cohortem praesidium agitare prodi-
tionis conciliator nuntiaverat, iubet. ea primum captus
18 est murus adiuvantibus recipientibusque Bruttis, et
transensem in urbem est; inde et proxima refracta
porta, ut frequenti agmine signa inferrentur. tum cla-
more sublato sub ortum ferme lucis nullo obvio armato
in forum pervenient, omnesque undique, qui ad arcem
portumque pugnabant, in se converterunt. XVI. proe-
19 lium in aditu fori maiore impetu quam perseverantia
commissum est: non animo, non armis, non arte belli,
non vigore ac viribus corporis par Romano Taren-
tinus erat. igitur pilis tantum coniectis, prius paene,
2 quam consererent manus, terga dederunt, dilapsique
per nota urbis itinera in suas amicorumque domos.
duo ex ducibus Nico et Democrates fortiter pugnantes
3 cecidere; Philemenus, qui proditionis ad Hannibalem
auctor fuerat, cum citato equo ex proelio avectus
4 esset, vacuus paulo post equus errans per urbem cog-
nitus, corpus nusquam inventum est: creditum vulgo
est in puteum apertum ex equo praecipitasse. Car-
thalonem autem, praefectum Punici praesidii, cum
commemoratione paterni hospitii positis armis venien-
tem ad consulem miles obvius obruncat. alii alios
5 passim sine discriminé armatos inermisque caedunt,
Carthaginienses Tarentinosque pariter. Bruttii quoque
multi passim interficti, seu per errorem seu vetere in
eos insito odio seu ad proditionis famam, ut vi potius
6 atque armis captum Tarentum videretur, extinguen-

7 dam. tum a caede ad diripiendam urbem discursum
milia triginta servilium capitum dicuntur capta, ar-
genti vis ingens facti signatique, auri octoginta tria
milia pondo, signa et tabulae, prope ut Syracusorum
8 ornamenta aquaverint. sed maiore animo generis eius
praeda abstinuit Fabius quam Marcellus; qui inter-
roganti scriba, quid fieri signis vellet ingentis magni-
tudinis — di sunt, suo quisque habitu in modum
pugnantium formati —, deos iratos Tarentinis relin-
9 qui iussit. murus inde, qui urbem ab arce dirimebat,
dirutus est ac disiectus.

Dum haec Tarenti aguntur, Hannibal, iis, qui
10 Cauloneam obsidebant, in ditionem acceptis, audita
oppugnatione Tarenti dies noctesque cursim agmine
acto, cum festinans ad opem ferendam captam urbem
audisset, „et Romani suum Hannibalem“ inquit „habent:
11 eadem qua ceperamus arte Tarentum amissimus“. ne
tamen fugientis modo convertisse agmen videretur,
quo constituerat loco, quinque milia ferme ab urbe
posuit castra. ibi paucos moratus dies Metapontum
12 sese recepit, inde duos Metapontinos cum litteris prin-
cipum eius civitatis ad Fabium Tarentum mittit, fidem
ab consule accepturos in puncta iis priora fore, si Me-
tapontum cum praesidio Punico prodiissent. Fabius
quae adferrent vera esse ratus diem, qua accessurus
13 esset Metapontum, constituit litterasque ad principes
14 dedit, quae ad Hannibalem delatae sunt. enim vero
laetus successu fraudis, si ne Fabius quidem dolo in-
victus fuisset, haud procul Metaponto insidias ponit.
15 Fabio auspicanti, priusquam egrederetur ab Tarento,
aves semel atque iterum non addixerunt; hostia quo-
que caesa consulenti deos haruspex cavendum a fraude
16 hostili et ab insidiis praedixit. Metapontini, postquam
ad constitutam non venerat diem, remissi, ut cunctan-
tem hortarentur, ac repente comprehensi metu gra-
vioris quaestionis detegunt insidias.

1 XVII. Aestatis eius principio, qua haec ageban-

tur, P. Scipio in Hispania cum hiemem totam recon-
ciliandis barbarorum animis partim donis partim re-
missione obsidum captivorumque absumpsisset, Edeso ad eum clarus inter duces Hispanos venit. erant coniunx ²
liberique eius apud Romanos; sed praeter eam causam
etiam velut fortuita inclinatio animorum, quae His-
paniam omnem averterat ad Romanum a Punico im-
perio, traxit eum. eadem causa Indibili Mandonioque ³
fuit, haud dubie omnis Hispaniae principibus, cum
omni popularium manu relieto Hasdrubale secedendi
in imminentes castris eius tumulos, unde per continen-
tia inga tutus receptus ad Romanos esset. Hasdrubal, ⁴
cum hostium res tantis augescere incrementis cerneret,
suas imminui, ac fore ut, nisi audendo aliquid moveret,
qua coepissent, fluerent, dimicare quam primum statuit.
Scipio avidior etiam certaminis erat, cum a spe, quam
successus rerum augebat, tum quod, priusquam iun-
gerentur hostium exercitus, cum uno dimicare duce
exercituque quam simul cum universis malebat. cete-
rum, etiamsi cum pluribus pariter dimicandum foret, ⁵
arte quadam copias auxerat. nam cum videret nullum
esse navium usum, quia vacua omnis Hispaniae ora
classibus Punicis erat, subductis navibus Tarracone
navales socios terrestribus copiis addidit. et armorum
adfatim erat, et captorum Carthagine et quae post
captam eam fecerat tanto opificum numero inclusio ⁷
officinis. cum iis copiis Scipio veris principio ab Tar-
racone egressus — iam enim et Laelius redierat ab
Roma, sine quo nihil maioris rei motum volebat — du-
cere ad hostem pergit. per omnia pacata eunti, ut
cuiusque populi fines transiret, prosequentibus ex-
cipientibusque sociis, Indibilis et Mandonius cum suis ⁸
copiis occurserunt. Indibilis pro utroque locutus, haud-
quaquam *ut* barbarus stolidi incauteve, sed potius
cum verecundia *ac* gravitate propiorque excusanti
transitionem ut necessariam, quam glorianti eam velut
primam occasionem raptam: scire enim se transfugae ¹⁰
11

nomen execrabile veteribus sociis, novis suspectum esse; neque eum se reprehendere morem hominum, si
 12 tamen anceps odium causa, non nomen faciat. merita
 inde sua in duces Carthaginenses commemoravit,
 avaritiam contra eorum superbiamque et omnis generis
 13 iniurias in se atque populares. itaque corpus dumtaxat
 suum ad id tempus apud eos fuisse; animum iam pri-
 dem ibi esse, ubi ius ac fas crederent coli. ad deos
 quoque confugere supplices, qui nequeant hominum
 14 vim atque iniurias pati; se id Scipionem orare, ut
 transitio sibi nec fraudi apud eum nec honori sit;
 quales ex ea die experiundo cognorit, perinde operae
 15 eorum pretium faceret. ita prorsus respondet facturum
 Romanus nec pro transfugis habiturum, qui non
 duxerint societatem ratam, ubi nec divini quicquam
 16 nec humani sanctum esset. productae deinde in con-
 spectum iis coniuges liberique lacrumentibus gaudio
 17 redundunt, atque eo die in hospitium abducti; postero
 die foedere accepta fides, dimissique ad copias adducen-
 das. isdem deinde castris tendebant, donec ducibus iis
 ad hostem perventum est.

¹ XVIII. Proximus Carthaginensium exercitus Has-
 drubalis prope urbem Baeculam erat. pro castris
 2 equitum stationes habebant. in eas velites antesignani-
 que et qui primi agminis erant, advenientes ex itinere,
 priusquam castris locum caperent, adeo contemptim
 impetum fecerunt, ut facile appareret, quid utriusque
 3 parti animorum esset. in castra trepida fuga compulsi
 equites sunt, signaque Romana portis prope ipsis inflata.
 4 atque illo quidem die irritatis tantum ad certamen
 5 animis castra Romani posuerunt. nocte Hasdrubal in
 tumulum copias recipit plano campo in summo pa-
 tentem; fluvius ab tergo, ante circaque velut ripa
 6 praeeceps oram eius omnem cingebat. suberat et altera
 inferior sumissa fastigio planities; eam quoque altera
 7 crepido haud faciliori ascensu ambibat. in hunc in-
 feriorem campum postero die Hasdrubal, postquam

stantem pro castris hostium aciem vidit, equites
 Numidas leviumque armorum Baliares et Afros de-
 misit. Scipio circumvectus ordines signaque ostendebat
 8 hostem, praedamnata spe aequo dimicandi campo
 captantem tumulos, loci fiducia, non virtutis aut armo-
 rum stare in conspectu; sed altiora moenia habuisse
 Carthaginem, quae transcendisset miles Romanus: nec
 tumulos nec arcem, ne mare quidem armis obstissee
 suis. ad id fore altitudines, quas cepissent, hostibus,
 ut per praecipitia et praerupta salientes fugerent; eam
 quoque se illis fugam clausurum. cohortesque duas
 10 alteram tenere fauces vallis, per quam deferretur am-
 nis, iubet, alteram viam insidere, quae ab urbe per
 tumuli obliqua in agros ferret. ipse expeditos, qui
 pridie stationes hostium pepulerant, ad levem arma-
 turam infimo stantem supercilio ducit. per aspreta
 11 primum, nihil aliud quam via impediti, iere. deinde,
 ut sub ictum venerunt, telorum primo omnis generis
 vis ingens effusa in eos est, ipsi contra saxa, quae
 12 locus strata passim, omnia ferme missilia, praebet,
 ingerere, non milites solum sed etiam turba calonum
 inmixta armatis. ceterum quamquam ascensus difficilis
 erat, et prope obruebantur telis saxisque, adsuetudine
 tamen succedendi muros et pertinacia animi subierant
 primi. qui simul cepere aliquid aequi loci, ubi firmo
 14 consistenter gradu, levem et concursatorem hostem
 atque intervallo tutum, cum procul missilibus pugna
 eluditur, instabilem eundem ad communis conserendas
 manus, expulerunt loco et cum caede magna in aciem
 15 altiori superstans tumulo impegero. inde Scipio
 iussis adversus medium evadere aciem victoribus ce-
 teras copias cum Laelio dividit, atque eum parte dextra
 tumuli circumire, donec mollioris ascensus viam in-
 veniret, iubet; ipse ab laeva circumitu haud magno
 in transversos hostes incurrit. inde primo turbata acies
 16 est, dum ad circumsonantem undique clamorem flec-
 tere cornua et obvertere ordines volunt, hoc tumultu
 17

et Laelius subiit, et, dum pedem referunt, ne ab tergo vulnerarentur, laxata prima acies locusque ad evadendum et mediis datus est, qui per tam iniquum locum stantibus integris ordinibus elephantisque ante signa locatis numquam evassisent. cum ab omni parte caedes fieret, Scipio, qui laevo cornu in dextrum inecurrerat, maxime in nuda latera hostium pugnabat. et iam ne fugae quidem patebat locus; nam et stationes utrimque Romanae dextra laevaque insederant vias, et porta castrorum ducis principumque fuga clausa erat, addita trepidatione elephantorum, quos territos aequa atque hostes timebant. caesa igitur ad octo milia hominum.

XIX. Hasdrubal, iam antequam dimicaret pecunia rapta elephantisque praemissis, quam plurimos poterat de fuga excipiens praeter Tagum flumen ad Pyrenaeum tendit. Scipio castris hostium potitus, cum praeter libera capita omnem praedam militibus concessisset, in recensendis captivis decem milia peditum duo milia equitum invenit. ex iis Hispanos sine pretio omnes domum dimisit, Afros vendere quaestorem iussit. circumfusa inde multitudo Hispanorum et ante deditorum et pridie captorum regem eum ingenti consensu appellavit. tum Scipio silentio per praecomenem facto sibi maximum nomen imperatoris esse dixit, quo se milites sui appellassent; regium nomen, alibi magnum, Romae intolerabile esse. regalem animum in se esse, si id in hominis ingenio amplissimum ducerent, taciti iudicarent, vocis usurpatione abstinerent. sensere etiam barbari magnitudinem animi, cuius miraculo nominis alii mortales stupeant, id ex tam alto fastigio aspernantis.

Dona inde regulis principibusque Hispanorum divisa, et ex magna copia captorum equorum trecentos, quos vellet, eligere Indibilem iussit. cum Afros venderet iussu imperatoris quaestor, puerum adultum inter eos forma insigni cum audisset regii generis esse, ad Scipionem misit. quem cum percunctaretur Scipio, quis et cuius et cur id aetatis in castris fuisset,

Numidam esse se ait, Massivam populares vocare; orbum a patre relictum, apud maternum ayum Galam, regem Numidarum, eductum, cum avunculo Masinissa, qui nuper cum equitatu subsidio Carthaginiensibus venisset, in Hispaniam traieisse. prohibitum propter aetatem a Masinissa numquam ante proelium imisse; eo die, quo pugnatum cum Romanis esset, inscio avunculo, clam armis equoque sumpto in aciem exisse; ibi prolapsso equo effusum in praeeeps captum ab Romanis esse. Scipio cum adservari Numidam iussisset, quae pro tribunali agenda erant, peragit; inde cum se in praetorium recepisset, vocatum eum interrogat, velletne ad Masinissam reverti. cum effusis gandio lacrimis cupere vero dicaret, tum pueru anulum aureum, tunicam lato clavo cum Hispano sagulo et aurea fibula equumque ornatum donat, iussisque prosequi, quoad vellet, equitibus dimisit.

XX. De bello inde consilium habitum. et auctoribus quibusdam, ut confessim Hasdrubalem consequetur, anceps id ratus, ne Mago atque alter Hasdrubal cum eo iungerent copias, praesidio tantum ad insidendum Pyrenaeum missso ipse reliuum aestatis recipiendis in fidem Hispaniae populis absumpsit.

Paucis post proelium factum ad Baeculam diebus, cum Scipio rediens iam Tarraconem saltu Castulonensi excessisset, Hasdrubal Gisgonis filius et Mago imperatores ex ulteriore Hispania ad Hasdrubalem venere, serum post male gestam rem auxilium, consilio in cetera exequenda belli haud parum opportuni. ibi conferentibus, quid in cuiusque provinciae regione animorum Hispanis esset, unus Hasdrubal Gisgonis ultimam Hispaniae oram, quae ad Oceanum et Gades vergit, ignaram adhuc Romanorum esse coque Carthaginiensibus satis fidam censebat; inter Hasdrubalem alterum et Magonem constabat beneficiis Scipionis occupatos omnium animos publice privatimque esse, nec transitionibus finem ante fore, quam omnes His-

pani milites aut in ultima Hispaniae amoti aut tra-
6 ducti in Galliam forent. itaque, etiam si senatus Car-
thaginiensium non censisset, eundum tamen Hasdrubali
7 fuisse in Italiam, ubi belli caput rerumque summa
esset, simul ut Hispanos omnes procul ab nomine
Scipionis ex Hispania abduceret; exercitum eius cum
transitionibus tam adverso proelio immunitum Hispanis
repleri militibus, et Magonem, Hasdrubali Gisgonis
8 filio tradito exercitu, ipsum cum grandi pecunia ad
conducenda mercede auxilia in Baleares tracere; Has-
drubalem Gisgonis cum exercitu penitus in Lusitaniam
abire nec cum Romano manus conserere; Masinissae
ex omni equitatu, quod roboris esset, tria milia equi-
tum expleri, eumque vagum per citeriorem Hispaniam
sociis opem ferre, hostium oppida atque agros popu-
lari, his decretis ad exequenda quae statuerant duces
digressi. haec eo anno in Hispania acta.

9 Romae fama Scipionis in dies crescere, Fabio
Tarentum captum astu magis quam virtute gloriae
10 tamen esse, Fulvi senescere fama, Marcellus etiam
adverso rumore esse, superquam quod primo male
pugnaverat, quia vagante per Italiam Hannibale media
11 aestate Venusiam in tecta milites abduxisset. inimicus
erat ei C. Publicius Bibulus tribunus plebis. is iam a
prima pugna, quae adversa fuerat, adsiduis contionibus
infamem invisumque plebei Claudium fecerat et iam
12 de imperio abrogando eius agebat, cum tamen neces-
sarii Claudi obtinuerunt, ut relicto Venusiae legato
Marcellus Romam veniret ad purganda ea, quae inimici
obicerent, nec de imperio eius abrogando absente ipso
13 ageretur. forte sub idem tempus et Marcellus ad de-
precandam ignominiam et Q. Fulvius consul comitio-
rum causa Romam venit. XXI. actum de imperio
1 Marcelli in circu Flaminio est ingenti concursu plebis
2 que et omnium ordinum; accusavitque tribunus plebis
non Marcellum modo sed omnem nobilitatem: fraude
eorum et cunctatione fieri, ut Hannibal decimum iam

annum Italiam provinciam habeat, diutius ibi quam
Carthagine vixerit. habere fructum imperii prorogati
3 Marcello populm Romanum: bis caesum exercitum
eius aestiva Venusiae sub tectis agere. hanc tribuni
orationem ita obruit Marcellus commemoratione rerum
suarum, ut non rogatio solum de imperio eius abro-
gando antiquaretur, sed postero die consulem eum
4 ingenti consensu centuriae omnes crearent additur
conlega T. Quinctius Crispinus, qui tum praetor erat
postero die praetores creati P. Licinius Crassus Dives
5 pontifex maximus, P. Licinius Varus, Sex. Iulius Caesar,
Q. Clandius Flamen.

Comitiorum ipsorum diebus sollicita civitas de
Etruria defectione fuit. principium eius rei ab Ar-
retinis fieri C. Calpurnius scripsérat, qui eam provin-
ciam pro praetore obtinebat. itaque confestim eo
missus Marcellus consul designatus, qui rem inspiceret
6 ac, si digna videretur, exercitu accito bellum ex Apulia
in Etruriam transferret. eo metu compressi Etrusci
quiieverunt. Tarentinorum legatis pacem petentibus
7 cum libertate ac legibus suis responsum ab senatu
cum redirent, cum Fabius consul Romam venisset.

Ludi et Romani et plebei eo anno in singulos
8 dies instaurati. aediles curules fuere L. Cornelius
Caudinus et Ser. Sulpicius Galba, plebei C. Servilius
et Q. Caecilius Metellus. Servilium negabant iure aut
tribunum plebis fuisse aut aedilem esse, quod patrem
10 eius, quem triumvirum agrarium occisum a Bois circa
Mutinam esse opinio per decem annos fuerat, vivere
atque in hostium potestate esse satis constabat.

XXII. Undecimo anno Punici belli consulatum
1 inierunt M. Marcellus quintum — ut numeretur con-
sulatus, quem vitio creatus non gessit — et T. Quinc-
tius Crispinus. utrisque consulibus Italia decreta pro-
vincia est et duo consulum prioris anni exercitus —
2 tertius Venusiae tum erat, cui Marcellus praefuerat —,
ita, ut ex tribus eligerent duo, quos vellent, tertius

ei traderetur, cui Tarentum et Sallentini provincia evenisset. ceterae provinciae ita divisae: praetoribus P. Licinio Varo urbana, P. Licinio Crasso pontifici maximo peregrina et quo senatus censuisset, Sex. Iulio Caesari Sicilia, Q. Claudio Flaminii Tarentum. prorogatum in annum imperium est Q. Fulvio Flacco, ut provinciam Capuam, quae T. Quinti praetoris fuerat, cum una legione obtineret. prorogatum et C. Hostilio Tubulo est, ut pro praetore in Etruriam ad duas legiones succederet C. Calpurnio. prorogatum et L. Vetorio Philoni est, ut pro praetore Galliam eandem provinciam cum isdem duabus legionibus obtineret, quibus praetor obtinueret. quod in L. Vetorio, idem in C. Aurunculeio decretum ab senatu latumque de prorogando imperio ad populum est, qui praetor Sardiniam provinciam cum duabus legionibus obtinuerat. additae ei ad praesidium provinciae quinquaginta longae naves, quas P. Scipio ex Hispania misisset. et P. Scipioni et M. Silano suae Hispaniae suique exercitus in annum decreti; Scipio ex octoginta navibus, quas aut secum ex Italia adductas aut captas Carthagine habebat, quinquaginta in Sardiniam trahittere iussus, quia fama erat magnum navalem apparatum eo anno Carthagine esse, ducentis navibus omnem oram Italiae Siciliaeque ac Sardiniae impleturos. et in Sicilia ita divisa res est: Sex. Caesari exercitus Cannensis datus est; M. Valerius Laevinus — ei quoque enim prorogatum imperium est — classem, quae ad Siciliam erat, navium septuaginta obtineret, adderet eo triginta naves, quae ad Tarentum priore anno fuerant; eum ea centum navium classe, si videretur ei, praedatum in Africam traiceret. et P. Sulpicio, ut eadem classe Macedoniam Graeciamque provinciam haberet, prorogatum in annum imperium est. de duabus, quae ad urbem Romam fuerant, legionibus nihil mutatum. supplementum, quo opus esset, ut scriberent consulis permisum, una et viginti legionibus eo anno de-

fenum imperium Romanum est. et P. Licinio Varo praetori urbano negotium datum, ut naves longas triginta veteres reficeret, quae Ostiae erant, et viginti novas naves sociis navalibus conpleret, ut quinquaginta navium classe oram maris vicinam urbi Romanae tueri posset. C. Calpurnius vetitus ab Arretio movere exercitum, nisi cum successor venisset; idem et Tubulo imperatum, ut inde praecipue caveret, ne qua nova consilia opererentur.

XXIII. Praetores in provincias profecti; consules religio tenebat, quod prodigiis aliquot nuntiatis non facile litabant. et ex Campania nuntiata erant, Capuae duas aedes, Fortunae et Martis, et sepultra aliquot de caelo tacta, Cumis — adeo minimis etiam rebus prava religio inserit deos — mures in aede Iovis aurum rosisse, Casini examen apium ingens in foro consedisse, et Ostiae murum portamque de caelo tactam, Caere vulturium volasse in aedium Iovis, Vulnini sanguine lacum manasse. horum prodigiorum causa diem unum supplicatio fuit. per dies aliquot hostiae maiores sine litatione caesae, diuque non impetrata pax deum. in capita consulum re publica incolumi exitiabilis prodigiorum eventus vertit.

Ludi Apollinares Q. Fulvio Ap. Claudio consulibus a P. Cornelio Sulla praetore urbano primum facti erant; inde omnes deinceps praetores urbani fecerant; sed in unum annum vovebant dieque incerta faciebant. eo anno pestilentia gravis incidit in urbem agrosque, quae tamen magis in longos morbos quam in perniciabiles evasit. eius pestilentiae causa et supplicatum per compita tota urbe est, et P. Licinius Varus praetor urbanus legem ferre ad populum iussus, ut ii ludi in perpetuum in statam diem voverentur. ipse primus ita vovit, fecitque ante diem tertium idus Quintiles. is dies deinde sollemnis servatus.

XXIV. De Arretinis et fama in dies gravior et cura crescere patribus. itaque C. Hostilio scriptum

est, ne differret obsides ab Arretinis accipere, et, cui traduceret Romam deducendos, C. Terentius Varro cum imperio missus. qui ut venit, extemplo Hostilius legiōnē unā, quae ante urbē castra habebat, signa in urbē ferre iussit praeſidiaque locis idoneis dispoſuit; tum in forum citatis senatoribus obsides im-³peravit. cum senatus biduum ad considerandum [tempus] peteret, aut ipsos extemplo dare aut se postero die senatorum omnes liberos sumpturum edixit. inde portas custodire iussit tribunos militum praeſectosque socium ⁴ et centuriones, ne quis nocte urbe exiret. id segnius neglegentiusque factum: septem principes senatus, priusquam custodiae in portis locarentur, ante noctem ⁵ cum liberis evaserunt. postero die luce prima, cum senatus in forum citari coepitus esset, desiderati, bona-que eorum venierunt. a ceteris senatoribus centum viginti obsides, liberi ipsorum, accepti traditique ⁶ C. Terentio Romam deducendi. is omnia suspectiora, quam ante fuerant, in senatu fecit. itaque tamquam imminentē Etrusco tumultu legionē unā, alteram ex urbanis, Arretium ducere iussus ipse C. Terentius, ⁷ eamque habere in praeſidio urbē; C. Hostiliū cum cetero exercitu placuit totam provinciam peragrare et cavere, ne qua occasio novare cupientibus res dare-⁸ tur. C. Terentius ut Arretium cum legione venit, claves portarum cum magistratus poposcisset, negantibus iis comparere, fraude amotas magis ratus quam negle-⁹gentia intercidisse, ipse alias claves omnibus portis imposuit, cavitque cum cura, ut omnia in potestate sua essent; Hostiliū intentius monuit, ut in eo spem non moturos quicquam Etruscos poneret, si, ne quid movere possent, praecavisset.

¹ XXV. De Tarentinīs inde magna contentionē in senatu actum coram Fabio, defendantē ipso quos cēperat armis, aliis infensis et plerisque aequantibus ² eos Campanorū noxae poenaeque. senatus consultum in sententiam M'. Acili factum est, ut oppidum prae-

sido custodiretur, Tarentinīque omnes intra moenia continerentur, res integra postea referretur, cum tranquillior status Italiae esset. et de M. Livio praeſecto ³ arcis Tarentinæ haud minore certamine actum est, aliis senatus consulto notantibus praeſectum, quod eius socordia Tarentum proditum hosti esset, aliis ⁴ praeſemia decernentibus, quod per quinquennium arce ⁵ tutatus esset, maximeque unius eius opera receptum Tarentum foret, mediis ad censores, non ad senatum notionem de eo pertinere dicentibus. cuius sententiae et Fabius fuit; adiecit tamen fateri se opera Livi Tarentum receptum, quod amici eius vulgo in senatu iactassent: neque enim recipiundum fuisse, nisi amisum foret.

Consulū alter T. Quinetius Crispinus ad exer-⁶ citum, quem Q. Fulvius Flaccus habuerat, cum sup-⁷plemento in Lucanos est profectus. Marcellum aliae atque aliae obiectae animo religiones tenebant, in quibus quod, cum bello Gallico ad Clastidium aedem Honori et Virtuti vovisset, dedicatio eius a pontifici-⁸ bus impediabatur, quod negabant unam cellam duobus diis recte dedicari, quia, si de caelo tacta aut prodigii aliquid in ea factum esset, difficilis procuratio foret, quod utri deo res divina fieret, sciri non posset: ne-⁹que enim duobus nisi certis deis rite una hostia fieri. ita addita Virtutis aedes ad properato opere; neque tamen ab ipso aedes eae dedicatae sunt. tum demum ¹⁰ ad exercitum, quem priore anno Venusiae reliquerat, cum supplemento proficieſcitur.

Locros in Bruttis Crispinus oppugnare conatus, ¹¹ quia magnam famam attulisse Fabio Tarentum rebatur, omne genus tormentorum machinarumque ex Sicilia arcessierat; et naves indidem accitae erant, quae ver-¹²gentem ad mare partem urbē oppugnarent. ea omissa oppugnatō est, quia Lacinium Hannibal admoverat copias, et conlegam eduxisse iam a Venusia exercitum fama erat, cui coniungi volebat. itaque in Apuliam ex ¹³ ^{14*}

Bruttiis redditum, et inter Venusiam Bantiamque minus
trium milium passuum intervallo consules binis castris
11 consederunt. in eandem regionem et Hannibal redit
averso ab Locris bello. ibi consules ambo ingenio
feroces prope cotidie in aciem exire haud dubia spe,
si duobus exercitibus consularibus iunctis commisisset
sese hostis, debellari posse.

XXVI. Hannibal quia cum Marcello bis priore
anno congressus vicerat victusque erat, ut, cum eodem
si dimicandum foret, nec spem nec metum ex vano
haberet, ita duobus consulibus haudquaquam sese
2 parem futurum credebat. itaque totus in suas artes
3 versus insidiis locum quaerebat. levia tamen proelia
inter bina castra vario eventu fiebant; quibus cum
extrahi aestatem posse consules crederent, nihilo minus
oppugnari Locros posse rati, L. Cincio, ut ex Sicilia
4 Locros cum classe traiceret, scribunt. et ut ab terra
quoque oppugnari moenia possent, ab Tarento partem
5 exercitus, qui in praesidio erat, duci eo iusserunt. ea
ita futura per quosdam Thurinos conperta Hannibali
cum essent, mittit ad insidendam ab Tarento viam.
ibi sub tumulo Peteliae tria milia equitum, duo pe-
ditum in occulto locata; in quae inexplorato euntes
Romani cum incidissent, ad duo milia armatorum
caesa, mille. et quingenti ferme vivi capti, alii dissu-
pati fuga per agros saltusque Tarentum rediere.

Tumulus erat silvestris inter Punica et Romana
castra, ab neutris primo occupatus, quia Romani,
qualis pars eius, quae vergeret ad hostium castra,
esset, ignorabant, Hannibal insidiis quam castris
8 aptiorem eum crediderat. itaque nocte ad id missas
aliquot Numidarum turmas medio in saltu condiderat,
quorum interdiu nemo ab statione movebatur, ne aut
9 arma aut ipsi procul conspicerentur. fremebant vulgo
in castris Romanis occupandum eum tumulum esse et
castello firmandum, ne, si occupatus ab Hannibale
10 foret, velut in cervicibus haberent hostem. movit ea

res Marcellum, et conlegae „quin imus“ inquit „ipsi
cum equitibus paucis exploratum? subiecta res oculis
nostris certius dabit consilium“. adsentienti Crispino 11
cum equitibus ducentis viginti, ex quibus quadraginta
Fregellani, ceteri Etrusci erant, proficiscuntur; secuti 12
tribuni militum, M. Marcellus consulis filius et A. Man-
lius, simul et duo praefecti socium L. Arrenius et
M'. Aulius. immolasse eo die quidam prodidere me- 13
moriae consulem Marcellum, et prima hostia caesa
ioceur sine capite inventum, in secunda omnia con-
paruisse, quae adsolent, auctum etiam visum in capite;
nec id sane haruspici placuisse, quod secundum trunca 14
et turpia exta nimis laeta apparuerint. XXVII. ce- 1
terum consulem Marcellum tanta cupiditas tenebat
dimicandi cum Hannibale, ut numquam satis castra
castris conlata crederet. tum quoque vallo egrediens
signum dedit, ut ad locum miles esset paratus, ut, si
collis, in quem speculatum irent, placisset, vasa col-
ligerent ac sequerentur. exiguum campi ante castra 2
erat; inde in collem aperta undique et conspecta fere-
bat via. Numidis speculator, nequaquam in spem tan-
tae rei positus, sed si quos vagos pabuli aut ligno-
rum causa longius a castris progressos possent
expicare, signum dat, ut pariter ab suis quisque late-
bris exorerentur. non ante apparuere, quibus obvii
ab iugo ipso consurgendum erat, quam circumiere, 4
qui ab tergo intercluderent viam. tum undique omnes
exorti et clamore sublaço impetum fecere. cum in ea
valle consules essent, ut neque evadere possent in
iugum occupatum ab hoste nec receptum ab tergo
circumventi haberent, extrahi tamen diutius certamen
potuisset, ni coepta ab Etruscis fuga pavorem ceteris
inieciisset. non tamen omisere pugnam deserti ab 6
Etruscis Fregellani, donec integri consules hortando
ipsique ex parte pugnando rem sustinebant; sed post-
quam vulneratos ambo consules, Marcellum etiam
transfixum lancea prolabentem ex equo moribundam 7

videre, tum et ipsi — perpauci autem supererant — cum Crispino consule duobus iaculis icto et Marcello s adolescente saucio et ipso effugerunt. interfactus A. Manlius tribunus militum, et ex duobus praefectis socium M'. Aullius occisus, L. Arrenius captus. et lictores consulum quinque vivi in hostium potestatem venerunt, ceteri aut imperfecti aut cum consule effugerunt. 9 equitum tres et quadraginta aut in proelio aut in fuga 10 ceciderunt, duodeviginti vivi capti. tumultuatum in castris fuerat, ut consulibus irent subsidio, cum consulem et filium alterius consulis saucios exiguae infelicitis expeditionis reliquias ad castra venientes 11 cernunt. mors Marcelli cum aliqui miserabilis fuit, tum quod nec pro aetate — iam enim maior sexaginta annis erat — neque pro veteris prudentia ducis tam improvide se conlegamque et prope totam rem publicam in praeeceps dederat.

12 Multos circa unam rem ambitus fecerim, si, quae de Marcelli morte variant auctores, omnia exequi 13 velim. ut omittam alios, Coelius triplicem gestae rei memoriam edit: unam traditam fama, alteram scriptam in laudatione filii, qui rei gestae interfuerit, tertiam, 14 quam ipse pro inquisita ac sibi conperta adfert. ceterum ita fama variat, ut tamen plerique loci speculandi causa castris egressum, omnes insidiis circumventum tradant.

1 XXVIII. Hannibal magnum terrorem hostibus morte consulis unius, vulnere alterius inieatum esse ratus, ne cui deesset occasio, castra in tumulum, in 2 quo pugnatum erat, exemplo transfert. ibi inventum Marcelli corpus sepelit. Crispinus, et morte conlegae et suo vulnere territus, silentio insequentis noctis profectus, quos proximos nanctus est montes, in iis 3 loco alto et tuto undique castra posuit. ibi duo duces sagaciter moti sunt, alter ad inferendam, alter ad 4 cavendam fraudem. anulis Marcelli simul cum corpore Hannibal potitus erat. eius signi errore ne cui dolus

necteretur a Poeno metuens, Crispinus circa civitates proximas miserat nuntios, occisum conlegam esse anulisque eius hostem potum: ne quibus litteris crederent nomine Marcelli compositis. paulo ante hic 5 nuntius consulis Salapiam venerat, quam litterae ab Hannibale allatae sunt Marcelli nomine compositae, se nocte, quae diem illum secutura esset, Salapiam venturum; parati milites essent, qui in praesidio erant, si quo opera eorum opus esset. sensere Salapitani 6 fraudem et ab ira non defectionis modo sed etiam equitum interfectorum rati occasionem supplicii peti, remisso retro nuntio — perfuga autem Romanus erat —, 7 ut sine arbitrio milites quae vellent agerent, oppidanos per muros urbiske opportuna loca in stationibus disponunt, custodias vigiliasque in eam noctem intentius 8 instruunt, circa portam, qua venturum hostem reban- 9 tur, quod roboris in praesidio erat opponunt. Hannibal quarta vigilia ferme ad urbem accessit. primi agminis erant perfugae Romanorum et arma Romana habebant. ii, ubi ad portam est ventum, Latine omnes loquentes excitant vigiles, aperireque portam iubent: consulem adesse. vigiles velut ad vocem eorum excitati tumul- 10 tuari, trepidare, moliri portam. cataracta deiecta clausa erat; eam partim vectibus levant, partim funibus subducunt in tantum altitudinis, ubi subire recti possent. vixdum satis patebat iter, cum perfugae certatim ruunt 11 per portam; et cum sescenti ferme intrassent, remisso fune, quo suspensa erat, cataracta magno sonitu ce- cedit. Salapitani alii perfugas neglegenter ex itinere 12 suspensa umeris, ut inter pacatos, gerentis arma invadunt, alii e turri eins portae murisque saxis, sudibus, pilis absterrent hostem. ita inde Hannibal suamet 13 ipse fraude captus abiit, profectusque ad Locrorum solvendam obsidionem, quam L. Cincius summa vi, operibus tormentorumque omni genere ex Sicilia ad- vecto oppugnabat. Magoni iam haud ferme fidenti 14 retenturum defensurumque se urbem prima spes morte

15 nuntiata Marcelli adfulsit. secutus inde nuntius Hannibalem Numidarum equitatu praemisso ipsum, quantum
16 accelerare posset, cum peditum agmine sequi. itaque ubi primum Numidas edito e speculis signo adventare
sensit, et ipse patefacta repente porta ferox in hostes
erupxit. et primo magis quia improviso id fecerat,
quam quod par viribus esset, anceps certamen erat;
17 deinde, ut supervenire Numidae, tantus pavor Romanis
est inictus, ut passim ad mare ac naves fugerent
relictis operibus machinisque, quibus muros quatiebant.
ita adventu Hannibal soluta Locrorum obsidio est.

1 XXIX. Crispinus postquam in Bruttios prefectum
Hannibalem sensit, exercitum, cui collega praefuerat,
M. Marcellum tribunum militum Venusiam abducere
2 iussit; ipse cum legionibus suis Capnam prefectus,
vix lecticae agitationem p[ro]ae gravitate vulnerum
patiens, Romam litteras de morte conlegae scripsit,
3 quantoque ipse in discrimine esset: se comitiorum
causa non posse Romanum venire, quia nec viae laborem
passurus videretur et de Tarento sollicitus esset, ne
ex Bruttii Hannibal eo converteret agmen; legatos
opus esse ad se mitti, viros prudentes, cum quibus
4 quae vellet de re publica loqueretur. hae litterae re-
citatae magnum et luctum morte alterius consulis et
metum de altero fecerunt. itaque et Q. Fabium filium
ad exercitum Venusiam miserunt, et ad consulem tres
legati missi, Sex. Iulius Caesar, L. Licinius Pollio,
L. Cincius Alimentus, cum paucis ante diebus ex
5 Sicilia redisset. hi nuntiare consuli iussi, ut, si ad
comitia ipse venire Romanum non posset, dictatorem in
6 agro Romano diceret comitiorum causa; si consul
Tarentam prefectus esset, Q. Claudium praetorem pla-
cere in eam regionem inde abducere legiones, in qua
plurimas sociorum urbes tueri posset.

7 Eadem aestate M. Valerius cum classe centum
navium ex Sicilia in Africam traxit et ad Clupeam
urbem escensione facta agrum late nullo ferme obvio

armato vastavit. inde ad naves raptim praedatores
recepti, quia repente fama accidit classem Punicam
adventare. octoginta erant et tres naves. cum his haud
procul Clupea prospere pugnat Romanus. decem et
octo navibus captis, fugatis aliis, cum magna terrestri
navalique praeda Lilybaeum rediit.

Eadem aestate et Philippus implorantibus Achaeis
auxilium tulit, quos et Machanidas tyrannus Lacedae-
moniorum finitimo bello urebat, et Aetoli navibus per
fretum, quod Naupactum et Patras interfluit — Rhion
incolae vocant —, exercitu traecto depopulati erant.
Attalum quoque regem Asiae, quia Aetoli summum
gentis suae magistratum ad eum proximo concilio de-
tulerunt, fama erat in Europam triaecturum. XXX. ob
hacce Philippo in Graeciam descendantem ad Lamiam
urbem Aetoli duce Pyrrhia, qui praetor in eum annum
cum absente Attalo creatus erat, occurrerunt. habe-
bant et ab Attalo auxilia secum et mille ferme ex
Romana classe a P. Sulpicio missos. adversus hunc
ducem atque has copias Philippus bis prospero eventu
pugnavit; mille admodum hostium utraque pugna
occidit. inde cum Aetoli metu compulsi Lamiae urbis
moenibus tenerent sese, Philippus ad Phalara exerci-
tum reduxit. in Malico sinu is locus est, quandam
frequenter habitatus propter egregium portum tutas-
que circa stationes et aliam opportunitatem maritumam
terrestremque. eo legati ab rege Aegypti Ptolomaeo
Rhodiisque et Atheniensibus et Chiis venerunt ad
dirimendum inter Philippum atque Aetolos bellum.
adhibitus ab Aetolis et ex finitimis pacificator Amy-
nander rex Athamanum. omnium autem non tanta
pro Aetolis cura erat, ferociori quam pro ingenii
Graecorum gente, quam ne Philippus regnumque eius
grave libertati futurum rebus Graeciae immisceretur.
de pace dilata consultatio est in concilium Achaeorum,
concilioque ei et locus et dies certa indicta; interim
triginta dierum indutiae impetratae. profectus inde

rex per Thessaliam Boeotiamque Chalcidem Euboeae venit, ut Attalum, quem classe Euboeam petiturum s audierat, portibus et litorum adpulsu arceret. inde praesidio relicto adversus Attalum, si forte interim traieciisset, profectus ipse cum paucis equitum levissim que armaturae Argos venit, ibi curatione Heraeorum Nemeorumque suffragiis populi ad eum delata, quia se Macedonum reges ex ea civitate oriundos ferunt, Heraeis peractis ab ipso ludico extemplo Aegium proiectus est ad indictum multo ante sociorum concilium. ibi de Aetolico finiendo bello actum, ne causa aut Romanis aut Attalo intrandi Graeciam esset, sed ea omnia vixdum indutiarum tempore circumacto Aetoli turbavere, postquam et Attalum Aeginam venisse et Romanam classem stare ad Naupactum andivere.

vocati enim in concilium Achaeorum, in quo et eae legationes erant, quae ad Phalara egerant de pace, primum questi sunt quaedam parva contra fidem conventionis tempore indutiarum facta; postremo negarunt dirimi bellum posse, nisi Messenii Achaei Pylum redderent, Romanis restitueretur Atintania, Scerdilaedo et Pleurato Ardiaei. enimvero indignum ratus Philippus victos victori sibi ultro condiciones ferre, ne antea quidem se aut de pace audisse aut indutias pepigisse dixit spem ullam habentem quieturos Aetolos, sed ut omnes socios testes haberet se pacis, illos belli causam quaesisse, ita infecta pace concilium dimisit quatuor milibus armatorum relictis ad praesidium Achaeorum et quinque longis navibus acceptis, quas si adieciisset missae nuper ad se classi Carthaginiensium et ex Bithynia ab rege Prusia venientibus navibus, statuerat navalii proelio lacessere Romanos iam diu in regione ea potentes maris. ipse ab eo concilio Argos regressus; iam enim Nemeorum adpetebat tempus, quae celebrari volebat praesentia sua.

¹ XXXI. Occupato rege apparatu ludorum et per dies festos licentius quam inter belli tempora remit-

tente animum P. Sulpicius ab Naupacto profectus classem appulit inter Sicyonem et Corinthum, agrumque nobilissimae fertilitatis effuse vastavit. fama eius rei Philippum ab ludis excivit; raptimque cum equitatu proiectus, iussis subsequi pedestibus, palatos passim per agros gravesque praeda, ut qui nihil tale metuerent, adortus Romanos compulit ad naveas. classis Romana haudquaquam laeta praeda Naupactum redit. Philippo ludorum quoque, qui reliqui erant, celebritatem quantaecumque, de Romanis tamen, victoriae partae fama auxerat, laetitiaque ingenti celebrati festi dies, eo magis etiam, quod populariter dempto capitibus insigni purpuraque atque alio regio habitu acquaverat ceteris se in speciem, quo nihil gratius est civitatibus liberis; praebuissetque haud dubiam eo facto spem libertatis, nisi omnia intoleranda libidine foeda ac deformia effecisset. vagabatur enim cum uno aut altero comite per maritas domos dies noctesque, et summittendo se in privatum fastigium quo minus conspectus, eo solitior erat, et libertatem, cum aliis vanam ostendisset, totam in suam licentiam verterat. neque enim omnia emebat aut eblandiebatur, sed vim etiam flagitiis adhibebat, periculosumque et viris et parentibus erat moram incommoda severitate libidini regiae fecisse. uni etiam principi Achaeorum Arato adempta uxor nomine Polycratia ac spe regiarum nuptiarum in Mace- doniam asportata fuerat.

Per haec flagitia sollemni Nemeorum peracto paucisque additis diebus Dymas est proiectus ad praesidium Aetoloram, quod ab Eleis ad eum acceptumque in urbem erat, eiciendum. Cycladas — penes eum summa imperii erat — Achaeique ad Dymas regi occursero, et Eliorum accensi odio, quod a ceteris Achaeis dissentirent, et infensi Aetolis, quos Romanum quoque adversus se movisse bellum credebant. proiecti ab Dymis coniuncto exercitu transeunt Larisum amnem, qui Elium agrum a Dymaeo dirimit. XXXII. primum

diem, quo fines hostium ingressi sunt, populando absumserunt. postero die acie instructa ad urbem accesserunt praemissis equitibus, qui obequitando portis promptum ad excursiones genus lacerrent Aetolorum.
 2 ignorabant Sulpicium cum quindecim navibus ab Nau-
 pacto Cyllenen traecisse et expositis in terram quatuor milibus armatorum silentio noctis, ne conspi-
 3 agmen posset, intrasse Elim. itaque improvisa res in-
 gentem iniecit terrorem, postquam inter Aetolos Elios
 4 que Romana signa atque arma cognovere. et primo recipere suos voluerat rex; dein contracto iam inter Aetolos et Tralles — Illyriorum id est genus — certamine cum urgeri videret suos, et ipse rex cum
 6 equitatu in cohortem Romanam incurrit. ibi equus pilo traiectus cum prolapsum super caput regem effusisset, atrox pugna utriusque accensa est et ab Romanis impetu in regem facto et protegentibus regiis.
 6 insignis et ipsius pugna fuit, cum pedes inter equites coactus esset proelium inire. dein, cum iam impar certamen esset, caderentque circa eum multi et vulnerarentur, raptus ab suis atque alteri equo innectus
 7 fugit. eo die castra quinque milia passuum ab urbe Eliorum posuit. postero die omnes copias ad propinquum Eliorum castellum — Pyrgum vocant — eduxit, quo agrestium multitudinem cum pecoribus metu po-
 8 pulationum compulsa audierat. eam inconditam intermemque multitudinem primo statim terrore adveniens cepit; compensaveratque ea praeda quod ignominiae
 9 ad Elim acceptum fuerat. dividenti praedam captivosque — fuere autem quattuor milia hominum, pecorumque omnis generis ad viginti milia — nuntius ex Macedonia venit Eropum quendam corrupto arcis praesi-
 10 ditiique praefecto Lychnidum cepisse, tenere et Dassaretiorum quosdam vicos et Dardanos etiam concire. omissio igitur Achaico atque Aetolico bello, relictis tamen duobus milibus et quingentis omnis generis armatorum cum Menippo et Polyphanta ducibus ad

praesidium sociorum, prefectus ab Dymis per Achiam 11 Boeotiamque et Euboeam decumis castris Demetriadem in Thessaliam pervenit. XXXIII. ibi alii maiorem 1 adferentes tumultum nuntii occurrant: Dardanos in Macedoniam effusos Orestidem iam tenere ac descendisse in Argestaeum campum, famamque inter barbaros celebrem esse Philippum occisum. expeditione 2 ea, qua cum populatoribus agri ad Sicyonem pugnavit, in arborem inlatu impetu equi ad eminentem ramum cornu alterum galeae praefregit; id inventum ab Aetolo 3 quodam perlatumque in Aetoliam ad Scerdilaedum, cui notum erat insigne galeae, famam imperfecti regis vulgavit. post profectionem ex Achaia regis Sulpicius 4 Aeginam classe prefectus cum Attalo sese coniunxit. Achaei cum Aetolis Eleisque haud procul Messene 5 prosperam pugnam fecerunt. Attalus rex et P. Sulpicius Aeginae hibernarunt.

Exitu huius anni T. Quintius consul, dictatore 6 comitiorum ludorumque faciendorum causa dicto T. Manlio Torquato, ex voluntate moritur; alii Tarenti, alii in Campania mortuum tradunt. ita, quod nullo ante 7 bello acciderat, duo consules sine memorando proelio imperfecti velut orbam rem publicam reliquerant. dictator Manlius magistrum equitum C. Servilium — tum aedilis curulis erat — dixit. senatus quo die primum 8 est habitus, ludos magnos facere dictatorem iussit, quos M. Aemilius praetor urbanus C. Flaminio Cn. Servilio consulibus fecerat et in quinquennium voverat. tum dictator et fecit ludos et in inequens lustrum vovit. ceterum cum duo consulares exercitus tam prope 9 hostem sine ducibus essent, omnibus aliis omissis una praincipua cura patres populumque incessit consules primo quoque tempore creandi, et ut eos crearent potissimum, quorum virtus satis tuta a fraude Punica esset: cum toto eo bello damnosa praeproperea ac 10 fervida ingenia imperatorum fuissent, tum eo ipso anno consules nimia cupiditate conserendi cum hoste

11 manum in necopinatam fraudem lapsos esse. ceterum
 deos immortales, miseritos nominis Romani, pepercisse
 innoxii exercitibus, temeritatem consulum ipsorum
 1 capitibus damnasse. XXXIV. cum circumspicerent
 patres, quosnam consules facerent, longe ante alios
 eminebat C. Claudius Nero; ei conlega quaerebatur.
 2 et virum quidem eum egregium ducebant, sed prompti-
 orem acrioremque, quam tempora belli postularent
 3 aut hostis Hannibal; temperandum acre ingenium eius
 moderato et prudenti viro adiuncto conlega censebant.
 M. Livius erat, multis ante annis ex consulatu populi
 4 iudicio damnatus, quam ignominiam adeo aegre tulerat,
 ut rus migraret et per multos annos et urbe et omni
 5 coetu caruerit hominum. octavo ferme post damnationem
 anno M. Claudius Marcellus et M. Valerius
 Laevinus consules reduxerant eum in urbem; sed
 6 erat veste obsoleta capilloque et barba promissa, prae-
 se ferens in vultu habituque insignem memoriam
 ignominiae acceptae. L. Veturius et P. Licinius cen-
 sores eum tonderi et squalorem deponere et in sena-
 7 tum venire fungique aliis publicis muneribus coegerant.
 sed tum quoque aut verbo adsentiebatur aut pedibus
 in sententiam ibat, donec cognati hominis eum causa
 M. Livii Macati, cum fama eius ageretur, stantem
 8 coegit in senatu sententiam dicere. tunc ex tanto inter-
 vallo auditus convertit ora hominum in se, causamque
 sermonibus praebuit, indigno iniuriam a populo factam,
 magnoque id damno fuisse, quod tam gravi bello nec
 opera nec consilio talis viri usa res publica esset:
 9 C. Neroni neque Q. Fabium neque M. Valerium Lae-
 vinum dari conlegam posse, quia duos patricios creari
 10 non licet; eandem causam in T. Manlio esse, praeter-
 quam quod recusasset delatum consulatum recusaturus-
 que esset. egregium par consulum fore, si M. Livium
 11 C. Claudio conlegam adiunxissent. nec populus men-
 tionem eius rei ortam a patribus est aspernatus. unus
 12 eam rem in civitate is, cui deferebatur honos, abnuebat,

levitatem civitatis accusans: sordidati rei nou miseri-
 tos candidam togam invito offerre; eodem honores
 poenasque congeri. si virum bonum ducerent, quid ita 13
 pro malo ac noxo damnassent? si noxiū comperissent,
 quid ita male credito priore consulatu alterum cre-
 derent? haec taliaque arguentem et querentem casti- 14
 gabant patres, et M. Furium memorantes revocatum
 de exilio patriam pulsam sede sua restituisse; ut
 parentium saevitiam, sic patriae patiendo ac ferendo
 leniendam esse. adnisi omnes cum C. Claudio M. Li- 15
 vium consulem fecerunt.

XXXV. Post diem tertium eius diei praetorum 1
 comitia habita. praetores creati L. Porcius Licinus
 C. Mamilius C. et A. Hostilii Catones. comitiis per-
 fectis ludisque factis dictator et magister equitum
 magistratu abierunt. C. Terentius Varro in Etruriam 2
 pro praetore missus, ut ex ea provincia C. Hostilius
 Tarentum ad eum exercitum iret, quem T. Quinctius
 consul habuerat; et L. Manlius trans mare legatus 3
 iret viseretque, quae res ibi gererentur; simul quod
 Olympiae ludicrum ea aestate futurum erat, quod
 maximo coetu Graeciae celebraretur, ut, si tuto per
 hostem posset, adiret id concilium, ut, qui Siculi bello 4
 ibi profugi aut Tarentini cives relegati ab Hannibale
 essent, domos redirent scirentque sua omnia iis, quae
 ante bellum habuissent, reddere populum Romanum. 5

Quia periculosissimus annus inminere videbatur,
 neque consules in re publica erant, in consules de-
 signatos omnes versi, quam primum eos sortiri pro-
 vineias et praesciscere, quam quisque eorum provin-
 ciā, quem hostem haberet, volebant. de reconciliatione 6
 etiam gratiae eorum in senatu actum est principio
 facto a Q. Fabio Maximo. inimicitiae autem nobiles
 inter eos erant et acerbiores eas indignioresque Livio
 sua calamitas fecerat, quod spretum se in ea fortuna
 credebat. itaque is magis in placibilis erat et nihil 7
 opus esse reconciliatione aiebat: acrius et intentius 8

omnia gesturos timentes, ne crescendi ex se inimico
conlegae potestas fieret. vicit tamen auctoritas senatus,
ut positis simultatibus communi animo consilioque
administrarent rem publicam. provinciae iis non per-
mixtae regionibus, sicut superioribus annis, sed diver-
sae extremis Italiae finibus, alteri adversus Hanni-
balem Brutii et Lucani, alteri Gallia adversus Hasdrubalem, quem iam Alpibus adpropinquare fama
erat, decreta. exercitum e duobus, qui in Gallia qui-
que in Etruria esset, addito urbano, eligeret, quem
mallet, qui Galliam esset sortitus, cui Brutii provin-
cia evenisset, novis legionibus urbanis scriptis, utrius
mallet consulm prioris anni exercitum sumeret; re-
lictum a consule exercitum Q. Fulvius proconsul ac-
ciperet, eique in annum imperium esset, et C. Hostilio,
cui pro Etruria Tarentum mutaverant provinciam,
pro Tarento Capuam mutaverunt; legio una data est,
cui Fulvius proximo anno praefuerat.

1 XXXVI. De Hasdrubalis adventu in Italiam cura
in dies crescebat. Massiliensium primum legati nun-
2 tiaverant eum in Galliam transgressum, erectosque
adventu eius, quia magnum pondus auri attulisse
diceretur ad mercede auxilia conducenda, Gallorum ani-
3 mos missi deinde cum iis legati ab Roma Sex. Antistius
et M. Raecius ad rem inspiciendam rettulerant misisse
se cum Massiliensibus ducibus, qui per hospites eorum,
4 principes Gallorum, omnia explorata referrent; pro
comperio habere Hasdrubalem ingenti iam coacto exer-
citu proximo vere Alpes traiecturum, nec tum eum
quiequam aliud morari, nisi quod clausae hieme Alpes
essent.

5 In locum M. Marcelli P. Aelius Paetus augur
creatus inauguratusque; et Cn. Cornelius Dolabella
rex sacrorum inauguratus est in locum M. Marci,
6 qui biennio ante mortuus erat. hoc eodem anno et
lustrum conditum est a censoribus P. Sempronio Tudi-
7 tano et M. Cornelio Cethego. censa civium capita

centum triginta septem milia centum octo, minor ali-
quanto numerus, quam qui ante bellum fuerat. eo 8
anno primum, ex quo Hannibal in Italianam venisset,
comitium tectum esse memoriae proditum est, et ludos
Romanos semel instauratos ab aedilibus curulibus
Q. Metello et C. Servilio. et plebei ludi biduum in-
staurati a C. Mamilio et M. Caecilio Metello aedilibus
plebis; et tria signa ad Cereris eidem dederunt; et
Iovis epulum fuit ludorum causa.

Consulatum inde ineunt C. Claudius Nero et 10
M. Livius iterum. qui quia iam designati provincias
sortiti erant, praetores sortiri iusserunt. C. Hostilio 11
iurisdictio urbana evenit; addita et peregrina, ut tres
in provincias exire possent; A. Hostilio Sardinia,
C. Mamilio Sicilia, L. Poreio Gallia evenit. summa 12
legionum trium et viginti ita per provincias divisa:
binae consulm essent, quattuor Hispania haberet,
binas tres praetores, in Sicilia et Sardinia et Gallia,
duas C. Terentius in Etruria, duas Q. Fulvius in Brutii, 13
duas Q. Claudius circa Tarentum et Sallentinos, unam
C. Hostilius Tubulus Capuae; duae urbanae ut scri-
berentur. primis quattuor legionibus populus tribunos 14
creavit, in ceteras consules miserunt.

XXXVII. Priusquam consules proficiscerentur, no-
1 vendiale sacrum fuit, quia Veis de caelo lapidaverat.
sub unius prodigii, ut fit, mentionem alia quoque 2
nuntiata, Menturnis aedem Iovis et lucum Mariceae,
item Atellae murum et portam de caelo tacta; Men-
turnenses, terribilis quod esset, adiebant sanguinis 3
rivum in porta fluxisse; et Capuae lupus nocte portam
ingressus vigilem laniaverat. haec procurata hostis
maioribus prodigia, et supplicatio diem unum fuit ex
decreto pontificum. inde iterum novendiale instauratum,
quod in Armilusto lapidibus visum pluere. liberatas 5
religione mentes turbavit rursus nuntiatum Frusinone
natum infantem esse quadrimo parem, nec magnitu-
dine tam mirandum, quam quod is quoque, ut Sinues-

sae biennio ante, incertus, mas an femina esset, natus
 6 erat. id vero haruspices ex Etruria ad citi foedum ac
 turpe prodigium dicere: extorrem agro Romano, procul
 terrae contactu, alto mergendum. vivum in arcam
 7 condidere provectumque in mare proiecerunt. decrevere
 item pontifices, ut virgines ter novenae per urbem
 euntes carmen canerent, id cum in Iovis Statoris aede
 disserent conditum ab Livio poeta carmen, tacta de
 8 caelo aedis in Aventino Iunonis Reginae; prodigium
 que id ad matronas pertinere haruspices cum respon-
 9 dissent dono quo divam placandam esse, aedilium curu-
 lium edicto in Capitolium convocatae, quibus in urbe
 Romana intraque decimum lapidem ab urbe domicilia
 essent, ipsae inter se quinque et viginti delegerunt,
 10 ad quas ex dotibus stipem conferrent. inde donum
 pelvis aurea facta iataque in Aventinum, pureque et
 11 caste a matronis sacrificatum. confessim ad aliud sa-
 crificium eidem divae ab decemviris edicta dies, cuius
 ordo talis fuit: ab aede Apollinis boves feminae albae
 12 duae porta Carmentali in urbem ductae. post eas duo
 signa cupressea Iunonis Reginae portabantur; tum
 septem et viginti virgines, longam indutae vestem,
 13 carmen in Iunonem Reginam canentes ibant, illa tem-
 pestate forsitan laudabile rudibus ingenis, nunc ab-
 horrens et inconditum, si referatur. virginum ordinem
 sequebantur decemviri coronati laurea praetextatique.
 14 a porta Iugario vico in forum venere. in foro pompa
 constitit, et per manus reste data virgines sonum
 15 vocis pulsu pedum modulantes incesserunt. inde vico
 Tuseo Velabroque per Bovarium forum in clivum
 Publicum atque aedem Iunonis Reginae perrectum.
 ibi duae hostiae ab decemviris immolatae et simulacra
 cupressea in aedem inflata.

¹ XXXVIII. Deis rite placatis dilectum consules
 habebant acrius intentiusque, quam prioribus annis
 2 quisquam meminerat habitum; nam et belli terror
 duplicatus novi hostis in Italiam adventu, et minus

iuentutis erat, unde scriberent milites. itaque colonos
 3 etiam maritimos, qui sacrosanctam vacationem dice-
 bantur habere, dare milites cogebant. quibus recusan-
 tibus edixere in diem certam, ut, quo quisque iure
 vacationem haberet, ad senatum deferret, ea die ad
 4 senatum hi populi venerunt: Ostiensis Alsiensis Antias
 Anxurnas Menturnensis Sinuessianus et ab supero mari
 Senensis. cum vacationes suas quisque populus recitaret,
 5 nullius, cum in Italia hostis esset, praeter Antiatem
 Ostiensemque vacatio observata est, et earum colonia-
 rum iuniores iure iurando adacti, supra dies triginta
 non pernoctatueros se esse extra moenia coloniae suaes,
 donec hostis in Italia esset. cum omnes censerent
 6 primo quoque tempore consulibus eundum ad bellum
 — nam et Hasdrubali occurrendum esse descendantibus
 ab Alpibus, ne Gallos Cisalpinos neve Etruriam erec-
 tam in spem rerum novarum sollicitaret, et Hannibalem
 suo proprio occupandum bello, ne emergere ex Bruttiis
 atque obviam ire fratri posset —, Livius cunctabatur,
 parum fidens suarum provinciarum exercitibus; con-
 legam ex duobus consularibus egregiis exercitibus et
 tertio, cui Q. Claudio Tarenti praeesset, electionem
 habere; intuleratque mentionem de volonibus revocandis
 ad signa. senatus liberam potestatem consulibus fecit
 et supplendi, unde vellent, et eligendi de omnibus
 exercitibus, quos vellent, permutedique et ex pro-
 viaciis, quo e re publica censerent esse, traducendi.
 ea omnia cum summa concordia consulum acta. vo-
 10 lones in undevicensimam et vicensimam legiones scripti.
 magni roboris auxilia ex Hispania quoque a P. Sci-
 pione M. Livio missa quidam ad id bellum auctores
 sunt, octo milia Hispanorum Gallorumque et duo milia
 de legione militum, equitum mille, mixtos Numidas
 Hispanosque, M. Lucretium has copias navibus ad-
 11 vexit; et sagittariorum funditorumque ad tria milia
 ex Sicilia C. Manilium misse.

¹ XXXIX. Auxerunt Romae tumultum litterae ex

2 Gallia allatae ab L. Porcio praetore: Hasdrubalem
 movisse ex hibernis et iam Alpes transire; octo milia
 Ligurum conscripta armataque coniunctura se trans-
 gresso in Italiam esse, nisi mitteretur in Ligures,
 qui eos bello occuparet; se cum invalido exercitu,
 3 quoad tutum putaret, progressurum. hae litterae con-
 sules raptim confecto dilectu maturius, quam consti-
 tuerant, exire in provincias coegerunt ea mente, ut
 niterque hostem in sua provincia contineret neque con-
 4 iungi aut conferre in unum vires pateretur. plurimum
 in eam rem adiuvit opinio Hannibalis, quod, etsi ea
 aestate transiturum in Italiam fratrem crediderat, re-
 cordando, quae ipse in transitu nunc Rhodani, nunc
 Alpium cum hominibus locisque pugnando per quin-
 5 que menses exhausisset, haudquaquam tam facilem
 maturumque transitum expectabat; ea tardius movendi
 6 ex hibernis causa fuit. ceterum Hasdrubali et sua et
 aliorum spe omnia celeriora atque expeditiora fuere,
 non enim receperunt modo Arverni eum deincepsque
 aliae Gallicae atque Alpinae gentes, sed etiam secutae
 7 sunt ad bellum. et cum per munita pleraque transitu
 fratribus, quae antea invia fuerant, ducebant, tum etiam
 duodecim annorum adsuetudine perviis Alpibus factis
 8 inter mitiora iam transitbat hominum ingenia. invisi-
 tati namque antea alienigenis nec videre ipsi advenam
 in sua terra adsueti, omni generi humano insociabiles
 erant. et primo ignari, quo Poenus pergeret, suas
 rupes suaque castella et pecorum hominumque praec-
 9 dam peti crediderant; fama tleinde Punici belli, quo
 duodecimum annum Italia urebatur, satis edocuerat
 viam tantum Alpes esse, duas praevalidas urbes,
 magno inter se maris terrarumque spatio discretas,
 10 de imperio et opibus certare. hae causae aperuerant
 11 Alpes Hasdrubali. ceterum quod celeritate itineris pro-
 fectum erat, id mora ad Placentiam, dum frustra ob-
 12 sidet magis quam oppugnat, conrapit. crediderat
 campestris oppidi facilem expugnationem esse, et no-

bilitas coloniae induxerat eum, magnum se excidio
 eius urbis terrorem ceteris ratum injecturum. non ipse 13
 se solum ea oppugnatione impediit, sed Hannibalem
 post famam transitus eius tanto spe sua celeriore
 iam moventem ex hibernis continuerat, quippe repu- 14
 tantem, non solum quam lenta urbium oppugnatio
 esset, sed etiam quam ipse frustra eandem illam co-
 loniam ab Trebia vitor regressus temptasset.

XL. Consules diversis itineribus profecti ab urbe 1
 velut in duo pariter bella distenderant curas hominum,
 simul recordantium, quas primus adventus Hannibalis
 intulisset Italiae clades, simul cum illa angeret cura, 2
 quos tam propitiis urbi atque imperio fore deos, ut
 eodem tempore utrobique res publica prospere gere-
 retur? adhuc adversa secundis pensando rem ad id
 tempus extractam esse: cum in Italia ad Trasumen- 3
 num et Cannas praecepitasset Romana res, prospera
 bella in Hispania prolapsam eam erexisse; postea, 4
 cum in Hispania alia super aliam clades duobus egre-
 giis ducibus amissis duos exercitus ex parte delesset,
 multa secunda in Italia Siciliaque gesta quassatam
 rem publicam excepisse; et ipsum intervallum loci, 5
 quod in ultimis terrarum oris alterum bellum gere-
 retur, spatium dedisse ad respirandum: nunc duo bella 6
 in Italiam accepta, duo celeberrimi nominis duces
 circumstare urbem Romanam, et unum in locum totam
 periculi molem, omne onus incubuisse. qui eorum
 prior vicisset, intra paucos dies castra cum altero
 iuncturum. terrebant et proximus annus lugubris duo- 7
 rum consulum funeribus, his anxiis curis homines di-
 gredientes in provincias consules prosecuti sunt. me-
 moriae proditum est plenum adhuc irae in civis 8
 M. Livium ad bellum proficiscentem monenti Q. Fabio,
 ne, priusquam genus hostium cognosset, temere manum
 consereret, respondisse, ubi primum hostium agmen
 conspexisset, pugnaturum. cum quaereretur, quae causa 9
 festinandi esset, „aut ex teste egregiam gloriam“

inquit „aut ex civibus victis gaudium meritum certe,
etsi non honestum, capiam“.

Priusquam Claudio consul in provinciam perveniret,
per extremum finem agri Larinatis ducentem in Sal-
lentinos exercitum Hannibalem expeditis cohortibus
adortus C. Hostilius Tubulus incomposito agmini
terribilem tumultum intulit; ad quattuor milia homini-
num occidit, novem signa militaria cepit. moverat ex
hibernis ad famam hostis Q. Claudio, qui per urbes
agri Sallentini castra disposita habebat. itaque ne
cum duobus exercitibus simul confligeret, Hannibal
nocte castra ex agro Tarentino movit atque in Bruttios
concessit. Claudio in Sallentinos agmen convertit,
Hostilius Capuam petens obvius ad Venusiam fuit
consuli Claudio, ibi ex utroque exercitu electa pedi-
tum quadraginta milia, duo milia et quingenti equites,
quibus consul adversus Hannibalem rem gereret: re-
liquas copias Hostilius Capuam ducere iussus, ut
Q. Fulvio proconsuli traderet.

XLI. Hannibal undique contracto exercitu, quem
in hibernis aut in praesidiis agri Brutii habuerat, in
Lucanos ad Grumentum venit spe recipiendi oppida,
2 quae per metum ad Romanos defecissent. eodem a
Venusia consul Romanus exploratis itinerarybus conten-
dit, et mille fere et quingentos passus castra ab hoste
3 locat. Grumenti moenibus prope iniunctum videbatur
4 Poenorum vallum; quingenti passus intererant. castra
Punica ac Romana interiacebat campus; colles immin-
bant nudi sinistro lateri Carthaginiensium, dextro
Romanorum, neutris suspecti, quod nihil silvae neque
5 ad insidias latebrarum habebant in medio campo ab
stationibus procursantes certamina haud satis digna
dictu serebant. id modo Romanum quaerere appare-
bat, ne abire hostem pateretur: Hannibal inde evadere
6 cupiens totis viribus in aciem descendebat. tum con-
sul ingenio hostis usus, quo minus in tam apertis
collibus timeri insidiae poterant, quinque cohortes ad-

ditis quinque manipulis nocte iugum superare et in
aversis vallibus considere iubet. tempus exsurgendi ex
7 insidiis et adgrediendi hostem Ti. Claudio Asellum
tribunum militum et P. Claudio praefectum socium
edocet, quos cum iis mittebat. ipse luce prima copias
8 omnes pedum equitumque in aciem eduxit. paulo
post et ab Hannibale signum pugnae propositum est,
clamorque in castris ad arma discurrentium est sub-
latus. inde eques pedesque certatim portis ruere ac
palati per campum properare ad hostes. quos ubi
9 effusos consul videt, tribuno militum tertiae legionis
C. Aurunculeio imperat, ut equites legionis quanto
maximo impetu possit in hostem emittat: ita pecorum
modo incompositos toto passim campo se fudisse, ut
sterni obterique, priusquam instruantur, possint.
XLII. nondum Hannibal e castris exierat, cum pu-
gnantium clamorem audivit. itaque excitus tumultu
raptim ad hostem copias agit. iam primos occupaverat
1 equester terror; pedum etiam prima legio et dextra
ala proelium inibat; incompositi hostes, ut quemque
aut pediti aut equiti casus obtulit, ita conserunt
manus. crescit pugna subsidiis et procurrentium ad
3 certamen numero augetur; pugnantisque, quod nisi in
vetere exercitu et duci veteri haud facile est, inter
4 tumultum ac terrorem instruxisset Hannibal, ni co-
hortium ac manipulorum deurrentium per colles
clamor ab tergo auditus metum, ne intercluderentur
a castris, inieciisset. inde pavor incussus et fuga pas-
sim fieri coepta est. minorque caedes fuit, quia pro-
pinquitas castrorum breviorem fugam percussis fecit.
equites enim tergo inhaerebant; in transversa latera
6 invaserant cohortes secundis collibus via nuda ac
facili deurrentes. tamen supra octo milia hominum
occisa, supra septingentos capti; signa militaria novem
adempta; elephanti etiam, quorum nullus usus in re-
7 pentina ac tumultuaria pugna fuerat, quattuor occisi,
duo capti. circa quingentos Romanorum sociorumque
8

victores ceciderunt. postero die Poenus quievit; Romanus in aciem copiis eductis postquam neminem signa contra efferre vidiit, spolia legi caesorum hostium et suorum corpora conlata in unum sepeliri iussit.
 9 inde insequentibus continua diebus aliquot ita instituit
 10 portis, ut prope inferre signa videretur, donec Hannibal tercia vigilia crebris ignibus tabernaculisque, quae pars castrorum ad hostes vergebat, et Numidis paucis,
 qui in vallo portisque se ostenderent, relictis profec-
 11 tus Apuliam petere intendit. ubi inluxit, successit
 vallo Romana acies, et Numidae ex composito pau-
 lis per in portis se valloque ostentavere frustratique
 aliquandiu hostes citatis equis agmen suorum adse-
 12 quintur. consul ubi silentium in castris et ne paucos
 quidem, qui prima luce obambulaverant, parte ulla
 cernebat, duobus equitibus speculatum in castra praemissis postquam satis tuta omnia esse exploratum
 13 est, inferri signa iussit; tantumque ibi moratus, dum
 milites ad praedam discurrunt, receptui deinde cecinit
 14 multoque ante noctem copias reduxit. postero die
 luce prima profectus, magnis itineribus famam et
 vestigia agminis sequens haud procul Venusia hostem
 15 adsequitur. ibi quoque tumultuaria pugna fuit; supra
 duo milia Poenorum caesa. inde nocturnis montanis-
 que itineribus Poenus, ne locum pugnandi daret, Meta-
 16 pontum petuit. Hanno inde — is enim praesidio eius
 loci praefuerat — in Bruttios cum paucis ad exercitum novum comparandum missus; Hannibal copiis eius
 ad suas additis Venusiam retro quibus venerat
 itineribus repetit, atque inde Canusium procedit. num-
 17 quam Nero vestigis hostis abstiterat et Q. Fulvium,
 cum Metapontum ipse proficiseretur, in Lucanos, ne
 regio ea sine praesidio esset, arcessierat.

¹ XLIII. Inter haec ab Hasdrubale, postquam a Placentiae obsidione abscessit, quattuor Galli equites, duo Numidae cum litteris missi ad Hannibalem cum per medios hostes totam ferme longitudinem Italiae

emensi essent, dum Metapontum cedentem Hannibalem
 sequuntur, incertis itineribus Tarentum delati a vagis
 per agros pabulatoribus Romanis ad Q. Claudium
 praetorem deducuntur. eum primo incertis implicantes
 responsis, ut metus tormentorum admotus fateri vera
 coegerit, edocuerunt litteras se ab Hasdrubale ad Han-
 nibalem ferre, cum iis litteris sicut erant signatis
 L. Verginio tribuno militum ducendi ad Claudium
 consulem traduntur. duae simul turmae Samnitium
 praesidii causa missae, qui ubi ad consulem per-
 venerunt, litteraeque lectae per interpretem sunt, et
 ex captivis percunctatio facta, tum Claudius non id
 tempus esse rei publicae ratus, quo consiliis ordinariis
 provinciae suae quisque finibus per exercitus suos
 cum hoste destinato ab senatu bellum gereret; audi-
 dum ac novandum aliquid improvsum, inopinatum,
 quod coeptum non minorem apud cives quam hostes
 terrorem faceret, perpetratum in magnam laetitiam
 ex magno metu verteret, litteris Hasdrubalis Romam
 ad senatum missis simul et ipse patres conscriptos,
 quid pararet, edocet: ut, cum in Umbria se occurrsum
 Hasdrubal fratri scribat, legionem a Capua Romam
 arcessant, dilectum Romae habeant, exercitum urba-
 num ad Narniam hosti opponant. haec senatui scripta.
 praemissi item per agrum Larinatem Marrucinum
 Frentanum Praetutianum, qua exercitum ducturus erat,
 ut omnes ex agris urbibusque commeatus paratos mi-
 liti ad vescendum in viam deferrent, equos iumenta-
 que alia producerent, ut vehicularum fassis copia esset.
 ipse de toto exercitu civium sociorumque quod roboris
 erat de legit, sex milia peditum, mille equites; pro-
 nuntiat occupare se in Lucanis proximam urbem
 Punicamque in ea praesidium velle: ut ad iter parati
 omnes essent, proiectus nocte flexit in Picenum. ¹²

Et consul quidem quantis maximis itineribus po-
 terat ad conlegam duebat reliquo Q. Catio legato,
 qui castris praeesset. XLIV. Romae haud minus ter- ¹

roris ac tumultus erat, quam fuerat biennio ante, cum castra Punica obiecta Romanis moenibus portisque fuerant. neque satis constabat animis, tam audax iter consulis laudarent vituperarent; apparebat, quo nihil
 2 iniquius est, ex eventu famam habiturum; castra prope Hannibalem hostem relicta sine duce, cum exercitu, cui detractum foret omne quod roboris, quod floris fuerit, et consulem in Lucanos ostendisse iter, cum
 3 Picenum et Galliam peteret, castra relinquenter nulla alia re tutiora quam errore hostis, qui ducem inde
 4 atque exercitus partem abesse ignoraret. quid futurum, si id palam fiat, et aut insequi Neronom cum sex milibus armatorum prefectum Hannibal toto exercitu velit aut castra invadere praedae relicta sine viribus,
 5 sine imperio, sine auspicio? veteres eius belli clades, duo consules proximo anno interfici terrebant; et ea omnia accidisse, cum unus imperator, unus exercitus hostium in Italia esset; nunc duo bella Punica facta, duos ingentes exercitus, duos prope Hannibales in
 6 Italia esse. quippe et Hasdrubalem patre eodem Hamilcare genitum, aequo in pigrum ducem, per tot annos in Hispania Romano exercitatum bello, gemina victoria insignem duobus exercitibus cum clarissimis ducibus
 7 deletis. nam itineris quidem celeritate ex Hispania et concitatis ad arma Gallicis gentibus multo magis
 8 quam Hannibalem ipsum gloriari posse: quippe in iis locis hunc coegisse exercitum, quibus ille maiorem partem militum fame ac frigore, quae miserrima mortis genera sint, amisisset. adiebant etiam periti rerum Hispaniae, haud cum ignoto eum duce C. Nerone congressurum, sed quem in saltu impedito deprehensus forte hand secus quam puerum conscribendis fallaciibus condicionibus pacis frustratus elusisset. omnia maiora etiam vero praesidia hostium, minora sua, metu interprete semper in deteriora inclinato, ducebant.
 10 11 XLV. Nero postquam iam tantum intervalli ab hoste fecerat, ut detegi consilium satis tutum esset,

paucis milites alloquitur. negat ullius consilium imperatoris in speciem audacius, re ipsa tutius fuisse quam suum. ad certam eos se victoriam ducere: quippe ad quod bellum collega non ante, quam ad satietatem ipsius peditum atque equitum datae ab senatu copiae fuissent maiores instructioresque, quam si adversus ipsum Hannibalem iret, prefectus sit, eo ipsi si quantumcumque virium momentum addiderint, rem omnem inclinaturos. auditum modo in acie — nam ne ante audiatur, daturum operam — alterum consulem et alterum exercitum advenisse haud dubiam victoriam facturum. famam bellum confidere, et parva momenta in spem metumque impellere animos; gloriae quidem ex re bene gesta partae fructum prope omnem ipsos latores; semper quod postremum adiectum sit, id rem totam videri traxisse. cernere ipsos, quo concursu, qua admiratione, quo favore hominum iter sumum celebretur. et hercule per instructa omnia ordinibus viorum mulierumque undique ex agris effusorum, inter vota ac preces et laudes ibant: illos praesidia rei publicae, vindices urbis Romanae imperique appellabant; in illorum armis dextrisque suam liberorumque suorum salutem ac libertatem depositam esse. deos omnes deasque precabantur, ut illis faustum iter, felix pugna, matura ex hostibus victoria esset, damnarenturque ipsi votorum, quae pro iis suscepissent, ut, quem ad modum nunc solliciti prosequerentur eos, ita paucos post dies laeti ovantibus victoria obviam irent invitare inde pro se quisque et offerre et fatigare precibus, ut, quae ipsis iumentisque usui essent, ab se potissimum sumerent; benigne omnia cumulata dare. modestia certare milites, ne quid ultra usum necessarium sumerent; nihil morari, nec ab signis *abire* nec subsistere cibum capientes; diem ac noctem ire; vix quod satis ad naturale desiderium corporum esset, quieti dare. et ad collegam praemissi erant, qui nuntiarent adventum percunarenturque, clam an palam,
 12

interdiu an noctu venire sese vellet, isdem an aliis
1 considere castris. nocte clam ingredi melius visum est.
XLVI. Tessera per castra ab Livio consule data
2 erat, ut tribunus tribunum, centurio centurionem, eques
3 equitem, pedes peditem acciperet: neque enim dilatari
castra opus esse, ne hostis adventum alterius consulis
4 sentiret; et coartatio plurium in angusto tendentium
facilior futura erat, quod Claudianus exercitus nihil
ferme praeter arma secum in expeditionem tulerat.
5 ceterum in ipso itinere auctum voluntariis agmen erat,
offerentibus ultro sese et veteribus militibus perfunctis
6 iam militia et iuvenibus, quos certatim nomina-
dantes, si quorum corporis species roburque virium
7 aptum militiae videbatur, conscriperat ad Senam castra
alterius consulis erant, et quingentos ferme inde passus
Hasdrubal aberat. itaque cum iam adpropinquaret,
8 tectus montibus substitit Nero, ne ante noctem castra
ingrederetur. silentio ingressi, ab sui quisque ordinis
9 hominibus in tentoria abducti, cum summa omnium
laetitia hospitaliter excipiuntur. postero die consilium
10 habitum, cui et L. Porcius Lentinus praetor adfuit.
castra iuncta consulum castris habebat, et ante ad-
ventum eorum per loca alta ducendo exercitum, cum
modo insideret angustos saltus, ut transitum clauderet,
modo ab latere aut ab tergo carperet agmen, ludi-
ficatus hostem omnibus artibus belli fuerat; is tum
in consilio aderat, multorum eo inclinabant sententiae,
ut, dum fessum via ac vigiliis reficeret militem Nero,
simul et ad noscendum hostem paucos sibi sumeret
11 dies, tempus pugnae differretur; Nero non suadere
modo, sed summa ope orare institit, ne consilium
sum, quod tutum celeritas fecisset, temerarium mo-
rando facerent: errore, qui non diurnus futurus esset,
velut torpentem Hannibalem nec castra sua sine duce
relicta adgredi nec ad sequendum se iter intendisse.
antequam se moveat, deleri exercitum Hasdrubalis
12 posse redirique in Apuliam. qui prolatando spatiu-

hosti det, eum et illa castra prodere Hannibali et
aperire in Galliam iter, ut per otium, ubi velit, Has-
drubali coniungatur. extemplo signum dandum et ex-
eundum in aciem abutendumque errore hostium ab-
sentium praesentiumque, dum neque illi sciant cum
paucioribus nec hi cum pluribus et validioribus rem
esse. consilio dimisso signum pugnae proponitar, con-
festimque in aciem procedunt.

XLVII. Iam hostes ante castra instructi stabant.
1 moram pugnae attulit, quod Hasdrubal, proiectus ante
signa cum paucis equitibus, scuta vetera hostium no-
tavit, quae ante non viderat, et strigosiores equos;
multitudo quoque maior solita visa est. suspicatus
enim id, quod erat, receptui propere cecinit ac misit
ad flumen, unde aquabantur, ubi et excipi aliqui pos-
sent et notari oculis, si qui forte adustioris coloris
ut ex recenti via essent; simul circumvehi procul
3 castra iubet specularique, num auctum aliqua parte
sit vallum, et ut attendant, semel bisne signum canat
in castris. ea cum ordine omnia relata essent, castra
nihil aucta errorem faciebant: bina erant, sicut ante
adventum consulis alterius fuerant, una M. Livii, al-
tera L. Porci, neutrism quicquam, quo latius tenderetur,
ad munimenta adiectum. illud veterem ducem adsue-
tumque Romano hosti movit, quod semel in praetoriis
castris signum, bis in consularibus referebant cecinisse.
duos profecto consules esse, et quoniam modo alter
ab Hannibale abscessisset, cura angebat. minime id,
quod erat, suspicari poterat, tantae rei frustratione
Hannibalem elusum, ut, ubi dux, ubi exercitus esset,
cum quo castra conlata haberet, ignoraret; profecto
7 haud mediocri clade absterritum insequi non ausum;
magno opere vereri, ne perditis rebus serum ipse
auxilium venisset Romanisque eadem iam fortuna in
Italia quae in Hispania esset. interdum litteras suas
ad eum non pervenisse credere, interceptisque iis con-
sulem ad sese opprimendum adcelerasse. his anxius

curis extinctis ignibus vigilia prima dato signo, ut
9 taciti vasa colligerent, signa ferri iussit. in trepidatione
et nocturno tumultu duces parum intente adservati,
alter in destinatis iam ante animo latebris subsedit,
alter per vada nota Metaurum flumen tranavit. ita
desertum ab ducibus agmen primo per agros palatur,
fessique aliquot *itinere* ac vigiliis sternunt somno
corpora passim atque infrequentia relinquunt signa.
10 Hasdrubal, dum lux viam ostenderet, ripa fluminis
signa ferri iubet, et per tortuosi amnis sinus flexus-
que cum *iter* errore revolvens haud multum processis-
set, ubi prima lux transitum opportunum ostendisset,
11 transiturus erat. sed cum quantum a mari abscedebat,
tanto altioribus coercentibus amnem ripis non in-
veniret vada, diem terendo spatium dedit ad insequen-
dum sese hosti.

XLVIII. Nero primum cum omni equitatu ad-
venit, Porcius deinde adsecutus cum levi armatura.
2 qui cum fessum agmen carperent ab omni parte in-
cursarentque, et iam omisso itinere, quod fugae simile
erat, castra metari Poenus in tumulo super fluminis
3 ripam vellet, advenit Livius peditum omnibus copiis
non itineris modo, sed ad conserendum extemplo proe-
4 lium instructis armatisque. sed ubi omnes copias con-
iunixerant, derectaque acies est, Claudius dextro in
cornu, Livius ab sinistro pugnam instruit, media acies
5 praetori tuenda data. Hasdrubal omissa munitione,
castrorum postquam pugnandum vidit, in prima acie
ante signa elephantes locat, circa eos laevō in cornu
adversus Claudiū Gallos opponit, haud tantum iis
6 fidens, quantum ab hoste timeri eos credebat; ipse
dextrum cornu adversus M. Livium sibi atque His-
panis — et ibi maxime in vetere milite spem habebat
7 — sumpsit; Ligures in medio post elephantes positi.
sed longior quam latior acies erat; Gallos prominens
8 collis tegebat. ea frons, quam Hispani tenebant, cum
sinistro Romanorum cornu concurrit; dextra omnis

acies extra proelium eminens cessabat; collis opposi-
tus arcebat, ne aut a fronte aut ab latere adgrederen-
tur. inter Livium Hasdrubalemque ingens contractum 9
certamen erat, atroxque caedes utrimque edebatur. ibi 10
duces ambo, ibi pars maior peditum equitumque Ro-
manorum, ibi Hispani, vetus miles peritusque Roma-
nae pugnae, et Ligures, durum in armis genus. eodem
versi elephanti, qui primo impetu turbaverant ante-
signanos et iam signa moverant loco; deinde crescente 11
certamine et clamore inpotentius iam regi et inter
duas acies versari, velut incerti, quorum essent, haud
dissimiliter navibus sine gubernaculo vagis. Claudius 12
„quid ergo praecipiti cursu tam longum iter emensi
sumus“? clamitans militibus, cum in adversum collem
frustra signa erigere conatus esset, postquam ea re-
gione penetrari ad hostem non videbat posse, cohortes 13
aliquot subductas e dextro cornu, ubi stationem magis
segnem quam pugnam futuram cernebat, post aciem 14
circumducit et non hostibus modo sed etiam suis in-
opinantibus in dextrum hostium latus incurrit; tanta-
que celeritas fuit, ut, eum ostendissent se ab latere,
mox in terga iam pugnarent. ita ex omnibus parti- 15
bus, ab fronte, ab latere, ab tergo, trucidantur His-
pani Liguresque, et ad Gallos iam caedes pervenerat.
ibi minimum certaminis fuit: nam et pars magna ab 16
signis aberant, nocte dilapsi stratique somno passim
per agros, et qui aderant, itinere ac vigiliis fessi, in-
tolerantissima laboris corpora, vix arma umeris gesta-
bant; et iam diei medium erat, sitisque et calor hiantes 17
caedendos capiendosque adfatum praebebat. XLIX. ele-
phantī plures ab ipsis rectoribus quam ab hoste inter-
fecti. fabrile scalprum cum malleo habebant; id, ubi
saevire beluae ac ruere in suos cooperant, magister
inter aures pessum, ipso in articulo, quo iungitur
capiti cervix, quanto maximo poterat ictu adigebat.
ea celerrima via mortis in tantae molis belua inventa 2
erat, ubi regentis imperium sprevissent, primusque id

Vad Metan rum erat
Hasdrubal ~~instituerat~~, dux cum saepe alias memorabilis, tum illa praecepit pugna. ille pugnantes hortando pariterque obeundo pericula sustinuit, ille fessos abundantesque taedio et labore nunc precando nunc castigando accedit; ille fugientes revocavit omissamque pugnam aliquot locis restituit; postremo, cum haud dubie fortuna hostium esset, ne superstes tanto exercitui, suum nomen secuto, esset, concitato equo se in cohortem Romanam immisit. ibi, ut patre Hamilcare et Hannibale fratre dignum erat, pugnans cecidit.

Numquam eo bello una acie tantum hostium interfectum est, redditaque aequa Cannensi clades vel ducis vel exercitus interitu videbatur. quinquaginta sex milia hostium occisa, capta quinque milia et quadrungenti; magna praeda alia cum omnis generis, *tum auri etiam argentique. civium etiam Romanorum, qui capti apud hostes erant, supra quattuor milia capitum recepta.* id solacii fuit pro amissis eo proelio militibus, nam haudquaquam incruenta victoria fuit; octo ferme milia Romanorum sociorumque occisa; adeoque etiam victores sanguinis caedisque ceperat satietas, ut postero die, cum esset nuntiatum Livio consuli Gallos Cisalpinos Liguresque, qui aut proelio non adfuerint aut inter caudem effugissent, uno agmine abire sine certo duce, sine signis, sine ordine ullo aut imperio; si una equitum ala mittatur, posse omnes deleri: „supersint“ inquit, „aliqui nuntii et hostium clavis et nostrae virtutis“.

L. Nero ea nocte, quae secuta est pugnam, *profectus* citiore quam inde venerat agmine die sexto ad stativa sua atque ad hostem pervenit. iter eius frequentia minore, quia nemo praecesserat nuntius, laetitia vero tanta, vix ut compotes mentiam prae gaudio essent, celebratum est. nam Romae neuter animi habitus satis dici enarrarique potest, nec quo incerta expectatione eventus civitas fuerat, nec quo victoriae famam accepit. numquam per omnis dies,

ex quo Clandium consulem profectum fama attulit, ab orto sole ad occidentem aut senator quisquam a curia atque ab magistratibus abscessit aut populus e foro, matronae, quia nihil in ipsis opis erat, in preces 5 obtestationesque versae, per omnia delubra vagae suppliciis votisque fatigare deos. tam sollicitae ac sus pensae civitati fama incerta primo accidit duos Narnienses equites in castra, quae in fauibus Umbriae opposita erant, venisse ex proelio nuntiantes caesos hostes. et primo magis auribus quam animis id acceptum erat ut maius laetusque, quam quod mente capere aut satis credere possent, et ipsa celeritas fidem impediens, quod biduo ante pugnatum dicebatur. litterae deinde ab L. Manlio Acidino missae ex castris 8 adferuntur de Narniensium equitum adventu. hae litterae per forum ad tribunal praetoris latae senatum curia exciverunt; tantoque certamine ac tumultu populi ad fores curiae concursum est, ut adire nuntius non posset, sed traheretur a percunctantibus vociferantibus que, ut in rostris prius quam in senatu litterae recitarentur. tandem summoti et coerciti a magistratibus, 10 dispensarique laetitia inter inpotentes eius animos potuit. in senatu primum, deinde in contione litterae 11 recitatae sunt; et pro cuiusque ingenio aliis iam certum gaudium, aliis nulla ante futura fides erat, quam legatos consuliumve litteras audissent. LL. ipsos deinde 1 adpropinquare legatos adlatum est. tunc enim vero omnis aetas currere obvii, primus quisque oculis auribusque haurire tantum gaudium cupientes. ad Mulvium usque pontem continens agmen pervenit. legati — ii erant L. Veturius Philo P. Licinius Varus Q. Caecilius Metellus — circumfusi omnis generis hominum frequentia in forum pervenerunt, cum alii ipsos, alii comites eorum, quae acta essent, percunctarentur. et ut quisque audierat exercitum hostium imperatoremque occisum, legiones Romanas incolumes, salvos consules esse, extemplo aliis porro impertiebant gaudium

5 suum. cum aegre in curiam perventum esset, multo
aegrius summota turba, ne patribus misceretur, litterae
in senatu recitatae sunt. inde traducti in contionem
6 legati. L. Veturius litteris recitatis ipse planius omnia,
quae acta erant, exposuit cum ingenti adsensu, po-
stremo etiam clamore universae contionis, cum vix
7 gaudium animis caperent. discursum inde ab aliis circa
tempa deum, ut grates agerent, ab aliis domos, ut
coniugibus liberisque tam laetum nuntium impertirent.
8 senatus, quod M. Livius et C. Claudius consules in-
columi exercitu ducem hostium legionesque occidissent,
supplicationem in triduum decrevit. eam supplicatio-
9 nem C. Hostilius praetor pro contione edixit, celebra-
taque a viris feminisque est; omniaque tempa per
totum triduum aequalem turbam habuere, cum matro-
nae amplissima veste cum liberis, perinde ac si debel-
latum foret, omni solutae metu deis immortalibus
10 grates agerent. statum quoque civitatis ea victoria
movit, ut iam inde haud secus quam in pace res inter-
se contrahere vendendo, emendo, mutuum dando ar-
gentum creditumque solvendo auderent.

11 C. Claudius consul cum in castra redisset, caput
Hasdrubalis, quod servatum cum cura attulerat, proici-
ante hostium stationes captivosque Afros vincitos, ut
erant, ostendi, duos etiam ex iis solutos ire ad Han-
12 nibalem et expromere, quae acta essent, iussit. Hanni-
bal, tanto simul publico familiarique ictus luctu, agno-
13 scere se fortunam Carthaginis fertur dixisse; castisque
inde motis, ut omnia auxilia, quae diffusa latius tueri
non poterat, in extremum Italiae angulum Bruttios
contraheret, et Metapontinos, civitatem universam,
excitos sedibus suis, et Lucanorum qui suae dicionis
erant in Bruttium agrum traduxit.

TITI LIVI AB URBE CONDITA LIBER XXVIII.

PERIOCHA LIBRI XXVIII.

Res in Hispania prospere gestae a Silano Scipionis legate
et ab L. Scipione fratre adversus Poenos, a Sulpicio procon-
sule socio Attalo rege Asiae adversus Philippum regem Mace-
donum pro Aetolis referuntur. cum M. Livio et Claudio Neroni
consulibus triumphus decretus esset, Livius, qui in provincia
sua rem gesserat, quadrigis inventus est, Nero, qui in collegae
provinciam, ut victoriam eius adiuvaret, venerat, equo secutus
est, et in hoc habitu plus gloriae reverentiaeque habuit: nam et
plus in bello quam collega fecerat. ignis in aede Vestae ne-
glegentia virginis, quae non custodierat, extinctus est; caesa
est flagro. P. Scipio in Hispania cum Poenis debellavit XIII
anno eius belli, quinto post anno quam ierat, praeclusisque
in totum possessione provinciae eius hostibus Hispanias recepit;
et a Tarracone in Africam ad Syphacem regem Massyliorum
transvectus foedus iunxit. Hasdrubal Gisgonis ibi cum eo in
eodem lecto cenavit. munus gladiatorium in honorem patris
patruique Carthagini nova edidit, non ex gladiatoribus, sed
ex his, qui aut in honorem ducis aut ex provocatione descendebant;
in quo reguli fratres de regno ferro contenderunt. cum
Gisia urbs obpugnaretur, oppidanii liberos et coniuges rogo
extrecto occiderunt et se insuper praecepitaverunt. ipse Scipio,
dum gravi morbo implicatus est, seditionem in parte exercitus
motam confirmatus discussit, rebellantesque Hispaniae populos
coegit in deditonem venire, et amicitia facta cum Masinissa
rege Numidarum, qui illi auxilium, si in Africam traicisset,
pollicebatur, cum Gaditanis quoque post discessum inde Ma-
gonis, cui Carthagine scriptum erat, ut in Italianam traiceret,
Romam reversus consulque creatus. Africam provinciam pe-
tenti contradicente Q. Fabio Maximo Sicilia data est, permis-
sumque, ut in Africam traiceret, si id e re publica esse cen-
seret. Mago Hamilcaris filius a minore Baleari insula, ubi
hiemaverat, in Italianam traicit.

I. Cum transitu Hasdrubalis, quantum in Italiam declinaverat belli, tantum levatae Hispaniae viderentur, renatum ibi subito par priori bellum est. Hispanias ea tempestate sic habebant Romani Poenique: Hasdrubal Gisgonis filius ad Oceanum penitus Gadesque concesserat; nostri maris ora omnisque ferme Hispania, qua in orientem vergit, Scipionis ac Romanae dicionis erat. novus imperator Hanno, in locum Barbini Hasdrubalis novo cum exercitu ex Africa transgressus Magonique iunctus, cum in Celtiberia, quae media inter duo maria est, brevi magnum hominum numerum armasset, Scipio adversus eum M. Silanum cum decem haud plus milibus militum, equitibus quingentis misit. Silanus quantis maximis potuit itineribus — impediebant autem et asperitates viarum et angustiae saltibus crebris, ut pleraque Hispaniae sunt, inclusae —, tamen non solum nuntios sed etiam famam adventus sui praegressus, dueibus indidem ex Celtiberia transfugis ad hostem pervenit. eisdem auctoribus conpertum est, cum decem circiter milia ab hoste abessent, bina castra circa viam, qua irent, esse: laeva Celtiberos, novum exercitum, supra novem milia hominum, dextra Punica tenere castra, ea stationibus, vigiliis, omni iusta militari custodia tuta et firma esse, illa altera soluta neglectaque, ut barbarorum et tironum et minus timentium, quod in sua terra essent. ea prius adgredienda ratus Silanus signa quam maxime ad laevam iubebat ferri, necunde ab stationibus Punicis conspiceretur; ipse praemissis speculatoribus citato agmine ad hostem pergit. II. tria milia ferme aberat, cum haudum quisquam hostium senserat; confragosa loca et obsiti virgultis tegebant colles. ibi in cava valle atque ob id occulta considere militem et cibum capere iubet. interim speculatoribus trans fugaram dicta affirmantes venerunt. tum sarcinis in medium coniectis arma Romani capiunt acieque iusta in pugnam vadunt. mille passum aberant, cum ab

hoste conspecti sunt, trepidarie repente coeptum; et Mago ex castris citato equo ad primum clamorem et tumultum advehitur. erant in Celtiberorum exercitu quattuor milia scutata et ducenti equites; hanc iustum legionem — et id ferme roboris erat — in prima acie locat, ceteros, levem armaturam, in subsidiis posuit. cum ita instructos educeret e castris, vixdum in egressos vallo eos Romani pila coniecerunt. sub sidunt Hispani adversus emissa tela ab hoste, inde admittenda ipsi consurgunt; quae cum Romani conferti, ut solent, densatis excepsissent scutis, tum pes cum pede conlatus et gladiis geri res coepit. ceterum asperitas locorum et Celtiberis, quibus in proelio cursare mos est, velocitatem inutilem faciebat et haud iniqua eadem erat Romanis stabili pugnae adsuetis, nisi quod angustiae et internata virgulta ordines dirimabant et singuli binque velut cum paribus conserere pugnam cogebantur. quod ad fugam impedimentoo hostibus erat, id ad caudem eos velut vinctos praebebat. et iam ferme omnibus scutatis Celtiberorum interfictis levis armatura et Carthaginenses, qui ex alteris castris subsidio venerant, perculti caedebantur. duo haud amplius milia peditum et equitatus omnis vix inito proelio cum Magone effugerunt; Hanno, alter imperator, cum eis, qui postremi iam profligato proelio advenerant, vivus capit. Magonem fugientem equitatus ferme omnis et quod veterum peditum erat secuti decimo die in Gaditanam provinciam ad Hasdrubalem pervenerunt; Celtiberi, novus miles, in proximas dilapsi silvas inde domos diffugerunt.

Peropportuna Victoria nequaquam tantum iam conflatum bellum, quanta futuri materia belli, si lieuisset iis Celtiberorum gente excita et alios ad arma sollicitare populos, oppressa erat. itaque conlaudato benigne Silano Scipio spem debellandi, si nihil eam ipse cunctando moratus esset, nactus, ad id quod reliuum belli erat in ultimam Hispaniam adversus

15 Hasdrubalem pergit. Poenus cum castra tum forte
in Baetica ad sociorum animos continendos in fide
haberet, signis repente sublatis fugae magis quam
itineris modo penitus ad Oceanum et Gades ducit.
16 ceterum, quoad continuisset exercitum, propositum
bello se fore ratus, antequam freto Gades traiceret,
exercitum omnem passim in civitates divisit, ut et
1 muris se ipsi et armis muros tutarentur. III. Scipio,
ubi animadvertisit dissipatum passim bellum et circum-
ferre ad singulas urbes arma diutini magis quam
2 magni esse operis, retro vertit iter. ne tamen hostibus
eam relinquaret regionem, L. Scipionem fratrem cum
decem milibus peditum mille equitum ad oppugnam-
dam opulentissimam in iis locis urbem — Orongin
3 barbari appellabant — mittit. sita in Maesessum
finibus est, Bastetanae gentis, ager frugifer, argentum
etiam incolae fodunt. ea arx fuerat Hasdrubali ad
4 excusiones circa mediterraneos populos faciendas.
Scipio castris prope urbem positis priusquam circum-
vallaret urbem, misit ad portas qui ex propinquo al-
5 loquio animos temptarent suaderentque, ut amicitiam
potius quam vim experirentur Romanorum. ubi nihil
pacati respondebatur, fossa duplique vallo circumdata
6 urbe in tres partes exercitum dividit, ut una semper
pars quietis interim duabus oppugnaret. prima pars
cum adorta oppugnare est, atrox sane et anceps
7 proelium fuit: non subire, non scalas ferre ad muros
prae incidentibus telis facile erat; etiam qui erexerant
ad murum scalas, alii furcis ad id ipsum factis de-
trudebantur, in alias lupi superne ferrei iniecti, ut in
8 periculo essent, ne suspensi in murum extraherentur.
quod ubi animadvertisit Scipio, nimia paucitate suorum
exaequatum certamen esse, et iam eo superare hostem,
9 quod ex muro pugnaret, duabus simul partibus, prima
recepta, urbem est adgressus. quae res tantum favoris
iniecit fessis iam cum primis pugnando, ut et oppi-
dani moenia repentina fuga desererent, et Punicum

praesidium metu, ne prodita urbs esset, relictis sta-
tionibus in unum se colligeret. timor inde oppidanos 10
incessit, ne, si hostis urbem intrasset, sine discriminé,
Poenus an Hispanus esset, obvii passim caederentur;
itaque patefacta repente porta frequentes ex oppido 11
sese eiecerunt, scuta prae se tenentes, ne tela procul
coicerentur, dextras nudas ostentantes, ut gladios ab-
iecisse appareret. id utrum parum ex intervallo sit 12
conspectum an dolus aliquis suspectus fuerit, incom-
pertum est: impetus hostilis in transfugas factus, nec
secus quam adversa acies caesi; eademque porta
signa infesta urbi inflata. et aliis partibus securibus 13
dolabrisque caedebantur et refringebantur portae, et
ut quisque intraverat eques, ad forum occupandum
— ita enim praecptum erat — citato equo pergebat;
additum erat et triariorum equiti praesidium; legio- 14
narii ceteras partis urbis pervadunt, direptione et caede
obviorum, nisi qui armis se tuebantur, abstinuerunt.
Carthaginenses omnes in custodiam dati sunt, oppi- 15
danorum quoque trecenti ferme, qui clauserant portas;
ceteris traditum oppidum, suae redditae res. cecidere 16
in urbis eius oppugnatione hostium duo milia ferme,
Romanorum haud amplius nonaginta.

IV. Laeta et ipsis, qui rem gessere, urbis eius 1
oppugnatio fuit et imperatori ceteroque exercitu; et
speciosum adventum suum ingentem turbam captivo-
rum prae se agentes fecerunt. Scipio conlaudato fratre 2
cum, quanto poterat verborum honore, Carthagini ab se
captae captam ab eo Orongim aequasset, quia et hiems 3
instabat, ut nec temptare Gades nec disiectum passim
per provinciam exercitum Hasdrubalis consecatri posset,
in citeriore Hispaniam omnes suas copias reduxit,
dimissisque in hiberna legionibus, L. Scipione fratre 4
Romam misso et Hannone hostium imperatore ceteris
que nobilibus captivis ipse Tarraconom concessit.

Eodem anno classis Romana cum M. Valerio
Laevino proconsule ex Sicilia in Africam transmissa 5

in Uticensi Carthaginensique agro late populationes fecit. extremis finibus Carthaginiensium circa ipsa moenia Uticae praedae actae sunt. repetentibus Sicilianam classis Punica — septuaginta erant longae naves — occurrit. decem et septem naves ex iis captae sunt, quattuor in alto mersae, cetera fusa ac fugata classis. terra marique victor Romanus cum magna omnis generis praeda Lilybaeum repetit. tuto inde mari pulsis hostium navibus magni conmeatus frumenti Romanam subvecti.

V. Principio aestatis eius, qua haec sunt gesta, P. Sulpicius proconsul et Attalus rex cum Aeginae, sicut ante dictum est, hibernassent, Lemnum inde classe iuncta — Romanae quinque et viginti quinqueremes, regiae quinque et triginta *erant* — transmiserunt. et Philippus, ut, seu terra seu mari obviam eundum hosti foret, paratus ad omnes conatus esset, ipse Demetriadem ad mare descendit, Larisam diem ad convenientem exercitiu edixit. undique ab sociis legationes Demetriadem ad famam regis convenerunt, sustulerant enim animos Aetoli cum ab Romana societate tum post Attali adventum, finitimosque depopulabantur. nec Acarnanes solum Boeotique et qui Euboeam incolunt in magno metu erant, sed Achaei quoque, quos super Aetolicum bellum Machanidas etiam Lacedaemonius tyrannus haud procul Argivorum fine positis castris terribat. hi omnes, suis quisque urbibus, quae pericula terra marique portenderentur, memorantes auxilia regem orabant. ne ex regno quidem ipsius tranquillae nuntiabantur res: et Scerdilaedum Pleuratumque motos esse, et Thracum maxime Maedos, si quod longinquum bellum regem occupasset, proxima Macedoniae incursuros. Boeoti quidem et interiores Graeciae populi Thermopylarum saltum, ubi angustae fauces coartant iter, fossa valloque intercludi ab Aetolis nuntiabant, ne transitum ad sociorum urbes tuendas Philippo darent. vel segnem ducem tot excitare tumultus circumfusi poterant. legationes dimittit polli-

citus, prout tempus ac res sineret, omnibus laturum se auxilium; in praesentia, quae maxime urgebat res, 10 Peparethum praesidium urbi mittit, unde allatum erat Attalum ab Lemno classe transmissa omnem circum urbem agrum depopulatum. Polyphantam cum modica manu in Boeotiam, Menippum item quendam ex regis ducibus cum mille peltastis — pelta caetrae haud dissimilis est — Chalcidem mittit; additi quingenti 12 Agrianum, ut omnes insulae partes tueri posset. ipse Scotussam est profectus, eodemque ab Larisa Mace- donum copias traduci iussit. eo nuntiatum est concilium 13 Aetolis Heracleam indictum regemque Attalum ad consultandum de summa belli venturum. hunc con- ventum ut turbaret subito adventu, magnis itineribus Heracleam duxit. et concilio quidem dimisso iam venit; 15 segetibus tamen, quae iam prope maturitatem erant, maxime in sinu Aenianum evastatis Scotussam copias reducit. ibi exercitu omni relieto cum cohorte regia Demetriadem sese recipit. inde ut ad omnes hostium 16 motus posset occurrere, in Phocidem atque Euboeam et Peparethum mittit, qui loca alta eligerent, unde editi ignes apparerent; ipse in Tisaeo — mons est 17 in altitudinem ingentem cacuminis editi — speculum posuit, ut ignibus procul sublatis signum, ubi quid molirentur hostes, momento temporis acciperet.

Romanus imperator et Attalus rex a Peparetho 18 Nicaeam traicerunt; inde classem in Euboeam ad urbem Oreum trahunt, quae ab Demetriaco sinu Chalcidem et Euripum petenti ad laevam prima ur- bium Euboeae posita est. ita inter Attalum ac Sul- picium convenit, ut Romani a mari, regii a terra oppugnarent. VI. quadriduo post quam adpulsa classis 1 est urbem adgressi sunt. id tempus occultis cum Platore, qui a Philippo praepositus urbi erat, conloquisi absumentum est. duas arces urbs habet, unam imminen- tem mari, altera urbis media est; cuniculo inde via ad mare dicit, quam a mari turris quinque tabulato-

3 rum, egregium propugnaculum, cladebat. ibi primo
 atrocissimum contractum est certamen et turre in-
 structa omni genere telorum, et tormentis machinis-
 4 que ad oppugnandam eam ex navibus expositis. cum
 omnium animos oculosque id certamen avertisset, porta
 maritumae arcis Plator Romanos accepit, momentoque
 arx occupata est. oppidani pulsi inde in medium ur-
 5 bem ad alteram tendere arcem. et ibi positi erant,
 qui fores portae obicerent. ita exclusi in medio cae-
 6 duntur capiunturque. Macedonum praesidium con-
 globatum sub arcis muro stetit nec fuga effuse petita,
 7 nec pertinaciter proelio inito. eos Plator venia ab Sul-
 picio impetrata in naves impositos ad Demetrium
 Phthiotidis exposuit, ipse ad Attalum se recepit.
 8 Sulpicius tam facili ad Oreum successu elatus
 Chalcidem inde protinus victri classe petit; ubi haud
 9 quaquam ad spem eventus respondit. ex patenti utri-
 que coactum in angustias mare speciem intuenti primo
 gemini portus in ora duo versi praebuerit; sed haud
 10 facile alia infestior classi statio est. nam et venti ab
 utriusque terrae praecaltis montibus subiti ac procel-
 losi se deiciunt, et fretum ipsum Euripi non septiens
 die, sicut fama fert, temporibus statis reciprocat, sed
 temere in modum venti nunc huc nunc illuc verso
 mari velut monte praecipiti devolutus torrens rapi-
 tur. ita nec nocte nec die quies navibus datur.
 11 cum classem tam infesta statio accepit, tum et oppi-
 dum alia parte clausum mari, alia ab terra egregie
 munitum praesidioque valido firmatum et praecipue
 fide praefectorum principumque, quae fluxa et vana
 apud Oreum fuerat, stabile atque inexpugnabile fuit.
 12 id prudenter, ut in temere suscepta re, Romanus fecit,
 quod circumspectis difficultatibus, ne frustra tempus
 tereret, celeriter abstitit incepto classemque inde ad
 Cynum Locridis — emporium id est Opuntiorum urbis
 mille passuum a mari sitae — traiecit.

¹ VII. Philippum et ignes ab Oreo editi monuerant,

sed serius Platoris fraude ex specula elati; et inpari
 maritumis viribus haud facilis erat in insulam classi
 accessus. ita res per cunctationem omissa. ad Chalci-
 dis auxilium, ubi signum accepit, impigre est motus;
 nam et ipsa Chalcis quamquam eiusdem insulae urbs
 est, tamen adeo arto interscinditur freto, ut ponte
 continent iungatur terraque aditum faciliorem quam
 mari habeat. ² rediit igitur Philippus ab Demetriade
 Scotussam. inde de tertia vigilia profectus deiecto
 praesidio fusisque Aetolis, qui saltum Thermopylarum
 insidebant, cum trepidos hostis Heracleam compulisset,
 ipse uno die Phocidis Elatiam milia amplius sexaginta
 contendit. eodem ferme die ab Attalo rege Opuntio-
 rum urbs capta diripiebatur. concesserat eam regi
 praedam Sulpicius, quia Oreum paucos ante dies ab
 Romano milite expertibus regii direptum fuerat.
 Romana classis Oreum sese reperat, et Attalus ³
 ignarus adventus Philippi pecuniis a principibus ex-
 igendis terebat tempus, adeoque improvisa res fuit,
 ut, nisi Cretensium quidam forte pabulatum ab urbe
 longius progressi agmen hostium procul conspexit,
 opprimi potuerit. Attalus inermis atque incompositus
 cursu effuso mare ac naves petit, et molientibus ab
 terra naves Philippus supervenit tumultumque etiam ⁴
 ex terra nauticis praebuit. inde Opuntem rediit deos ⁵
 hominesque accusans, quod tantae rei fortunam ex
 oculis prope raptam amisisset. Opuntii quoque ab ⁶
 eadem ira increpiti, quod, cum trahere obsidionem
 in adventum suum potuissent, viso statim hoste prope
 in voluntariam ditionem concessissent. compositis
 circa Opuntem rebus Thronium est profectus. et At- ⁷
 talus primo Oreum est profectus; inde, cum fama
 accidisset Prusian Bithyniae regem in fines regni sui
 transgressum, omissis Romanis rebus atque Aetolico
 bello in Asiam traiecit. et Sulpicius Aeginam classem ¹¹
 recepit, unde initio veris profectus erat. haud maiore ¹²
 certamine, quam Opuntem Attalus ceperat, Philippus

Thronium cepit, incolebant urbem eam profugi ab Thebis Phthioticis; urbe sua capta a Philippo cum in fidem Aetolorum perfugissent, sedem iis Aetoli eam dederant urbis vastae ac desertae priore eiusdem Philippi bello. tum ab Thronio, sicut paulo ante dictum est, recepto profectus Tithronion et Drymias, Doridis parva atque ignobilia oppida, cepit. inde Elatiam, iussis ibi se opperiri Ptolemaei Rhodiorumque legatis, 14 venit. ubi cum de finiendo Aetolico bello ageretur — adfuerant enim legati nuper Heracleae concilio Romanorum Aetolorumque —, nuntius adfertur Machanidam Olympiorum sollemne ludierum parantes Elios adgredi statuisse. praevertendum id ratus legatis cum benigno responso dimissis, se neque causam eius belli fuisse nec moram, si modo aequa et honesta condicione 16 liceat, paci facturum, cum expedito agmine profectus per Boeotiam Megara atque inde Corinthum descendit, unde commeatibus sumptis Phliunta Pheneumque petit. 17 et iam cum Heraeam venisset, auditio Machanidam fama adventus sui territum refugisse Lacedaemonem, Aegium se ad concilium Achaeorum recepit, simul classem Punicam, ut mari quoque aliquid posset, accitam ibi ratus se inventurum. paucis ante diebus 18 inde Oxeas traiecerant Poeni; inde portus Acarnanum petierant, cum ab Oreo proiectum Attalum Romanosque audissent, veriti, ne ad se iretur et intra Rhium — fauces eae sunt Corinthii sinus — opprimerentur.

¹ VIII. Philippus maerebat quidem et angebatur, cum ad omnia ipse raptimisset, nulli tamen se rei in tempore occurrisse, et rapientem omnia ex oculis ² elusisse celeritatem suam fortunam. in concilio autem dissimulans aegritudinem elato animo dissennuit, testatus deos hominesque se nulli loco nec tempori defuisse, quin, ubi hostium arma concrepuissent, eo quanta ³ maxima posset celeritate tenderet; sed vix rationem iniri posse, utrum a se audacius an fugacius ab hosti- bus geratur bellum: sic ab Opunte Attalum, sic Sul-

picium ab Chalcide, sic eis ipsis diebus Machanidam e manibus suis elapsum. sed non semper felicem esse ⁴ fugam, nec pro difficulti id bellum habendum, in quo si modo congressus cum hostibus sis, viceris. quod ⁵ primum esset, confessionem se hostium habere nequaquam pares esse sibi; brevi et victoriam haud dubiam habiturum, nec meliore eventu eos secum quam spe pugnaturos. laeti regem socii audierunt. reddidit inde ⁶ Achaeis Heraeam et Triphyiam; Alipheram autem Megalopolitis, quod suorum fuisse finium satis probabant, restituit. inde navibus acceptis ab Achaeis — ⁷ erant autem tres quadriremes et biremes totidem — Anticyram traiecit. inde quinqueribus septem et ⁸ lembis viginti amplius, quos ut adiungeret Carthaginiensium classi, miserat in Corinthium sinum, profectus ad Erythras Aetolorum, quae prope Eupalium sunt, escensionem fecit. haud fefellit Aetolos: nam ⁹ hominum quod aut in agris aut in propinquis castellis Potidaniae atque Apolloniae fuit, in silvas montesque refugit; pecora, quae inter festinationem abigi nequie- ¹⁰ rant, sunt direpta et in naves compulsa. cum iis ceteraque praeda Nicia praetore Achaeorum Aegium misso, cum Corinthum petisset, pedestris inde copias per Boeotiam terra duci iussit. ipse ab Cenchreis ¹¹ praeter terram Atticam super Sunium navigans inter medias prope hostium classes Chalcidem pervenit; inde conlaudata fide ac virtute, quod neque timor nec ¹² spes flexisset eorum animos, hortatusque, in posterum ut eadem constantia permanerent in societate, si suam ¹³ quam Oritanorum atque Opuntiorum fortunam mallent, ab Chalcide Oreum navigat principumque iis, qui fugere capta urbe quam se Romanis tradere maluerant, summa rerum et custodia urbis permissa, ipse Demetriadem ab Euboea, unde primum ad opem ferendam sociis proiectus erat, traiecit. Cassandreae deinde cenu- ¹⁴ tum navium longarum carinis positis contractaque ad effectum eius operis multitudine fabrorum navalium,

quia res in Graecia tranquillas et profectio Attali fecerat et in tempore laborantibus sociis latum ab se auxilium, retro in regnum concessit, ut Dardanis bellum inferret.

IX. Extremo aestatis eius, qua haec in Graecia gesta sunt, cum Q. Fabius Maximus legatus ab M. Livio consule Romam ad senatum missus nuntiasset consulem satis praesidii Galliae provinciae credere L. Porcium cum suis legionibus esse, decidere se inde ac deduci exercitum consulaire posse, patres non M. Livium tantum redire ad urbem, sed conlegam quoque eius C. Claudium iusserunt. id modo in decreto interfuit, quod M. Livi exercitum reduci, Neronis legiones Hannibali oppositas manere in provincia iusserunt. inter consules ita per litteras convenit, ut quem ad modum uno animo rem publicam gessissent, ita, quamquam ex diversis regionibus convenienter, uno tempore ad urbem accederent; Praeneste qui prior venisset, collegam ibi opperiri iussus. forte ita evenit, ut eodem die ambo Praeneste venirent. inde praemissio edicto, ut triduo post frequens senatus ad aedem Bellonae adesset, omni multitudine obviam effusa ad urbem accessere. non salutabant modo universi circumfusi, sed contingere pro se quisque victrices dextras consulm cupientes, alii gratulabantur, alii gratias agebant, quod eorum opera incolmis res publica esset. in senatu cum more omnium imperatorum expositis rebus ab se gestis postulassent, ut pro re publica fortiter feliciterque administrata et deis immortalibus habetur honos et ipsis triumphantibus urbem inire liceret, se vero ea, quae postularent, decernere patres merito deorum primum, dein secundum deos consulm responderunt; et supplicatione amborum nomine et triumpho utriusque decreto, inter ipsos, ne, cum bellum communi animo gessissent, triumphum separarent, ita convenit, ut, quoniam et in provincia M. Livil res gesta esset, et eo die, quo pugnatum foret, eius forte auspicium

fuisset, et exercitus Livianus deductus Romam venisset, Neronis deduci de provincia non potuisset, ut M. Livium quadrigis urbem ineuntem milites sequerentur, C. Claudius equo sine militibus invehernetur. ita consociatus triumphus cum utriusque tum magis ei, qui, quantum merito anteibat, tantum honore conlegae cesserat, gloriam auxit. illum equitem aiebant sex dierum spatio transcurrisse longitudinem Italiae et eo die cum Hasdrubale in Gallia signis conlatis pugnasse, quo eum castra adversus sese in Apulia posita habere Hannibal credidisset: ita unum consulem pro utraque parte Italiae adversus duos duces, duos exercitus hinc consilium suum, hinc corpus opposuisse. nomen Neronis satis fuisse ad continendum castris Hannibalem; Hasdrubalem vero qua alia re quam adventu eius obrutum atque extinctum esse? itaque iret alter consul sublimis curru multiugis, si vellet, equis; uno equo per urbem verum triumphum vehi, Neronemque, etiam si pedes incedat, vel parta eo bello vel spreta eo triumpho gloria memorabilem fore. hi sermones spectantium Neronem usque in Capitolium prosecuti sunt. pecuniae in aerarium tulerunt sestertium triciens, octoginta milia aeris. militibus M. Livius quinquagenos senos asses divisit; tantundem C. Claudius absentibus militibus suis est pollicitus, cum ad exercitum redisset. notatum est eo die plura carmina militaribus iocis in C. Claudium quam in consulem suum iactata, equites L. Veturius et Q. Caecilius legatos magnis tulisse laudibus hortatosque esse plebem, ut eos consules in proximum annum crearent; adiecissem equitum praerogative auctoritatem consules postero die in contione, quam forti fidelique duorum praecipue legatorum opera usi essent, commemorantes.

X. Cum comitorum tempus adpeteret et per dictatorem comitia haberit placuisse, C. Claudius consul M. Livium conlegam dictatorem dixit, Livius Q. Caecilius magistrum equitum. a M. Livio dictatore creati

consules L. Veturius Q. Caecilius, is ipse, qui tum erat magister equitum, inde praetorum comitia habita; 3 creati C. Servilius M. Caecilius Metellus Ti. Claudius Asellus Q. Mamilius Turrinus, qui tum aedilis plebis 4 erat, comitiis perfectis dictator magistratu abdicato dimissoque exercitu in Etruriam provinciam ex senatus consulto est profectus ad quaestiones habendas, 5 qui Etruscorum Umbrorumve populi defectionis ab Romanis ad Hasdrubalem sub adventum eius consilia agitassen quique eum auxiliis aut commeatu aut ope 6 aliqua iuissent. haec eo anno domi militiaeque gesta. 7 Iudi Romani ter toti instaurati ab aedilibus curulibus Ch. Servilio Caepione Ser. Cornelio Lentulo; item Iudi plebei semel toti instaurati ab aedilibus plebis M. Pomponio Mathone et Q. Mamilio Turrino.

8 Tertio decimo anno Punici belli, L. Veturio Philone et Q. Caecilio Metello consulibus, Brutii ambo- 9 bus, ut cum Hannibale bellum gererent, provincia de- creta. praetores exinde sortiti sunt, M. Caecilius Metellus urbanam, Q. Mamilius peregrinam, C. Servilius Sici- 10 liam, Ti. Claudius Sardiniam. exercitus ita divisi: consulum alteri, quem C. Claudius prioris anni con- sul, alteri, quem Q. Claudius propraetor — eae binae 11 legiones erant — habuissent exercitum; in Etruria duas volonum legiones a C. Terentio propraetore M. Livius proconsul, cui prorogatum in annum im- 12 perium erat, aceiperet; et Q. Mamilio, ut collegae iuris dictione tradita Galliam cum exercitu, cui L. Porcius propraetor praefuerat, obtineret, decretum est, iussusque populari agros Gallorum, qui ad Poenos 13 sub adventum Hasdrubalis defecissent. C. Servilio cum Cannensibus duabus legionibus, sicut C. Mamilius 14 tenuerat, Sicilia tuenda data. ex Sardinia vetus exer- citus, cui A. Hostilius praefuerat, deportatus; novam 15 legionem, quam Ti. Claudius traiceret secum, consules conscripserunt. Q. Claudio, ut Tarentum, C. Hostilio Tubulo, ut Capuam provinciam haberet, prorogatum

in annum imperium est. M. Valerius proconsul, qui 16 tuendae circa Sicilam maritumae orae praefuerat, triginta navibus C. Servilio traditis cum cetera omni classe redire ad urbem iussus.

XI. In civitate tanto discrimine belli sollicita, 1 cum omnium secundorum adversorumque causas in deos verterent, multa prodigia nuntiabantur: Tarraci- 2 nae Iovis aedem, Satrici Matris Matutae de caelo tactam; Satricanos haud minus terrebant in aedem Iovis foribus ipsis duo perlapsi angues; ab Antio nuntiatum est eruentas spicas metentibus visas esse; Caere porcus 3 biceps et agnus mas idem feminaque natus erat; et Albae duo soles visos ferebant et nocte Fregellis lucem obortam. et bos in agro Romano locutus, et ara Nep- 4 tuni multo manasse sudore in circo Flaminio diceba- tur, et aedes Cereris, Salutis, Quirini de caelo tactae. prodigia consules hostiis maioribus procurare iussi et 5 supplicationem unum diem habere. ea ex senatus con- 6 sulto facta. plus omnibus aut nuntiatis peregre aut visis domi prodigiis terruit animos hominum ignis in aede Vestae extinctus, caesaque flagro est Vestalis, cuius custodia eius noctis fuerat, iusu P. Licini pontu- 7 ficiis. id quamquam nihil portendentibus deis ceterum neglegentia humana acciderat, tamen et hostiis maioribus procurari et supplicationem ad Vestae haberri placuit.

Priusquam proficiserentur consules ad bellum, 8 moniti a senatu sunt, ut in agros reducenda plebis curam haberent: deum benigitate summotum bellum ab urbe Romana et Latio esse, et posse sine metu in agris habitari; minime convenire Siciliae quam Italiae colendae maiorem curam esse. sed res haud- 9 quaquam erat populo facilis, et liberis cultoribus bello absuntis et inopia servitorum et pecore direpto villisque dirufis aut incensis. magna tamen pars auctoritate consulum compulsa in agros remigravit. mo- 10 verant autem huiusee rei mentionem Placentinorum

et Cremonensium legati, querentes agrum suum ab accolis Gallis incursum ac vastari, magnamque partem colonorum suorum dilapsam esse, et iam infrequentis 11 se urbēs, agrum vastum ac desertum habere. Mamilio praetori mandatum, ut colonias ab hoste tueretur; consules ex senatus consulto edixerunt, ut qui cives Cremonenses atque Placentini essent, ante certam diem in colonias reverterentur. principio deinde veris et ipsi ad bellum profecti sunt.

12 Q. Caecilius consul exercitum ab C. Nerone, L. Veturius a Q. Claudio propraetore accepit novisque 13 militibus, quos ipse conscriperat, supplevit. in Consentinum agrum consules exercitum duxerant passimque depopulati, cum agmen iam grave praeda esset, in saltu angusto a Bruttii iaculatoribusque Numidis 14 turbati sunt, ita ut non praeda tantum sed armati quoque in periculo fuerint. maior tamen tumultus quam pugna fuit, et praemissa praeda incolumes legio- 15 nes in loca culta evasere. inde in Lucanos profecti. ea sine certamine tota gens in dicionem populi Romani rediit.

1 XII. Cum Hannibale nihil eo anno rei gestum est. nam neque ipse se obtulit in tam recenti volnere publico privatoque neque lacerzierunt quietum Romanī: tantam inesse vim, etsi omnia alia circa eum 2 ruerent, in uno illo duce censebant. ac nescio an 3 mirabilior adversis quam secundis rebus fuerit, quippe *qui*, eum in hostium terra per annos tredecim tam procul ab domo varia fortuna bellum gereret exercitu non suo civili, sed mixto ex conluvione omnium gentium, quibus non lex, non mos, non lingua communis, alius habitus, alia vestis, alia arma, alii ritus, alia 4 sacra, alii prope dei essent, ita quodam uno vinculo copulaverit eos, ut nulla nec inter ipsos nec adversus 5 ducem seditio extiterit, cum et pecunia saepe in stipendium et commeatus in hostium agro deessent, quorum inopia priore Punico bello multa infanda inter-

duces militesque commissa fuerant. post Hasdrubalis 6 vero exercitum cum duce, in quibus spes omnis reposita victoriae fuerat, deletum cedendoque in angulum Bruttium cetera Italia concessum, cui non videatur mirabile nullum motum in castris factum? nam ad 7 cetera id quoque accesserat, ut ne alendi quidem exercitus nisi ex Bruttio agro spes esset, qui, ut omnis coleretur, exiguis tamen tanto alendo exercitui erat; tum magnam partem inventutis abstractam a cultu 8 agrorum bellum occupaverat et mos vitio etiam insitus genti per latrocinia militiam exercendi. nec ab 9 domo quicquam mittebatur de Hispania retinenda sollicitis, tamquam omnia prospera in Italia essent.

In Hispania res quadam ex parte eandem fortunam, quadam longe disparem habebant: eandem, quod proelio victi Carthaginenses duce amissō in ultimam Hispaniae oram usque ad Oceanum compulsi erant, disparem autem, quod Hispania non quam Italia modo, 11 sed quam ulla pars terrarum bello reparando aptior erat locorum hominumque ingenii. itaque ergo prima 12 Romanis inita provinciarum, quae quidem continentis sint, postrema omnium, nostra demum aetate, ductu auspicioque Augusti Caesaris perdomita est. ibi tum 13 Hasdrubal Gisgonis, maximus clarissimusque eo bello secundum Barcinos dux, regressus ab Gadibus rebelandi spe, adiuvante Magone Hamilcaris filio, dilectibus per ulteriorem Hispaniam habitis ad quinquaginta milia peditum, quattuor milia et quingentos equites armavit. de equestribus copiis ferme inter auctores 14 convenit; peditum septuaginta milia quidam adducta ad Silpiam urbem scribunt. ibi super campos patentes 15 duo duces Poeni ea mente, ne detrectarent certamen, considerunt. XIII. Scipio, cum ad eum fama tanti comparati exercitus perlata esset, neque Romanis legionibus tantae se fore parem multitudini ratus, ut non in speciem saltem opponerentur barbarorum auxilia, neque in iis tamen tantum virium ponendum, ut mu- 1 2

tando fidem, quae cladis causa fuisse patri patruoque,
 3 magnum momentum facerent, praemisso Silano ad
 Culcham duodetriginta oppidis regnante, ut equites
 4 peditesque ab eo, quos se per hiemem conscripturum
 pollicitus erat, acciperet, ipse ab Tarracone profectus
 protinus ab sociis, qui accolunt viam, modica contra-
 5 hendo auxilia Castulonem pervenit. eo adducta ab
 Silano auxilia tria milia peditum et quingenti equites.
 inde ad Baeculam urbem progressus omni exercitu
 civium sociorum, peditum equitumque quinque et
 6 quadraginta milibus. castra ponentes eos Mago et
 Masinissa cum omni equitatū adgressi sunt, turbassente
 que munitentes, ni abditi post tumulum opportune ad
 id positum ab Scipione equites improviso in effusos
 7 incurrisse. ei promptissimum quemque et proxime
 vallum atque in ipsos munitiones primum inectum
 vixdum proelio inito fuderunt. cum ceteris, qui sub
 signis atque ordine agminis incesserant, longior et
 8 diu ambigua pugna fuit. sed cum ab stationibus pri-
 mum expeditae cohortes, deinde ex opere deducti mi-
 llites atque arma capere iussi plures usque et integri
 fessis subirent, magnumque iam agmen armatorum a
 castris in proelium rueret, terga haud dubie vertunt
 9 Poeni Numidaeque. et primo turmatim abibant nihil
 propter pavorem festinationemque confusis ordinibus;
 dein, postquam acrius ultimis incidebat Romanus neque
 sustineri impetus poterat, nihil iam ordinum memores
 passim, qua cuique proximum fuit, in fugam effun-
 10 duntur. et quamquam eo proelio aliquantum et Roma-
 nis aucti et deminuti hostibus animi erant, tamen
 numquam per aliquot insequentes dies ab excursioni-
 bus equitum levisque armaturae cessatum est.

¹ XIV. Ubi satis temptatae per haec levia certa-
 mina vires sunt, prior Hasdrubal in aciem copias
 2 eduxit, deinde et Romani processere. sed utraque
 acies pro vallo stetit instructa, et cum ab neutrīs
 pugna coepita esset, iam die ad occasum inclinante a

Poeni prius, deinde ab Romano in castra copiae re-
 ductae. hoc idem per dies aliquot factum. prior semper
 3 Poenus copias castris educebat, prior fessis stando
 signum receptui dabat: ab neutra parte procursum
 telumve missum aut vox ulla orta. medium aciem
 4 hinc Romani illinc Carthaginenses mixti Afris, cornua
 socii tenebant — erant autem utrimque Hispani —;
 pro cornibus ante Punicam aciem elephanti castello-
 rum procul speciem preebabant. iam hoc in utrisque
 castris sermonis erat ita, ut instructi stetissent, pugna-
 turos, medias acies Romanum Poenumque, quos inter
 bellī causa esset, pari robore animorum armorumque
 concursuros. Scipio ubi haec obstinate credi animad-
 vertit, omnia de industria in eum diem, quo pugna-
 turus erat, mutavit. tesseram vesperi per castra dedit,
 7 ut ante lucem viri equique curati et pransi essent,
 armatus eques frenatos instratosque teneret equos.
 vixdum satis certa luce equitatum omnem cum levi
 8 armatura in stationes Punicas immisit; inde confestim
 ipse cum gravi agmine legionum procedit, praeter
 9 opinionem destinatam suorum hostiumque Romano
 milite cornibus firmatis, sociis in medium aciem ac-
 ceptis. Hasdrubal clamore equitum excitatus ut ex
 10 tabernaculo prosiluit tumultumque ante vallum et tre-
 pidationem suorum et procul signa legionum fulgentia
 plenosque hostium campos vidi, equitatum omnem
 extemplo in equites emitit; ipse cum peditum agmine
 11 castris egreditur nec ex ordine solito quicquam acie
 instruenda mutat. equitum iam diu anceps pugna erat
 12 nec ipsa per se decerni poterat, quia pulsis, quod
 prope in vicem fiebat, in aciem peditum tutus recep-
 tus erat; sed ubi iam haud plus quingentos passus
 13 acies inter se abierant, signo receptui dato Scipio
 patefactisque ordinibus equitatum omnem levemque
 armaturam, in medium acceptam divisamque in partes
 duas, in subsidiis post cornua locat. inde, ubi incipien-
 14 dae iam pugnae tempus erat, Hispanos — ea media

15 acies fuit — presso gradu incedere iubet; ipse e dextro
 cornu — ibi namque praerat — nuntium ad Silanum
 et Marcium mittit, ut cornu extenderent in sinistram
 partem, quem ad modum se tendentem ad dextram
 16 vidissent, et cum expeditis peditum equitumque prius
 pugnam consererent cum hoste, quam coire inter se
 17 mediae acies possent. ita diductis cornibus cum ternis
 peditum cohortibus ternisque equitum turmis, ad hoe
 velitibus, citato gradu in hostem ducebant, sequenti-
 18 bus in obliquum aliis. sinus in medio erat, qua segnus
 19 Hispanorum signa incedebant. et iam confixerant
 cornua, cum, quod roboris in hostium acie erat, Poeni
 veterani Afrique nondum ad teli coniectum venissent
 neque in cornua, ut adiuvarent pugnantes, discurrere
 auderent, ne aperirent mediam aciem vimenti ex ad-
 20 verso hosti. cornua aincipiti proelio urgebantur; eques
 levisque armatura ac velites, circumductis alis in latera
 incurabant, cohortes a fronte urgebant, ut abrumperent
 1 cornua a cetera acie. XV. et cum ab omni parte
 haudquaquam par pugna erat, tum quod turba Balia-
 rum tironumque Hispanorum Romano Latinoque
 2 militi obiecta erat; et procedente iam die vires etiam
 deficere Hasdrubalis exercitum cooperant, oppressos
 matutino tumultu coactosque, priusquam cibo corpora
 3 firmarent, raptim in aciem exire. et ad id sedulo diem
 extraxerat Scipio, ut sera pugna esset: nam ab septima
 demum hora peditum signa a cornibus concurrerunt,
 4 ad medianas acies aliquanto serius pervenit pugna, ita
 ut prius aestus a meridiano sole laborque standi sub
 armis et simul fames sitisque corpora adficcerent, quam
 5 manus cum hoste consererent. itaque steterunt scutis
 innixi. iam super cetera elephanti etiam, tumultuoso
 genere pugnae equitum velitumque et levis armaturae
 consternati, e cornibus in medianam aciem sese intu-
 6 lerant. fessi igitur corporibus animisque rettulere pe-
 dem, ordines tamen servantes, haud secus quam si
 7 imperio ducis cederent integra acie. sed cum eo ipso

acrius, ubi inclinata sensere rem, victores se undique
 inveherent, nec facile impetus sustineri posset, quam-
 quam retinebat obsistebatque cedentibus Hasdrubal,
 ab tergo esse colles tutumque receptum, si modice se
 reciperent, clamitans, tamen vincente metu verecun-
 diam, cum proximus quisque hostem caderet, terga
 exempli data, atque in fugam sese omnes effuderunt.
 ac primo constitvere signa in radicibus collium ac
 revocare in ordines militem cooperant cunctantibus in
 adversum collem erigere aciem Romanis; deinde, ut
 inferri impigne signa viderunt, integrata fuga in castra
 pavidi compelluntur. nec procul vallo Romanus aberat,
 cepissetque tanto impetu castra, ni se ex vehementi
 sole, qualis inter graves imbre nubes effulget, tanta
 vis aquae deiecisset, ut vix in castra sua receperint
 se victores, quosdam etiam religio ceperit ulterius
 quicquam eo die conandi. Carthaginienses, quamquam
 fessos labore ac vulneribus nox imberque ad neces-
 sariam quietem vocabat, tamen, quia metas et pericu-
 lum cessandi non dabat tempus, prima luce oppugna-
 turis hostibus castra, saxis undique circa ex propinquis
 vallibus congestis augent vallum, munimento sese,
 quando in armis parum praesidii foret, defensuri. sed
 transitio sociorum, fuga ut tutior mora videretur, fecit.
 principium defectionis ab Attene regulo Turdetanorum
 factum est: is cum magna popularium manu trans-
 fugit; inde duo munita oppida cum praesidiis tradita
 a praefectis Romano. et ne latius inclinatis semel ad
 15 defectionem animis serperet res, silentio proximae
 noctis Hasdrubal castra movet.

XVI. Scipio, ut prima luce qui in stationibus
 erant rettulerunt profectos hostes, praemisso equitatu
 signa ferri iubet; adeoque citato agmine ducti sunt,
 ut, si via recta vestigia sequentes issent, haud dubie
 adsecuturi fuerint; dueibus est creditum brevius aliud
 esse iter ad Baetim fluvium, ut transeuntes adgre-
 derentur. Hasdrubal clauso transitu fluminis ad Oce-
 3

anum fleetit, et iam inde fugientium modo effusi abi-
4 vabant. itaque ab legionibus Romanis aliquantum inter-
5 valli fecit, eques levisque armatura nunc ab tergo
nunc ab lateribus occurrendo fatigabat morabaturque;
6 sed cum ad crebros tumultus signa consisterent et
nunc equestria nunc cum velitibus auxiliisque peditum
7 proelia consererent, supervenerunt legiones. inde non
iam pugna sed trucidatio velut pecorum fieri, donec
ipse dux fugae auctor in proximos colles cum sex
milibus ferme semermium evasit; ceteri caesi captique.
8 castra tumultuaria raptim Poeni tumulo ediffissimo
communiverunt atque inde, cum hostis nequ quam
subire iniquo ascensu conatus esset, haud difficulter
sese tutati sunt. sed obsidio in loco nudo atque inopi
vix in paueos dies tolerabilis erat; itaque transitiones
ad hostem fiebant. postremo dux ipse navibus accitis
— nec procul inde aberat mare — nocte relicto exer-
9 citu Gades perfugit. Scipio fuga dueis hostium audita
decem milia peditum mille equites relinquunt Silano ad
10 castrorum obsidionem; ipse cum ceteris copiis septua-
gensimis castris protinus causis regulorum civitatumque
cognoscendis, ut praemia ad veram meritorum
11 aestimationem tribui possent, Tarraconom rediit. post
professionem eius Masinissa cum Silano clam con-
gressus, ut ad nova consilia gentem quoque suam
obedientem haberet, cum paucis popularibus in Afri-
cam traiecit, non tam evidenti eo tempore subitae
mutationis causa, quam documento post id tempus
constantissimae ad ultimam senectam fidei, ne tum
quidem eum sine probabili causa fecisse. Mago inde
13 remissis ab Hasdrubale navibus Gades petit; ceteri
deserti ab ducibus, pars transitione, pars fuga dissu-
pati per proximas civitates sunt, nulla numero aut
viribus manus insignis.

14 Hoc maxime modo ductu atque auspicio P. Scipio
pulsi Hispania Carthaginenses sunt, quarto
decimo anno post bellum initum, quinto quam P. Scipio

provinciam et exercitum accepit. haud multo post ¹⁵
Silanus debellatum referens Tarraconom ad Scipionem
rediit. XVII. L. Scipio cum multis nobilibus captivis
nuntius receptae Hispaniae Romam est missus; et cum
ceteri laetitia gloriaque ingenti eam rem vulgo ferrent,
1 unus, qui gesserat, inexplibilis virtutis veraeque laudis,
parvum instar eorum, quae spe ac magnitudine animi
concepisset, receptas Hispanias ducebat: iam Africam
3 magnamque Carthaginem et in suum decus nomenque
velut consummatam eius belli gloriam spectabat. ita-
que praemoliendas sibi ratus iam res conciliandosque
regum gentiumque animos, Syphacem primum regem
statuit temptare. Masaesuliorum is rex erat: Masaes-
sulii, gens adfinis Mauris, in regionem Hispaniae
maxime qua sita Nova Carthago est spectant. foedus
ea tempestate regi cum Carthaginiensibus erat; quod
haud gravius ei sanctiusque quam vulgo barbaris,
quibus ex fortuna pendet fides, ratus fore, oratorem
ad eum C. Laelium cum donis mittit. quibus barbarus
laetus, et quia res tum prosperae ubique Romanis,
Poenis in Italia adversae, in Hispania nullae iam
erant, amicitiam se Romanorum accipere annuit: fir-
mandae eius fidem nec dare nec accipere nisi cum
ipso coram duce Romano. ita Laelius in id modo fide
9 ab rege accepta, tutum adventum fore, ad Scipionem
redit. magnum in omnia momentum Syphax affectanti
res Africae erat, opulentissimus eius terrae rex, bello
iam expertus ipsos Carthaginenses, finibus etiam regni
apte ad Hispaniam, quod fretu exigno dirimuntur,
positis. dignam itaque rem Scipio ratus, quae, quoniam ¹¹
aliter non posset, magno periculo peteretur, L. Marcio
Tarracone, M. Silano Carthagine Nova, quo pedibus
ab Tarracone itineribus magnis ierat, ad praesidium
Hispaniae relicti, ipse cum C. Laelio duabus quin-
queremib[us] ab Carthagine profectus tranquillo mari
plurimum remis, interdum et leni adiuvante vento in
Africam traiecit. forte ita incidit, ut eo ipso tempore ¹³

Hasdrubal pulsus Hispania, septem triremibus portum
 14 inventus, ancoris positis terrae adplicaret naves, cum
 conspectae duae quinqueremes, haud cuiquam dubio,
 quin hostium essent opprimique a pluribus, priusquam
 portum intrarent, possent, nihil aliud quam tumultum
 ac trepidationem simul militum ac nautarum nequi-
 15 quam armaque et naves expedientium fecerunt. per-
 eussa enim ex alto vela paulo acriori vento prius in
 portum intulerunt quinqueremes, quam Poeni ancoras
 16 molirentur; nec ultra tumultum ciere quisquam in
 regio portu andebat. ita in terram prior Hasdrubal,
 mox Scipio et Laelius egressi ad regem pergunt.

1 XVIII. magnificumque id Syphaci — nec erat aliter
 — visum, duorum opulentissimorum ea tempestate
 duces populorum uno die suam pacem amicitiamque
 2 petentes venisse. utrumque in hospitium invitat; et
 quoniam fors eos sub uno tecto esse atque ad eosdem
 penates voluisset, contrahere ad conloquium dirimen-
 3 darum simultatium causa est conatus, Scipione ab-
 nuente aut privatim sibi ullum cum Poeno odium
 esse, quod conloquendo finiret, aut de re publica se
 quicquam cum hoste agere iniussu senatus posse.
 4 illud magno opere tendente rege, ne alter hospitium
 exclusus mensa videretur, ut in animum induceret ad
 5 easdem venire epulas, haud abnuit; cenatumque simul
 apud regem est, et eodem etiam lecto Scipio atque
 6 Hasdrubal, quia ita cordi erat regi, accubuerunt. tanta
 autem inerat comitas Scipioni atque ad omnia natu-
 ralis ingenii dexteritas, ut non Syphacem modo, bar-
 7 barbarum insuetumque moribus Romanis, sed hostem
 etiam infestissimum facunde adloquendo sibi conciliarit:
 mirabiloremque sibi eum virum congresso coram vi-
 8 sum prae se ferebat quam bello rebus gestis, nec
 dubitare, quin Syphax regnumque eius iam in Roma-
 norum essent potestate: eam artem illi viro ad con-
 9 ciliandos animos esse. itaque non quo modo Hispaniae
 amissae sint quaerendum magis Carthaginiensibus esse,

quam quo modo Africam retineant cogitandum. non 10
 peregrinabundum neque circa amoenas oras vagantem
 tantum ducem Romanum relieta provincia novae di-
 cionis, relictis exercitibus, duabus navibus in Africam
 traieisse et commisisse sese in hostilem terram, in
 potestatem regiam, in fidem inexpertam, sed potiundae
 Africæ spem adfectantem. hoc eum iam pridem volu-
 11 tare in animo, hoc palam fremere, quod non, quem
 ad modum Hannibal in Italia, sic Scipio in Africa
 bellum gereret. Scipio foedere ieto cum Syphace pro-
 12 fectus ex Africa dubiusque et plerumque saevis in
 alto iactatus ventis die quarto Novae Carthaginis
 portum tenuit.

XIX. Hispaniae sicut a bello Punico quietae 1
 erant, ita quasdam civitates propter conscientiam cul-
 pae metu magis quam fide quietas esse apparebat,
 quarum maxime insignes et magnitudine et noxa
 Ilturgi et Castulo erant. Castulo cum prosperis rebus 2
 socii fuissent, post caesos cum exercitibus Scipiones
 defecerat ad Poenos; Ilturgitani prodendis, qui ex
 illa clade ad eos perfugerant, interficiendisque scelus
 etiam defectioni addiderant. in eos populos primo ad-
 ventu, cum dubiae Hispaniae essent, merito magis 3
 quam utiliter saevitum foret; tunc iam tranquillis
 rebus quia tempus expetendae poenae videbatur venisse,
 accitum ab Tarracone L. Marcium cum tertia parte
 copiarum ad Castulonem oppugnandum mittit; ipse
 cum cetero exercitu quintis fere ad Ilturgin castris
 pervenit. clausae erant portae omniaque instructa et 5
 parata ad oppugnationem arcendam; adeo conscientia,
 quid se meritos scirent, pro indicto eis bello fuerat.
 hinc et hortari milites Scipio orsus est: ipsos clau-
 dendo portas indicasse Hispanos, quid ut timerent
 meriti essent. itaque multo infestioribus animis cum 6
 eis quam cum Carthaginiensibus bellum gerendum
 esse; quippe cum illis prope sine ira de imperio et
 gloria certari, ab his perfidia et crudelitatis et sce- 7

8 leris poenas expetendas esse. venisse tempus, quo et
 nefandam commilitonum necem et in semet ipsos, si
 eodem fuga delati forent, instructam fraudem ulci-
 sicerent, et in omne tempus gravi documento sanci-
 rent, ne quis umquam Romanum civem militemve in
 9 ulla fortuna opportunum iniuriae duceret. ab hac co-
 hortatione ducis incitati scalas electis per manipulos
 viris dividunt; partitoque exercitu ita, ut parti alteri
 Laelius praeesset legatus, duobus simul locis ancipi-
 10 terrore urbem adgrediuntur. non dux unus aut plures
 principes oppidanos, sed suus ipsorum ex conscientia
 culpae metus ad defendendam in pigre urbem hortatur;
 11 et meminerant et admonebant *alii* alios supplicium
 ex se, non victoriam peti; ubi quisque mortem oppe-
 teret, id referre, utrum in pugna et in acie, ubi Mars
 communis et victim saepe erigeret et affligeret vic-
 12 torem, an postmodo, cremata et diruta urbe, ante ora
 captarum coniugum liberorumque, inter verbera et
 vincula, omnia foeda atque indigna passi exspirarent.
 13 igitur non militaris modo actas aut viri tantum, sed
 feminae puerique supra animi corporisque vires adsunt,
 propugnantibus tela ministrant, saxa in muros mu-
 14 nientibus gerunt. non libertas solum agebatur, quae
 virorum fortium tantum pectora acuit, sed ultima
 omnium supplicia et foeda mors ob oculos erat. ac-
 cendeabantur animi et certamine laboris ac periculi
 15 atque ipso inter se conspectu, itaque tanto ardore
 certamen initum est, ut domitor ille totius Hispaniae
 exercitus ab unius oppidi iuventute saepe repulsus a
 16 muris haud satis decoro proelio trepidarit. id ubi vidit
 Scipio, veritus, ne vanis tot conatibus suorum et
 hostibus cresceret animus et segnior miles fieret,
 sibimet conandum ac partem periculi capessendam
 esse ratus, increpita ignavia militum ferri scalas iubet
 et se ipsum, si ceteri cunctentur, escensurum minatur.
 17 iam subierat haud mediocri periculo moenia, cum
 clamor undique ab sollicitis vicem imperatoris militi-

bus sublatus scalaeque multis simul partibus erigi
 cooptae; et ex altera parte Laelius institit. tum victa 18
 oppidanorum vis, deiectisque propugnatoribus occu-
 pantur muri; arx etiam ab ea parte, qua inexpugna-
 bilis videbatur, inter tumultum capta est. XX. trans-
 fugae Afri, qui tum inter auxilia Romana erant, et
 oppidanis in ea tuenda, unde periculum videbatur,
 versis et Romanis subeuntibus contra, qua adire po-
 terant, conspexerunt editissimam urbis partem, quia
 rupe praearcta tegebatur, neque opere ullo munitam et
 ab defensoribus vacuam. levium corporum homines et
 multa exercitatione pernicium clavos secum ferreos
 portantes, qua per inaequaliter eminentia rupis poten-
 tiant, scandunt. sicubi nimis arduum et leve saxum
 occurrebat, clavos per modica intervalla figentes cum
 velut gradus fecissent, primi insequentes extrahentes
 manu, postremi sublevantes eos, qui pree se irent, in
 summum evadunt; inde decurrunt cum clamore in
 urbem iam captam ab Romanis. tum vero apparuit 6
 ab ira et ab odio urbem oppugnatam esse. nemo
 capiendi vivos, nemo patentibus ad direptionem omni-
 bus praedae memor est; trucidant inertes iuxta atque
 armatos, feminas pariter ac viros; usque ad infantium
 caudem ira crudelis pervenit. ignem deinde tectis 7
 iniciunt ac diruunt quae incendio absumi nequeunt;
 adeo vestigia quoque urbis extinguere ac delere me-
 moriam hostium sedis cordi est.

Castulonem inde Scipio exercitum dicit, quam 8
 urbem non Hispani modo convenae, sed Punici etiam
 exercitus ex dissipata passim fuga reliquiae tutaban-
 tur. sed adventum Scipionis praevenerat fama cladis 9
 Iliturgitanorum, terrorque inde ac desperatio invaserat;
 et in diversis causis cum sibi quisque consultum sine 10
 alterius respectu vellet, primo tacita suspicio, deinde
 aperta discordia secessionem inter Carthaginenses at-
 que Hispanos fecit. his Cerdubelus, propalam dedi- 11
 tionis auctor, Himilco Punicis auxiliaribus praeerat;

quos urbemque clam fide accepta Cerdubelus Romano
12 prodit. mitior ea victoria fuit; nec tantundem noxae
admissum erat, et aliquantum irae lenierat voluntaria
deditio.

1 XXI. Marcius inde in barbaros, si qui nondum
perdomiti erant, sub ius dicionemque redigendos mis-
sus; Scipio Carthaginem ad vota solvenda deis munus-
que gladiatorium, quod mortis causa patris patruique
2 paraverat, edendum rediit. gladiatorum spectaculum
fuit non ex eo genere hominum, ex quo lanistis com-
parare mos est, servorum de catastae ac liberorum,
3 qui venalem sanguinem habent: voluntaria omnis et
gratuita opera pugnantium fuit. nam alii missi ab re-
gulis sunt ad specimen insitae genti virtutis ostens-
4endum, alii ipsi professi se pugnaturos in gratiam
ducis, alios aemulatio et certamen, ut provocarent,
5 provocative haud abnuerent, traxit; quidam quas
disceptando controversias finire nequierant aut no-
luerant pacto inter se, ut victorem res sequeretur,
6 ferro decreverunt. neque obscuri generis homines, sed
clari inlustresque, Corbis et Orsua patrueles fratres,
de principatu civitatis, quam Ibem vocabant, ambi-
7 gentes, ferro se certaturos professi sunt. Corbis maior
aetate erat; Orsuae pater princeps proxime fuerat, a
fratre maiore post mortem eius principatu accepto.
8 cum verbis disceptare Scipio vellet ac sedare iras,
negatum id ambo dicere cognatis communibus, nec
alium deorum hominumque quam Martem se indicem
9 habituros esse. robore maior, minor flore aetatis ferox,
mortem in certamine, quam ut alter alterius imperio
subiceretur, praeoptantes, cum dirimi ab tanta rabie
nequirent, insigne spectaculum exercitui praebuere do-
cumentumque, quantum cupiditas imperii malum inter
10 mortales esset. maior usu armorum et astu facile
stolidas vires minoris superavit. huic gladiatorum
spectaculo ludi funebres additi pro copia provinciali
et castrensi apparatu.

XXII. Res interim nihilo minus ab legatis gere-
bantur. Marcius superato Baete amni, quem incolae
Certim appellant, duas opulentas civitates sine cer-
tamine in ditionem accepit. Astapa urbs erat, Car-
thaginiensium semper partis; neque id tam dignum
ira erat, quam quod extra necessitates belli praeci-
puum in Romanos gerebant odium. nec urbem aut situ
aut muniimento tutam habebant, quae ferociores iis
animos faceret; sed ingenia incolarum latrocino laeta,
ut excursions in finitimum agrum sociorum populi
Romani facerent, impulerant, et vagos milites Roma-
nos lixasque et mercatores exciperent. magnum etiam
comitatum, quia paucis parum tutum fuerat, trans-
gredientem fines positis insidiis circumventum iniquo
loco interfecerant. ad hanc urbem oppugnandam cum
admotus exercitus esset, oppidani conscientia scelerum,
quia nec deditio tuta ad tam infestos videbatur, ne-
que spes moenibus aut armis tuendae salutis erat,
facinus in se ac suos foedum ac ferum consciscunt.
locum in foro destinant, quo pretiosissima rerum
suarum congererent; super eum cumulum coniuges
ac liberos considere cum iussissent, ligna circa ex-
struunt fascesque virgultorum coniciunt. quinquaginta
7 deinde armatis iuvenibus praecipiunt, ut, donec incertus
eventus pugnae esset, praesidium eo loco for-
tunarum suarum corporumque, quae cariora fortunis
essent, servarent; si rem inclinatam viderent atque
8 in eo iam esse, ut urbs caperetur, scirent omnes, quos
euntis in proelium cernerent, mortem in ipsa pugna
obituros; illos se per deos superos inferosque orare,
9 ut memores libertatis, quae illo die aut morte honesta
aut servitute infami finienda esset, nihil relinquenter,
in quod saeyire iratus hostis posset. ferrum ignem-
que in manibus esse; amicæ ac fideles potius ea,
quæ peritura forent, absumerent manus, quam insul-
tarent superbo ludibrio hostes. his adhortationibus
execratio dira adiecta, si quem a proposito spes molli-

tiave animi flexisset, inde concitato agmine patentibus
 12 portis ingenti cum tumultu erumpunt. neque erat ulla
 satis firma statio opposita, quia nihil minus, quam
 ne egredi obsessi moenibus auderent, timeri poterat.
 per paucae equitum turmae levisque armatura repente
 13 e castris ad id ipsum emissam occurrit. acrior impetu
 atque animis quam compositior ullo ordine pugna fuit.
 itaque pulsus eques, qui primus se hosti obtulerat,
 terrorem intulit levi armaturae; pugnatumque sub ipso
 vallo foret, ni robur legionum perexiguo ad instruen-
 14 dum dato tempore aciem derexisset. ibi quoque tre-
 pidatum parumper circa signa est, cum caeci furore
 in vulnera ac ferrum vecordi audacia ruerent; dein
 vetus miles, aduersus temerarios impetus pertinax,
 15 caede primorum insequentes suppressit. conatus paulo
 post ultro inferre pedem, ut neminem cedere atque
 obstinatos mori in vestigio quemque suo vidit, pate-
 facta acie, quod ut facere posset multitudo armatorum
 facile suppeditabat, cornua hostium amplexus, in or-
 1 bem pugnantes ad unum omnes occidit. XXIII. atque
 haec tamen *caedes ab impetu* hostium iratorum ac
 tum maxime dimicantium iure belli in armatos re-
 2 pugnantesque edebatur; foedior alia in urbe trucidatio
 erat, cum turbam feminarum puerorumque inbellem
 inermemque cives sui caederent et in succensum rogam
 semianima pleraque inicent corpora, rivique sanguini-
 3 flammam orientem restinguenter; postremo ipsi,
 caede miseranda suorum fatigati, cum armis medio in-
 cendio se iniecerunt. iam caedi perpetratae victores
 Romani supervenerunt ac primo conspectu tam foedae
 4 rei mirabundi parumper obstupuerunt; dein eum aurum
 argentumque cumulo rerum aliarum interfulgens avi-
 ditate ingenii humani rapere ex igni vellent, correpti
 ali flamma sunt, ali ambusti adflatu vaporis, cum
 receptus primis urgente ab tergo ingenti turba non
 5 esset. ita Astapa sine praeda militum ferro ignique
 absumpta est. Marcius ceteris eius regionis metu in

ditionem acceptis victorem exercitum Carthaginem
 ad Scipionem reduxit.

Per eos ipsos dies perfugae a Gadibus venerunt, 6
 pollicentes urbem Punicumque praesidium, quod in ea
 urbe esset, et imperatorem praesidii cum classe pro-
 dituros esse. Mago ibi ex fuga substiterat navibusque 7
 in Oceano collectis aliquantum auxiliorum et trans
 fretum ex Africa ora et ex proximis Hispaniae locis
 per Hannonem praefectum coegerat. fide accepta da- 8
 taque perfugis et Marcius eo cum expeditis cohortibus
 et Laelius cum septem triremibus, quinqueremi una
 est missus, ut terra marique communi consilio rem
 gererent.

XXIV. Scipio ipse gravi morbo implicitus, gra- 1
 viore tamen fama, cum ad id quisque quod audierat
 insita hominibus libidine alendi de industria rumores 2
 adiceret aliquid, provinciam omnem ac maxime longin-
 qua eius turbavit; apparuitque, quantam excitatura
 molem vera fuisset clades, cum vanus rumor tantas 3
 procellas excivisset. non socii in fide, non exercitus
 in officio mansit. Mandonius et Indibilis, quibus, quia 4
 regnum sibi Hispaniae pulsis inde Carthaginensisibus
 destinabant animis, nihil pro spe contigerat, concitatis
 popularibus — Lacetani autem erant — et iuventute 5
 Celtiberorum excita agrum Suessetanum Sedetanumque
 sociorum populi Romani hostiliter depopulati sunt.
 civilis alius furor in castris ad Sucronem ortus. octo
 ibi milia militum erant, praesidium gentibus, quae eis 6
 Hiberum incolunt, impositum. motae autem eorum
 mentes sunt non tum primum, cum de vita imperatoris
 dubii rumores allati sunt, sed iam ante licentia ex 7
 diutino, ut fit, otio conlecta, et non nihil, quod in
 hostico laxius rapto suetis vivere artiores in pace res
 erant. ac prius sermones tantum occulti serebantur:
 si bellum in provincia esset, quid sese inter pacatos
 facere? si debellatum iam et confecta provincia esset,
 cur in Italiam non revehi? flagitatum quoque stipen- 8

dium procacius quam ex more et modestia militari erat, et ab custodibus probra in circumeantes vigilias tribunos iacta, et noctu quidam praedatum in agrum circa pacatum ierant; postremo interdui ac propalam sine commeatu ab signis abibant. omnia libidine ac licentia militum, nihil instituto ac disciplina militiae aut imperio eorum, qui praeerant, gerebatur. forma tamen Romanorum castrorum constabat una ea re, quod tribunos, ex contagione furoris haud expertes seditionis defectionisque rati fore, et iura reddere in principiis sinebant et signum ab eis petebant et in stationes ac vigilias ordine ibant; et ut vim imperii abstulerant, ita speciem dicto parentium, ultro ipsi imperantes, servabant. erupit deinde seditus, postquam reprehendere atque improbare tribunos ea, quae fierent, et conari obviam ire et propalam abnuere furoris eorum se futuros socios senserunt. fugatis itaque e principiis ac post paulo e castris tribunis, ad principes seditionis, gregarios milites, C. Albium Calenum et C. Atrium Umbrum, delatum omnium consensu imperium est. qui nequaquam tribuniciis contenti ornamentis insignia etiam summi imperii, fasces securesque, attractare ausi; neque venit in mentem suis tergis suisque cervicibus virgas illas securesque immovere, quas ad metum aliorum praeferrent. mors Scipionis falso credita obcaecabat animos, sub cuius vulgatam mox famam non dubitabant totam Hispaniam arsuram bello; in eo tumultu et sociis pecunias imperari et diripi propinquas urbes posse, et turbatis rebus, cum omnia omnes auderent, minus insignia fore, quae ipsi fecissent. XXV. cum alios subinde recentes nuntios non mortis modo, sed etiam funeris expectarent, neque superveniret quisquam, evanesceretque temere ortus rumor, tum primi auctores requiri coepti. et subtrahente se quoque, ut credidisse potius temere quam finxisse rem talem videri posset, destituti duces iam sua ipsi insignia et pro vana imagine imperii, quod

gererent, veram iustumque mox in se versuram protestatem horrebat. stupenti ita seditioni, cum vivere primo, mox etiam valere Scipionem certi auctores adferrent, tribuni militum septem ab ipso Scipione missi supervenerunt ad quorum primum adventum exasperati animi, mox ipsis placido sermone permulcentibus notos, cum quibus congressi erant, leniti sunt. circumeantes enim tentoria primo, deinde in principiis praetorioque, ubi sermones inter se serentium circulos vidissent, adloquebantur percunctantes magis, quae causa irae consternationisque subitae foret, quam factum accusantes. vulgo stipendum non datum ad diem iactabatur, et, cum eodem tempore, quo scelus Ilturgitanorum exstisset, post duorum imperatorum duorumque exercituum stragem sua virtute defensum nomen Romanum ac retenta provincia esset, Ilturgitanos poenam noxae meritam habere, suis recte factis gratiam qui exsolvat non esse. talia querentes aequa orare, seque ea relatuos ad imperatorem respondebant; laetari, quod nihil tristius nec insanabilius esset; et P. Scipionem deum benignitate et rem publicam esse gratiae referendae.

Scipionem bellis adsuetum, ad seditionum processus rudem, sollicitum habebat res, ne aut exercitus peccando aut ipse puniendo modum excederet. in praesentia, ut coepisset, leniter agi placuit et missis circa stipendiarias civitates exactoribus stipendiis spem propinquam facere; et edictum subinde propositum, ut ad stipendum petendum convenienter Carthaginem, seu earptim partes seu universi mallent. tranquillam seditionem iam per se languescentem repentina quies rebellantium Hispanorum fecit; redierant enim in fines omissio incepto Mandonius et Indibilis, postquam vivere Scipionem allatum est; nec iam erat aut civis aut externus, cum quo furorem suum consociarent. omnia circumspectantes consilia nihil reliqui habebant praeter non tutissimum a malis consiliis receptum, ut

imperatoris vel iustae irae vel non desperandae clementiae sese committerent: etiam hostibus eum ignovisse, cum quibus ferro dimicasset; suam seditionem sine vulnere, sine sanguine fuisse, nec ipsam atrocem nec atroci poena dignam, — ut ingenia humana sunt ad suam cuique levandam culpam nimio plus facunda. illa dubitatio erat, singulaene cohortes an universi ad stipendum petendum irent, inclinavit sententia, quod tuius censebant, universos ire.

XXVI. Per eosdem dies, quibus haec illi consulabant, consilium de iis Carthagini erat, certabaturque sententis, utrum in auctores tantum seditionis erant autem ii numero hand plus quam quinque et triginta — animadverteretur, an plurium suppicio vindicanda tam foedi exempli defectio magis quam seditionis esset. vicit sententia lenior, ut, unde culpa orta esset, ibi poena consideret; ad multitudinem castigationem satis esse. consilio dimisso, ut id actum videretur, expeditio adversus Mandonium Indibilemque edicitur exercitui, qui Carthagine erat, et cibaria dierum aliquot parare iubentur. tribunis septem, qui et antea Sucronem ad leniendam seditionem ierant, obviam exercitui missis quina nomina principum seditionis edita sunt, ut eos per idoneos homines benigno vultu ac sermone in hospitium invitatos sopitosque vino vincirent. haud procul iam Carthagine aberant, cum ex obviis auditum postero die omnem exercitum cum M. Silano in Lacetanos proficiisci non metu modo omni, qui tacitus insidebat animis, liberavit eos, sed laetitiam ingentem fecit, quod magis habituri solum imperatorem quam ipsi futuri in potestate eius essent. sub occasum solis urbem ingressi sunt exercitumque alterum parantem omnia ad iter viderunt. excepti sermonibus de industria compositis, laetum opportunumque adventum eorum imperatori esse, quod sub ipsam profactionem alterius exercitus venissent, corpora curant, ab tribunis sine ullo tumultu auctores

seditionis, per idoneos homines perducti in hospitia, comprensi ac vinceti sunt. vigilia quarta impedimenta exercitus, cuius simulabatur iter, proficisci coepere; sub lucem signa mota et ad portam retentum agmen custodesque circa omnes portas missi, ne quis urbe egredetur. vocati deinde ad contionem qui pridie venerant, ferociter in forum ad tribunal imperatoris, ut ultra territori suclamationibus, concurrunt. simul armati inermi se contioni ab tergo circumfuderunt. tum omnis ferocia concidit, et, ut postea fatebantur, nihil aequo eos terruit quam praeter spem robur et colos imperatoris, quem affectum visuros crediderant, vultusque, qualem ne in acie quidem aiebant meminisse. sedit tacitus paulisper, donec nuntiatum est esse. XXVII. tum silentio per praeconem facta excepit: „numquam mihi defutram orationem, qua exercitum meum adloquerer, eredidi, non quo verba umquam potius quam res exercuerim, sed quia prope a pueritia in castris habitus adsueram militaribus ingenii; apud vos quem ad modum loquar, nec consilium nec oratio suppeditat, quos ne quo nomine quidem appellare debeam scio. cives? qui a patria vestra descistis, — an milites? qui imperium auspiciumque abnuistis, sacramenti religionem rupistis, — hostes? corpora, ora, vestitum, habitum civium agnosco; facta, dieta, consilia, animos hostium video. quid enim vos, nisi quod Ilergetes et Lacetani, aut optastis aliud aut sperastis? et illi tamen Mandonium atque Indibilem, regiae nobilitatis viros, duces furoris secuti sunt; vos auspicium et imperium ad Umbrum omnes fecisse aut factum voluisse, milites; paucorum eum furorem atque amentiam esse; libenter credam negantibus, nec enim ea sunt commissa, quae, vulgata in omnem exercitum, sine piaculis ingentibus expiari

7 possint. invitus ea tamquam vulnera attingo, sed nisi
 8 tacta tractataque sanari non possunt. equidem pulsis
 Hispania Carthaginiensibus nullum locum tota pro-
 vincia, nullos homines credebam esse, ubi vita invisa
 esset mea: sic me non solum adversus socios gesseram,
 9 sed etiam adversus hostes. in castris en meis —
 quantum opinio fefellit! — fama mortis meae non
 10 accepta solum, sed etiam expectata est. non quod ego
 vulgari facinus per omnes velim — equidem, si totum
 exercitum meum mortem mihi optasse crederem, hic
 statim ante oculos vestros morerer, nec me vita iuvaret
 11 invisa civibus et militibus meis —; sed multitudine
 omnis sicut natura maris per se immobilis est; ut
 venti et aurae carent, ita aut tranquillum aut procellae
 in vobis sunt; et causa atque origo omnis furoris
 12 penes auctores est, vos contagione insanistis; qui mihi
 ne hodie quidem scire videmini, quo amentiae pro-
 gressi sitis, quid facinoris in me, quid in patriam
 parentesque ac liberos vestros, quid in deos sacra-
 menti testes, quid adversus auspicia, sub quibus mili-
 tatis, quid adversus morem militiae disciplinamque
 maiorum, quid adversus summi imperii maiestatem ausi
 13 sitis. de me ipso taceo; temere potius quam avide
 credideritis; is denique ego sim, cuius imperii taedere
 exercitum minime mirandum sit: — patria quid de
 vobis meruerat, quam cum Mandonio et Indibili con-
 14 sociando consilia probebat? quid populus Romanus,
 cum imperium ablatum ab tribunis suffragio populi
 creatis ad homines privatos detulisti, cum eo ipso
 non contenti, si pro tribunis illos haberetis, fasces
 imperatoris vestri ad eos, quibus servus, cui impera-
 rent, numquam fuerat, Romanus exercitus detulisti?
 15 in praetorio tetenderunt Albius et Atrius, classicum
 apud eos cecinit, signum ab iis petitum est, sederunt
 in tribunal P. Scipionis, lictor apparuit, summoto
 16 incesserunt, fasces cum securibus praelati sunt. lapi-
 des pluere et fulmina iaci de caelo et insuetos fetus

animalia edere vos portenta esse putatis: hoc est
 portentum, quod nullis hostiis, nullis supplicationibus
 sine sanguine eorum, qui tantum ausi facinus sunt,
 expiari possit. XXVIII. atque ego, quamquam nullum 1
 scelus rationem habet, tamen, ut in re nefaria, quae
 mens, quod consilium vestrum fuerit, scire velim.
 Regium quondam in praesidium missa legio interfectis 2
 per scelus principibus civitatis urbem opulentam per
 decem annos tenuit; propter quod facinus tota legio, 3
 milia hominum quattuor, in foro Romae securi per-
 cussi sunt. sed illi primum non Atrium Umbrum se- 4
 milixam, nominis etiam abominandi ducem, sed D.
 Vibellium tribunum militum secuti sunt, nec cum
 Pyrrho nec cum Samnitibus aut Lucanis, hostibus
 populi Romani, se coniunxerunt; vos cum Mandonio 5
 et Indibili et consilia communicastis et arma conso-
 ciaturi fuistis. illi, sicut Campani Capuam Tuscis ve- 6
 teribus cultoribus ademptam, Mamertini in Sicilia
 Messanam, sic Regium habituri perpetuam sedem
 erant, nec populum Romanum nec socios populi Ro-
 mani ultro lacessituri bello: — Sucronemne vos domi- 7
 cilium habituri eratis? ubi si vos decadens confecta
 provincia imperator relinquarem, deum hominumque
 fidem implorare debebatis, quod non rediretis ad con-
 iuges liberosque vestros. sed horum quoque memoriam, 8
 sicut patriae meique, eieceritis ex animis vestris;
 viam consilii scelerati, sed non ad ultimum dementis
 exequi volo. mene vivo et cetero incolumi exercitu, 9
 cum quo ego die uno Carthaginem cepi, cum quo
 quattuor imperatores, quattuor exercitus Carthaginien-
 sium fudi, fugavi, Hispania expuli, vos octo milia
 hominum, minores certe omnes pretii quam Albius et 10
 Atrius sunt, quibus vos subiecistis, Hispaniam pro-
 vinciam populo Romano erecturi eratis? amolior et
 amo nomen meum; nihil ultra facile creditam mor-
 tem meam a vobis violatus sim —: quid? si ego 11
 morerer, mecum expiratura res publica, mecum casu-

rum imperium populi Romani erat? ne istuc Iuppiter optimus maximus sirit, urbem auspicato deis auctori-
 bus in aeternum conditam fragili huic et mortali cor-
 12 pori aequalem esse. Flaminio, Paulo, Graecho, Pos-
 tumio Albino, M. Marcello, T. Quinetio Crispino, Cn.
 Fulvio, Scipionibus meis, tot tam praeclaris impera-
 toribus uno bello absumptis superstes est populus
 Romanus eritque mille aliis nunc ferro nunc morbo
 morientibus —: meo unius funere elata populi Ro-
 13 mani esset res publica? vos ipsi hic in Hispania patre
 et patruo meo, duobus imperatoribus, interfectis Sep-
 timum Marcium ducem vobis adversus exultantes re-
 centi Victoria Poenos delegistis. et sic loquor, tam-
 14 quam sine duce Hispaniae futurae fuerint —: M.
 Silanus eodem iure, eodem imperio mecum in provin-
 ciaram missus, L. Scipio frater meus et C. Laelius legati
 15 vindices maiestatis imperii deessent? utrum exercitus
 exercitui, an duces ducibus, an dignitas, an causa
 comparari poterat? quibus si omnibus superiores
 essetis, arma contra patriam, contra cives vestros fer-
 retis? Africam Italiae, Carthaginem urbi Romanae
 1 imperare velletis? quam ob noxam patriae? XXIX. Co-
 riolanum quondam damnatio iniusta, miseram et in-
 dignum exilium, ut iret ad oppugnandam patriam,
 impulit; revocavit tamen a publico parricidio privata
 2 pietas: vos qui dolor, quae ira incitavit? stipendumne
 diebus paucis imperatore aegro serius numeratum
 satis digna causa fuit, cur patriae indiceretis bellum,
 cur ad Ilergetes descisceretis a populo Romano, cur
 nihil divinarum humanarumve rerum inviolatum vobis
 3 esset? insanistis profecto, milites, nec maior in corpus
 meum vis morbi quam in vestras mentes invasit.
 4 horret animus referre, quid crediderint homines, quid
 speraverint, quid optaverint: auferat omnia inrita
 oblivio, si potest; si non, utcumque silentium tegat.
 5 non negaverim tristem atrocemque vobis visam ora-
 tionem meam: quanto creditis facta vestra atrociora

esse quam dicta mea? et me ea, quae fecistis, pati
 aequum censem; vos ne dici quidem omnia aequo
 animo fertis! sed ne ea quidem ipsa ultra exprobra-
 buntur. utinam tam facile vos obliviscamini eorum,
 quam ego obliviscar! itaque quod ad universos vos
 6 attinet, si erroris paenitet, satis superque poenarum
 habeo. Albius Calenus et Atrius Umber et ceteri ne-
 fariae seditionis auctores sanguine luent quod ad-
 miserunt; vobis supplicii eorum spectaculum non modo
 non acerbum sed laetum etiam, si sana mens rediit,
 debet esse: de nullis enim quam de vobis infestius
 aut inimicius consuluerunt⁷.

Vix finem dicendi fecerat, cum ex praeparato
 9 simul omnium rerum terror oculis auribusque est
 offusus. exercitus, qui corona contionem circumdederat,
 10 gladiis ad scuta concrepuit; praeconis audita vox ci-
 tantis nomina damnatorum in consilio; nudi in me-
 dium protrahebantur, et simul omnis apparatus sup-
 plicii expromebatur; deligati ad palum virgisque caesi
 et securi percussi, adeo torquentibus metu qui aderant,
 ut non modo ferocior vox adversus atrocitatem poenae
 11 sed ne gemitus quidem exaudiretur. tracti inde de
 medio omnes, purgatoque loco citati milites nominati
 12 apud tribunos militum in verba P. Scipionis
 iurarunt, stipendumque ad nomen singulis persolu-
 tum est. hunc finem exitumque seditio militum copta
 apud Sucronem habuit.

XXX. Per idem tempus ad Baetim fluvium Hannô,
 praefectus Magonis, missus a Gadibus cum parva
 manu Afrorum, mercede Hispanos sollicitando ad
 quattuor milia iuvenum armavit. castris deinde exutus
 ab L. Marcio, maxima parte militum inter tumultum
 captorum castrorum, quibusdam etiam in fuga amissis,
 palatos persequente equite, cum paucis ipse effugit.

Dum haec ad Baetim fluvium geruntur, Laelius
 interim freto in Oceanum evectus ad Carteiam classe
 accessit. urbs ea in ora Oceani sita est, ubi primum

4 e faucibus angustis panditur mare. Gades sine certamine per proditionem recipiendi, ulti qui eam rem pollicerentur in castra Romana venientibus, spes, sicut ante dictum est, fuerat. sed patefacta immatura proditio est, comprensosque omnes Mago Adherbali praetori Carthaginem devehendos tradit. Adherbal coniuratis in quinqueremem inpositis, praemissaque ea, quia tardior quam triremis erat, ipse cum octo triremibus modico intervallo sequitur. iam fretum intrabat quinqueremis, cum Laelius et ipse in quinqueremis e portu Carteiae sequentibus septem triremibus evectus in Adherbalem ac triremes invehitur, quinqueremem satis credens deprensam rapido in freto in adversum aestum reciprocari non posse. Poenus in re subita parumper incertus trepidavit, utrum quinqueremem se queretur, an in hostes rostra converteret. ipsa cunctatio facultatem detractandae pugnae ademit; iam enim sub ictu teli erant, et undique instabant hostes. aestus quoque arbitrium moderandi naves ademerat. neque erat navalium pugna similis, quippe ubi nihil voluntarium, nihil artis aut consilii esset. una natura freti aestusque, totius certaminis potens, suis, alienis navibus nequicquam remigio in contrarium tendentes invehebat; et fugientem navem videres vertice retro intortam victoribus inlatam, et sequentem, si in contrarium tractum incidisset maris, fugientis modo sese avertentem. iam in ipsa pugna haec, cum infesta rostro peteret hostium navem, obliqua ipsa ictum alterius rostri accipiebat; illa, cum transversa obiceretur hosti, repente intorta in proram circumagebatur. cum inter triremes fortuna regente anceps proelium misceretur, quinqueremis Romana seu pondere tenacior, seu pluribus remorum ordinibus scindentibus vertices cum facilis regeretur, duas triremes suppressit, unius 12 praelata impetu lateris alterius remos detersit; ceteraque, quas indepta esset, mulcasset, ni cum reliquis quinque navibus Adherbal velis in Africam transmisisset.

XXXI. Laelius victor Carteiam revectus auditis, 1 quae acta Gadibus erant, patefactam proditionem conjuratosque missos Carthaginem, spem ad inritum redactam, qua venissent, nuntiis ad L. Marcum missis, 2 nisi si terere frustra tempus sedendo ad Gades vellent, redeundum ad imperatorem esse, adsentiente Marcio paucos post dies ambo Carthaginem rediere. ad quorum discessum non respiravit modo Mago, cum terra marique ancipiti metu urgeretur, sed etiam audita rebellione Ilergetum spem recuperandae Hispaniae nanctus, nuntios Carthaginem ad senatum mittit, qui simul seditionem civilem in castris Romanis, simul defectionem sociorum in maius verbis extollentes horarentur, ut auxilia mitterent, quibus traditum a patribus imperium Hispaniae repeti posset.

Mandonius et Indibilis in fines regressi paulisper, 5 dum quidnam de seditione statueretur, scirent, suspensi quieverunt, si civium errori ignosceretur, non diffidentes sibi quoque ignosci posse. postquam vulgata est atrocitas supplicii, suam quoque noxam pari poena aestimatam rati, vocatis rursus ad arma popularibus contractisque quae ante habuerant auxiliis in Sedenatum agrum, ubi principio defectionis stativa habuerant, cum viginti milibus peditum, duobus milibus equitum et quingentis transcenderunt. XXXII. Scipio, 1 cum fide solvendi pariter omnibus noxiis innoxiiisque stipendiis tum vultu ac sermone in omnes placato facile reconciliatis militum animis, priusquam castra ab Carthagine moveret, contione advocata multis verbis in perfidiam rebellantium regulorum invectus, nequam eodem animo se ire professus est ad vindicandum id scelus, quo civilem errorem nuper sanaverit. tum se, haud secus quam viscera secantem sua, cum gemitu et lacrimis triginta hominum capitibus expiassae octo milium seu imprudentiam seu noxam; nunc laeto et ereeto animo ad caedem Ilergetum ire. non enim 5 eos neque natos in eadem terra nec ulla secum so-

cietate iunctos esse; eam, quae sola fuerit, fidei atque
 amicitiae, ipsos per scelus rupisse. in exercitu suo se,
 praeterquam quod omnes cives aut socios Latinique
 nominis videat, etiam eo moveri, quod nemo fere sit
 miles, qui non aut a patruo suo Cn. Scipione, qui
 primus Romani nominis in eam provinciam venerit,
 aut a patre consule aut a se sit ex Italia advectus:
 7 Seipionum nomini, auspiciis omnes adsuetos, quos se-
 cum in patriam ad meritum triumphum deducere velit,
 quos consulatum petenti, velut si omnium communis
 8 agatur honos, adfuturos speret. quod ad expeditionem
 attineat, quae instet, immemorem esse rerum suarum
 gestarum, qui id bellum ducat. Magonis hercule sibi,
 qui extra orbem terrarum in circumfusam Oceano
 insulam cum paucis perfugerit navibus, maiorem
 9 curam esse quam Ilergetum; quippe illic et ducem
 Carthaginensem et quantumcumque Punicum pre-
 sidium esse, hic latrones latronumque duces, quibus
 ut ad populandos finitimorum agros tectaque urenda
 et rapienda pecora aliqua vis sit, ita in acie ac signis
 conlati nullam esse; magis velocitate ad fugam quam
 10 armis fretos pugnaturos esse. itaque non quod ullum
 inde periculum aut semen maioris belli videat, ideo
 se, priusquam provincia decedat, opprimendos Ilergetes
 11 duxisse, sed primum, ne impunita tam scelerata defectio
 esset, deinde, ne quis in provincia simul virtute tanta
 et felicitate perdomita relictus hostis dici posset.
 12 proinde deis bene iuvantibus sequerentur non tam ad
 bellum gerendum — neque enim cum pari hoste cer-
 tamen esse — quam ad expetendas ab hominibus
 scelestis poenas.

¹ XXXIII. Ab hac oratione dimissos ad iter se
 comparare in diem posterum iubet, profectusque de-
 cumis castris pervenit ad Hiberum flumen. inde su-
 perato amni die quarto in conspectu hostium posuit
 2 castra. campus ante montibus circa saeptus erat. in
 eam vallem Scipio cum pecora, rapta pleraque ex

ipsorum hostium agris, propelli ad irritandam ferita-
 tem barbarorum iussisset, velites subsidio misit, a ³
 quibus ubi per procurationem commissa pugna esset,
 Laelium cum equitatu impetum ex occulto facere
 iubet. mons opportune prominens equitum insidias ⁴
 texit; nec ulla mora pugnae facta est. Hispani in
 conspecta procul pecora, velites in Hispanos praeda
 occupatos incurrere. primo missilibus territavere, deinde ⁵
 missis levibus telis, quae irritare magis quam decer-
 nere pugnam poterant, gladios nudant, et conlato
 pede res copta geri est; ancepsque pedestre cer-
 tamen erat, ni equites supervenissent. neque ex ad-
 verso tantum inlati obvios obtrivere, sed circumvecti
 etiam quidam per infima clivi ab tergo se, ut pleros-
 que intercluderent, obiecerunt, maiorque caedes fuit,
 quam quantam edere levia per excusiones proelia ⁷
 solent. ira magis accensa adverso proelio barbaris est,
 quam imminuti animi. itaque ne perculti viderentur,
 prima luce postero die in aciem processere. non ⁸
 capiebat omnes copias angusta, sicut ante dictum est,
 valles; duae ferme peditum partes et omnis equitatus
 in aciem descendit; quod relicum peditum erat, obli-
 quo constituerunt colle. Scipio, pro se esse loci an- ⁹
 gustias ratus, et quod in arto pugna Romano aptior
 quam Hispano militi futura videbatur, et quod in
 eum locum detracta hostium acies esset, qui non
 omnem multitudinem eorum caperet, novo etiam con-
 silio adiecit animum: equitem nec se posse circum- ¹⁰
 dare cornibus in tam angusto spatio, et hosti, quem
 cum pedite deduxisset, inutilem fore. itaque imperat ¹¹
 Laelio, ut per colles quam occultissimo itinere circum-
 ducat equites segregetque, quantum possit, equestrem
 a pedestri pugnam; ipse omnia signa peditum in ¹²
 hostes vertit; quattuor cohortes in fronte statuit, quia
 latius pandere aciem non poterat. moram pugnandi ¹³
 nullam fecit, ut ipso certamine averteret ab conspectu
 transeuntium per colles equitum. neque ante circum-

ductos sensere, quam tumultum equestris pugnae ab
 14 tergo accepere. ita duo diversa proelia erant: duae
 peditum acies, duo equitatus per longitudinem campi,
 quia miseri ex genere utroque proelium angustiae
 15 non patiebantur, pugnabant. Hispanorum cum neque
 pedes equiti nec eques pediti auxilio esset, pedes fiducia
 equitis temere commissus campo caederetur, eques
 circumventus nec peditem a fronte — iam enim stratae
 pedestres copiae erant — nec ab tergo equitem susti-
 neret, et ipsi, cum diu in orbem sese stantibus equis
 defendissent, ad unum omnes caesi sunt, nec quisquam
 peditum equitumve superfuit, qui in valle pugnaverunt.
 16 tertia pars, quae in colle ad spectaculum magis tutum
 quam ad partem pugnae capessendam steterat, et
 17 locum et tempus ad fugiendum habuit. inter eos et
 reguli ipsi fugerunt, priusquam tota circumveniretur
 1 acies inter tumultum elapsi. XXXIV. estra eodem
 die Hispanorum praeter ceteram praedam cum tribus
 2 ferme milibus hominum capiuntur. Romani sociique
 ad mille et ducenti eo proelio ceciderunt, vulnerata
 amplius tria milia hominum. minus cruenta victoria
 fuisse, si patentiore campo et ad fugam capessen-
 dam facili foret pugnatum.

3 Indibilis abiectis belli consiliis, nihil tutius in
 adfictis rebus experta fide et clementia Scipionis
 4 ratus, Mandonium fratrem ad eum mittit; qui advolutus
 genibus fatalem rabiem temporis eius accusat,
 cum velut contagione quadam pestifera non Ilergetes
 modo et Lacetani, sed castra quoque Romana insa-
 5 nierint. suam quidem et fratribus et reliquorum popu-
 larium eam condicionem esse, ut aut, si ita videatur,
 reddant spiritum P. Scipioni ab eodem illo acceptum,
 aut servati bis uni debitam vitam pro eo in perpetuum
 6 devoveant. antea in causa sua fiduciam sibi fuisse
 nondum experta clementia eius; nunc contra nullam
 in causa, omnem in misericordia victoris spem repa-
 7 sitam habere. mos vetustus erat Romanis, cum quo

nec foedere nec aequis legibus iungeretur amicitia,
 non prius imperio in eum tamquam pacatum uti,
 quam omnia divina humanaque dedidisset, obsides
 accepti, arma adempta, praesidia urbibus imposita
 forent. Scipio multis invectus in praesentem Mando-
 nium absentemque Indibilem verbis, illos quidem
 merito perisse ipsorum maleficio ait, victuros suo at-
 que populi Romani beneficio. ceterum se neque arma
 8 iis adempturum *neque obsides imperaturum* — quippe
 ea pignera timentium rebellionem esse —; se libera
 arma relinquere, solutos animos; neque se in obsides
 9 innoxios, sed in ipsos, si defecerint, saevitum, nec
 ab inermi, sed ab armato hoste poenas expetiturum.
 ultramque fortunam expertis permittere sese, utrum
 proprios an iratos habere Romanos mallent. ita di-
 missus Mandonius pecunia tantummodo imperata, ex
 qua stipendium militi praestari posset. ipse Marcio in
 11 ulteriorem Hispaniam praemisso, Silano Tarraconem
 remisso paucos moratus dies, dum imperatam pecuniam
 Ilergetes pernumerarent, cum expeditis Marcium iam
 adpropinquantem Oceano adsequitur.

XXXV. Incohaeta res iam ante de Masinissa aliis
 atque aliis de causis dilata erat, quod Numida cum
 ipso utique congregi Scipione volebat atque eius dextra
 fidem sancire: ea tum itineris tam longi ac tam devii
 causa Scipioni fuit. Masinissa cum Gadibus esset,
 certior adventare eum a Marcio factus, causando cor-
 rumpi equos inclusos in insula penuriamque omnium
 rerum et facere ceteris et ipsos sentire, ad hoc equitem
 marcescere desidia, *Magonem* perpulit, ut se traicere
 2 in continentem ad depopulandos proximos Hispaniae
 agros pateretur. transgressus tres principes Numida-
 rum praemittit ad tempus locumque conloquio statuen-
 dum. duos pro obsidibus retineri ab Scipione iubet;
 remisso tertio, qui quo iussus erat adduceret Masi-
 nissam, cum paucis in conloquium venerunt. ceperat
 3 iam ante Numidam ex fama reram gestarum admiratio
 4

5

viri, substitueratque animo speciem quoque corporis
6 amplam ac magnificam; ceterum maior praesentis
veneratio cepit; et, praeterquam quod suapte natura
multa maiestas inerat, adornabat promissa caesaries
habitusque corporis non cultus munditiis, sed virilis
7 vere ac militaris, et aetas erat in medio virium ro-
bore, quod plenius nitidiusque ex morbo velut reno-
8 vatus flos iuventae faciebat. prope attonitus ipso con-
gressu Numida gratias de fratribus filio remisso agit.
ex eo tempore adfirmat eam se quaesisse occasionem,
quam tandem oblatam deum immortalium beneficio
9 non omiserit; cupere se illi populoque Romano operam
navare ita, ut nemo unus externus magis enixe adiu-
10 verit rem Romanam. id se, etiamsi iam pridem vellet,
minus praestare in Hispania, aliena atque ignota terra,
potuisse; in qua autem genitus educatusque in spem
11 paterni regni esset, facile praestaturum. si quidem
eundem Scipionem ducem in Africam Romani mittant,
12 satis sperare per brevevis aevi Carthaginem esse. laetus
eum Scipio vidit audivitque, cum caput rerum in omni
hostium equitatu Masinissam fuisse sciret, et ipse
iuvenis specimen animi p[ro]ae se ferret. fide data ac-
ceptaque profectus retro Tarraconem est. Masinissa
permissu Romanorum, ne sine causa traecisse in
continentem videretur, populatus proximos agros
Gades rediit.

¹ XXXVI. Magoni desperatis in Hispania rebus, in quarum spem seditio primum militaris, deinde de-
fectio Indibilis animos eius sustulerant, paranti traicere
in Africam nuntiatum ab Carthagine est iubere sena-
tum, ut classem, quam Gadibus haberet, in Italiam
2 traiceret; conducta ibi Gallorum ac Ligurum quanta
maxima posset iuventute coniungeret se Hannibali
neu senescere bellum maximo impetu, maiore fortuna
3 coeptum sineret. ad eam rem et a Carthagine pecunia
Magoni adiecta est, et ipse quantam potuit a Gadi-
tanis exegit, non aerario modo eorum sed etiam

temporis spoliatis, et privatum omnibus coactis aurum
argentumque in publicum conferre. cum praetervehere-
tur Hispaniae oram, haud procul Carthagine Nova
expositis in terram militibus proximos depopulatus
agros, inde ad urbem classem adpulit. ibi cum inter-
diu milites in navibus tenuisset, nocte in litus exposi-
tos ad partem eam muri, qua capta Carthago ab Ro-
manis fuerat, ducit, nec praesidio satis valido urbem
teneri ratus et aliquos oppidanorum ad spem novandi
res aliquid moturos. ceterum nuntii ex agris trepidi
simul populationem agrestiumque fugam et hostium
adventum adulterant, et visa interdiu classis erat, nec
sine causa electam ante urbem stationem apparebat.
itaque instructi armati intra portam ad stagnum
ac mare versam continebantur. ubi effusi hostes, mixta
inter milites navalis turba, ad muros tumultu maiore
quam vi subierunt, patefacta repente porta Romani
cum clamore erumpunt turbatosque hostes et ad pri-
mum incursum coniectumque telorum aversos usque
ad litus cum multa caede persequuntur; nec, nisi
naves litori adpulsae trepidos accepissent, superfuisset
fugae aut pugnae quisquam. in ipsis quoque trepida-
tum navibus est, dum, ne hostes cum suis simul in-
rumperent, trahunt scalas, orasque et ancoras, ne in
moliendo mora esset, praecidunt; multique adnantes
navibus, incerto p[ro]ae tenebris, quid aut peterent aut
vitarent, foede interierunt. postero die cum classis
inde retro ad Oceanum, unde venerat, fugisset, ad
octingentos homines caesi inter murum litusque et
ad duo milia armorum inventa.

¹ XXXVII. Mago cum Gades repetisset, exclusus
inde, ad Cimbios — haud procul a Gadibus is locus
abest — classe adpulsa, mittendis legatis querendoque,
quod portae sibi socio atque amico clausae forent,
purgantibus iis multitudinis concursu factum, infestae
² ob direpta quaedam ab concendentibus naves militi-
bus, ad conloquium sufetes eorum, qui summus Poenis

est magistratus, cum quaestore elicuit, laceratosque
 3 verberibus cruci adfigi iussit; inde navibus ad Pity-
 usam insulam centum milia ferme a continentem —
 4 Poeni tum eam incolebant — traecevit. itaque classis
 bona cum pace accepta est, nec commeatus modo
 benigne praebiti, sed in supplementum classis iuven-
 tus armaque data. quorum fiducia Poenus in Baleares
 insulas — quinquaginta inde milia absunt — trahit.
 5 duae sunt Baleares insulae; maior altera atque opu-
 lentior armis virisque; et portum habet, ubi comode
 hibernaturum se — et iam extrellum autumni erat —
 6 credebat. ceterum haud secus, quam si Romani eam
 insulam incolerent, hostiliter classi occursum est.
 fundis ut nunc plurimum, ita tum solo eo telo ute-
 bantur, nec quisquam alterius gentis unus tantum ea
 arte quantum inter alios omnes Baleares excellunt.
 7 itaque tanta vis lapidum creberrimae grandinis modo
 in propinquantem iam terrae classem effusa est, ut
 intrare portum non ausi averterent in altum naves.
 8 in minorem inde Balearum insulam traiecerunt, fer-
 9 tilem agro, viris armis haud aequa validam. itaque
 egressi navibus super portum loco munito castra
 locant; ac sine certamine urbe agroque potiti, duobus
 milibus auxiliarium inde conscriptis missisque Cartha-
 10 ginem, ad hibernandum naves subduxerunt. post Magonis
 ab Oceanis ora discessum Gaditani Romanis deduntur.

¹ XXXVIII. Haec in Hispania P. Scipionis duetu-
 auspicioque gesta. ipse L. Lentulo et L. Manlio Aci-
 dino provincia tradita decem navibus Romanam rediit
 2 et senatu extra urbem dato in aede Bellonae, quas
 res in Hispania gessisset, disseruit, quotiens signis
 conlatis dimicasset, quot oppida ex hostibus vi cepis-
 set, quas gentes in dicionem populi Romani redegisset:
 3 adversus quattuor se imperatores, quattuor victores
 exercitus in Hispaniam isse, neminem Carthaginien-
 4 sem in iis terris reliquisse. ob has res gestas magis
 temptata est triumphi spes quam petita pertinaciter, quia

neminem ad eam diem triumphasse, qui sine magi-
 stratu res gessisset, constabat. senatu missa urbem est
 ingressus argentique prae se in aerarium tulit decem
 5 quattuor milia pondi trecenta quadraginta duo et
 signati argenti magnum numerum. comitia inde crea-
 dis consulibus habuit L. Veturius Philo, centuriaque
 6 omnes ingenti favore P. Scipionem consulem dixerunt;
 collega additur ei P. Licinius Crassus pontifex maxi-
 mus. ceterum comitia maiore quam ulla per id bellum
 celebrata frequentia proditum memoriae est: con-
 7 venerant undique non suffragandi modo, sed etiam
 spectandi causa P. Scipionis, concurrebantque et domum
 frequentes et in Capitolium ad immolantem eum,
 cum centum bubus votis in Hispania Iovi sacrificaret,
 despondebantque animis, sicut C. Lutatius superius
 8 bellum Punicum finisset, ita id, quod instaret, P. Cor-
 nelium finitum atque, uti Hispania omni Poenos
 9 expulisset, sic Italia pulsurum esse, Africamque ei,
 perinde ac debellatum in Italia foret, provinciam de-
 stinabant. praetoria inde comitia habita. creati duo,
 10 qui tum aediles plebis erant, Sp. Lucretius et Cn. Oc-
 tavius, et ex privatis Cn. Servilius Caepio et L. Aemi-
 lius Papus.

Quarto decimo anno Punici belli P. Cornelius ¹²
 Scipio et P. Licinius Crassus ut consulatum inierunt,
 nominatae consulibus provinciae sunt, Sicilia Scipioni
 extra sortem, concedente collega, quia sacerorum cura
 pontificem maximum in Italia retinebat, Bruttii Crasso.
 tum praetoriae provinciae in sortem coniectae. urbana ¹³
 Cn. Servilio obtigit, Ariminum — ita Galliam appellabat — Sp. Lucretio, Sicilia L. Aemilio, Cn. Octavio
 Sardinia.

Senatus in Capitolio habitus. ibi referente P. Sci-
 pione senatus consultum factum est, ut, quos ludos
 inter seditionem militarem in Hispania vovisset, ex
 ea pecunia, quam ipse in aerarium detulisset, faceret.
 XXXIX. tum Saguntinorum legatos in senatum intro- ¹⁴

duxit. ex eis maximus natu: „etsi nihil ultra malorum est, patres conscripti, quam quod passi sumus, ut ad ultimum fidem vobis praestaremus, tamen ea vestra merita imperatorumque vestrorum erga nos fuerant, 2 ut nos cladium nostrarum non paeniteat. bellum propter nos suscepistis, susceptum quartum decimum annum tam pertinaciter geritis, ut saepe ad ultimum discriminem et ipsi veneritis et populum Carthaginensem adduxeritis. 3 cum in Italia tam atrox bellum et Hannibalem hostem haberetis, consulem cum exercitu in Hispaniam velut ad conligendas reliquias naufragii nostri misistis. 4 P. et Cn. Cornelii, ex quo in provinciam venerunt, nullo tempore destiterunt, quae nobis secunda quae- 5 que adversa hostibus nostris essent, facere. iam omnium primum oppidum nobis restituerunt, per omnem Hispaniam cives nostros venum datos, dimissis qui conquererent, ex servitute in libertatem restituerunt. 6 cum iam prope esset, ut optabilem ex miserrima fortunam haberemus, P. et Cn. Cornelii imperatores vestri luctuosius nobis prope quam vobis perierunt. 7 tum vero ad hoc retracti ex distantibus locis in sedem antiquam videhamur, ut iterum periremus et alterum excidium patriae videremus, nec ad perniciem nostram Carthaginensi utique aut duce aut exercitu opus esse; ab Turdulis nos, veterrimis hostibus, qui prioris quo- 8 que excidii causa nobis fuerant, extingui posse: cum ex insperato repente misistis nobis hunc P. Scipionem, quem fortunatissimi omnium Saguntinorum videmur quia consulem declaratum videmus ac vidisse nos civibus nostris renuntiaturi sumus, spem, opem, salu- 10 tem nostram; qui cum plurimas hostium vestrorum cepisset in Hispania urbes, ubique ex captorum numero excretos Saguntinos in patriam remisit; po- strem Turdetaniam, adeo infestam nobis, ut illa gente incolumi stare Saguntum non posset, ita bello ad- flexit, ut non modo nobis, sed — absit verbo invidia — 12 ne posteris quidem timenda nostris esset. deletam

urbem cernimus eorum, quorum in gratiam Saguntum deleverat Hannibal; vectigal ex agro eorum capimus, quod nobis non fructu iucundius est quam ultione. ob 13 haec, quibus maiora nec sperare nec optare ab dis immortalibus poteramus, gratias actum nos decem legatos Saguntinus senatus populusque ad vos misit, simul gratulatum, quod ita res per hos annos in His- 14 pania atque Italia gessistis, uti Hispaniam non Hiberi amne tenus, sed qua terrarum ultimus finis Oceanus, domitam armis habeatis, Italiae, nisi quatenus vallum castrorum cingit, nihil reliqueritis Poeno. Iovi optimo 15 ob haec agere iussi sumus, sed donum hoc etiam, si vos permitteretis, coronam auream in Capitolium vic- toriae ergo ferre. id uti permittatis quaesumus, utique, 16 si vobis ita videretur, quae nobis imperatores vestri commoda tribuerunt, ea rata atque perpetua auctoritate vestra faciatis“. senatus legatis Saguntinis re- 17 spondit et dirutum et restitutum Saguntum fidei so- cialis utrumque servatae documentum omnibus gentibus fore; suos imperatores recte et ordine et ex voluntate 18 senatus fecisse, quod Saguntum restituerint civesque Saguntinos servitio exemerint; quaeque alia eis benigne fecerint, ea senatum ita voluisse fieri; donum permittere ut in Capitolio ponerent. locus inde laudiaque 19 legatis paeberi iussa, et munera ergo in singulos ceterae in senatum introductae auditaeque. et petenti- 20 bus Saguntinis, ut, quatenus tuto possent, Italiam spectatum irent, duces dati litteraeque per oppida missae, ut Hispanos comiter acciperent.

Tum de re publica, de exercitibus scribendis, de 22 provinciis relatum. XL. cum Africam novam provin- 1 ciam extra sortem P. Scipioni destinari homines fama ferrent, et ipse nulla iam modica gloria contentus non ad gerendum modo bellum, sed ad finiendum diceret se consulem declaratum esse, neque aliter id 2

fieri posse, quam si ipse in Africam exercitum transportasset, et acturum se id per populum aperte ferret, si senatus adversaretur, — id consilium haudquaquam primoribus patrum cum placeret, ceteri per metum aut 3 ambitionem mussarent, Q. Fabius Maximus rogatus sententiam: „scio multis vestrū videri, patres conscripti, rem actam hodierno die agi, et frustra habiturum orationem, qui tamquam de integra re de 4 Africa provincia sententiam dixerit. ego autem pri-
mum illud ignoro, quem ad modum certa iam pro-
vincia Africa consulis viri fortis ac strenui sit, quam
nec senatus censuit in hunc annum provinciam esse
5 nec populus iussit. deinde, si est, consulem peccare
arbitror, qui de re transacta simulando se referre
senatum ludibrio habet, non senatorem, qui de quo
6 consulitur suo loco dicit sententiam. atque ego cer-
tum habeo dissentienti mihi ab ista festinatione in
Africam traiciendi duarum rerum subeundam opinionem
7 esse: unius, insitae ingenio meo cunctationis, quam
metum pigritiamque homines adulescentes sane appelle-
lant, dum me ne paeniteat adhuc aliorum speciosiora
primo aspectu consilia semper visa, mea usu meliora;
8 alterius, obtrectationis atque invidiae adversus crescen-
9 tem in dies gloriam fortissimi consulis. a qua suspi-
cione si me neque vita acta et mores mei neque dicta-
tura cum quinque consulatibus tantumque gloriae
belli domique partae vindicat, ut proprius fastidium
eius sim quam desiderium, aetas saltē liberet. quae
enim mihi aemulatio cum eo esse potest, qui ne filio
10 quidem meo aequalis sit? me dictatorem, cum vigerem
adhuc viribus et in cursu maximarum rerum essem,
recusantem nemo aut in senatu aut apud populum
audivit, quo minus insectanti me magistro equitum,
quod fando numquam ante auditum erat, imperium
11 mecum aequaretur; rebus quam verbis adsequi malui,
ut qui aliorum iudicio mihi comparatus erat, sua mox
12 confessione me sibi praeferret; nedum ego perfunctus

honoribus certamina mihi atque aemulations cum
adulescente florentissimo proponam: videlicet ut mihi 13
iam vivendo, non solum rebus gerendis fesso, si huic
negata fuerit, Africa provincia decernatur. cum ea
gloria, quae parta est, vivendum atque moriendum est.
vincere ego prohibui Hannibalem, ut a vobis, quorum 14
vigent nunc vires, etiam vinci posset. XII. illud te 1
mihi ignoscere, P. Cornelii, aequum erit, si, cum in me
ipso numquam pluris famam hominum quam rem
publicam fecerim, ne tuam quidem gloriam bono
publico praeponam; quamquam, si aut bellum nullum 2
in Italia aut is hostis esset, ex quo victo nihil gloriae
quaereretur, qui te in Italia retineret, etsi id bono
publico faceret, simul cum bello materiam gloriae
tuae esse ereptum videri posset. cum vero Hannibal 3
hostis incolumi exercitu quartum decimum annum
Italiā obsideat, paenitebit te, P. Cornelii, gloriae tuae,
si hostem eum, qui tot funerum, tot cladium nobis
causa fuit, tu consul Italia expuleris et, sicut penes
C. Lutatium prioris Punici perpetrati belli titulus
fuit, ita penes te huins fuerit? nisi aut Hamilcar 4
Hannibali dux est praeferrundus aut illud bellum huic,
aut Victoria illa maior clariorque quam haec — modo
contingat, ut te consule vincamus — futura est. ab 5
Drepanis aut Eryce detraxisse Hamilcarem quam Italia
expulisse Poenos atque Hannibalem malis? ne tu 6
quidem, etsi magis partam quam speratam gloriam
amplecteris, Hispania potius quam Italia bello liberata
gloriatus fueris. nondum is est Hannibal, quem non 7
magis timuisse videatur quam contempsisse, qui alind
bellum maluerit. quin igitur ad hoc accingeris nec per
istos circumitus, ut, cum in Africam traiceris, secu-
turum te illuc Hannibalem spes potius quam recto
hinc itinere, ubi Hannibal est, eo bellum intendis, si
egregiam istam palmam belli Punici patrati petis?
hoe et natura prius est, tua cum defenderis, aliena 9
ire oppugnatum; pax ante in Italia quam bellum in

Africa sit, et nobis prius decedat timor quam ultro
 10 aliis inferatur. si utrumque tuo ductu auspicioque fieri
 potest, Hannibale hic victo illuc Carthaginem expugna;
 si altera utra Victoria novis consulibus relinquenda
 est, prior cum maior clariorque, tum causa etiam in-
 11 sequentis fuerit. nam nunc quidem, praeterquam quod
 et in Italia et in Africa duos diversos exercitus alere
 12 aerarium non potest, praeterquam quod, unde classes
 tueamur, unde commeatibus praebendis sufficiamus,
 nihil reliqui est, quid? periculi tandem quantum
 13 adeatur, quem fallit? P. Licinius in Italia, P. Scipio
 bellum in Africa geret: quid? si — quod omnes dei
 omen avertant et dicere etiam reformidat animus, sed
 quae acciderunt accidere possunt — victor Hannibal
 ire ad urbem perget, tum demum te consulem ex
 Africa, sieut Q. Fulvium a Capua, arcessemus? quid?
 14 quod in Africa quoque Mars communis belli erit?
 domus tibi tua, pater patruusque intra triginta dies
 15 cum exercitibus caesi documento sint, ubi per aliquot
 annos maxumis rebus terra marique gerendis amplis-
 simum nomen apud exteras gentes populi Romani
 16 yestraeque familiae fecerant. dies me deficit, si reges
 imperatoresque temere in hostium terram transgressos
 cum maximis cladibus suis exercituumque suorum
 17 enumerare velim. Athenienses, prudentissima civitas,
 bello domi relicto, auctore aeque impigro ac nobili
 iuvene magna classe in Siciliam traxissa, una pugna
 navali florentem rem publicam suam in perpetuum
 1 adfixerunt. XLII. externa et nimis antiqua repeto;
 Africa eadem ista et M. Atilius, insigne utriusque
 2 fortunae exemplum, nobis documento sint. ne tibi,
 P. Corneli, cum ex alto Africam conspexeris, ludus
 et iocus fuisse Hispaniae tuae videbuntur! quid enim
 3 simile? pacato mari praeter oram Italiae Galliaeque
 vectus Emporias in urbem sociorum classem adulisti;
 expositos milites per tutissima omnia ad socios et
 4 amicos populi Romani Tarragonem duxisti; ab Tarra-

cōe deinde iter per praesidia Romana; circa Hiberum
 exercitus patris patruique tui post amissos imperatores
 ferociores calamitate ipsa facti, et dux tumultarius
 quidem ille L. Marcius et militari suffragio ad tempus
 lectus, ceterum, si nobilitas ac iusti honores adornarent,
 claris imperatoribus qualibet arte belli par, oppugnata
 5 per summum otium Carthago nullo trium Punicorum
 exercituum socios defendente; cetera, neque ea elevo,
 nullo tamen modo Africo bello comparanda, ubi non
 portus ullus classi nostrae apertus, non ager pacatus,
 non civitas socia, non rex amicus, non consistendi
 usquam locus, non procedendi; quacumque circum-
 spexeris, hostilia omnia atque infesta. an Syphaci
 Numidisque credis? satis sit semel creditum: non
 semper temeritas est felix, et fraus fidem in parvis
 sibi praestruit, ut, cum operae pretium sit, cum mer-
 cede magna fallat. non hostes patrem patruumque tuum
 8 armis prius quam Celtiberi socii fraude circumvenerunt;
 nec tibi ipsi a Magone et Hasdrubale, hostium due-
 bus, quantum ab Indibili et Mandonio, in fidem ac-
 ceptis, periculi fuit. Numidis tu credere potes, defec-
 tionem militum tuorum expertus? et Syphax et
 Masinissa se quam Carthaginenses malunt potentes
 9 in Africa esse, Carthaginenses quam quemquam
 alium. nunc illos aemulatio inter se et omnes causae
 certaminum acuunt, quia procul externus metus est;
 ostende Romana arma et exercitum alienigenam, iam
 velut ad commune restinguendum incendium concurrent.
 aliter eidem illi Carthaginenses Hispaniam defen-
 derunt, aliter moenia patriae, templa deum, aras et
 focos defendant, cum euntes in proelium pavida pro-
 sequetur coniunx et parvi liberū occursabunt. quid
 12 porro, si satis confisi Carthaginenses consensu Africæ,
 fide sociorum regum, moenibus suis, cum tuo exerci-
 tusque tui praesidio nudatam Italianam viderint, ultro
 ipsi novum exercitum in Italianam aut ex Africa mise-
 rint, aut Magonem, quem a Ballearibus classe trans-
 13

missa iam praeter oram Ligurum Alpinorum vectari
 14 constat, Hannibali se coniungere iusserint? nempe in
 eodem terrore erimus, in quo nuper fuimus, cum Has-
 drubal in Italiam transcedit, quem tu, qui non solum
 Carthaginem sed omnem Africam exercitu tuo es
 15 clausurus, e manibus tuis in Italiam emisisti. victum
 a te dices: eo quidem minus vellem, et id tua, non
 rei publicae solum causa, iter datum vieto in Italiam
 esse. patere nos omnia, quae prospera tibi ac populi
 Romani imperio evenere, tuo consilio adsignare, ad-
 16 versa casibus incertis belli et fortunae delegare: quo
 melior fortiorque es, eo magis talem praesidem sibi
 patria atque universa Italia retinet. non potes ne ipse
 quidem dissimulare, ubi Hannibal sit, ibi caput atque
 arcem huius belli esse, quippe qui prae te feras eam
 tibi causam traiciendi in Africam esse, ut Hannibalem
 17 eo trahas: sive hic igitur sive illuc, cum Hannibale
 est tibi futura res. utrum tandem ergo firmior eris
 in Africa solus an hic tuo conlegaeque tui exercitu
 coniuncto? ne Claudius quidem et Livius consules
 tam recenti exemplo, quantum id intersit, documento
 18 sunt? quid? Hannibalem utrum tandem extremus an-
 gulus agri Brattii, frustra iam diu poscentem ab domo
 auxilia, an propinqua Carthago et tota socia Africa
 19 potentiores armis virisque faciet? quod istud consilium
 est, ibi malle decernere, ubi tuae dimidio minores
 copiae sint, hostium multo maiores, quam ubi duobus
 exercitibus adversus unum tot proelii et tam diurna
 20 ac gravi militia fessum pugnandum sit? quam compar
 consilium tuum parentis tui consilio sit, reputa. ille
 consul profectus in Hispaniam, ut Hannibali ab Alpibus
 descendenti occurreret, in Italiam ex provincia rediit:
 tu, cum Hannibal in Italia sit, relinquere Italiam
 21 paras, non quia rei publicae id utile, sed quia tibi
 amplum et gloriosum censes esse, sicut cum provincia
 et exercitu relicto sine lege, sine senatus consulto
 duabus navibus populi Romani imperator fortunam

publicam et maiestatem imperii, quae tum in tuo capite
 periclitabantur, commisisti. ego P. Cornelium rei ²²
 publicae nobisque, non sibi ipsi privatim creatum
 consulem existimo, exercitusque ad custodiam urbis
 atque Italiae scriptos esse, non quos regio more per
 superbiam consules, quo terrarum velint, traiciant.¹

XLIII. Cum oratione ad tempus parata Fabius
 tum auctoritate et inveterata prudentiae fama magnam
 partem senatus et seniores maxime *cum* movisset,
 pluresque consilium senis quam animum adolescentis
 ferocem laudarent, Scipio ita locutus fertur: „et ipse ²
 Q. Fabius principio orationis, patres conscripti, com-
 memoravit in sententia sua posse obrectationem
 suspectam esse; cuius ego rei non tam ipse ausim ³
 tantum virum insimulare, quam ea suspicio, vitio ora-
 tionis an rei, haud sane purgata est. sic enim honores ⁴
 suos et famam rerum gestarum extulit verbis ad ex-
 stinguendum invidiae crimen, tamquam mihi ab in-
 fimo quoque periculum sit, ne mecum aemuletur, et
 non ab eo, qui, quia super ceteros excellat, quoque
 niti non dissimulo, me sibi aequari nolit. sic senem ⁵
 se perfunctumque et me infra aetatem fili etiam sui
 posuit, tamquam non longius, quam quantum vitae
 humanae spatium est, cupiditas gloriae extendatur
 maximaque pars eius in memoriam ac posteritatem
 promineat. maximo cuique id accidere animo certum ⁶
 habeo, ut se non cum praesentibus modo sed cum
 omnis aevi claris viris comparent. equidem haud dis-
 simulo me tuas, Q. Fabi, laudes non adsequi solum
 velle, sed — bona venia tua dixerim —, si possim, ⁷
 etiam exsuperare. illud nec tibi in me nec mihi in ⁸
 minoribus natu animi sit, ut nolimus quemquam
 nostri similem evadere civem; id enim non eorum
 modo, quibus inviderimus, sed rei publicae et paene ⁹
 omnis generis humani detrimentum sit. commemoravit,

10 exercitus vicem videretur sollicitus. unde haec repente
de me cura exorta? cum pater patruusque meus inter-
ficti, cum duo exercitus eorum prope occidione occisi
essent, cum amissae Hispaniae, cum quattuor exerci-
tus Poenorum quattuorque duces omnia metu armis-
11 que tenerent, cum quaesitus ad id bellum imperator
nemo se ostenderet praeter me, nemo profiteri nomen
ausus esset, cum mihi quattuor et viginti annos nato
12 detulisset imperium populus Romanus, quid ita tum
nemo aetatem meam, vim hostium, difficultatem belli,
patris patruique recentem cladem commemorabat?
utrum maior aliqua nunc in Africa calamitas accepta
13 est, quam tune in Hispania erat? an maiores nunc
sunt exercitus in Africa et duces plures melioresque,
quam tune in Hispania fuerunt? an aetas mea tunc
14 maturior bello gerendo fuit, quam nunc est? an cum
Carthaginiensi hoste in Hispania quam in Africa
bellum geri aptius est? facile est post fusos fugatos-
que quattuor exercitus Punicos, post tot urbes vi cap-
tas aut metu subactas in dicionem, post perdomita
15 omnia usque ad Oceanum, tot regulos, tot saevas
gentes, post receptam totam Hispaniam ita, ut vesti-
gium belli nullum reliquum sit, elevare meas res gestas,
16 tam hercule, quam, si victor ex Africa redierim, ea
ipsa elevare, quae nunc retinendi mei causa, ut terri-
17 bilia eadem videantur, verbis extolluntur. negat aditum
esse in Africam, negat ullos patere portus; M. Atilium
captum in Africa commemorat, tamquam M. Atilius
primo accessu ad Africam offenderit, neque recordatur
illi ipsi tam infelici imperatori patuisse tamen portus
Africæ, et res egregie primo anno gessisse et, quan-
tum ad Carthaginienses duces adtinet, invictum ad
18 ultimum permansisse. nihil igitur me isto exemplo
terrae. si hoc bello, non priore, si nuper et non
annis ante quadraginta ista clades accepta foret, qui
ego minus in Africam Regulo capto quam Scipionibus
19 oecisis in Hispaniam traicerem? nec felicius Xanthip-

pum Lacedaemonium Carthagini quam me patriæ
meae sinerem natum esse, cresceretque mihi ex eo
ipso fiducia, quod posset in hominis unius virtute
tantum momenti esse. at etiam Athenienses audiendi
sunt, temere in Siciliam omissi domi bello transgressi:
cur ergo, quoniam Graecas fabulas enarrare vacat, 21
non Agathoclem potius Syracusanum regem, cum diu
Sicilia Punico bello ureretur, transgressum in hanc
eandem Africam avertisse eo bellum, unde venerat,
refers? XLIV. sed quid ultiro metum inferre hosti et 1
ab se remoto periculo alium in discrimen adducere
quale sit, veteribus externisque exemplis admonere
opus est? maius praesentiusve ullum exemplum esse
quam Hannibal potest? multum interest, alienos po-
pulari fines an tuos uri et excindi videoas; plus animi 2
est inferenti periculum quam propulsanti; ad hoc
maior ignotarum rerum est terror; bona malaque 3
hostium ex propinquo ingressus fines aspicias. non 4
speraverat Hannibal fore, ut tot in Italia populi ad
se deficerent, quot defecerunt post Cannensem cladem;
quanto minus quicquam in Africa Carthaginiensibus
firmum aut stabile sit, infidis sociis, gravibus ac super-
bis dominis! ad hoc nos, etiam deserti ab sociis, viri-
bus nostris, milite Romano stetimus; Carthaginiensi 5
nihil civilis roboris est, mercede paratos milites
habent, Afros Numidasque, levissima fidei mutandae
ingenia. hic modo nihil morae sit: una et traieceris
me audietis et ardere bello Africam [et molientem
hinc Hannibalem] et obsideri Carthaginem. laetiores
et frequentiores ex Africa expectate nuntios quam 6
ex Hispania accipiebatis. has mihi spes subicit for-
tuna populi Romani, di foederis ab hoste violati
testes, Syphax et Masinissa reges, quorum ego fidei
ita innitar, ut bene tutus a perfidia sim. multa, quae 7
nunc ex intervallo non apparent, bellum aperiet. et
id est viri et ducis, non deesse fortunae praebenti se
et oblata casu flectere ad consilium. habeo, Q. Fabi, 8
9

parem, quem das, Hannibalem; sed illum ego potius
 traham, quam ille me retineat; in sua terra cogam
 pugnare eum, et Carthago potius praemium victoriae
 10 erit quam semiruta Bruttiorum castella. ne quid in-
 terim, dum tracieo, dum expono exercitum in Africa,
 dum castra ad Carthaginem promoveo, res publica
 hic detrimenti capiat, quod tu, Q. Fabi, cum vitor
 11 tota volitaret Italia Hannibal, potuisti praestare, hoc
 vide ne contumeliosum sit concusso iam et paene
 fracto Hannibale negare posse P. Licinum consulem,
 virum fortissimum, praestare, qui, ne a sacris absit
 pontifex maximus, ideo in sortem tam longinquae
 12 provinciae non venit. si hercules nihilo maturius hoc,
 quo ego censeo, modo perficeretur bellum, tamen ad
 dignitatem populi Romani famamque apud reges gen-
 tesque externas pertinebat, non ad defendendam modo
 Italianam, sed ad inferenda etiam Africæ arma videri
 13 nobis animum esse, nec hoc credi vulgarique, quod
 Hannibal ausus sit, neminem ducem Romanum audere,
 et priore Punico bello tum, cum de Sicilia certaretur,
 totiens Africam ab nostris exercitibusque et classibus
 oppugnatam, nunc, cum de Italia certetur, Africam
 14 pacatam esse. requiescat aliquando vexata tam diu
 15 Italia, uratur evasteturque in vicem Africæ; castra
 Romana potius Carthaginis portis immineant, quam
 nos iterum yallum hostium ex moenibus nostris vi-
 deamus; Africæ sit reliqui belli sedes, illuc terror
 fugaque, populatio agrorum, defectio sociorum, ceterae
 belli clades, quae in nos per quattuordecim annos
 16 ingruerunt, vertantur. quae ad rem publicam pertinent
 et bellum, quod instat, et provincias, de quibus agitur,
 17 dixisse satis est; illa longa oratio nec ad vos perti-
 nens sit, si, quem ad modum Q. Fabius meas res
 gestas in Hispania elevavit, sic ego contra gloriam
 18 eius eludere et meam verbis extollere velim. neutrum
 faciam, patres conscripti, et, si nulla alia re, modestia
 certe et temperando linguae adulescens senem vicero.

ita et vixi et gessi res, ut tacitus ea opinione, quam
 vestra sponte conceptam animis haberetis, facile con-
 tentus essem".

XLV. Minus aequis animis auditus est Scipio, 1
 quia vulgatum erat, si apud senatum non obtinuisse, 2
 ut provincia Africa sibi decerneretur, ad populum ex-
 templo laturum. itaque Q. Fulvius, qui consul quater
 et censor fuerat, postulavit a consule, ut palam in
 senatu diceret, permetteretne patribus, ut de provinciis
 decernerent, statusque eo esset, quod censuissent, an
 ad populum laturus. cum Scipio respondisset se quod
 e re publica esset facturum, tum Fulvius: „non ego 4
 ignarus, quid responsurus facturusve esses, quaesivi,
 quippe cum præ te feras temptare te magis quam
 consulere senatum, et, ni provinciam tibi, quam vo-
 lueris, extemplo decernamus, paratam rogationem
 habeas. itaque a vobis, tribuni plebis, postulo“ inquit, 5
 „ut sententiam mihi ideo non dicenti, quod, etsi in
 meam sententiam discedatur, non sit ratum habiturus
 consul, auxilio sitis“. inde altercatio orta, cum consul 6
 negaret aequum esse tribunos intercedere, quo minus
 suo quisque loco senator rogatus sententiam diceret.
 tribuni ita decreverunt: „si consul senatu de provin- 7
 ciis permittit, stari eo, quod senatus censuerit, placet,
 nec de ea re ferri ad populum patiemur; si non per-
 mittit, qui de ea re sententiam recusabit dicere, auxilio
 erimus“. consul diem ad conloquendum cum conlega 8
 petiit. postero die permissum senatu est. provinciae
 ita decretae: alteri consuli Sicilia et triginta rostratae
 naves, quas C. Servilius superiore anno habuisset,
 permissumque, ut in Africam, si id e re publica esse
 censeret, traiceret; alteri Bruttii et bellum cum Hanni- 9
 bale cum eo exercitu, quem mallet ex duobus, qui ibi
 essent. L. Veturius et Q. Caecilius sortirentur inter se
 compararentve, uter in Bruttii duabus legionibus,
 quas consul reliquisset, rem gereret, imperiumque in
 annum prorogaretur cui ea provincia evenisset. et 10

ceteris praeter consules praetoresque, qui exercitibus
provinciisque praefuturi erant, prorogata imperia.
11 Q. Caecilio sorti evenit, ut cum consule in Bruttis
adversus Hannibalem bellum gereret.
12 Ludi deinde Scipionis magna frequentia et favore
spectantium celebrati. legati Delphos ad donum ex
praeda Hasdrubalis portandum missi M. Pomponius
Matho et Q. Catius. tulerunt coronam auream ducen-
tum pondo et simulacra spoliorum ex mille pondo
argentii facta.
13 Scipio cum, ut dilectum haberet, neque impetrasset
neque magnopere tetendisset, ut voluntarios ducere
14 sibi milites liceret, tenuit et, quia impensa negaverat
rei publicae futurā classem, ut quae ab sociis dare-
tur ad novas fabricandas naves acciperet. Etruriae
primum populi pro suis quisque facultatibus consulem
15 adiuturos polliciti: Caerites frumentum sociis navalibus
commeatumque omnis generis, Populonienses fer-
rum, Tarquinenses linteā in vela, Volaterrani in-
16 teramenta navium et frumentum, Arretini tria milia
scutorum, galeas totidem, pila gaesa hastas longas,
milium quinquaginta summam pari cuiusque generis
numero expleturos, secures rutra falces alveolos molas,
17 quantum in quadraginta longas naves opus esset,
tritici centum et viginti milia modium, et in viaticum
18 decurionibus remigibusque conlaturos; Perusini Clu-
sini Russellani abietem in fabricandas naves et
frumenti magnum numerum; abiete ex publicis sylvis
19 est usus. Umbriae populi et praeter hos Nursini et
Reatini et Amiternini Sabinusque omnis ager mili-
tes polliciti; Marsi Paeligni Marracinique multi vo-
20 luntarii nomina in classem dederunt. Camertes cum
aequo foedere cum Romanis essent, cohortem arma-
21 tam sescentorum hominum miserunt. triginta navium
carinae, viginti quinqueremes, decem quadriremes, cum
essent positae, ipse ita instituit operi, ut die quadra-
gesimo quinto, quam ex silvis detracta materia erat,

naves instructae armataeque in aquam deductae sint.
XLVI. proiectus in Siciliam est triginta navibus longis
voluntariorum septem ferme milibus in naves imposi-
tis. et P. Licinius in Bruttios ad duos exercitus con-
sulares venit, ex iis eum sibi sumpsit, quem L. Vetu-
rius consul habuerat; Metello, ut, quibus praefuisse
legionibus, iis praeesset, facilius cum adsuetis imperio
rem gesturum ratus, permisit. et praetores diversi in
provincias profecti. et quia pecunia ad bellum deerat,
agri Campani regionem a fossa Graeca ad mare ver-
sam vendere quaestores iussi, indicio quoque permisso,
qui ager civis Campani fuisset, uti is publicus populi
Romani esset; indici praemium constitutum quantae
pecuniae ager indicatus esset pars decuma. et Cn. Ser-
vilio praetori urbano negotium datum, ut Campani
cives, ubi cuique ex senatus consulto liceret habitare,
ibi habitarent, animadverteretque in eos, qui alibi
habitarent.

Eadem aestate Mago Hamilcaris filius ex minore
Baliarium insula, ubi hibernarat, inventute lecta in
classem imposita, in Italiam triginta ferme rostratis
navibus et multis onerariis duodecim milia peditum,
duo ferme equitum traiecit Genuamque nullis pree-
sidiis maritumam oram tutantibus repentina adventu
cepit. inde ad oram Ligurum Alpinorum, si quos ibi
motus facere posset, classem appulit. Ingauni — Li-
gurum ea gens est — bellum ea tempestate gerebant
cum Epanteriis Montanis. igitur Poenus Savone, oppido 10
Alpino, praeda deposita et decem longis navibus in
statione ad praesidium relictis, ceteris Carthaginem
missis ad tuendam maritumam oram, quia fama erat
Scipionem trajecturum, ipse societate cum Ingauni, 11
quorum gratiam malebat, composita Montanos instituit
oppugnare. et crescebat exercitus in dies, ad famam
nominis eius Gallis undique confluentibus. ea res lit- 12
teris cognita Sp. Lucreti, ne frustra Hasdrubale cum
exercitu deleto biennio ante forent laetati, si par

aliud inde bellum, duce tantum mutato, oreretur, curam
 13 ingentem accedit patribus. itaque et M. Livium pro-
 consulem ex Etruria volonum exercitum admoveare
 Ariminum insserunt, et Cn. Servilio praetori negotium
 datum, ut, si e re publica censeret esse, duas ur-
 banas legiones, imperio cui videretur dato, ex urbe
 duci iuberet. M. Valerius Laevinus Arretium eas
 legiones duxit.

14 Eisdem diebus naves onerariae Poenorum ad octo-
 ginta circa Sardiniam ab Cn. Octavio, qui provinciae
 praeerat, captae. eas Coelius frumento missis ad Han-
 nibalem commeatuque onustas, Valerius praedam Etrus-
 cam Ligurumque Montanorum captivos Carthaginem
 15 portantes captas tradit. in Bruttii nihil ferme anno
 eo memorabile gestum. pestilentia incesserat pari clade
 in Romanos Poenosque, nisi quod Punicum exercitum
 16 super morbum etiam fames adfecit. propter Iunonis
 Laciniae templum aestatem Hannibal egit, ibique aram
 condidit dedicavitque cum ingenti rerum ab se gestar-
 rum titulo, Punicis Graecisque litteris insculpto.

TITI LIVI

AB URBE CONDITA

LIBER XXIX.

PERIOCHA LIBRI XXIX.

Ex Sicilia C. Laelius in Africam a Scipione missus in-
 gentem praedam reportavit et mandata Masinissae Scipioni
 exposuit querentis, quod nondum exercitum in Africam traie-
 cisset. bellum in Hispania finitus viatore Romano, quod Inde-
 bilis excitaverat, ipse in acie occisus, Mandoenus exposcentibus
 Romanis a suis deditus. Magoni, qui Albingauni in Liguribus
 erat, ex Africa et militum ampla mazus missa et pecuniae,
 quibus auxilia conduceret, praeceptumque, ut se Hannibali
 coniungeret. Scipio a Syracusa in Bruttios traiecit et Locros
 pulso Punico praesidio fugatoque Hannibale recepit. pax cum
 Philippo facta est, mater Idaea deportata est Romam a Pes-
 sinunte oppido Phrygiae, carmine in libris Sibyllinis invento,
 pelli Italia alienigenam hostem posse, si mater Idaea deportata
 Romam esset. tradita est autem Romanis per Attalum regem
 Asiae. lapis erat, quem matrem deum incolae dicebant. exceptit
 P. Scipio Nasica Cn. filius, eius, qui in Hispania perierat, vir
 optimus a senatu indicatus, aduliscens nondum quaestorius,
 quoniام ita responsum iubebat, ut id numen ab optimo viro
 recuperetur consecrareturque. Locrenses legatos Romanum misse-
 runt, qui de inuidentia Plemini legati quererentur, qui pecu-
 niā Proserpinæ sustulerat et liberos eorum ac coniuges
 stupraverat. in catenis Romanum perductus in carcere est mor-
 tuus, cum falsus rumor de P. Scipione proconsule, qui in Si-
 cilia erat, in urbem perlatus esset, tamquam ibi luxuriaretur,
 missis ob hoc legatis a senatu, qui explorarent, an ea vera
 essent, purgatus infamia. Scipio in Africam permissu senatus
 traiecit. Syphax accepta in matrimonium filia Hasdrubalis Gis-
 gonis amicitiae, quam cum Scipione iunxerat, renuntiavit.
 Masinissa rex Massyliorum, dum pro Carthaginiensibus in His-

20*

pania militat, amissio patre Gala de regno exciderat. quo per bellum saepe repetito aliquot proeliis a Syphace rege Numidarum victus in totum privatus est, et cum ducentis equitibus exul Scipioni se iunxit et cum eo primo statim bello Hannonen Hamilearis filium cum ampla manu interemit. Scipio adventu Hasdrubalis et Syphacis, qui prope cum centum milibus armatorum venerant, ab obsidione Uticae depulsus hiberna communivit. Sempronius consul in agro Crotoniensi prospere adversus Hannibalem pugnavit, inter censores M. Livium et Claudius Neronom notabilis discordia fuit: nam et Claudio Livio collegae equum ademis, quod a populo damnatus actusque in exilium fuerat, et Livius Claudio, quod falsum in se testimonium dixisset et quod non bona fide secum in gratiam redisset. idem omnes tribus extra unam aerarias reliquit, quod et innocentem se damnassent et posthac consulem censemque fecissent. lustrum a censoribus conditum est. censa sunt civium capita CCXIII.

1 I. Scipio postquam in Siciliam venit, voluntarios
 2 milites ordinavit centuriavitque. ex iis trecentos iu-
 3 venes, florentes aetate et virium robore, inermes circa
 4 se habebat, ignorantes, quem ad usum neque centu-
 5 riati neque armati servarentur. tum ex totius Siciliae
 6 iuniorum numero principes genere et fortuna trecentos equites, qui secum in Africam traicerent, legit,
 7 diemque iis, qua equis armisque instructi atque ornati
 8 adessent, edixit. gravis ea militia procul domo terra
 9 marique labores multos magna pericula allatura vide-
 10 batur; neque ipsos modo sed parentes cognatosque
 11 eorum ea cura angebat. ubi dies, quae edicta erat,
 12 advenit, arma equosque ostenderunt. tum Scipio re-
 13 nuntiari sibi dixit quosdam equites Siculorum tam-
 14 quam gravem et duram horrere eam militiam; si qui
 15 ita animati essent, malle eos sibi iam tum fateri,
 16 quam postmodo querentes segnes atque inutiles mili-
 17 tes rei publicae esse; expromerent, quid sentirent;
 18 cum bona via se auditurum. ubi ex iis unus ausus
 19 est dicere se prorsus, si sibi, utrum vellet, liberum
 20 esset, nolle militare, tum Scipio ei: „quoniam igitur,
 21 adulescens, quid sentires, non dissimulasti, vicarium

tibi expediam, cui tu arma equumque et cetera instru-
 2 menta militiae tradas et tecum hinc exemplo domum
 3 ducas, exerceas, docendum cures equo armisque⁴.
 4 laeto condicionem accipient unum ex trecentis, quos
 5 inermes habebat, tradit. ubi hoc modo exauktoratum
 6 equitem cum gratia imperatoris ceteri viderunt, se
 7 quisque excusare et vicarium accipere. ita trecentis
 8 Siculis Romani equites substituti sine publica impensa.
 9 docendorum atque exercendorum curam Siculi ha-
 10 buerunt, quia edictum imperatoris erat, ipsum milita-
 11 turum, qui ita non fecisset. egregiam hanc alam equi-
 12 tum evasisse ferunt multisque proeliis rem publicam
 13 adiuuisse. Legiones inde cum inspiceret, plurimorum
 14 stipendiorum ex iis milites delegit, maxime qui sub-
 15 duce Marcello militaverant, quos cum optima dis-
 16 ciplina institutos credebat, tum etiam ab longa Syra-
 17 cusarum obsidione peritissimos esse urbiū oppu-
 18 gnandarum: nihil enim parvum, sed Carthaginis iam
 19 excidia agitabat animo. inde exercitum per oppida
 20 dispersit; frumentum Siculorum civitatibus imperat,
 21 ex Italia advecto parcit; veteres naves reficit et cum
 22 iis C. Laelium in Africam praedatum mittit; novas
 23 Panhormi subducit, quia ex viridi materia raptim fac-
 24 tae erant, ut in sicco hibernarent.

Praeparatis omnibus ad bellum, Syracusas non-
 15 dum ex magnis belli motibus satis tranquillas venit.
 Graeci res a quibusdam Italici generis, eadem vi, qua
 16 per bellum ceperant, retinentibus, concessas sibi ab
 senatu repebant. omnium primum ratus tueri publi-
 17 cam fidem, partim edicto partim iudiciis etiam in
 pertinaces ad obtinendam iniuriam redditis suas res
 18 Syracusanis restituit. non ipsis tantum ea res, sed
 omnibus Siciliae populis grata fuit, eoque enixius ad
 bellum adiuerunt.

Eadem aestate in Hispania coortum ingens bellum
 19 conciente Ilergete Indibili, nulla alia de causa quam
 per admirationem Scipionis contemptu imperatorum

20 aliorum orto. eum superesse unum ducem Romanis
 ceteris ab Hannibale interfectis rebatur: eo nec in
 Hispaniam caesis Scipionibus alium, quem mitterent,
 habuisse, et postquam in Italia gravius bellum ur-
 21 gueret, adversus Hannibalem eum arcessitum. praeter-
 quam quod nomina tantum ducum in Hispania Romani
 haberent, exercitum quoque inde veterem deductum;
 trepida omnia ut inconditam turbam tironum esse.
 22 numquam talem occasionem liberandae Hispaniae fore.
 servitum ad eam diem aut Carthaginiensibus aut Ro-
 manis, nec in vicem his aut illis, sed interdum utris-
 24 que simul. pulsos ab Romanis Carthaginienses; ab
 Hispanis, si consentirent, pelli Romanos posse, ut ab
 omni externo imperio soluta in perpetuum Hispania
 25 in patrios rediret mores ritusque. haec taliaque di-
 cendo non populares modo, sed Ausetanos quoque,
 vicinam gentem, concitat et alias finitimos sibi atque
 26 illis populos. itaque intra paucos dies triginta milia
 peditum, quattuor ferme equitum in Sedetanum agrum,
 quo edictum erat, convenerunt.

1 II. Romani quoque imperatores L. Lentulus et
 L. Manlius Acidinus, ne glisceret prima neglegendo
 2 bellum, iunctis et ipsi exercitibus per agrum Ause-
 tanum hostico tamquam pacato clementer ductis mili-
 tibus ad sedem hostium pervenere et trium milium spa-
 3 tio procul a castris eorum posuerunt castra. primo per
 legatos nequicquam temptatum, ut discederetur ab
 armis; dein, cum in pabulatorum Romanos impetus
 repente ab equitibus Hispanis factus esset, summisso
 ab statione Romana equitatu equestre proelium fuit
 4 haud sane memorando in partem ullam eventu. sole
 oriente postero die armati instructique omnes mille
 ferme passus procul a castris Romanis aciem ostendere.
 5 medii Ausetani erant; cornua dextrum Ilergetes,
 laevum ignobiles tenebant Hispani populi; inter cor-
 nua et medianam aciem intervalla patentia satis late
 fecerant, qua equitatum, ubi tempus esset, emitterent.

et Romani more suo exercitum cum instruxissent, id
 modo hostium imitati sunt, ut inter legiones et ipsi
 patentes equiti relinquenter vias. ceterum Lentulus
 ei parti usum equitis fore ratus, quae prior in de-
 hiscentem intervallis hostium aciem equites emisisset,
 Ser. Cornelio tribuno militum imperat, equites per
 6 patentes in hostium acie vias permettere equos iubeat.
 ipse copta parum prospere pedestri pugna, tantum
 7 moratus, dum cedenti duodecimae legioni, quae in
 laevo cornu adversus Ilergetes locata erat, tertiam
 decumam legionem ex subsidiis in primam aciem fir-
 mamentum ducit, postquam aequata ibi pugna est,
 ad L. Manlium inter prima signa hortantem ac sub-
 sidia quibus res postulabat locis inducentem venit;
 indicat tuta ab laevo cornu esse; iam missum ab se
 11 Ser. Cornelium procella equestri hostes circumfusurum.
 vix haec dicta dederat, cum Romani equites in medios
 12 innecti hostes simul pedestres acies turbarunt, simul
 equitibus Hispanorum viam immittendi equos clause-
 runt. itaque omissa pugna equestri ad pedes Hispani
 13 descendierunt. Romani imperatores ut turbatos hostium
 ordines et trepidationem pavoremque et fluctuantia
 viderunt signa, hortantur, orant milites, ut percusso
 invadant neu restitui aciem patientur. non sustinuerint
 14 tam infestum impetum barbari, ni regulus ipse Indi-
 bilis cum equitibus ad pedes degressis ante prima si-
 gna peditum se obiecisset. ibi aliquamdiu atrox pugna
 15 stetit; tandem, postquam ii, qui circa regem semine-
 cem restantem, deinde pilo terrae adfixum pugnabant,
 obruti telis occubuerunt, tam fuga passim copta.
 plures caesi, quia equos condescendi equitibus spatium
 16 non fuerat, et quia percussis acriter institerunt Ro-
 mani; nec ante abscessum est, quam castris quoque
 exuerunt hostem. decem tria milia Hispanorum caesa
 17 eo die, mille octingenti ferme capti; Romanorum so-
 ciorumque paulo amplius ducenti, maxime in laevo
 cornu, ceciderunt. pulsi castris Hispani aut qui ex
 18

proelio effugerant sparsi primo per agros, deinde in suas quiske civitates redierunt.

III. Tum a Mandonio evocati in concilium conquestique ibi clades suas increpitis auctoribus belli legatos mittendos ad arma tradenda deditioinemque faciendam censuere. quibus culpam in auctorem belli Indibilem ceterosque principes, quorum plerique in acie cecidissent, conferentibus tradentibusque arma et dedentibus sese responsum est in deditioinem ita accipi eos, si Mandonium ceterosque belli concitores tradidissent vivos; si minus, exercitum se in agrum Ilergetum Ausetanorumque et deinceps aliorum populorum inducturos. haec dicta legatis renuntiataque in concilium. ibi Mandonius ceterique principes comprehensi et traditi ad supplicium. Hispaniae populis redditiva pax; stipendum eius anni duplex et frumentum sex mensum imperatum sagaue et togae exercitui; et obsides ab triginta ferme populis accepti.

Ita Hispaniae rebellantis tumultu haud magno motu intra paucos dies concito et compresso in Africam omnis terror versus. C. Laelius nocte ad Hippo Regium cum accessisset, luce prima ad populandum agrum sub signis milites sociosque navales duxit. omnibus pacis modo incuriose agentibus magna clades inflata; nuntiique trepidi Carthaginem terrore ingenti compleveré, classem Romanam Scipionemque imperatorem — et fama fuerat iam in Siciliam transgressum — advenisse. nec quot naves vidissent, nec quanta manus agros popularetur, satis gnari omnia in maius metu augente accipiebant. itaque primo terror pavore, dein maestitia animos incessit: tantum fortunam mutasse, ut, qui modo ipsi exercitum ante moenia Romana habuissent victores stratisque tot hostium exercitibus omnes Italiae populos aut vi aut voluntate in deditioinem accepissent, ii verso Marte Africæ populationes et obsidionem Carthaginis visuri forent, nequam pari ad patienda ea robore ac Romani fuissent.

illis Romanam plebem, illis Latium iuuentutem praebuisse maiorem semper frequentioremque pro tot caesis exercitibus subolescentem; suam plebem inbellem in urbe, inbellem in agris esse; mercede parari auxilia ex Afris, gente ad omnem auram spei mobili atque infida. iam reges, Syphacem post conloquium cum Scipione alienatum, Masinissam aperta defectione infestissimum hostem. nihil usquam spei, nihil auxilii esse. nec Magonem ex Gallia movere tumultus quicquam nec conjungere sese Hannibali, et Hannibalem ipsum iam et fama senescere et viribus. IV. in haec deflenda prolapsos ab recenti nuntio animos rursus terror instans revocavit ad consultandum, quonam modo obviam praesentibus periculis iretur. dilectus raptim in urbe agrisque haberit placet, mittere ad conducenda Afrorum auxilia, munire urbem, frumentum convehere, tela arma parare, instruere naves ac mittere ad Hipponem adversus Romanam classem. iam haec agentibus nuntius tandem venit Laelium, non Scipionem, copiasque, quantae ad incursiones agrorum satis sint, transvectas; summae belli molem adhuc in Sicilia esse. ita respiratum, mittique legationes ad Syphacem aliquos regulos firmandae societatis causa coptae. ad Philippum quoque missi, qui ducenta argenti talenta pollicerentur, ut in Siciliam aut in Italiam traiceret. missi et ad suos imperatores in Italiam, ut omni terrore Scipionem retinerent; ad Magonem non legati modo, sed viginti quinque longae naves, sex milia peditum, octingenti equites, septem elephanti, ad hoc magna pecunia ad conducenda auxilia, quibus fretus proprius urbem Romanam exercitum admoveret coniungeretque se Hannibali. haec Carthagine parabant agitabantque ad Laelium praedas ingentes ex agro inermi ac nudo praesidiis agentem Masinissa, fama Romanæ classis excitus, cum equitibus paucis venit. is segniter rem agi ab Scipione questus, quod non iam exercitum in Africam traiecisset, percussis Carthaginiensibus, Sy-

phace impedito finitumis bellis, quem certum habere,
si spatium ad sua, ut velit, componenda detur, nihil
9 sinecra fide cum Romanis acturum. hortaretur, stimula-
ret Scipionem, ne cessaret; se, quamquam regno
pulsus esset, cum hand contemnendis copiis adfuturum
peditum equitumque. nec ipsi Laelio morandum in
Africa esse; classem credere profectam a Carthagine,
cum qua absente Scipione non satis tutum esse con-
trahi certamen. V. ab hoc sermone dimisso Masinissa
Laelius postero die naves praeda onustas ab
Hippone solvit revectusque in Siciliam mandata Masinissae Scipioni exposuit.

2. Eisdem ferme diebus naves, quae ab Carthagine
ad Magonem missae erant, inter Albingaunos Ligures
3 Genuamque accesserunt. in iis locis tum forte Mago
tenebat classem; qui legatorum auditis verbis iubentium
exercitus quam maximos comparare, exemplo
Gallorum et Ligurum — namque utriusque gentis
4 ingens ibi multitudo erat — concilium habuit, et
missum se ad eos vindicandos in libertatem ait, et,
ut ipsi cernant, mitti sibi ab domo praesidia; sed
quantis viribus, quanto exercitu id bellum geratur, in
5 eorum potestate esse. duos exercitus Romanos, unum
in Gallia, alterum in Etruria esse; satis scire Sp. Lu-
cretium se cum M. Livio iuncturum; multa milia ar-
manda esse, ut duabus dueibus, duobus exercitibus
6 Romanis resistatur. Galli summam ad id suam volun-
tatem esse dicere; sed cum una castra Romana intra-
fines, altera in finitima terra Etruria prope in
7 conspectu habeant, si palam fiat auxiliis adiutum ab se esse
Poenum, exemplo infestos utrimque exercitus in agrum
suum incursuros: ea ab Gallis desideraret, quibus oc-
culte adiuvari posset. Liguribus, quod procul agro
urbibusque eorum castra Romana sint, libera consilia
esse; illos armare iuuentum et capessere pro parte
bellum aequum esse. Ligures haud abnuere, tempus
modo duoram mensum petere ad dilectus habendos.

interim Mago milites Gallos dimisis clam per agros
eorum mercede conducere; commeatus quoque omnis
generis occulte ad eum a Gallicis populis mittebantur.
M. Livius exercitum volonum ex Etruria in Galliam
traducit iunctusque Lucretio, si se Mago ex Liguribus
propius urbem moveat, obviam ire parat, si Poenus
sub angulo Alpium quietus se contineat, et ipse in
eadem regione circa Ariminum Italiae praesidio futurus.

VI. Post redditum ex Africa C. Laeli et Scipione
stimulato Masinissae adhortationibus et militibus,
praedam ex hostium terra cernentibus tota classe
efferri, accensis ad traiciendum quam primum, inter-
venit maiori minor cogitatio Locros urbem recipiendi,
quae sub defectionem Italiae desciverat et ipsa ad
Poenos. spes autem affectandae eius rei ex minima
re adfulsit. latrociniis magis quam iusto bello in
Bruttiis gerebantur res, principio ab Numidis facto
et Bruttiis non societate magis Punica quam suopte
ingenio congruentibus in eum morem; postremo Ro-
mani quoque milites contagione quadam rapto gau-
dentes, quantum per duces licebat, excursiones in
hostium agros facere. ab iis egressi quidam urbe
Locrenses circumventi Regiumque abstracti fuerant.
in eo captivorum numero fabri quidam fuere, adsueti
forte apud Poenos mercede opus in arce Locrorum
facere. hi cogniti ab Locrensum principibus, qui pulsi
ab adversa factione, quae Hannibali Locros tradiderat,
Regium se contulerant, cum cetera percunctantibus,
ut mos est, qui diu absunt, quae domi agerentur ex-
posuissent, spem fecerunt, si redempti ac remissi
forent, arcem se iis tradituros; ibi se habitare, fidem-
que sibi rerum omnium inter Carthaginenses esse.
itaque, ut qui simul desiderio patriae angerentur, simul
cupiditate inimicos ulciscendi arderent, redemptis ex-
templo iis remissisque, cum ordinem agendae rei
composuissent signaque, quae procul edita observarent,
ipsi ad Scipionem Syracusas profecti, apud quem pars

exulum erat, referentes ibi promissa captivorum cum spem ab effectu haud abhorrentem consuli fecissent, 9 tribuni militum cum iis M. Sergius et P. Matienus missi iussique ab Regio tria milia militum Locros ducere; et Q. Pleminio propraetori scriptum, ut rei 10 agendae adesset. profecti ab Regio, scalas ad editam altitudinem arcis fabricatas portantes, media ferme nocte ex eo loco, unde convenerat, signum dedere 11 proditoribus arcis; qui parati intentique et ipsi scalas ad id ipsum factas cum demisissent pluribusque simul locis scandentes accepissent, priusquam clamor oreretur, in vigiles Poenorum, ut in nullo tali metu soperitos, impetus est factus. quorum gemitus primo morientium exauditus, dein subita consternatio ex somno et tumultus, cum causa ignoraretur, postremo certior res 13 alii excitantibus alios. iamque ad arma pro se quisque vocabat: hostes in arce esse et caedi vigilis; oppressique forent Romani nequaquam numero pares, ni clamor ab iis, qui extra arcem erant, sublatius incertum, unde accidisset, omnia vana augente nocturno 14 tumultu, fecisset. itaque velut plena iam hostium arce territi Poeni omissa certamine in alteram arcem — duae sunt, haud multum inter se distantes — con- 15 fugiunt. oppidani urbem habebant victoribus praemium in medio positam; ex arcibus duabus proeliis cotidie 16 levibus certabatur. Q. Pleminius Romano, Hamilcar Punico praesidio praeverat; arcessentes ex propinquis 17 locis subsidia copias augebant. ipse postremo veniebat Hannibal; nec sustinuerent Romani, nisi Locrensum multitudo, exacerbata superbia atque avaritia Poenorum, ad Romanos inclinasset.

¹ VII. Scipioni ut nuntiatum est in maiore dis-
crimine Locris rem verti ipsumque Hannibalem adven-
tare, ne praesidio etiam periclitaretur, haud facili inde
receptu, et ipse a Messana L. Scipione fratre in praesi-
dio ibi relicto, cum primum aestu fretum inclinatum
³ est, naves mari secundo misit. et Hannibal a Buloto

amni — haud procul is ab urbe Locris abest — nuntio praemisso, ut sui luce prima summa vi proelium cum Romanis ac Locrensibus consererent, dum ipse aversis omnibus in eum tumultum ab tergo urbem incautam adgredieretur, ubi luce coeptam invenit pugnam, ipse ⁴ nec in arcem se includere, turba locum artum in-
pediturus, voluit, neque scalas, quibus scanderet muros, attulerat. sarcinis in acervum coniectis cum haud ⁵ procul muris ad terrorem hostium aciem ostendisset, cum equitibus Numidis circumequitat urbem, dum scalae quaeque alia ad oppugnandum opus erant pa-
rantur, ad visendum, qua maxime parte adgredieretur. progressus ad murum, scorpione icto, qui proximus ⁶ eum forte steterat, territus inde tam periculo casu receptui canere cum iussisset, castra procul ab ietu teli communit. classis Romana a Messana Locros ali-⁷ quot horis die superante accessit; expositi omnes e navibus et ante occasum solis urbem ingressi sunt. postero die coepta ex arce a Poenis pugna, et Han-
nibal iam scalis aliisque omnibus ad oppugnationem ⁸ paratis subibat muros, cum repente in eum nihil minus quam tale quicquam timentem patefacta porta erumpunt Romani. ad ducentos improvidos cum in-
vasissent occidunt; ceteros Hannibal, ut consulem ⁹ adesse sensit, in castra recipit, nuntioque missso ad eos, qui in arce erant, ut sibimet ipsi considerent, nocte motis castris abiit. et qui in arce erant, igni ¹⁰ injecto tectis, quae tenebant, ut is tumultus hostem moraretur, agmen suorum fugae simili cursu ante noctem adsecuti sunt. VIII. Scipio ut et arcem re-
lictam ab hostibus et vacua vidit castra, vocatos ad contionem Locrenses graviter ob defectionem incusavit; de auctoribus supplicium sumpsit bonaque eorum al-
terius factionis principibus ob egregiam fidei adver-² sus Romanos concessit. publice nec dare nec eripere ³ se quicquam Locrensibus dixit; Romam mitterent le-
gatos; quam senatus aequum censuisset, eam fortunam

4 habituros. illud satis scire, etsi male de populo Romano meriti essent, in meliore statu sub iratis Romanis futuros, quam sub amicis Carthaginiensibus fuerint. ipse Pleminio legato praesidioque, quod arcem ceperat, ad tuendam urbem relicto, cum quibus venerat copiis Messanam traiecit.

6 Ita superbe et crudeliter habiti Locrenses ab Carthaginiensibus post defectionem ab Romanis fuerant, ut modicas iniurias non aequo modo animo pati sed 7 prope libenti possent; verum enim vero tantum Pleminius Hamilcarem praesidii praefectum, tantum praesidiarii milites Romani Poenos scelere atque avaritia superaverunt, ut non armis, sed vitiis videretur certari. nihil omnium, quae inopi invisas opes potentioris faciunt, praetermissum in oppidanos est ab duce aut a militibus; in corpora ipsorum, in liberos, in coniuges infandae contumeliae editae. iam avaritia ne sacrorum quidem spoliatione abstinuit, nec alia modo tempa violata, sed Proserpinae etiam intacti omni aevo thensauri, praeterquam quod a Pyrrho, qui cum magno piaculo sacrilegii sui manubias rettulit, spoliati dicebantur. ergo sicut ante regiae naves laceratae naufragiis nihil in terram integri praeter sacram pecuniam deae, quam asportaverant, extulerunt, tum quoque alio genere cladis eadem illa pecunia omnibus contactis ea violatione templi fuorem obiecit atque inter se ducem in ducem, militem in militem rabie hostili vertit.

1 IX. Summae rei Pleminius praerat; militum pars sub eo, quam ipse ab Regio adduxerat, pars sub tribunis erat. rapto poculo argenteo ex oppidani domo Plemini miles fugiens sequentibus, quorum erat, obvius forte Sergio et Matieno tribunis militum fuit; 3 cui cum iussu tribunorum ademptum poculum esset, iurgium inde et clamor, pugna postremo orta inter Plemini milites tribunorumque, ut suis quisque opportunus advenerat, multitudine simul ac tumultu cre-

scente. victi Plemini milites cum ad Pleminium, cruentem ac vulnera ostentantes, non sine vociferatione atque indignatione concurrissent, probra in eum ipsum iactata in iurgiis referentes, accensus ira domo sese proripuit vocatosque tribunos nudari ac virgas expediti iubet. dum spoliandis iis — repugnabant enim militumque fidem implorabant — tempus teritur, repte milites ferocius recenti victoria ex omnibus locis, velut adversus hostes ad arma conclamatum esset, concurrerunt; et cum violata iam virgis corpora tribunorum vidissent, tum vero in multo inpotentiores subito rabiem accensi, sine respectu non maiestatis modo sed etiam humanitatis, in legatum impetum lictoribus prius indignum in modum muleatis faciunt; tum ipsum ab suis interceptum et seclusum hostiliter lacerant et prope exsanguem naso auribusque mutilatis relinquunt. his Messanam nuntiatis Scipio post paucos dies Locros hexeri advectus cum causam Plemini et tribunorum audisset, Pleminio noxa liberato relictoque in eiusdem loci praesidio, tribunis sontibus iudicatis et in vincla coniectis, ut Romam ad senatum mittentur, Messanam atque inde Syracusas rediit. Pleminius impotens irae, neglectam ab Scipione et nimis leviter latam suam iniuriam ratus, nec quemquam aestimare alium eam litem posse, nisi qui atrocitatem eius patiente sensisset, tribunos adtrahi ad se iussit laceratosque omnibus, quae pati corpus ullum potest, suppliciis interfecit nec satiatus vivorum poena inseptos proiecit. simili crudelitate et in Locrensum principes est usus, quos ad conquerendas iniurias ad P. Scipionem profectos audivit; et quae antea per lubidinem atque avaritiam foeda exempla in socios ediderat, tunc ab ira multiplicia edere, infamiae atque invidiae non sibi modo sed etiam imperatori esse.

X. Iam comitiorum adpetebat tempus, cum a P. Licinio consule litterae Romam allatae, se exercitumque suum gravi morbo afflictari, nec sisti potuisse,

ni eadem vis mali aut gravior etiam in hostes in-
2 gruisset; itaque, quoniam ipse venire ad comitia non
posset, si ita patribus videretur, se Q. Caecilium Me-
tellum dictatorem comitiorum causa dicturum; exer-
3 citum Q. Caecili dimitti e re publica esse; nam neque
usum eius ullum in praesentia esse, cum Hannibal
iam in hiberna suos receperit, et tanta incesserit in
ea castra vis morbi, ut, nisi mature dimittantur, nemo
omnium superfuturus videatur. ea consuli a patribus
facienda, ut e re publica fideque sua duceret, permissa.

4 Civitatem eo tempore repens religio invaserat
invento carmine in libris Sibyllinis propter erebrius
5 eo anno de caelo lapidatum inspectis, quandoque hostis
alienigena terrae Italiae bellum intulisset, eum pelli
Italia vincique posse, si mater Idaea a Pessinunte
6 Romam advecta foret. id Carmen ab decemviris inventum
eo magis patres movit, quod et legati, qui donum
Delphos portaverant, referebant et sacrificantibus ipsis
Pythio Apollini laeta exta fuisse et responsum oraculo
editum, maiorem multo victoriam, quam eius ex
7 spoliis dona portarent, adesse populo Romano. in
eiusdem spei summam conferebant P. Scipionis velut
praesagientem animum de fine belli, quod depoposcisset
8 provinciam Africam. itaque, quo maturius fatis, omi-
nibus oraculisque portendentis sese victoriae compotes
fierent, id cogitare atque agitare, quae ratio transpor-
1 tandae Romanam deae esset. XI. nullasdam in Asia
socias civitates habebat populus Romanus; tamen
memores Aesculapium quoque ex Graecia quondam
haudum ullo foedere sociata valetudinis populi causa
2 arcessitum, tunc iam cum Attalo rege propter com-
mune adversus Philippum bellum coeptam amicitiam
esse, facturum eum, quae posset, populi Romani causa,
3 legatos ad eum decernunt, M. Valerium Laevinum,
qui bis consul fuerat ac res in Graecia gesserat, M.
Caecilium Metellum praetorium, Ser. Sulpicium Gal-
bam aedilicium, duos quaestorios, Cn. Tremellium

Flaceum et M. Valerium Faltonem. iis quinque naves 4
quinqueremes, ut ex dignitate populi Romani adirent
eas terras, ad quas concilianda maiestas nomini Ro-
mano esset, decernunt. legati Asiam petentes protinus 5
Delphos cum escendissent, oraculum adierunt consu-
lentes, ad quod negotium domo missi essent, perfidi-
ciendi eius quam sibi spem populoque Romano por-
tenderet. responsum esse ferunt per Attalum regem 6
compotes eius fore, quod peterent; cum Romam deam
devexissent, tum curarent, ut eam, qui vir optimus
Romae esset, hospitio acciperet. Pergamum ad regem 7
venerunt. is legatos comiter acceptos Pessinuntem in
Phrygiam deduxit sacramque iis lapidem, quam ma-
trem deum esse incolae dicebant, tradidit ac deportare
Romam iussit. praemissus ab legatis M. Valerius 8
Falto nuntiavit deam adportari; quaerendum virum
optimum in civitate esse, qui eam rite hospitio acciperet.

Q. Caecilius Metellus dictator ab consule in 9
Bruttiis comitiorum causa dictus, exercitusque eius
dimissus, magister equitum L. Veturius Philo. comitia 10
habita per dictatorem. consules facti M. Cornelius
Oethegus, P. Sempronius Tuditanus absens, cum pro-
vinciam Graeciam haberet. praetores inde creati Ti. 11
Claudius Nero, M. Marcius Ralla, L. Scribonius Libo,
M. Pomponius Matho. comitiis perfectis dictator sese
magistratu abdicavit.

Ludi Romani ter, plebei septiens instaurati. cu- 12
rules erant aediles Cn. et L. Cornelii Lentuli; Lucius
Hispaniam provinciam habebat; absens creatus absens
eum honorem gessit. Ti. Claudius Asellus et M. Iunius 13
Pennus plebei aediles fuerunt. aedem Virtutis eo anno
ad portam Capenam M. Marcellus dedicavit septumo
decimo anno, postquam a patre eius primo consulatu
vota in Gallia ad Clastidium fuerat. et flamen Mar- 14
tialis eo anno est mortuus M. Aemilius Regillus.

XII. Neglectae eo biennio res in Graecia erant. 1
itaque Philippus Aetolos desertos ab Romano, cui

uni fidebant, auxilio, quibus voluit condicionibus ad
 2 petendam et paciscedam subegit pacem. quod nisi
 omni vi perficere maturasset, bellantem eum cum
 Aetolis P. Sempronius proconsul, successor imperii
 missus Sulpicio cum decem milibus peditum et mille
 equitibus et triginta quinque rostratis navibus, haud
 parvum momentum ad opem ferendam sociis, oppres-
 3 sisset. vixdum pace facta nuntius regi venit Romanos
 Dyrrachium venisse, Parthinosque et propinquas gentes
 alias motas esse ad spem novandi res, Dimallumque
 4 oppugnari. eo se verterant Romani ab Aetolorum, quo
 missi erant, auxilio, irati, quod sine auctoritate sua
 5 adversus foedus cum rege pacem fecissent. ea cum
 audisset Philippus, ne qui motus maior in finitimis
 gentibus populisque oreretur, magnis itineribus Apol-
 loniam contendit, quo Sempronius se receperat, missis
 Laetorio legato cum parte copiarum et quindecim
 6 navibus in Aetoliam ad visendas res pacemque, si
 posset, turbandam. Philippus agros Apolloniatum
 vastavit et ad urbem admotis copiis potestatem pugnae
 7 Romano fecit; quem postquam quietum muros tan-
 tummodo tueri vidit, nec satis fidens viribus, ut urbem
 oppugnaret, et cum Romanis quoque, sicut eum Aetolis,
 cupiens pacem, si posset, si minus, industias facere,
 nihil ultra irritatis novo certamine odiis in regnum
 8 se recepit. per idem tempus taedio diutini belli Epi-
 rotae temptata prius Romanorum voluntate legatos
 9 de pace communi ad Philippum misere, satis confidere
 converturam eam adfirmantes, si ad conloquium cum
 10 P. Sempronio imperatore Romano venisset. facile im-
 petratum — neque enim ne ipsius quidem regis ab-
 11 horrebat animus —, ut in Epirum transiret. Phoenice
 urbs est Epiri; ibi prius conlocutus rex cum Aeropo
 et Derda et Philippo Epirotarum praetoribus, postea
 12 cum P. Sempronio congregitur. adfuit conloquio Amy-
 nander Athamanum rex et magistratus alii Epirotarum
 et Aearnanum. primus Philippus praetor verba fecit

et petit simul ab rege et ab imperatore Romano, ut
 finem belli facerent darentque eam Epirotis veniam.
 P. Sempronius condiciones pacis dixit, ut Parthini et 13
 Dimallum et Bargullum et Eugenium Romanorum
 essent, Atintania, si missis Romam legatis ab senatu
 impetrasset, ut Macedoniae accederet. in has condi- 14
 ciones cum pax conveniret, ab rege foederi adscripti
 Prusia Bithyniae rex, Achaei, Boeoti, Thessali, Acar-
 nanes, Epirotae, ab Romanis Ilienses, Attalus rex,
 Pleuratus, Nabis Lacedaemoniorum tyrannus, Elei,
 Messenii, Athenienses. haec conscripta consignataque 15
 sunt, et in duos menses industiae factae, donec Romam
 mitterentur legati, ut populus in has condiciones
 pacem iuberet. iusseruntque omnes tribus, quia verso 16
 in Africam bello omnibus aliis in praesentia levari
 bellis volebant. P. Sempronius pace facta ad consulta-
 tum Romam decessit.

XIII. M. Cornelio P. Sempronio consulibus — 1
 quintus decimus is annus belli Punici erat — pro-
 vinciae Cornelio Etruria cum vetere exercitu, Sem-
 pronio Bruttii, ut novas seriberet legiones, decretae. 2
 praetoribus M. Marcio urbana, L. Scribonio Liboni
 Peregrina et eidem Gallia, M. Pomponio Mathoni Si- 3
 cilia, Ti. Claudio Neroni Sardinia evenit. P. Scipioni
 cum eo exercitu, cum ea classe, quam habebat, pro-
 rogatum in annum imperium est; item P. Licinio, ut 4
 Bruttios duabus legionibus obtineret, quoad eum in
 provincia cum imperio morari consuli e re publica
 visum esset; et M. Livio et Sp. Lucretio cum binis 5
 legionibus, quibus adversus Magonem Galliae praesi-
 sidio fuissent, prorogatum imperium est, et Cn. Oc-
 tavio, ut cum Sardiniam legionemque Ti. Claudio 6
 tradidisset, ipse navibus longis quadraginta mariti-
 mam oram, quibus finibus senatus censisset, tutare-
 tur. M. Pomponio praetori in Sicilia Cannensis ex-
 eritus, duae legiones decretae; T. Quintius Tarentum,
 C. Hostilius Tubulus Capuam pro praetoribus, sicut
 21*

priore anno, cum vetere uterque praesidio obtinerent.
 7 de Hispaniae imperio, quos in eam provinciam duos
 pro consulibus mitti placeret, latum ad populum est,
 omnes tribus eosdem, L. Cornelium Lentulum et L.
 Manlium Acidinum, pro consulibus, sicut priore anno
 8 tenuissent, obtinere eas provincias iusserunt. consules
 dilectum habere instituerunt et ad novas scribendas
 in Bruttios legiones et in ceterorum — ita enim iussi
 ab senatu erant — exercituum supplementum.

1 XIV. Quamquam nondum aperte Africa provincia
 decreta erat, occultantibus id, credo, patribus, ne
 praesciscerent Carthaginienses, tamen in eam spem
 erecta civitas erat, in Africa eo anno bellatum iri
 2 finemque bello Punico adesse. impleverat ea res super-
 stitionum animos, pronique et ad nuntienda et ad
 3 credenda prodigia erant. eo plura vulgabantur: duos
 soles visos, et nocte interluxisse, et faciem Setiae ab
 ortu solis ad occidentem porrigi visam; Tarracinae port-
 tam, Anagniae et portam et multis locis murum de
 caelo tactum; in aede Iunonis Sospitae Lanuvi cum
 4 horrendo fragore strepitum editum. eorum procuran-
 dorum causa diem unum supplicatio fuit; et noven-
 diale sacrum, quod de caelo lapidatum esset, factum.
 5 eo accessit consultatio de matre Idaea accipienda,
 quam praeterquam quod M. Valerius, unus ex legatis,
 praegressus actutum in Italia fore nuntiaverat, recens
 6 nuntius aderat Tarracinae iam esse. haud parvae rei
 iudicium senatum tenebat, qui vir optimus in civitate
 7 esset; veram certe victoriam eius rei sibi quisque
 mallet quam ulla imperia honoresve suffragio seu
 8 patrum seu plebis delatos. P. Scipionem Cn. f. eius,
 qui in Hispania ceciderat, adulescentem nondum qua-
 9 storium, iudicaverunt in tota civitate virum bonorum
 optimum esse. id quibus virtutibus inducti ita iudi-
 carint, sicut traditum a proximis memoriae temporum
 illorum scriptoribus libens posteris traderem, ita meas
 opinones coniectando rem vetustate obrutam non

interponam. P. Cornelius cum omnibus matronis Ostiam 10
 obviam ire deae iussus, isque eam de nave accipere
 et in terram elatam tradere ferendam matronis, post
 quam navis ad ostium amnis Tiberini accessit, sicut
 erat iussus, in salum nave evectus ab sacerdotibus
 deam accepit extulitque in terram. matronae pri- 11
 mores civitatis, inter quas unius Claudiæ Quintæ in-
 signe est nomen, accepere; cui dubia, ut traditur, antea
 fama clariorem ad posteros tam religioso ministerio
 pudicitiam fecit. eae per manus succedentes deinde 12
 aliae aliis, omni obviam effusa civitate, turribus ante
 ianuas positis, qua præferebatur, atque accenso ture,
 precantes, ut volens propitiaque urbem Romanam
 iniret, in aedem Victoriae, quae est in Palatio, per- 13
 tulere deam pr. non. Apr., isque dies festus fuit. po-
 pulus frequens dona deae in Palatium tulit, lecti-
 sterniumque et ludi fuere, Megalensia appellata.

XV. Cum de supplemento legionum, quae in pro- 1
 vinciis erant, ageretur, tempus esse a quibusdam
 senatoribus subiectum est, quae dubiis in rebus ut-
 cumque tolerata essent, ea dempto iam tandem deum
 benignitate metu non ultra pati. erectis expectatione 2
 patribus subiecerunt colonias Latinas duodecim, quae
 Q. Fabio et Q. Fulvio consulibus abnuissent milites
 dare, eas annum iam ferme sextum vacationem mili-
 tiae quasi honoris et beneficii causa habere, cum 3
 interim boni oboedientesque socii pro fide atque ob-
 sequio in populum Romanum continuis omnium an-
 nonum dilectibus exhausti essent. sub hanc vocem non
 memoria magis patribus renovata rei prope iam ob- 4
 litteratae, quam ira irritata est. itaque nihil prius re-
 ferre consiles passi decreverunt, ut consules magistra-
 tus denosque principes Nepete, Sutrio, Ardea, Calibus,
 Alba, Carseolis, Sora, Suessa, Setia, Circeis, Narnia,
 Interamna — hae namque coloniae in ea causa erant
 — Romam excirent; iis imperarent, quantum que- 5
 que earum coloniarum militum plurimum dedisset 6

populo Romano, ex quo hostes in Italia essent, duplicatum eius summae numerum peditum daret et equites 7 centenos vicenos; si qua eum numerum equitum explere non posset, pro equite uno tres pedites liceret dare; pedites equitesque quam locupletissimi legerentur mitterenturque, ubicumque extra Italiam supplemento opus esset; si qui ex iis recusarent, retineri eius coloniae magistratus legatosque placere, neque, si postularent, senatum dari, priusquam imperata fecissent; stipendum praeterea iis coloniis in milia aeris asses singulos imperari exigique quotannis, consumque in iis coloniis agi ex formula ab Romanis 10 censoribus data — dari autem placere eandem quam populo Romano — deferrique Romam ab iuratis censoribus coloniarum, priusquam magistratu abirent. ex hoc senatus consulto accitis Romam magistratibus primoribusque earum coloniarum consules cum milites stipendumque imperassent, alii aliis magis recusare 12 ac reclamare; negare tantum militum effici posse; vix, si simplum ex formula imperetur, enisuros; orare atque obsecrare, ut sibi senatum adire ac deprecari liceret. nihil se, quare perire merito deberent, admisisse; sed si pereundum etiam foret, neque suum delictum neque iram populi Romani, ut plus militum darent, 14 quam haberent, posse efficere. consules obstinati legatos manere Romae iubent, magistratus ire domos ad dilectus habendos: nisi summa militum, quae imperata esset, Romam adducta, neminem iis senatum 15 daturum. ita praecisa spe senatum adeundi deprecandique dilectus in iis duodecim coloniis, per longam vacationem numero iuniorum aucto, haud difficulter est perfectus.

XVI. Altera item res, prope aequa longo neglecta silentio, relata a M. Valerio Laevino est, qui privatis conlatae pecunias se ac M. Claudio consulibus reddi 2 tandem aequum esse dixit; nec mirari quemquam debere in publica obligata fide suam praecipuam curam

esse; nam praeterquam quod aliquid proprie ad consulem eius anni, quo conlatae pecuniae essent, pertineret, etiam se auctorem ita conferendi fuisse inopae aerario nec plebe ad tributum sufficiente. grata ea 3 a patribus admonitio fuit, iussisque referre consulibus decreverunt, ut tribus pensionibus ea pecunia solvere- 4 tur; primam praesentem ii, qui tum essent, duas tertii et quinti consules numerarent.

Omnis deinde alias curas una occupavit, postquam Locrensum clades, quae ignoratae ad eam diem fuerant, legatorum adventu vulgatae sunt. nec tam 5 Plemini scelus quam Scipionis in eo aut ambitio aut neglegentia iras hominum irritavit. deceem legati Locrensum, obsiti squalore et sordibus, in comitio sedentibus consulibus velamenta supplicum, ramos oleae, ut Graecis mos est, porgentes, ante tribunal cum flebili vociferatione humi procubuerunt. quaerentibus 7 consulibus Locrenses se dixerunt esse, ea passos a Q. Pleminio legato Romanisque militibus, quae pati ne Carthaginienses quidem velit populus Romanus; orare, uti sibi patres adeundi deplorandique aerumnas suas potestatem facerent.

XVII. Senatu dato maximus natu ex iis: „scio, 1 quanti aestimantur nostrae apud vos querellae, patres conscripti, plurimum in eo momenti esse, si probe sciatis, et quo modo proditi Locri Hannibali sint et quo modo pulso Hannibalis praesidio restituti in dicionem vestram; quippe si et culpa defectionis procul 2 a publico consilio absit, et redditum in vestram dicionem appareat non voluntate solum, sed ope etiam ac virtute nostra, magis indignemini bonis ac fidelibus sociis tam indignas iniurias ab legato vestro militibus que fieri. sed ego causam utriusque defectionis nostrae 3 in aliud tempus differendam arbitror esse duarum rerum gratia, unius, ut coram P. Scipione, qui Locros 4 recepit et omnium nobis recte perperamque factorum est testis, agatur; alterius, quod, qualescumque sumus,

5 tamen ea, quae passi sumus, pati non debuimus. non possumus dissimulare, patres conscripti, nos, cum praesidium Punicum in arce nostra haberemus, multa foeda et indigna et a praefecto praesidii Hamilcare et ab Numidis Afrisque passos esse; sed quid illa sunt
 6 conlata cum iis, quae hodie patimur! cum bona venia, quaeso, audiatis, patres conscripti, id, quod invitus dicam. in discrimine est nunc humanum omne genus, utrum vos an Carthaginienses principes orbis terrarum
 7 videat. si ex iis, quae Locrenses aut ab illis passi sumus aut a vestro praesidio nunc cum maxime patimur, aestimandum Romanum ac Punicum imperium sit, nemo non illos sibi quam vos dominos praeoptet.
 8 et tamen videte, quem ad modum in vos Locrenses animati sint. cum a Carthaginiensibus iniurias tanto minores acciperemus, ad vestrum imperatorem confugimus; cum a vestro praesidio plus quam hostilia patiamur, nusquam alio quam ad vos querellas de-
 9 tulimus. aut vos respicietis perditas res nostras, patres conscripti, aut ne ab diis quidem immortalibus, quod
 10 precemur, quicquam superest. Q. Pleminius legatus missus est cum praesidio ad recipiendos a Carthaginiensibus Locros et cum eodem ibi relictus est praesidio. in hoc legato vestro — dant enim animum ad loquendum libere ultimae miseriae — nec hominis quicquam est, patres conscripti, praeter figuram et speciem neque Romani civis praeter habitum vestitum-
 11 que et sonum Latinae linguae: pestis ac belua inmanis, quales fretum quondam, quo ab Sicilia dividimur, ad perniciem navigantium circumsedisse fabulae ferunt.
 12 ac si scelus libidinemque et avaritiam solus ipse exercere in socios vestros satis haberet, unam profundam quidem voraginem tamen patientia nostra expleremus;
 13 nunc omnes centuriones militesque vestros — adeo in promiscuo licentiam atque improbitatem esse voluit
 14 — Pleminios fecit; omnes rapiunt, spoliant, verberant,
 15 vulnerant, occidunt, constuprant matronas, virgines,

ingenuos raptos ex complexu parentium; cotidie capitur 16 urbs nostra, cotidie diripitur; dies noctesque omnia passim mulierum puerorumque, qui rapiuntur atque asportantur, ploratibus sonant. miretur, qui sciat, quo modo aut nos ad patiendum sufficiamus, aut illos, qui faciunt, nondum tantarum iniuriarum satietas ceperit. neque ego exsequi possum nec vobis operae est audire, singuli quae passi sumus; communiter omnia amplectar. nego domum ullam Locris, nego 18 quemquam hominem expertem iniuriaes esse, nego ullum genus sceleris, libidinis, avaritiae superesse, quod in ulla, qui pati potuerit, praetermissum sit. vix ratio 19 iniiri potest, uter casus civitati sit detestabilior, cum hostes bello urbem cepere, an cum exitiabilis tyrannus vi atque armis oppressit. omnia, quae captae urbes 20 patiuntur, passi sumus et cum maxime patimur, patres conscripti; omnia, quae crudelissimi atque importunissimi tyranni sclera in oppressos cives edunt, Pleminius in nos liberosque nostros et coniuges edidit. XVIII. unum est, de quo nominatim et nos queri 1 religio infixa animis cogat et vos audire et exsolvare rem publicam vestram religione, si ita vobis videbitur, velimus, patres conscripti. vidimus enim, cum quanta caerimonia non vestros solum colatis deos, sed etiam externos accipiatis. fanum est apud nos Proserpinæ, 2 de cuius sanctitate templi credo aliquam famam ad vos pervenisse Pyrrhi bello, qui, cum ex Sicilia rediens Locros classe praetervehetur, inter alia foeda, quae propter fidem erga vos in civitatem nostram facinora edidit, thensauros quoque Proserpinæ intactos ad eam diem spoliavit; atque ita, pecunia in naves inposita, ipse terra est profectus. quid ergo evenit, 3 patres conscripti? classis postero die foedissima tempestate lacerata, omnesque naves, quae sacram pecuniam habuerunt, in litora nostra electae sunt. qua 4 tanta clade edoctus tandem deos esse superbissimus rex pecuniam omnem conquisitam in thensauros Pro-
 5

serpinae referri iussit. nec tamen illi umquam postea prospere quicquam evenit, pulsusque Italia ignobili atque inhonesta morte temere nocte ingressus Argos 7 oecubuit. haec cum audisset legatus vester tribunique militum et mille alia, quae non angendae religionis causa, sed praesenti deae numine saepe conperta nobis 8 maioribusque nostris referebantur, ausi sunt nihilo minus sacrilegas admovere manus intactis illis then- sauris et nefanda praeda se ipso ac domos conta- 9 minare suas et milites vestros. quibus, per vos fidem vestram, patres conscripti, priusquam eorum scelus expiatis, neque in Italia neque in Africa quicquam rei gesseritis, ne, quod piaculi commiserunt, non suo 10 solum sanguine sed etiam publica clade luant. quam- quam ne nunc quidem, patres conscripti, aut in duci- bus aut in militibus vestris cessat ira deae: aliquo- tiens iam inter se signis conlatis concuecurrerunt; dux alterius partis Pleminius, alterius duo tribuni militum erant. non acrius cum Carthaginiensibus quam inter 11 se ipsi ferro dimicaverunt, praebuissentque occasionem furore suo Locros recipendi Hannibali, nisi accitus 12 ab nobis Scipio intervenisset. at hercule milites contactos sacrilegio furor agitat; in ducibus ipsis punien- 13 dis nullum deae numen apparuit. immo ibi praesens maxime fuit: virgis caesi tribuni ab legato sunt; lega- tus deinde insidiis tribunorum interceptus, praeter- 14 quam quod toto corpore laceratus, naso quoque auri- busque decisus exsanguis est relicitus; recreatus dein legatus ex vulneribus tribunos militum in vincla con- 15nectos, dein verberatos servilibusque omnibus suppliciis cruciatos occidit, mortuos deinde prohibuit sepeliri. has dea poenas a templi sui spoliatoribus habet, nec ante desinet omnibus eos agitare furiis, quam repo- 16 sita saera pecunia in thensauris fuerit. maiores quon- dam nostri gravi Crotoniensium bello, quia extra urbem templum est, transferre in urbem eam pecuniam voluerunt. noctu audita ex delubro vox est, ab-

stinerent manus: deam sua templa defensuram. quia 17 movendi inde thensaturos religio incussa erat, muro circumdare templum voluerunt. ad aliquantum iam altitudinis excitata erant moenia, cum subito conlapsa ruina sunt. sed et nunc et tunc et saepe alias dea 18 suam sedem suumque templum aut tutata est aut a violatoribus gravia piacula exegit; nostras iniurias nec potest nec possit alius ulcisci quam vos, patres conscripti; ad vos vestramque fidem supplices con- 19 fugimus. nihil nostra interest, utrum sub illo legato, sub illo praesidio Locros esse sinatis, an irato Han- nibali et Poenis ad supplicium dedatis. non postula- mus, ut extemplo nobis, ut de absente, ut indicta causa credatis; veniat, coram ipse audiat, ipse diluat. 20 si quicquam sceleris, quod homo in homines edere potest, in nos praetermisit, non recusamus, quin et nos omnia eadem iterum, si pati possumus, patiamur, et ille omni divino humanoque liberetur scelere."

XIX. Haec cum ab legatis dicta essent, quae-
sissetque ab ipsis Q. Fabius, detulissentne eas querellas ad P. Scipionem, responderunt missos legatos esse, sed eum belli apparatu occupatum esse et in Africam aut iam traieccisse aut intra paucos dies trajecturum; et legati gratia quanta esset apud imperatorem, ex-
pertos esse, cum inter eum et tribunos cognita causa tribunos in vincula coniecerit, legatum aequem sontem aut magis etiam in ea potestate reliquerit. iussis ex-
cedere templo legatis, non Pleminius modo, sed etiam Scipio principum orationibus lacerari. ante omnes Q. Fabius natum eum ad conrumpendam disciplinam militarem arguere; sic et in Hispania plus prope 4 per seditionem militum quam bello amissum. externo et regio more et indulgere licentiae militum et sae-
vire in eos. sententiam deinde aequem trucem orationi 5 adiecit: Pleminium legatum vincutum Romanam deportari placere et ex vinculis causam dicere ac, si vera forent, quae Locrenses quererentur, in carcere necari bona-

6 que eius publicari; P. Scipionem, quod de provincia
decessisset iniussu senatus, revocari, agique cum tri-
bunis plebis, ut de imperio eius abrogando ferrent ad
7 populum; Locrensisbus coram senatum respondere,
quas iniurias sibi factas quererentur, eas neque sena-
tum neque populum *Romanum* factas velle, viros bonos
sociosque et amicos eos appellari, liberos, coniuges
quaecum alia erecta essent, restitui; pecuniam, quanta
ex thensauris Proserpinæ sublata esset, conquiri, du-
8 plamque pecuniam in thensauros reponi, et sacrum
piaculare fieri, ita ut prius ad conlegium pontificum
referretur, quod sacri thensauri moti violati essent,
quaes piacula, quibus deis, quibus hostiis fieri placeret;
9 milites, qui Locris essent, omnes in Siciliam trans-
portari; quattuor cohortes sociorum Latini nominis in
10 praesidium Locros adduci. perrogari eo die sententiae
accensis studiis pro Scipione et adversus Scipionem
11 non potuere. praeter Plemini facinus Locrensumque
cladem ipsius etiam imperatoris non Romanus modo
12 sed ne militaris quidem cultus iactabatur: cum pal-
lio crepidisque inambulare in gymnasio, libellis eum
palaestraeque operam dare; aequa sequiter molliter-
que cohortem totam Syracusarum amoenitate frui;
13 Carthaginem atque Hannibalem excidisse de memoria;
exercitum omnem licentia corruptum, qualis Sucrone
in Hispania fuerit, qualis nunc Locris, sociis magis
quam hosti metuendum.

1 XX. Haec quamquam partim vera partim mixta
eoque similia veris iactabantur, tamen vicit Q. Metelli
sententia, qui de ceteris Maximo adsensus de Scipio-
2 nis causa dissensit: qui enim convenire, quem modo
civitas iuvenem admodum unum recuperandæ His-
paniae delegerit ducem, quem recepta ab hostibus
Hispania ad imponendum Punico bello finem creaverit
3 consulem, spe destinaverit Hannibalem ex Italia de-
tracturum, Africam subacturum, eum repente, tamquam
Q. Pleminium, indicta causa prope damnatum, ex pro-

vincia revocari, cum ea, quae in se nefarie facta Lo-
crenses quererentur, ne praesente quidem Scipione
facta dicerent, neque aliud quam patientia aut pudor,
quod legato pepercisset, insimulari posset? sibi pla-
cere M. Pomponium praetorem, cui Sicilia provincia
sorti evenisset, triduo proximo in provinciam pro-
ficiisci; consules decem legatos, quos iis videretur, ex
senatu legere, quos eum praetore mitterent, et duos
tribunos plebei atque aedilem; cum eo consilio praet-
orem cognoscere; si ea, quae Locrenses facta quere-
rentur, iussu aut voluntate P. Scipionis facta essent,
ut eum de provincia decidere iuberent; si P. Scipio
iam in Africam traieisset, tribuni plebis atque aedilis
cum duobus legatis, quos maxime idoneos praetor
censuisset, in Africam proficiscerentur, tribuni atque
aedilis, qui reducerent inde Scipionem, legati, qui ex-
ercitui preeissent, donec novus imperator ad eum
exercitum venisset; si M. Pomponius et decem legati
comperissent neque iussu neque voluntate P. Scipionis
ea facta esse, ut ad exercitum Scipio maneret bellum-
que, ut proposuisset, gereret. hoc facto senatus con-
sulto cum tribunis plebis actum est, aut compararent
inter se aut sorte legerent, qui duo cum praetore ac
legatis irent, ad conlegium pontificum relatum est de 10
expiandis, quae Locris in templo Proserpinæ tacta
ac violata elataque inde essent. tribuni plebis cum 11
praetore et decem legatis profecti M. Claudius Mar-
cellus et M. Cincius Alimentus; aedilis plebis datus
est, quem, si aut in Sicilia praetori dicto audiens non
esset Scipio aut iam in Africam traieisset, prendere
tribuni iuberent, ac iure sacrosanctæ potestatis redu-
cerent. prius Locros ire quam Messanam consilium erat.

XXI. Ceterum duplex fama est, quod ad Plemi-
nium attinet. alii, auditis, quae Romae acta essent, in
exilium Neapolim euntem forte in Q. Metellum, unum
ex legatis, incidisse et ab eo Regium vi retractam
tradunt; alii ab ipso Scipione legatum cum triginta 2

nobilissimis equitum missum, qui Pleminium in catenas et cum eo seditionis principes conicerent. ii omnes, seu ante Scipionis seu tum praetoris iussu, tradi*t*i in custodiam Reginis sunt. praetor legatique Locros profecti primam, sicuti mandatum erat, religionis curam habuere: omnem enim sacram pecuniam, quaeque apud Pleminium quaeque apud milites erat, conquisitam, cum ea, quam ipsi secum attulerant, in thesauris reposuerunt ac piaculare sacrum fecerunt. tum vocatos ad contionem milites praetor signa extra urbem efferre iubet castraque in campo locat cum gravi edicto, si quis miles aut in urbe restitisset aut secum extulisset quod suum non esset; Locrensibus se permettere, ut, quod sui quisque cognosset, prenderet, si quid non compareret, repeteret. ante omnia libera corpora placere sine mora Locrensibus restitu; non levi defuncturum poena, qui non restituisset. Locrensum deinde contionem habuit atque iis libertatem legesque suas populum Romanum senatumque restituere dixit; si qui Pleminium aliumve quem accusare vellet, Regium se sequeretur; si de P. Scipione publice queri vellent ea, quae Locris nefarie in deos hominesque facta essent, iussu aut voluntate P. Scipionis facta esse, legatos mitterent Messanam; ibi se cum consilio cognituru*m*. Locrenses praetori legatisque et senatu*m* ac populo Romano gratias egerunt; se ad Pleminium accusandum ituros; Scipionem, quamquam parum iniuriis civitatis sua*m* doluerit, eum esse virum, quem amicum sibi quam inimicum malint esse; pro certo se habere neque iussu neque voluntate P. Scipionis tot tam nefanda commissa; sed aut Pleminio nimium, sibi parum creditum, aut natura insitum quibusdam esse, ut magis peccari nolint, quam satis animi ad vindicanda peccata habeant. et praetori et consilio haud mediocre onus demptum erat de Scipione cognoscendi; Pleminium et ad duo et tringinta homines cum eo damnaverunt atque in catenis

Romam miserunt. ipsi ad Scipionem profecti sunt, ut ea quoque, quae vulgata sermonibus erant de cultu ac desidia imperatoris solutaque disciplina militiae, comperta oculis referrent Romanum.

XXII. Venientibus iis Syracusas Scipio res, non verba ad purgandum sese paravit. exercitum omnem eo convenire, classem expediri iussit, tamquam dimicandum eo die terra marique cum Carthaginiensibus esset. quo die venerunt hospitio comiter acceptis, postero die terrestrem navalemque exercitum, non instructos modo, sed hos decurrentes, classem in portu simulacrum et ipsam edentem navalis pugnae, ostendit; tum circa armamentaria et horrea bellique alium apparatum visendum praetor legatique ducti; tantaque admiratio singularum universarumque rerum incussa, ut satis crederent aut illo duce atque exercitu vinci Carthaginiensem populum aut nullo alio posse, iubentque, quod di bene verterent, traicere et spei conceptae, quo die illum omnes centuriae priorem consulem dixissent, primo quoque tempore compotem populum Romanum facere; adeoque laetis inde animis profecti sunt, tamquam victoriam, non belli magnificum apparatus nuntiaturi Romanam essent.

Pleminius quique in eadem causa erant, postquam Romanum est ventum, exemplo in carcerem conditi. ac primo producti ad populum ab tribunis apud praecoccupatos Locrensum clade animos nullum misericordiae locum habuerunt; postea cum saepius producerentur, iam senescente invidia molliebantur irae, et ipsa deformitas Plemini memoriaque absentis Scipionis favore ad vulgam conciliabat. mortuus tamen prius in vincis est, quam iudicium de eo populi perficeretur. hunc Pleminium Clodius Licinus in libro tertio rerum Romanarum refert ludis votivis, quos Romae Africanus iterum consul faciebat, conatum per quosdam, quos pretio corruperat, aliquot locis urbem incendere, ut effringendi carceris fugiendique haberet

occasionem; patefacto dein scelere delegatum in Tulianum ex senatus consulto. de Scipione nusquam nisi in senatu actum, ubi omnes legatique et tribuni, classem, exercitum ducemque verbis extollentes, effecerunt, ut senatus censeret primo quoque tempore in Africam traiciendum Scipionique permitteretur, ut ex iis exercitibus, qui in Sicilia essent, ipse eligeret, quos in Africam secum traiceret, quos provinciae relinqueret praesidio.

¹ XXIII. Dum haec apud Romanos geruntur, Carthaginenses quoque, cum speculis per omnia promunturia positis percunctantes paventesque ad singulos nuntios sollicitam hiemem egissent, haud parvum et ipsi tuendae Africæ momentum adiecerunt societatem Syphacis regis, cuius maxime fiducia trajecturum in Africam Romanum crediderant. erat Hasdrubali Gisgonis filio non hospitium modo cum rege, de quo ante dictum est, cum ex Hispania forte in idem tempus Scipio atque Hasdrubal convenerunt, sed mentio quoque inchoata adfinitatis, ut rex duceret filiam Hasdrubalis. ad eam rem consummandam tempusque nuptiis statuendum — iam enim nubilis erat virgo — profectus Hasdrubal ut accensum cupiditate — et sunt ante omnes barbaros Numidae effusi in Venerem — sensit, virginem a Carthagine arcessit maturatque nuptias; et inter aliam gratulationem, ut publicum quoque foedus privato adiceretur, societas inter populum Carthaginensem regemque, data ultro citroque fide eosdem amicos inimicosque habituros, iure iurando affirmatur. ceterum Hasdrubal, memor et eum Scipione initiae regi societatis et quam vana et mutabilia barbarorum ingeria essent, veritus, ne, si traiecisset in Africam Scipio, parvum vinculum eae nuptiae essent, dum accensum recenti amore Numidam habet, perpellit blanditiis quoque puellae adhibitis, ut legatos in Siciliam ad Scipionem mittat, per quos moneat eum, ne prioribus suis promissis fretus in Africam

traiciat: se et nuptiis civis Carthaginensis, filiae Hasdrubalis, quem viderit apud se in hospitio, et publico etiam foedere cum populo Carthaginensi iunetum optare primum, ut procul ab Africa, sicut adhuc fecerint, bellum Romani cum Carthaginensibus gerant, ne sibi interesse certaminibus eorum armaque aut haec aut illa, abnuentem alteram societatem, sequi necesse sit; si non abstineat Africa Scipio et Cartagini exercitum admoveat, sibi necessarium fore et pro terra Africa, in qua et ipse sit genitus, et pro patria coniugis suae proque parente ac penatibus dimicare.

¹ XXIV. Cum iis mandatis ab rege legati ad Scipionem missi Syracusis eum convenerunt. Scipio quamquam magno momento rerum in Africa gerendarum magna spe destitutus erat, legatis propere, priusquam res vulgaretur, remissis in Africam litteras dat ad regem, quibus etiam atque etiam monet eum, ne iura hospitii secum neu cum populo Romano initiae societatis neu fas, fidem, dexteras, deos testes atque arbitros conventorum fallat. ceterum quando neque celari adventus Numidarum poterat — vagati enim in urbe obversatique praetorio erant — et, si sileretur, quid petentes venissent, periculum erat, ne vera eo ipso, quod celarentur, sua sponte magis emanarent, timorque in exercitum incideret, ne simul cum rege et Carthaginensibus foret bellandum, avertit a vero falsis praecipiando mentes hominum et vocatis ad contionem militibus non ultra esse cunctandum ait; instare, ut in Africam quam primum traiciat, socios reges; Masinissam prius ipsum ad C. Laelium venisse querentem, quod cunctando tempus tereretur; nunc Syphacem mittere legatos idem admirantem, quae tam diurnae morae sit causa, postulantemque, ut aut traiciatur tandem in Africam exercitus aut, si mutata consilia sint, certior fiat, ut et ipse sibi ac regno suo possit consulere. itaque satis iam omnibus instructis paratisque, et re iam non ultra recipiente

cunctationem in animo sibi esse, Lilybaeum classe traducta eodemque omnibus peditum equitumque copiis contractis, quae prima dies cursum navibus daret, deis
 8 bene iuvantibus in Africam traicere. litteras ad M. Pomponium mittit, ut, si ei videretur, Lilybaeum veniret, ut communiter consulerent, quas potissimum legiones et quantum militum numerum in Africam
 9 traiceret. item circum oram omnem maritimam misit, ut naves onerariae comprensae Lilybaeum omnes con-
 10 traherentur. quidquid militum naviumque in Sicilia erat, cum Lilybaeum convenisset, et nec urbs multi-
 11 tudinem hominum neque portus naves caperet, tantus omnibus ardor erat in Africam traiciendi, ut non ad bellum duci viderentur, sed ad certa victoriae prae-
 12 mia, praecipue qui superabant ex Cannensi exercitu milites illo, non alio duce credebant navata rei pu-
 blicae opera finire se militiam ignominiosam posse.
 13 et Scipio minime id genus militum aspernabatur, ut qui neque ad Cannas ignavia eorum cladem acceptam sciret neque ullos aequa veteres milites in exercitu Romano esse, expertosque non variis proeliis modo
 14 sed urbibus etiam oppugnandis. quinta et sexta Cannenses erant legiones; eas se traiecturum in Africam cum dixisset, singulos milites inspexit, relictisque, quos non idoneos credebat, in locum eorum subiecit,
 15 quos secum ex Italia adduxerat, supplevitque ita eas legiones, ut singulæ sena milia et ducentos pedites, trecentos haberent equites. sociorum item Latini no-
 minis pedites equitesque de exercitu Cannensi legit.

1. XXV. Quantum militum in Africam transportatum sit, non parvo numero inter auctores discrepat.
 2. alibi decem milia peditum, duo milia et ducentos equites, alibi sedecim milia peditum, mille et sexcen-
 3. tos equites, alibi parte plus dimidia rem auctam, quinque et triginta milia peditum equitumque in
 naves imposta *invenio*. quidam non adiecere numerum, inter quos me ipse in re dubia poni malim. Coelius

ut abstinet numero, ita ad inmensum multitudinis speciem auget: volvres ad terram delapsas clamore
 4 militum ait, tantamque multitudinem concendisse naves, ut nemo mortalium aut in Italia aut in Sicilia
 relinqui videretur.

Milites ut naves ordine ac sine tumultu conscen-
 derent, ipse eam sibi curam sumpsit; nauticos C. Lae-
 lius, qui classis praefectus erat, in navibus, ante con-
 scandere coactos, continuuit; commeatus imponendi
 6 M. Pomponio praetori cura data: quinque et quadra-
 ginta dierum cibaria, e quibus quindecim dierum cocta,
 imposita. ut omnes iam in navibus erant, scaphas
 7 circummisit, ut ex omnibus navibus gubernatoresque et magistri navium et bini milites in forum con-
 venirent ad imperia accipienda. postquam convenerunt,
 8 primum ab iis quaesivit, si aquam hominibus iumentisque in totidem dies, quot frumentum, imposuissent.
 ubi responderunt aquam dierum quinque et quadra-
 ginta in navibus esse, tum edixit militibus, ut silentium
 9 quieti nautis sine certamine ad ministeria ex-
 sequenda bene oboedientes praestarent. cum viginti
 rostratis se ac L. Scipionem ab dextro cornu, ab laevo
 totidem rostratas et C. Laelium praefectam classis
 cum M. Porcio Catone — quaestor is tum erat —
 onerariis futurum praesidio. lumina in navibus singula
 11 rostratae, bina onerariae haberent; in praetoria nave
 insigne nocturnum tritum lumen fore. Emporia ut
 12 peterent, gubernatoribus edxit fertilissimus ager
 eoque abundans omnium copia rerum est regio, et in-
 belles, quod plerumque in uberi agro evenit, barbari
 sunt, priusque, quam ab Carthagine subveniretur,
 opprimi videbantur posse. iis editis imperiis redire ad
 13 naves iussi et postero die deis bene iuvantibus signo
 dato solvere naves.

XXVI. Multae classes Romanae e Sicilia atque
 1 ipso illo portu prefectae erant; ceterum non eo bello
 solum — nec id mirum, praedatum enim tantummodo

pleraeque classes ierant —, sed ne priore quidem ulla
² profectio tanti spectaculi fuit; quamquam, si magni-
tudine classes aestimares, et bini consules cum binis
exercitibus ante traicerant et prope totidem rostra-
tae in illis classibus fuerant, quot onerariis Scipio
³ tum traiciebat; nam praeter quadraginta longas naves
⁴ quadrungentis ferme onerariis exercitum travexit. sed
et bellum bello secundum priori ut atrocius Romanis
videretur, cum quod in Italia bellabatur, tum ingentes
strages tot exercituum simul caesis ducibus effecerant,
⁵ et Scipio dux partim factis fortibus partim suapte
fortuna quadam ingenti ad incrementa gloriae cele-
⁶ bratus converterat animos, simul et mens ipsa trai-
ciendi nulli ante eo bello duci temptata, quod ad
Hannibalem detrahendum ex Italia transferendumque
et finiendum in Africa bellum se transire vulgaverat.
⁷ concurrerat ad spectaculum in portum omnis turba
non habitantium modo Lilybaei, sed legationum om-
nium ex Sicilia, quae et ad prosecundam Scipionem
officii causa convenerant et praetorem provinciae
⁸ M. Pomponium secutae fuerant; ad hoc legiones, quae
in Sicilia relinquebantur, ad prosecundos commili-
tones processerant; nec classis modo prospectantibus
e terra, sed terra etiam omnis circa referta turba
spectaculo navigantibus erat.

¹ XXVII. Ubi illuxit, Scipio e praetoria nave si-
lentio per praecomenem facto „divi divaeque“, inquit
„qui maria terrasque colitis, vos precor quaesoque,
² uti quae in meo imperio gesta sunt, geruntur postque
gerentur, ea mihi, populo plebique Romanae, sociis
nominique Latino, qui populi Romani quique meam
sectam, imperium auspiciunque terra mari [amnibus]-
que secuntur, bene verruncent, eaque vos omnia bene
³ iuvetis, bonis auctibus auxitis; salvos incolumesque
victis perduellibus victores, spoliis decoratos, praeda
onustos triumphantesque mecum domos reduces si-
statis; inimicorum hostiumque ulciscendorum copiam

faxitis; quaeque populus Carthaginiensis in civitatem
nostram facere molitus est, ea ut mihi populoque
Romano in civitatem Carthaginiensium exempla edendi
faulctatem detis“. secundum has preces cruda exta
caesa victima, uti mos est, in mare proiecit tubaque
signum dedit proficisciendi. vento secundo vehementi
⁵ satis profecti celeriter e conspectu terrae ablati sunt;
et a meridie nebula exceptit ita, vix ut concursus na-
vium inter se vitarent; lenior ventus in alto factus.
noctem insequentem eadem caligo obtinuit; sole orto
est discussa, et addita vis vento, iam terram cerne-
bant. haud ita multo post gubernator Scipioni ait
non plus quinque milia passuum Africam abesse, Mer-
curi promunturum se cernere; si iubeat eo dirigi,
iam in portu fore omnem classem. Scipio, ut in con-
spectu terra fuit, precatus deos, uti bono rei publicae
suoque Africam videret, dare vela et alium infra na-
vibus accessum petere iubet. vento eodem ferebantur;
¹⁰ ceterum nebula sub idem ferme tempus, quo pridie,
exorta conspectum terrae ademit, et ventus premente
nebula cecidit. nox deinde incertiora omnia fecit. ita-
que ancoras, ne aut inter se concurrerent naves aut
terrae inferrentur, iecere. ubi inluxit, ventus idem
coortus nebula disiecta aperuit omnia Africæ litora.
Scipio, quod esset proximum promunturium, percuncta-
tus cum Pulchri promunturium id vocari audisset,
¹¹ „placet omen“ inquit; „huc dirigithe naves“. eo classis
decurrunt, copiaeque omnes in terram expositae sunt.

Prosperam navigationem sine terrore ac tumultu
fuisse permultis Graecis Latinisque auctoribus credidi.
Coelius unus, praeterquam quod non mersas fluctibus
¹⁴ naves, ceteros omnes caelestes maritimosque terrores,
postremo abreptam tempestate ab Africa classem ad
insulam Aegimurum, inde aegre correctum cursum ex-
ponit, et prope obrutis navibus iniussu imperatoris
scaphis, haud secus quam naufragos, milites sine ar-
mis cum ingenti tumultu in terram evasisse.

1 XXVIII. Expositis copiis Romani castra in pro-
 2 ximis tumultis metantur. iam non in maritimos modo
 agros conspectu primum classis, dein tumultu egre-
 dientium in terram pavor terrorque pervenerat, sed
 3 in ipsas urbes. neque enim hominum modo turba,
 mulierum puerorumque agminibus immixta, omnes
 passim compleverat vias, sed pecora quoque prae se
 agrestes agebant, ut relinqui subito Africam diceres.
 4 urbibus vero ipsis maiorem, quam quem secum attu-
 lerant, terrorem inferebant; praecipue Carthagini prope
 5 ut captae tumultus fuit. nam post M. Atilium Regu-
 lum et L. Manlium consules, annis prope quinquaginta,
 nullum Romanum exercitum viderant praeter
 praedatorias classes, quibus escensiones in agros ma-
 ritimos factae erant, raptisque, quae obvia fors fecerat,
 prius recursum semper ad naves, quam clamor agrestes
 7 conciret, fuerat; eo maior tum fuga pavorque in urbe
 fuit. et hercule neque exercitus domi validus neque
 dux, quem opponerent, erat. Hasdrubal Gisgonis filius
 gener, fama, divitiis, regia tum etiam adfinitate longe
 8 primus civitatis erat; sed eum ab ipso illo Scipione
 aliquot proeliis fusum pulsumque in Hispania memi-
 nerant, nec magis ducem duci parem quam tumultua-
 9 rum exercitum suum Romano exercitu esse. itaque,
 velut si urbem extemplo aggressurus Scipio foret, ita
 conclamatum ad arma est, portaeque raptim clausae
 et armati in muris vigiliaeque et stationes dispositae,
 10 ac nocte insequenti vigilatum est. postero die quin-
 genti equites, speculatum ad mare turbandoque egre-
 dientes ex navibus missi, in stationes Romanorum
 11 inciderunt. iam enim Scipio classe Uticam missa ipse
 hand ita multum progressus a mari tumulos proximos
 ceperat; equites et in stationibus locis idoneis posuerat
 1 et per agros miserat praedatum. XXIX. hi cum Car-
 thaginiensi equitatu proelium cum commisissent, pau-
 cos in ipso certamine, plerosque fugientes persecuti,
 in quibus praefectum quoque Hannonem, nobilem

iuvenem, occiderunt. Scipio non agros modo circa
 2 vastavit, sed urbem etiam proximam Afrorum satis
 opulentam cepit, ubi praeter cetera, quae extemplo in
 3 naves onerarias imposta missaque in Siciliam erant,
 octo milia liberorum servorumque capitum sunt capta.
 laetissimus tamen Romanis in principio rerum geren-
 4 darum adventus fuit Masinissae; quem quidam cum
 ducentis haud amplius equitibus, plerique cum duum
 milium equitatu tradunt venisse. ceterum cum longe
 maximus omnium aetatis sua regum hic fuerit plu-
 rimunque rem Romanam iuverit, operae pretium vide-
 tur excedere paulum ad enarrandum, quam varia fortuna
 usus sit in amittendo recuperandoque paterno regno.
 Militanti pro Carthaginiensibus in Hispania pater
 ei moritur; Galae nomen erat. regnum ad fratrem
 regis Oezalceen pergrandem natu — ita mos apud
 6 Numidas est — pervenit. haud multo post Oezalce
 quoque mortuo maior ex duobus filiis eius Capussa,
 puer admodum altero, paternum imperium accepit.
 ceterum cum magis iure gentis quam auctoritate inter
 7 suos aut viribus obtineret regnum, extitit quidam
 Mazaetullus nomine, non alienus sanguine regibus,
 familiae semper inimicæ ac de imperio varia fortuna
 cum iis, qui tum obtinebant, certantis. is concitatissi-
 8 popularibus, apud quos invidia regum magnae auto-
 ritatis erat, castris palam positis descendere regem in
 aciem ac dimicare de regno coegit. in eo proelio Ca-
 pusssa cum multis principum cecidit; gens Maesuliorum
 omnis in dicionem imperiumque Mazaetulli concessit.
 regio tamen nomine abstinuit contentusque nomine
 11 modico tutoris puerum Lacumazen, qui stirpis regiae
 supererat, regem appellat. Carthaginiensem nobilem
 12 feminam, sororis filiam Hannibal, quae proxime
 Oezalci regi nupta fuerat, matrimonio sibi iungit spe
 Carthaginiensium societatis et cum Syphace hospitium
 13 vetustum legatis missis renovat, omnia ea auxilia
 praeparans adversus Masinissam.

XXX. Et Masinissa, audit a morte patrei, deinceps fratris patrue lis, ex Hispania in Mauretaniam — Baga ea tempestate rex Maurorum erat — traiecit. ab eo supplex infimis precibus auxilium itineri, quoniam bello non poterat, quattuor milia Maurorum impetravit. cum iis, praemisso nuntio ad paternos suosque amicos, cum ad fines regni pervenisset, quingenti ferme Numidae ad eum convenerunt. igitur Mauris inde, sicut convenerat, retro ad regem remissis, quamquam aliquanto minor spe multitudo nec cum tantam rem adgredi satis auderet, convenerat, ratus agendo ac moliendo vires quoque ad agendum aliquid conjecturum, proficisci ent ad Syphacem Lacumazae regulo ad Thapsum occurrit. trepidum agmen cum in urbem refugisset, et urbem Masinissa primo impetu capit et ex regiis alias tradentes se recipit, alias vim parantes occidit; pars maxima cum ipso puer inter tumultum ad Syphacem, quo primum intenderant iter, pervenerunt. fama huius modicae rei in principio rerum prospere actae convertit ad Masinissam Numidas, adfluebantque undique ex agris vicisque veteres milites Galae et incitabant iuvenem ad reciperandum paternum regnum. numero militum aliquantum Mazaetullus superabat; nam et ipse eum exercitum, quo Capussam vicerat, et ex receptis post caedem regis aliquot habebat, et puer Lacumazes ab Syphace auxilia ingentia adduxerat. quindecim milia peditum Mazaetullo, decem milia equitum erant, quibus cum Masinissa nequaquam tantum peditum equitumque habente acie confixit. vicit tamen et veteram militum virtus et prudentia inter Romana et Punica arma exercitati ducis; regulus cum tuto re et exigua Masaesuliorum manu in Carthaginiensem agrum perfugit. ita recuperato regno paterno Masinissa, quia sibi adversus Syphacem haud paulo maiorem restare dimicationem cernebat, optimum ratus cum fratre patre gratiam reconciliare, missis qui et puer spem

facerent, si in fidem Masinissae sese permisisset, futurum eum in eodem honore, quo apud Galam Oezalces quondam fuisset, et [qui] Mazaetullo praeter in�tatem sua omnia cum fide restitui sponderent, ambo praeoptantes exilio modicam domi fortunam, omnia, ne id fieret, Carthaginiensibus de industria agentibus, ad sese perduxit.

XXXI. Hasdrubal tum forte, cum haec gerebatur, apud Syphacem erat; qui Numidae, haud sane multum ad se pertinere credenti, utrum penes Lacumazen an Masinissam regnum Maesuliorum esset, falli eum magnopere ait, si Masinissam eisdem contentum fore, quibus patrem Galam aut patruum eius Oezaleen, credit: multo maiorem indolem in eo animi ingenii que esse, quam in ulla gentis eius umquam fuisset; saepe eum in Hispania rarae inter homines virtutis specimen dedisse sociis pariter hostibusque, et Syphacem et Carthaginienses, nisi orientem illum ignem oppressissent, ingenti mox incendio, cum iam nullam opem ferre possent, arsuros; adhuc teneras et fragiles vires eius esse, vixdum coalescens foventis regnum. instando stimulandoque pervincit, ut exercitum ad fines Maesuliorum admoveat atque in agro, de quo saepe cum Gala non verbis modo disceptatum, sed etiam armis certatum fuerat, tamquam haud dubie juris sui, castra locet: si quis arceat, quod maxime opus sit, acie dimicaturum; sin per metum agro edatur, in medium regnum eundum; aut sine certamine concessuros in dicionem eius Maesulios aut nequaquam pares futuros armis. his vocibus incitatus Syphax Masinissae bellum infert, et primo certamine Maesulios fundit fugatque. Masinissa cum paucis equitibus ex acie in montem — Bellum incolae vocant — perfugit. familiae aliquot cum mapalibus pecoribusque suis — ea pecunia illis est — persecuti sunt regem; cetera Maesuliorum multitudo in dicionem Syphacis concessit. quem ceperant exules montem her-

bidus aquosusque est; et quia pecori bonus alendo erat, hominum quoque carne ac lacte vescientium 10 abunde sufficiebat alimentis. inde nocturnis primo ac furtivis incursionibus, deinde aperto latrocino infesta omnia circa esse; maxime urbi Carthaginiensis ager, quia et plus praedae, quam inter Numidas, et latrocinium tutius erat. iamque adeo licenter eludebant, ut ad mare devectam praedam venderent mercatoribus appellentibus naves ad id ipsum, pluresque quam iusto saepe in bello Carthaginenses caderent caperenturque. 12 deplorabant ea apud Syphacem Carthaginenses infensumque et ipsum ad reliquias belli persequendas instigabant. sed vix regium videbatur latronem vagum in montibus consecitari; XXXII. Bucar ex praefectis regiis, vir acer et inpiger, ad id delectus, ei data quattuor milia peditum, duo equitum; praemiorumque ingentium spe oneratus, si caput Masinissae retulisset aut vivum — id vero inestimabile gaudium fore — 1 cepisset. palatos incurioseque agentes improviso adortus, pecorum hominumque ingenti multitudine a praesidio armatorum exclusa, Masinissam ipsum eum paucis in verticem montis compellit. inde prope ut iam debellato, *nec praeda modo pecorum hominumque captorum missa ad regem, sed copiis etiam, ut aliquanto maioribus quam pro reliquis belli, remisis, 4 cum quingentis haud amplius peditibus ducentisque equitibus degressum iugis Masinissam persecutus in valle arta faucibus utrimque ob sessis inclusit, ubi 5 ingens caedes Maesuliorum facta. Masinissa cum quinquaginta haud amplius equitibus per anfractus 6 montis ignotos sequentibus se eripuit; tenuit tamen vestigia Bucar adeptusque eum patentibus prope Clupeam urbem campis ita circumvenit, ut praeter quattuor equites omnes ad unum interficeret. cum iis ipsum quoque Masinissam saucium prope e manibus 7 inter tumultum amisit. in conspectu erant fugientes; ala equitum dispersa lato campo, quibusdam, ut oc-

currerent, per obliqua tendentibus, quinque hostes sequerentur. amnis ingens fugientes accepit — neque enim cunctanter, ut quos maior metus urgeret, imminiserant equos — raptique gurgite in obliquum praelati. duobus in conspectu hostium in praerapidum gurgitem haustis ipse, perisse creditus, ac duo reliqui equites cum eo inter virgulta ulterioris ripae emiserunt. is finis Bucari sequendi fuit nec ingredi flumen auso nec habere credenti se iam, quem sequeretur. inde vanus auctor absupty Masinissae ad regem rediit, missique, qui Carthaginem gaudium ingens nuntiarent; totaque Africa fama mortis Masinissae repens alata varie animos adfecit.

Masinissa in spelunca occulta cum herbis curaret vulnus, duorum equitum latrocino per dies aliquot vixit. ubi primum ducta cicatrix, patique posse visus iactationem, audacia ingenti pergit ire ad regnum repetendum; atque in ipso itinere haud plus quadraginta equitibus collectis cum in Maesulios palam iam, quis esset, ferens venisset, tantum motum cum favore pristino tum gaudio insperato, quod, quem perisse crediderant, incolumem cernebant, fecit, ut intra paucos dies sex milia peditum armatorum, quattuor equitum ad eum convenienter, iamque non in possessione modo paterni regni esset, sed etiam socios Carthaginiensium populos Masaesuliorumque fines — id Syphacis regnum erat — vastaret. inde irritato ad bellum Syphace, inter Cirtam Hipponemque in iugis opportunorum ad omnia montium consernit. XXXIII. maiorem 1 igitur iam rem Syphax ratus, quam ut per praefectos ageret, cum filio iuvene — nomen Vermina erat — parte exercitus missa imperat, ut circumducto agmine in se intentum hostem ab tergo invadat. nocte profectus Vermina, qui ex occulto ad gressurus erat; Syphax autem interdiu aperto itinere, ut qui signis conlatis acie dimicaturus esset, movit castra. ubi tempus visum est, quo pervenisse iam circummissi videri

poterant, et ipse leni clivo ferente ad hostem, cum multitudine fretus tum praeparatis ab tergo insidiis,
 4 per adversum montem erectam aciem ducit. Masinissa fiducia maxime loci, quo multo aequiore pugnaturus erat, et ipse derigit suos. atrox proelium et diu anceps fuit, loco et virtute militum Masinissam, multitudine,
 5 quae nimio maior erat, Syphacem iuvante. ea multitudo divisa, cum pars a fronte urgeret, pars ab tergo se circumfudisset, victoriam haud dubiam Syphaci dedit, et ne effugium quidem patebat hinc a fronte,
 6 hinc ab tergo inclusis. itaque ceteri pedites equites que caesi aut capti; ducentos ferme equites Masinissa circa se congregatos divisosque turmatim in tres partes erumpere iubet, loco praedicto, in quem ex dissipata
 7 convenient fugia. ipse, qua intenderat, inter media tela hostium evasit; duae turmae haesere; altera metu dedita hosti, pertinacior in repugnando telis obruta et
 8 confixa est. Verminam prope vestigiis instantem in alia atque alia flectendo itinera eludens, taedio et desperatione tandem fessum absistere sequendo coegit; ipse cum sexaginta equitibus ad minorem Syrtim per
 9 venit, ibi cum conscientia egregia saepe repetiti regni paterni inter Punica Emporia gentemque Garamantum omne tempus usque ad C. Laeli classisque Romanae
 10 adventum in Africam consumpsit. haec animum inclinant, ut cum modico potius quam cum magno praesidio equitum ad Scipionem quoque postea venisse Masinissam credam; quippe illa regnanti multitudo, haec paucitas exulis fortunae conveniens est.

¹ XXXIV. Carthaginiensesala equitum cum praefecto amissa, alio equitatu per novum dilectum com-
 2 parato, Hannonem Hamilcaris filium praeficiunt. Has- drubalem subinde ac Syphacem per litteras nuntiosque, postremo etiam per legatos arcessunt; Hasdrubalem opem ferre prope circumcessae patriae iubent; Sypha- cem orant, ut Carthagini, ut universae Africæ sub-
 3 veniat. ad Uticam tum castra Scipio, mille ferme

passus ab urbe, habebat, tralata a mari, ubi paucos dies stativa coniuncta classi fuerant. Hanno nequaquam satis valido non modo ad lacesendum hostem sed ne ad tuendos quidem a populationibus agros equitatu accepto, id omnium primum egit, ut per conquisitionem numerum equitum augeret; nec aliarum gentium aspernatus, maxime tamen Numidas — id longe primum equitum in Africa est genus — con-
 4 ductit. iam ad quattuor milia equitum habebat, cum Salaecam nomine urbem occupavit quindecim ferme milia ab Romanis castris. quod ubi Scipioni relatum est, „aestiva sub tectis equitatus“! inquit: „sint vel plures, dum talem ducem habeant“. eo minus sibi ces- sandum ratus, quo illi segnus rem agerent, Masinissam cum equitatu praemissum portis obequitare atque hostem ad pugnam elicere iubet; ubi omnis multitudo se effudisset graviorque iam in certamine esset, quam ut facile sustineri posset, cederet paulatim; se in tem-
 6 pore pugnae obventurum. tantum moratus, quantum satis temporis praegresso visum ad eliciendos hostes, cum Romano equitatu secutus, tegentibus tumulis, qui peropportune circa viae flexus oppositi erant, occultus processit. Masinissa ex composito nunc terrentis nunc
 7 timentis modo aut ipsis obequitabat portis aut cedendo, cum timoris simulatio audaciam hosti faceret, ad in- sequendum temere eliciebat. nondum omnes egressi
 8 erant, varieque dux fatigabatur alios vino et somno graves arma capere et frenare equos cogendo, aliis, ne sparsi et inconditi sine ordine, sine signis omnibus portis excurrenter, obsistendo. primo incaute se in-
 9 vehentes Masinissa excipiebat; mox plures simul con- ferti porta effusi aequaverant certamen; postremo iam omnis equitatus proelio cum adesset, sustineri ultra nequiere. non tamen effusa fuga Masinissa, sed cedendo
 10 sensim impetus eorum excipiebat, donec ad tumulos tegentes Romanum equitatum pertraxit. inde exorti
 11 12 equites et ipsi integris viribus et recentibus equis

Hannoni Afrisque pugnando ac sequendo fessis se circumfudere; et Masinissa flexis subito equis in pugnam rediit. mille ferme, qui primi agminis fuerant, quibus haud facilis receptus fuit, cum ipso duce Hannone interclusi atque interfici sunt; ceteros, ducis praeципue territos caede, effuse fugientes per triginta milia passuum victores secuti ad duo praeterea milia equitum aut ceperunt aut occiderunt, inter eos satis constabat non minus ducentos Carthaginiensium equites fuisse, et divitiis quosdam et genere inlustres.

XXXV. Eodem forte, quo haec gesta sunt, die naves, quae praedam in Siciliam vixerant, cum commeatu rediere, velut ominatae ad praedam alteram repetendam sese venisse. Duos eodem nomine Carthaginiensium duces duobus equestribus proeliis interficatos non omnes auctores sunt, veriti, credo, ne falteret bis relata eadem res; Coelius quidem et Valerius captum Hannonem tradunt.

Scipio praefectos equitesque, prout cuiusque opera fuerat, ante omnes Masinissam, insignibus donis donat; et firmo praesidio Salaecae imposito ipse cum cetero exercitu profectus, non agris modo, quacumque incedebat, populatis, sed urbibus etiam quibusdam vicisque expugnatis, late fuso terrore belli, septimo die, quam proiectus erat, magnam vim hominum et percoris et omnis generis praedae trahens in castra reddit gravesque iterum hostilibus spoliis naves dimittit. inde omissis expeditionibus parvis populationibusque ab oppugnandam Uticam omnes belli vires convertit, eam deinde, si cepisset, sedem ad cetera exsequenda habiturus. simul et a classe navales socii, qua ex parte urbs mari adluitur, [simul] et terrestris exercitus ab imminentे prope ipsis moenibus tumulo est admotus. tormenta machinasque et advexerat secum et ex Sicilia missa cum commeatu erant et nova in armamentario, multis talium operum artificibus de industria inclusis, fiebant. Uticensibus tanta undique

mole circumcessis in Carthaginiensi populo, Carthaginiensibus in Hasdrubale ita, si is movisset Syphacem, spes omnis erat; sed desiderio indigentium auxillii tardius cuncta movebantur. Hasdrubal intentissima conquisitione cum ad triginta milia peditum, tria equitum confecisset, non tamen ante adventum Syphacis castra proprius hostem movere est ausus. Syphax cum quinquaginta milibus peditum, decem equitum advenit, confestimque motis a Carthagine castris haud procul Utica munitionibusque Romanis consedit. quorum adventus hoc tamen momenti fecit, ut Scipio, cum quadraginta ferme dies nequiquam omnia experiens obsedisset Uticam, abscederet inde inrito incepto. et iam enim hiems instabat — castra hiberna in promunturio, quod tenui iugo continent adhaerens in aliquantum maris spatium extenditur, communis uno vallo et navalia castra amplectitur. iugo medio legionum castris inpositis latus ad septentrionem versus subductae naves navalesque socii tenebant, meridianam vallem ad alterum litus devexam equitatus. haec in Africa usque ad extremum autumni gesta.

XXXVI. Praeter convectum undique ex populatis circa agris frumentum commeatusque ex Sicilia atque Italia advectos, Cn. Octavius propraetor ex Sardinia ab Ti. Claudio praetore, cuius ea provincia erat, ingentem vim frumenti advexit; horreaque non solum ea, quae iam facta erant, repleta, sed nova aedificata. vestimenta exercitui deerant; id mandatum Octavio, ut cum praetore ageret, si quid ex ea provincia comparari ac mitti posset. ea quoque hand segniter curata res; mille ducentae togae brevi spatio et duodecim milia tunicarum missa.

Aestate ea, qua haec in Africa gesta sunt, P. Sempronius consul, cui Bruttii provincia erat, in agro Crotoniensi cum Hannibale in ipso itinere tumultuario proelio confixit. agminibus magis quam acie pugnatum est. Romani pulsi, et tumultu verius quam pugna

6 ad mille et ducenti de exercitu consulis interficti; in castra trepide redditum, neque oppugnare tamen ea hostes ausi. ceterum silentio proximae noctis profectus inde consul, praemissō nuntio ad P. Licinum proconsulem, ut suas legiones admoveret, copias coniunxit. ita duo dues, duo exercitus ad Hannibalem redierunt; 7 nec mora dimicandi facta est, cum consuli duplicatae 8 vires, Poeno recens Victoria animos faceret. in primam aciem suas legiones Sempronius induxit, in subsidii locatae P. Licinii legiones. consul principio pugnae aedem Fortunae Primigeniae vovit, si eo die hostes 9 fudisset; composque eius voti fuit. fusi ac fugati Poeni, supra quattuor milia armatorum caesa, paulo minus trecenti vivi capti et equi quadraginta et undecim militaria signa. perculsus adverso proelio Hannibal Crotonem exercitum reduxit.

10 Eodem tempore M. Cornelius consul in altera parte Italiae non tam armis quam iudiciorum terrore Etruriam continuit, totam ferme ad Magonem ac per 11 eum ad spem novandi res versam, eas quaestiones ex senatus consulto minime ambitiose habuit; multique nobiles Etrusci, qui aut ipsi ierant aut miserant ad Magonem de populorum suorum defectione, primo 12 praesentes erant condemnati; postea conscientia sibi met ipsi exilium conscientes, cum absentes damnati essent, corporibus subtractis bona tantum, quae publicari poterant, pigneranda poenae praebabant.

1 XXXVII. Dum haec consules diversis regionibus agunt, censores interim Romae M. Livius et C. Claudius senatum recitaverunt. princeps iterum lectus Q. Fabius Maximus; notati septem, nemo tamen, qui 2 sella curuli sedisset. sarta tecta acriter et cum summa fide exegerunt; viam e foro Bovario [et] ad Veneris circa foros publicos et aedem Matris Magnae in Palatio faciendam locaverunt. vectigal etiam novum ex 3 salario annonae statuerunt. sextante sal et Romae et per totam Italiam erat. Romae pretio eodem, pluris

in foris et conciliabulis, et alio alibi pretio praebendum locaverunt. id vectigal commentum alterum ex 4 censoribus satis credebant, populo iratum, quod iniquo iudicio quondam damnatus esset; et in pretio salis maxime oneratas tribus, quarum opera damnatus erat, credebant. inde Salinatori Livo inditum cognomen. 5 lustrum conditum serius, quia per provincias dimiserunt censores, ut civium Romanorum in exercitibus, quantus ubique esset, referretur numerus. censa cum 6 iis ducenta decem quattuor milia hominum. condidit lustrum C. Claudius Nero. duodecim deinde coloniarum, quod numquam antea factum erat, deferentibus ipsarum coloniarum censoribus, censem acceperunt, ut, quantum numero militum, quantum pecunia valerent, in publicis tabulis monumenta extarent. equitum deinde census agi coepitus est; et ambo forte censores equum publicum habebant. cum ad tribum Polliam ventum est, in qua M. Livi nomen erat, et praeco cunctaretur citare ipsum censem, „cita“ inquit Nero „M. Livium“; et sive ex residua vetere simultate sive intempestiva iactatione severitatis inflatus M. Livium, quia populi iudicio esset damnatus, equum vendere iussit. item M. Livius, cum ad tribum 10 Arniensem et nomen conlegae ventum est, vendere equum C. Claudium iussit duarum rerum causa, unius, quod falsum adversus se testimonium dixisset, alterius, quod non sincera fide secum in gratiam redisset. aequo foedum certamen inquinandi famam alterius 11 cum suae famae damno factum est exitu censurae. cum in leges iurasset C. Claudius et in aerarium 12 escendisset, inter nomina eorum, quos aerarios relinquebat, dedit conlegae nomen. deinde M. Livius in 13 aerarium venit et praeter Maeciam tribum, quae se neque condemnasset neque condemnatum aut consulum aut censorem fecisset, populum Romanum omnem, quattuor et triginta tribus, aerarios reliquit, quod et 14 innocentem se condemnasset et condemnatum con-

sulem et censorem fecissent, neque infitiari possent aut iudicio semel aut comitiis bis ab se peccatum esse: inter quattuor et trinqua tribus et C. Claudium 15 aerarium fore; quod si exemplum haberet bis eundem aerarium relinquendi, C. Claudium nominatim se 16 inter aerarios fuisse relicturum. pravum certamen notarum inter censores; castigatio inconstantiae populi 17 censoria et gravitate temporum illorum digna. in invidia censores cum essent, crescendi ex iis ratus esse occasionem Cn. Baebius tribunus plebis diem ad populum utrisque dixit. ea res consensu patrum discussa est, ne postea obnoxia populari aurae censura esset.

1 XXXVIII. Eadem aestate in Bruttiiis Clampetia a consule vi capta, Consentia et Pandosia et ignobiles 2 aliae civitates voluntate in dicionem venerunt. et cum comiticiorum iam adpeteret tempus, Cornelium potius ex Etruria, ubi nihil belli erat, Romam acciri placuit. 3 is consules Cn. Servilium Caepionem et C. Servilium 4 Geminum creavit. inde praetoria comitia habita. creati P. Cornelius Lentulus, P. Quintilius Varus, P. Aelius 5 Paetus, P. Villius Tappulus: hi duo cum aediles plebis essent, praetores creati sunt. consul comitiis perfectis ad exercitum in Etruriam reddit.

6 Sacerdotes eo anno mortui atque in locum eorum suffecti: Ti. Veturius Philo flamen Martialis in locum M. Aemili Regilli, qui priore anno mortuus erat, 7 creatus inauguratusque; in M. Pomponi Mathonis auguris et decemviri locum creati decemvir M. Aurelius Cotta, augur Ti. Sempronius Gracchus admodum adulescens, quod tum perrarum in mandandis sacerdotiis 8 erat. quadrigae aureae eo anno in Capitolio positae ab aedilibus curulibus C. Livio et M. Servilio Gemino, et ludi Romani biduum instaurati, item per biduum plebei ab aedilibus P. Aelio, P. Villio. et Iovis epulum fuit ludorum causa.

TITI LIVI

AB URBE CONDITA

LIBER XXX.

PERIOCHA LIBRI XXX.

Scipio in Africa Carthaginenses et eundem Syphacem Numidiae regem Hasdrubalemque pluribus proeliis vicit adiuvante Masinissa; hostium castra expugnavit, in quibus quadrageinta milia hominum ferro ignique consumpta sunt. Syphacem per C. Laelium et Masinissam cepit. Masinissa Sophonibam, uxorem Syphacis, filiam Hasdrubalis, captam statim adamavit et nuptiis factis uxorem habuit. castigatus a Scipione venenum ei misit, quo illa hausto decessit. effectumque multis Scipionis victoriis, ut Carthaginenses in desperationem acti in auxilium publicae salutis Hannibalem revocarent. itaque anno sexto decimo Italia decedens in Africam traiecit temptavitque per conloquium pacem cum Scipione conponere, et cum de conditionibus pacis non convenisset, acie vicius est. pax Carthaginiensibus potentibus data est. Hannibal Gisgonem pacem dissuadentem manu sua detraxit; excusata deinde temeritate facti ipse pacem susasit. Masinissae regnum restitutum est. reversus in urbem Scipio amplissimum nobilissimumque egit triumphum, quem Q. Terentius Culleo senator pilleatus secutus est. Scipio Africanus — incertum militari prius favore an populari aura ita cognominatus sit — primus certe hic imperator victae a se nomine gentis nobilitatus est. Mago, bello qui in agro Insubrium cum Romanis confixerat, vulneratus, eum in Africam per legatos revocatus reverteretur, ex vulnere mortuus est.

I. Cn. Servilius et C. Servilius consules — sextus 1 decimus is annus belli Punici erat — cum de re publica belloque et provinciis ad senatum retulissent, censuerunt patres, ut consules inter se compararent

sortirentur, uter Bruttios adversus Hannibalem, uter
 3 Etruriam ac Ligures provinciam haberet; cui Bruttii
 evenissent, exercitum a P. Sempronio acciperet; P. Sem-
 pronius — ei quoque enim pro consule imperium in
 4 annum prorogabatur — P. Licinio succederet. is Ro-
 manum reverteretur, bello quoque bonus habitus ad ce-
 tera, quibus nemo ea tempestate instructior civis
 habebatur, congestis omnibus humanis ab natura for-
 5 tunaque bonis. nobilis idem ac dives erat; forma
 viribusque corporis excellebat; facundissimus habebatur
 seu causa oranda, seu in senatu et ad populum sua-
 dendii ac dissuadendi locus esset; iuris pontificii peri-
 6 tissimus; super haec bellicae quoque laudis consulatus
 compotem fecerat. quod in Bruttii provincia, idem in
 7 Etruria ac Liguribus decretum: M. Cornelius novo
 consuli tradere exercitum iussus; ipse prorogato im-
 perio Galliam provinciam obtineret. cum legionibus
 8 iis, quas L. Scribonius priore anno habuisset. sortiti
 deinde provincias: Caepioni Bruttii, Servilio Gemono
 Etruria evenit. tum praetorum provinciae in sortem
 9 coniectae: iuris dictionem urbanam Paetus Aelius,
 Sardiniam P. Lentulus, Siciliam P. Villius, Ariminum
 cum duabus legionibus — sub Sp. Lucretio eae fuerant
 10 — Quintilius Varus est sortitus. et Lucretio proro-
 gatum imperium, ut Genuam oppidum a Magone
 Poeno dirutum exaedificaret. P. Scipioni non temporis,
 sed rei gerendae fine, donec debellatum in Africa
 11 foret, prorogatum imperium est, decretumque, ut sup-
 plicatio fieret, quod is in Africam provinciam trai-
 cisset, ut ea res salutaris populo Romano ipsique
 1 duci atque exercitui esset. II. In Siciliam tria milia
 militum sunt scripta, et quia, quod roboris ea provincia
 habuerat, in Africam transvectum fuerat, et quia, ne
 2 qua classis ex Africa traiceret, quadraginta navibus
 custodiri placuerat Siciliae maritum oram. tredecim
 novas naves Villius secum in Siciliam duxit; ceterae
 3 in Sicilia veteres refectae. huic classi M. Pomponius,

prioris anni praetor, prorogato imperio praepositus
 novos milites ex Italia advectos in naves imposuit.
 parem navium numerum Cn. Octavio, praetori item
 prioris anni, cum pari iure imperii ad tuendam Sar-
 diniae oram patres decreverunt; Lentulus praetor duo
 milia militum dare in naves iussus. et Italiae ora,
 quia incertum erat, quo missuri classem Carthagi-
 nienses forent — videbantur autem, quidquid nudatum
 praesidiis esset, petituri — M. Marcio, praetori prioris
 anni, cum totidem navibus tuenda data est. tria milia
 militum in eam classem ex decreto patrum consules
 scripserunt et duas legiones urbanas ad incerta belli.
 Hispaniae cum exercitibus imperioque veteribus im-
 peratoribus, L. Lentulo et L. Manlio Acidino, decretae.
 viginti omnino legionibus et centum sexaginta navibus
 longis res Romana eo anno gesta.

Praetores in provincias ire iussi. consulibus im-
 peratum, ut, priusquam ab urbe proficiscerentur, ludos
 magnos facerent, quos T. Manlius Torquatus dictator
 in quintum annum vovisset, si eodem statu res pu-
 blica staret. et novas religiones excitabant in animis
 hominum prodigia ex pluribus locis nuntiata. aurum
 in Capitolio corvi non lacerasse tantum rostris crediti
 sed etiam edisse; mures Antii coronam auream adro-
 sere; circa Capuam omnem agrum locustarum vis 10
 ingens, ita ut, unde advenissent, parum constaret,
 complevit ecclaeus Reate cum quinque pedibus natus; 11
 Anagniae sparsi primum ignes in caelo, dein fax in-
 gens arsit; Frusimone arcus solem tenui linea am-
 plexus est, circulum deinde ipsum maior solis orbis
 extrinsecus inclusit; Arpini terra campestri agro in
 ingentem sinum consedit. consulum alteri primam 13
 hostiam immolanti caput iocineris defuit. ea prodigia
 maioribus hostiis procurata; editi a collegio ponti-
 ficum dei, quibus sacrificaretur.

III. His transactis consules praetoresque in pro-
 vincias profecti. omnibus tamen, velut eam sortitis,

Africæ cura erat, seu quia ibi summam rerum bellique verti cernebant seu ut Scipioni gratificarentur, in
 2 quem tum omnis versa civitas erat. itaque non ex Sardinia tantum, sicut ante dictum est, sed ex Sicilia quoque et Hispania vestimenta frumentumque, et arma etiam ex Sicilia et omne genus commeatus eo
 3 portabantur. nec Scipio ullo tempore hiemis belli opera remiserat, quae multa simul undique eum circumstabant: Uticam obsidebat; castra in conspectu
 4 Hasdrubalis erant; Carthaginenses deduxerant naves, classem paratam instructamque ad commeatus intercipiendos habebant. Inter haec ne Syphacis quidem reconciliandi curam ex animo miserat, si forte iam satias amoris in uxore ex multa copia eum cepisset.
 5 ab Syphace magis pacis cum Carthaginensibus condiciones, ut Romani Africa, Poeni Italia excederent, quam, si bellaretur, spes ulla desciturum adferebatur.
 6 haec per nuntios acta magis equidem crediderim — et ita pars maior auctores sunt — quam ipsum Syphacem, ut Antias Valerius prodit, in castra Romana
 7 ad colloquium venisse. primo eas condiciones imperator Romanus vix auribus admisit; postea, ut causa probabilis suis commeandi foret in castra hostium, mollius eadem illa abnuere ac spem facere saepius
 ultro citroque agitantibus rem conventuram.
 8 Hibernacula Carthaginensium, congesta temere ex agris materia exaedificata, lignea ferme tota erant
 9 Numidae praecipue harundine textis storeaque pars maxima tectis passim nullo ordine, quidam, ut sine imperio occupatis locis, extra fossam etiam vallumque
 10 habitabant. haec relata Scipioni spem fecerant castra hostium per occasionem incendi.

IV. Cum legatis, quos mitteret ad Syphacem, calonum loco primos ordines spectatae virtutis atque
 2 prudentiae servili habitu mittebat, qui, dum in colloquio legati essent, vagi per castra, alias alia aditus exitusque omnes, situm formamque et universorum

castrorum et partium, qua Poeni, qua Numidae haberent, quantum intervalli inter Hasdrubalis ac regia castra esset, specularentur moremque simul noscerent stationum vigiliarumque, nocte an interdiu opportuniiores insidianibus essent; et inter crebra conloquia alii atque alii de industria, quo pluribus omnia nota essent, mittebantur. cum saepius agitata res certiore spem pacis in dies et Syphaci et Carthaginensisibus per eum faceret, legati Romani vetitos se reverti ad imperatorem aiunt, nisi certum responsum detur: proinde, 3 seu ipsi staret iam sententia, *promeret*, seu consulendus Hasdrubal et Carthaginenses essent, consuleret; tempus esse aut pacem* componi aut bellum naviter geri. dum consultur Hasdrubal ab Syphace, ab Hasdrubale Carthaginenses, et speculatorum omnia visendi 6 et Scipio ad comparanda ea, quae in rem erant, tempus habuit. et ex mentione ac spe pacis neglegentia, 7 ut fit, apud Poenos Numidamque orta cavendi, ne quid hostile interim paterentur. tandem relatum responsum quibusdam, quia nimis cupere Romanus pacem videbatur, inquis per occasionem adiectis; quae peropportune cupienti tollere indutias Scipioni causam praebuere. ac nuntio regis, cum relaturum se ad consilium dixisset, postero die respondit se uno frustra tendente nulli alii pacem placuisse; renuntiaret igitur nullam aliam spem pacis quam relictis Carthaginensisibus Syphaci cum Romanis esse. ita tollit indutias, 10 ut libera fide incepta exsequeretur; deductisque navibus — et iam veris principium erat — machinas tormentaque, velut a mari adgressurus Uticam, imponit, et duo milia militum ad capiendum quem antea tenerat tumulum super Uticam mittit, simul ut ab eo, quod parabat, in alterius rei curam converteret hostium animos, simul ne qua, cum ipse ad Syphacem 12 Hasdrubalemque profectus esset, eruptio ex urbe et impetus in castra sua relicta cum levi praesidio fieret.

V. His praeparatis advocateque consilio et dicere 1

exploratoribus iussis, quae conperta adferrent, Masinissaque, cui omnia hostium nota erant, postremo ipse, quid pararet in proximam noctem, proponit; 2 tribunis edicit, ut, ubi praetorio dimisso signa consenserint, extemplo educerent castris legiones. ita ut imperaverat signa sub occasum solis efferri sunt coepta. ad primam ferme vigiliam agmen explicaverunt; media nocte — septem enim milia itineris erant — modico gradu ad castra hostium perventum est. 4 ibi Scipio partem copiarum Laelio Masinissamque ac Numidas adtribuit et castra Syphacis invadere ignes- 5 que conicere iubet. singulos deinde separatim Laelium ac Masinissam deductos obtestatur, ut, quantum nox providentiae adimat, tantum diligentia expleant curaque; se Hasdrubalem Punicaque castra adgressurum; 6 ceterum non ante coepturn, quam ignem in regiis 7 castris conspexisset. neque ea res morata diu est; nam ut proximis casis iniectus ignis haesit, extemplo proxima quaeque et deinceps continua amplexus totis 8 se passim dissipavit castris. et trepidatio quidem, quantam necesse erat in nocturno effuso tam late incendio, orta est; ceterum fortuitum, non hostilem ac bellicum ignem rati esse, sine armis ad restinguendum incendium effusi in armatos incidere hostes, maxime Numidas ab Masinissa notitia regiorum castorum ad exitus itinerum idoneis locis dispositos. 10 multos in ipsis cubilibus semisomnos hausit flamma; multi in praeceps fuga ruentes super alios alii in angustis portarum obtutti sunt. VI. reluentem flam- 1 magnum primo vigiles Carthaginiensium, deinde excitati ali nocturno tumultu cum conspexissent, ab eodem 2 errore credere et ipsi sua sponte incendium ortum, et clamor inter caedem et vulnera sublatus, an ex trepidatione nocturna esset, confusis sensum veri adime- 3 bat. igitur pro se quisque inermes, ut quibus nihil hostile suspectum esset, omnibus portis, qua cuique proximum erat, ea modo, quae restinguendo igni fo-

rent, portantes, in agmen Romanum ruebant. quibus 4 caesis omnibus praeterquam hostili odio, etiam ne quis nuntius refugeret, extemplo Scipio neglectas ut in tali tumultu portas invadit; ignibusque in proxima 5 tecta coniectis effusa flamma primo velut sparsa pluribus locis reluxit, dein per continua serpens uno re- 6 pente omnia incendio hausit. ambusti homines iumentaque foeda primum fuga, dein strage obstrebant itinera portarum; quos non oppresserat ignis, ferro 7 absupty; binaque castra clade una deleta. duces tam- 8 en ambo et ex tot milibus armatorum duo milia peditum et quingenti equites semermes, magna pars saucii adflatique incendio effugerunt. caesa aut hausta 9 flammis ad quadraginta milia hominum sunt, capta supra quinque milia, multi Carthaginiensium nobiles, undecim senatores; signa militaria centum septuaginta quattuor, equi Numidi supra duo milia septingenti; elephanti sex capti, octo ferro flammaque absupty. magna vis armorum capta; ea omnia imperator Vol- 1 cano sacrata incendit.

VII. Hasdrubal ex fuga cum paucis Afrorum urbem proximam petierat, eoque omnes, qui supererant, vestigia ducis sequentes se contulerant; metu deinde, ne dederetur Scipioni, urbe excessit. mox eodem pa- 2 tentibus portis Romani accepti; nec quicquam hostile, quia voluntate concesserant in dicionem, factum. duae subinde urbes captae direptaeque; ea praeda et quae castris incensis ex igne rapta erat militi concessa est. 3 Syphax octo milium ferme inde spatio loco munito consedit; Hasdrubal Carthaginem contendit, ne quid per metum ex recenti clade mollius consuleretur. quo tantus primo terror est adlatus, ut omissa Utica Car- 4 thaginem crederent extemplo Scipionem obsessarum. senatum itaque sufetes, quod velut consulare imperium apud eos erat, vocaverunt. ibi tribus *sententiis certa- 5 tum est*; una de pace legatos ad Scipionem decernebat, altera Hannibalem ad tuendam ab exitiabili bello 6

patriam revocabat, tertia Romanae in adversis rebus
 7 constantiae erat; reparandum exercitum Syphacemque
 hortandum, ne bello absisteret, censebat. haec senten-
 tia, quia Hasdrubal praesens Barcinaeque omnes fac-
 tionis bellum malebant, vicit. inde dilectus in urbe
 agrisque haberi coepus, et ad Syphacem legati missi,
 summa ope et ipsum reparantem bellum, eum uxor
 non iam ut ante blanditiis, satis potentibus ad ani-
 mum amantis, sed precibus et misericordia valuisse-
 9 plena lacrimarum obtestans, ne patrem suum patriam-
 que proderet isdemque flammis Carthaginem, quibus
 10 castra conflagrassent, absumi sineret. spem quoque
 opportune oblatam adferebant legati: quattuor milia
 Celtiberorum circa urbem nomine Obbam, ab con-
 quisitoribus suis conducta in Hispania, egregiae iuven-
 tutis, sibi occurrisse, et Hasdrubalem prope diem ad-
 11 fore cum manu haudquaquam contempnenda. igitur
 non benigne modo legatis respondit, sed ostendit
 etiam multitudinem agrestium Numidarum, quibus per
 eosdem dies arma equosque dedisset, et omnem iuven-
 12 tutem adfirmat ex regno exciturum; scire incendio,
 non proelio cladem acceptam; eum bello inferiorem
 13 esse, qui armis vincatur. haec legatis respona; et
 post dies paucos rursus Hasdrubal et Syphax copias
 iunxerunt. is omnis exercitus fuit triginta ferme mi-
 lium armatorum.

VIII. Scipionem, velut iam debellato, quod ad
 Syphacem Carthaginensesque attineret, Uticae oppu-
 gnandae intentum, iamque machinas admoventem
 2 muris avertit fama redintegrati belli; modicisque praesi-
 diis ad speciem modo obsidionis terra marique re-
 lictis ipse cum robore exercitus ire ad hostes pergit.
 3 primo in tumulo quattuor milia ferme distante ab
 castris regiis consedit; postero die cum equitatu in
 Magnos — ita vocant — campos subiectos ei tumulo
 degressus succedendo ad stationes hostium lacescen-
 4 que levibus proeliis diem absumpsit. et per insequens

biduum tumultuosis hinc atque illine excursionibus in
 vicem nihil dictu satis dignum fecerunt; quarto die
 in aciem utrumque descensum est. Romanus principes
 post hastatorum prima signa, in subsidiis triarios
 constituit; equitatum Italicum ab dextro cornu, ab
 laevo Numidas Masinissamque opposuit. Syphax Has-
 drubalque Numidis adversus Italicum equitatum, Car-
 thaginiensibus contra Masinissam locatis Celtiberos in
 medium aciem adversus signa legionum accepere. ita
 instructi concurrunt. primo impetu simul utraque cor-
 nua, et Numidae et Carthaginenses, pulsi; nam neque
 Numidae, maxima pars agrestes, Romanum equitatum
 neque Carthaginenses, et ipse novus miles, Masinissam
 recenti super cetera victoria terribilem sustinuere.
 nudata utrumque cornibus Celtiberum acies stabat,
 quod nec in fuga salus ulla ostendebatur locis ignotis,
 neque spes veniae ab Scipione erat, quem bene meri-
 tum de se et gente sua mercennariis armis oppugna-
 tum in Africam venissent. igitur circumfusis undique
 hostibus alii super alios cadentes obstinate morieban-
 tur; omnibusque in eos versis aliquantum ad fugam
 temporis Syphax et Hasdrubal praeceperunt. fatigatos
 caede diutius quam pugna victores nox oppressit.

IX. Postero die Scipio Laelium Masinissamque
 1 eum omni Romano et Numidico equitatu expeditis-
 que militum ad persequendos Syphacem atque Has-
 drubalem mittit; ipse cum robore exercitus urbes
 circa, quae omnes Carthaginensium dictonis erant,
 partim spe, partim metu, partim vi subigit. Cartha-
 gini erat quidem ingens terror, et circumferentem
 arma Scipionem omnibus finitimis raptim perdomitis
 ipsam Carthaginem repente aggressurum credebant.
 itaque et muri reficiebantur propugnaculisque arma-
 bantur, et pro se quisque, quae diutinae obsidionis
 tolerandae sunt, ex agris convehebat. rara mentio est
 pacis, frequentior legatorum ad Hannibalem arcessen-
 dum mittendorum; pars maxima classem, quae ad 6

commeatus excipiendos parata erat, mittere iubent ad opprimendam stationem navium ad Uticam incaute agentem: forsitan etiam navalia castra, relictum cum 7 levi praesidio, oppressuros. in hoc consilium maxime inclinant; legatos tamen ad Hannibalem mittendos censem: quippe classi ut felicissime gerantur res, 8 parte aliqua levari Uticae obsidionem; Carthaginem ipsam qui tueatur, neque imperatorem alium quam Hannibalem neque exercitum alium quam Hannibalism 9 superesse. deductae ergo postero die naves simul et legati in Italiam profecti; raptimque omnia stimulante fortuna agebantur; et in quo quisque cessasset, prodi 10 ab se salutem omnium rebatur.

Scipio gravem fam spoliis multarum urbium exercitum trahens, captivis aliaque praeda in vetera castra ad Uticam missis, iam in Carthaginem intentus occu- 11 pat relictum fuga custodum Tyneta. abest ab Cartha- gine quindecim milia ferme passuum locus cum operi- bus tum suapte natura tutus et qui et ab Carthagine conspici et praebere ipse prospectum cum ad urbem 1 tum ad circumfusum mare urbi possit. X. Inde, cum maxime vallum Romani iacerent, conspecta classis 2 hostium est Uticam a Carthagine petens. igitur omissa opere pronuntiatum iter, signaque raptim ferri sunt coepta, ne naves in terram et obsidionem versae ac 3 minime navali proelio aptae opprimerentur. qui enim restitissent agili et nautico instrumento aptae et armatae classi naves tormenta machinasque portantes et aut in oneriarum usum versae aut ita adpulsae muris, ut pro aggere ac pontibus praebere ascensus 4 possent? itaque Scipio, postquam eo ventum est, contra quam in navali certamine solet, rostratis, quae praesidio aliis esse poterant, in postremam aciem receptis 5 prope terram, oneriarum quadruplicem ordinem pro muro adversus hostem opposuit, easque ipsas, ne in tumultu pugnae turbari ordines possent, malis antem nisque de nave in navem traiectis ac validis funibus

velut uno inter se vinculo inligatis comprehendit tabulas- que superinstravit, ut pervium in totum navium or- dinem esset, et sub ipsis pontibus intervalla fecit, qua 6 procurare speculatoriae naves in hostem ac tuto recipi possent. his raptim pro tempore instructis mille 7 ferme delecti propugnatores onerariis imponuntur, te- lorum maxime missilium, ut quamvis longo certamini 8 sufficienter, vis ingens congeritur. ita parati atque in- tenti hostium adventum opperiebantur. Carthaginenses, 9 qui, si maturassent, omnia permixta turba trepidan- tiu[m] primo impetu oppressissent, perculti terrestribus 10 cladibus atque inde ne mari quidem, ubi ipsi plus poterant, satis fidentes, die segni navigatione absumpto sub occasum solis in portum — Rusucmona Afri vo- cant — classem adpulere; postero die sub ortum solis 11 instruxere ab alto naves velut ad iustum proelium navale et tamquam exituris contra Romanis. cum diu stetissent, postquam nihil moveri ab hostibus vide- 12 runt, tum demum onerarias adgrediuntur. erat res 13 minime certamini navalii similis, proxime speciem muros oppugnantium navium. altitudine aliquantum 14 onerariae superabant; ex rostratis Poeni vana plera- que, utpote supino iactu, tela in locum superiorem mittebant; gravior ac pondere ipso libratori superne 15 ex oneraris ictus erat. speculatoriae naves ac levia 16 alia navigia, quae sub constratis pontium per inter- valla excurrebant, primo ipsae tantum impetu ac magnitudine rostratarum obruebantur; deinde [et] pro- 17 pugnatoribus quoque incommodae erant, quod per mixtae cum hostium navibus inhibere saepe tela cog- bant metu, ne ambiguo iectu suis incidenter. postremo 18 asseres ferreo unco praefixi — harpagones vocant — ex Punicis navibus inici in Romanas coepiti. quos cum neque ipsos neque catenas, quibus suspensi incieban- tur, incidere possent, ut quaeque retro inhibitata ro- strata onerariam haerentem unco traheret, scindi vi- deres vincula, quibus aliis innexa erat, seriem etiam

19 simul plurium navium trahi, hoc maxime modo lace-
rati *primi* quidem ordinis pontes, et vix transiliendi
in secundum ordinem navium spatium propugnatori-
bus datum est. sexaginta ferme onerariae pupibus
abstractae Carthaginem sunt: maior quam pro re-
laetitia, sed eo gratior, quod inter adsidas clades ac
lachrimas unum quantumcumque ex insperato gaudium
adfulserat cum eo, ut appareret haud procul exitio
fuisse Romanam classem, ni cessatum a praefectis
suarum navium foret et Scipio in tempore subvenisset.

1 XI. Per eosdem forte dies cum Laelius et Masinissa quinto decimo ferme die in Numidiam per-
venissent, Maesulii, regnum paternum Masinissae, laeti-
2 ut ad regem diu desideratum concessere. Syphax pul-
sis inde praefectis praesidiisque suis vetere se con-
3 tinebat regno, neutquam quieturus. stimulabat aegrum
amore uxor sacerque, et ita viris equisque abundabat,
ut subiectae oculis regni per multos florentis annos
vires etiam minus barbaro atque inpotenti animo
4 spiritus possent facere. igitur omnibus, qui bello apti-
erant, in unum coactis equos, arma, tela dividit;
equites in turmas, pedites in cohortes, sicut quondam
5 ab Romanis centurionibus didicerat, distribuit. exer-
citu haud minore, quam quem prius habuerat, ceterum
omni prope novo atque incondito, ire ad hostes
6 pergit. et castris in propinquuo positis primo pauci
equites ex tuto speculantes ab stationibus progredi,
dein iaculis summoti recurrere ad suos; inde excursiones
7 in vicem fieri et, cum pulsos indignatio ac-
cenderet, plures subire, quod irritamentum certaminum
equestrium est, cum aut vincentibus spes aut pulsis
8 ira adgregat suos. ita tum a paucis proelio accenso
omnem utrinque postremo equitatum certaminis stu-
dium effudit. ac dum sincerum equestre proelium erat,
multitudo Masaesuliorum, ingentia agmina Syphace
9 emittente, sustineri vix poterat; deinde, ut pedes Ro-
manus repentina per turmas suas viam dantes inter-

cursu stabilem aciem fecit absteruitque effuse inver-
tentem sese hostem, primo barbari segnius permittere
equos, dein stare ac prope stupere turbati novo genere ¹⁰
pugnae, postremo non pediti solum cedere, sed ne
equitem quidem sustinere peditis praesidio audentem.
iam signa quoque legionum adpropinquabant. tum ¹¹
vero Masaesulii non modo primum impetum sed ne
conspectum quidem signorum atque armorum tulerunt:
tantum seu memoria priorum cledium seu praesens
terror valuit. XII. ibi Syphax, dum obequitat hostium ¹
turmis, si pudore, si periculo suo fugam sistere pos-
set, equo graviter icto effusus opprimitur capiturque
et vivus, laetum ante omnes Masinissae praebiturus ²
spectaculum, ad Laelium pertrahitur.

Cirta caput regni Syphacis erat, eoque se ingens ³
vis hominum ex fuga contulerat. caedes in eo proelio ⁴
minor quam victoria fuit, quia equestri tantummodo
proelio certatum fuerat. non plus quinque milia oe-
cisa, minus dimidium eius hominum captum est im-
petu in castro facto, quo perculta rege amisso multi-
tudo se contulerat. Masinissa sibi quidem dicere nihil ⁶
esse in praesentia pulchrius quam victorem recuperat-
um tanto post intervallo patrium invisere regnum;
sed tam secundis quam adversis rebus non dari spa-
tium ad cessandum. si se Laelius cum equitatu vin-
ctoque Syphace Cirtam praecedere sinat, trepidia ⁷
omnia metu se oppressurum; Laelium cum peditibus
subsequi modicis itineribus posse. adsentiente Laelio
praegressus Cirtam evocari ad conloquium principes
Cirtensium iubet. sed apud ignaros regis casus nec,
quae acta essent, promendo nec minis nec suadendo
ante valuit, quam rex vinetus in conspectum datus ⁹
est. tum ad spectaculum tam foedum comploratio-
orta, et partim pavore moenia sunt deserta, partim
repentino consensu gratiam apud victorem quae-
rentium patefactae portae. et Masinissa praesidio ¹⁰
circa portas opportunaque moenium dimisso, ne cui

fugae pateret exitus, ad regiam occupandam citato
vadit equo.

11 Intranti vestibulum in ipso limine Sophoniba,
uxor Syphacis, filia Hasdrubalis Poeni, occurrit; et
cum in medio agmine armatorum Masinissam insignem
cum armis tum cetero habitu conspexisset, regem esse,
12 id quod erat, rata, genibus advoluta eius: „omnia qui-
dem ut posses“ inquit „in nobis, di dederunt virtus
que et felicitas tua; sed si captivae apud dominum
vitae necisque suae vocem supplicem mittere licet, si
13 genua, si victricem attingere dexteram, precor quae-
soque per maiestatem regiam, in qua paulo ante nos
quoque fuimus, per gentis Numidarum nomen, quod
tibi cum Syphace commune fuit, per huiusc regiae
14 deos, qui te melioribus ominibus accipiant, quam Sy-
phacem hinc miserunt, hanc veniam supplici des, ut
ipse, quodecumque fert animus, de captiva tua statuas
neque me in cuiusquam Romani superbum et erudele
15 arbitrium venire sinas. si nihil aliud quam Syphacis
uxor fuisse, tamen Numidae atque in eadem mecum
Africa geniti quam alienigenae et externi fidem ex-
16 periri mallem; quid Carthaginiensi ab Romano, quid
filiae Hasdrubalis timendum sit, vides. si nulla re
alia potes, morte me ut vindices ab Romanorum ar-
17 bitrio, oro obtestorque“. forma erat insignis et floren-
tissima aetas; itaque cum modo *genua modo* dextram
amplectens in id, ne cui Romano traderetur, fidem
exposceret, propiusque blanditias iam oratio esset
18 quam preces, non in misericordiam modo prolapsus
est animus victoris, sed, ut est genus Numidarum in
Venerem praeceps, amore captivae victor captus. data
dextra in id, quod petebatur, obligandae fidei in re-
19 giam concedit. institit deinde reputare secum ipse,
quem ad modum promissi fidem praestaret. quod cum
expedire non posset, ab amore temerarium atque im-
20 pudens mutnatur consilium: nuptias in eum ipsum
diem parari repente iubet, ne quid relinquenter integri

aut Laelio aut ipsi Scipioni consulendi velut in cap-
tivam, quae Masinissae iam nupta foret. factis nuptiis 21
supervenit Laelius, et adeo non dissimulavit impro-
bare se factum, ut primo etiam cum Syphace et ce-
teris captivis detractam eam *lecto* geniali mittere ad
Scipionem conatus sit. victus deinde precibus Masi- 22
nissae orantis, ut arbitrium, utrius regum duorum
fortunae accessio Sophoniba esset, ad Scipionem
reiceret, missò Syphace et captivis ceteras urbes Nu-
midiae, quae praesidiis regiis tenebantur, adiuvante
Masinissa recipit.

XIII. Syphacem in castra adduci cum esset nun-
tiatum, omnis velut ad spectaculum triumphi multi-
tudo effusa est. praecedebat ipse vinctus, sequebatur
grex nobilium Numidarum. tum quantum quisque
plurimum poterat, magnitudini Syphacis famaeque
gentis victoriam suam augendo addebat: illum esse
regem, cuius tantum maiestati duo potentissimi in
terris tribuerint populi, Romanus Carthaginiensisque,
ut Scipio imperator suus ad amicitiam eius petendam,
relicta provincia Hispania exercituque, duabus quin-
queremibus in Africam navigaverit, Hasdrubal Poe-
norum imperator non ipse modo ad eum in regnum
venerit, sed etiam filiam ei nuptum dederit. habuisse
eum uno tempore in potestate duos imperatores Poe-
num Romanumque. sicut ab his immortalibus pars 6
utraque hostiis mactandis pacem petisset, ita ab eo
utrimque pariter amicitiam petitam. iam tantas ha-
buisse opes, ut Masinissam regno pulsum eo redegerit,
ut vita eius fama mortis et latebris, ferarum modo
in silvis rapto viventis, tegeretur. his sermonibus cir-
cumstantium celebratus rex in praetorium ad Scipo-
nem est perductus. movit et Scipionem cum fortuna
pristica viri praesenti fortunae conlata, tum recordatio
hospitii dextraeque datae et foederis publice ac pri-
vatim iuncti. eadem haec et Syphaci animum dederunt
in adloquendo victore. nam cum Scipio, quid sibi vo- 9

luisset, quaereret, qui non societatem solum abnuisset
 10 Romanam, sed ultro bellum intulisset, tum ille pec-
 casse quidem sese atque insanisse fatebatur, sed non
 tum demum, cum arma adversus populum Romanum
 11 cepisset; exitum sui furoris eum fuisse, non princi-
 piū; tum se insanisse, tum hospitia privata et pu-
 blica foedera omnia ex animo eieisse, cum Cartha-
 12 giniensem matronam domum acceperit illis nuptialibus
 facibus regiam conflagrasse suam, illam furiam pe-
 stemque omnibus delenimentis animum suum aver-
 tisse atque alienasse nec conquiesce, donec ipsa mani-
 bus suis nefaria sibi arma adversus hospitem atque
 13 amicum induerit perditō tamen atque adfictō sibi
 hoc in miseriis solaciī esse, quod in omnium hominum
 inimicissimi sibi domum ac penates eandem pestem
 14 ac furiam transisse videat. neque prudentiorem neque
 constantiorem Masinissam quam Syphacem esse, etiam
 iuventa incautiorem; certe stultius illam atque intem-
 perantius eam quam se duxisse.

¹ XIV. Haec non hostili modo odio, sed amoris
 etiam stimulis, amatam apud aemulum cernens, cum
 dixisset, non medioeri cura Scipionis animum pepulit.
² et fidem criminibus raptae prope inter arma nuptiae
 neque consulto neque expectato Laelio faciebant tam-
 que praeceps festinatio, ut, quo die captam hostem
 vidisset, eodem matrimonio iunctam acciperet et ad
³ penates hostis sui nuptiale sacrum conficeret. et eo
 foediora haec videbantur Scipioni, quod ipsum in His-
 pania iuvenem nullius forma pepulerat captivae. haec
 secum voluntati Laelius ac Masinissa supervenerunt.
 quos cum pariter ambo et benigno vultu exceperisset
 et egregiis laudibus frequenti praetorio celebrasset,
⁴ abductum in secretum Masinissam sic adloquitur:
 „aliqua te, Masinissa, existimo intuentem in me bona
 et principio in Hispania ad jungendam meeum ami-
 citiam venisse et postea in Africa te ipsum spesque
⁵ omnes tuas in fidem meam commisisse. atqui nulla

earum virtus est, propter quas tibi adipetendus visus
 sim, qua ego aeque ac temperantia et continentia
 libidinum gloriatus fuerim. hanc te quoque ad ceteras
 6 tuas eximias virtutes, Masinissa, adiecissem velim. non
 est, non — mihi crede — tantum ab hostibus arma-
 tis aetati nostrae periculi, quantum ab circumfusis
 undique voluptatibus. qui eas temperantia sua frena-
 7 vit ac domuit, multo maius decus maioremque victo-
 riam sibi peperit, quam nos Syphace vieto habemus.
 quae me absente strenue ac fortiter fecisti, libenter
 8 et commemoravi et memini; cetera te ipsum tecum
 reputare quam me dicente erubescere malo. Syphax
 populi Romani auspicis victus captusque est, itaque
 ipse, coniunx, regnum, ager, oppida, homines, qui in-
 colunt, quidquid denique Syphacis fuit preda populi
 Romani est, et regem coniugemque eius, etiamsi non
 civis Carthaginensis esset, etiamsi non patrem eius
 imperatorem hostium videremus, Romam oporteret
 mitti, ac senatus populi Romani de ea iudicium
 atque arbitrium esse, quae regem socium nobis alienasse
 atque in arma egiſſe praecipitem dicatur. vince
¹¹ animum; cave deformes multa bona uno vitio et tot
 meritorum gratiam maiore culpa, quam causa culpae
 est, conrumpas."

XV. Masinissae haee audienti non rubor solum
 suffusus, sed lacrimae etiam obortae; et cum se qui-
 dem in potestate futurum imperatoris dixisset orasset
 que eum, ut, quantum res sineret, fidei suae temere
 obstrictae consuleret — promisso enim se in nullius
 potestatem eam traditurum —, ex praetorio in ta-
 bernaculum suum confusus concessit. ibi arbitris re-
 motis cum crebro suspitu et gemitu, quod facile ab
 circumstantibus tabernaclum exaudiri posset, aliquan-
 tum temporis consumpsisset, ingenti ad postremum
 edito gemitu fidum e servis vocat, sub cuius custodia
 regio more ad incerta fortunae venenum erat, et mix-
⁴ tum in poculo ferre ad Sophonibam iubet ac simul
⁵

nuntiare Masinissam libenter primam ei fidem prae-
 staturum fuisse, quam vir uxori debuerit; quoniam
 eius arbitrium, qui possint, admant, secundam fidem
 praestare, ne viva in potestatem Romanorum veniat.
 6 memor patris imperatoris patriaeque et duorum regum,
 quibus nupta fuisset, sibi ipsa consuleret. hunc nun-
 tium ac simul venenum ferens minister cum ad So-
 phonibam venisset, „accipio“ inquit „nuptiale munus,
 nec ingratum, si nihil maius vir uxori praestare po-
 tut. hoc tamen nuntia, melius me morituram fuisse,
 8 si non in funere meo nupsisset.“ non locuta est fero-
 cius quam acceptum poculum nullo trepidationis signo
 9 dato in pavide hausit. quod ubi nuntiatum est Scipio-
 ni, ne quid aeger animi ferox iuvenis gravius con-
 suleret, accitum eum exemplo nunc solatur nunc,
 10 quod temeritatem temeritate alia luerit tristiorumque
 rem, quam necesse fuerit, fecerit, leniter castigat.
 11 postero die, ut a praesenti motu averteret animum
 eius, in tribunal escendit et contionem advocari iussit.
 ibi Masinissam, primum regem appellatum eximiisque
 ornatum laudibus, aurea corona, aurea patera, sella
 curuli et scipione eburneo, toga picta et palmata
 12 tunica donat. addit verbis honorem: neque magni-
 ficiens quicquam triumpho apud Romanos neque
 triumphantibus ampliorem eo ornatum esse, quo unum
 omnium extenorum dignum Masinissam populus Ro-
 13 manus dueat. Laelium deinde et ipsum conlaudatum
 aurea corona donat; et alii militares viri, prout a
 14 quoque navata opera erat, donati. his honoribus molli-
 tus regis animus erectusque in spem propinquam sub-
 lato Syphace omnis Numidiae potiundae.

¹ XVI. Scipio C. Laelio cum Syphace aliisque cap-
 tivis Romam misso, cum quibus et Masinissae legati
 profecti sunt, ipse ad Tyneta rursus castra refert et
 2 quae munimenta inchoaverat permunit. Carthaginienses
 non brevi solum, sed prope vano gaudio ab satis
 prospera in praesens oppugnatione classis perfusi,

post famam capti Syphacis, in quo plus prope quam
 in Hasdrubale atque exercitu suo spei reposuerant,
 perculti, iam nullo auctore belli ultra auditio oratores
 ad pacem petendam mittunt triginta seniorum prin-
 cipes; id erat sanctius apud illos consilium maxima-
 que ad ipsum senatum regendum vis. qui ubi in castra
 Romana et in praetorium pervenerunt, more adulan-
 tum — accepto, credo, ritu ex ea regione, ex qua
 oriundi erant — procubuerunt. conveniens oratio tam
 humili adulationi fuit, non culpam purgantium, sed
 transferentium initium culpae in Hannibalem poten-
 tiaeque eius fautores. veniam civitati petebant civium
 temeritate bis iam eversae, incolumi futurae iterum
 hostium beneficio; imperium ex victis hostibus popu-
 lum Romanum, non perniciem petere; paratis oboe-
 dienter servire imperaret, quae vellet. Scipio et ve-
 nisse ea spe in Africam se ait et spem suam prospero
 belli eventu auctam, victoriam se, non pacem domum
 reportaturum esse; tamen, cum victoriam prope in
 manibus habeat, pacem non abnuere, ut omnes gentes
 sciant populum Romanum et suspicere iuste bella et
 finire. leges pacis se has dicere: captivos et perfugas
 10 et fugitivos restituant; exercitus ex Italia et Gallia
 deducant; Hispania abstineant; insulis omnibus, quae
 inter Italiam atque Africam sint, decadant; naves lon-
 gas praeter viginti omnes tradant, tritici quingenta,
 hordei trecenta milia modium. pecuniae summam
 12 quantam imperaverit, parum convenit; alibi quinque
 milia talentum, alibi quinque milia pondo argenti,
 alibi duplex stipendum militibus imperatum invenio.
 „his condicionibus“ inquit „placeatne pax, triduum ad
 13 consultandum dabitur, si placuerit, mecum industias
 facite, Romam ad senatum mittite legatos“. ita dimissi
 14 Carthaginienses nullas recusandas condiciones pacis
 cum censuissent, quippe qui moram temporis quaere-
 rent, dum Hannibal in Africam traiceret, legatos alios
 15 ad Scipionem, ut industias facerent, alios Romam ad

pacem petendam mittunt, ducentes paucos in speciem captivos perfugasque et fugitivos, quo impetrabilior pax esset.

XVII. Multis ante diebus Laelius cum Syphace primoribusque Numidarum captivis Romam venit, quaeque in Africa gesta essent, omnia ordine exposuit patribus, ingenti hominum et in praesens laetitia et in futurum spe. consulti inde patres regem in custodiam Albam mittendum censuerunt, Laelium retinendum, donec legati Carthaginienses venirent. supplicatio in quadriduum decreta est. P. Aelius praetor senatu misso et contione inde advocata cum C. Laelio in rostra escendit. ibi vero audientes fusos Carthaginiensium exercitus, devictum et captum ingentis nominis regem, Numidiam omnem egregia victoria peragratam, tacitum continere gaudium non poterant, quin clamoribus quibusque aliis multitudo solet laetitiam inmodicam significant. itaque praetor exemplo edixit, uti aeditui aedes sacras omnes tota urbe aperirent, circumeundi salutandique deos agendique grates per totum diem populo potestas fieret. postero die legatos Masinissae in senatum introduxit. gratulati primum senatui sunt, quod P. Scipio prospere res in Africa gessisset; deinde gratias egerunt, quod Masinissam non appellasset modo regem, sed fecisset restituendo in paternum regnum, in quo post Syphacem sublatum, si ita patribus visum esset, sine metu et certamine esset regnaturus, dein conlaudatum pro contione amplissimis decorasset donis, quibus ne indignus esset, et dedisse operam Masinissam et porro daturum esse. petere, ut regium nomen ceteraque Scipionis beneficia et munera senatus decreto confirmaret; et, nisi molestum esset, illud quoque petere Masinissam, ut Numidas captivos, qui Romae in custodia essent, remitterent; id sibi amplum apud populares futurum esse. ad ea responsum legatis: rerum gestarum prospere in Africa communem sibi cum rege gratulationem

esse; Scipionem recte atque ordine videri fecisse, quod eum regem appellaverit, et quidquid aliud fecerit, quod cordi foret Masinissae, ea patres compbare ac laudare. munera, quae legati ferrent regi, 13 decreverunt sagula purpurea duo cum fibulis aureis singulis et lato clavo tunicis, equos duo phaleratos, bina equestria arma cum loriscis, et tabernacula militaremque supellectilem, qualem paeberi consuli mos esset. haec regi praetor mittere iussus. legatis in singulos dona ne minus quinum milium, comitibus eorum milium aeris, et vestimenta bina legatis, singula comitibus Numidisque, qui ex custodia emissi redde-rentur regi; ad hoc aedes liberae, loca, lautia legatis decreta.

XVIII. Eadem aestate, qua haec decreta Romae et in Africa gesta sunt, P. Quintilius Varus praetor et M. Cornelius proconsul in agro Insubrum Gallorum cum Magone Poeno signis conlatis pugnarunt. praetoris legiones in prima acie fuerunt; Cornelius suas in subsidiis tenuit, ipse ad prima signa equo advectus; proque duobus cornibus praetor ac proconsul milites ad inferenda in hostes signa summa vi hortabantur. postquam nihil commovebant, tum Quintilius Cornelio: „lentior, ut vides, fit pugna, et induratur praetor spem resistendo hostium timor, ac, ne vertat in audaciam, periculum est. equestrem procellam excitemus oportet, si turbare ac statu movere volumus. itaque vel tu ad prima signa proelium sustine, ego inducam in pugnam equites; vel ego hic in prima acie rem geram, tu quattuor legionum equites in hostem emitte“. utram vellet praetor munieris partem proconsule accipiente, Quintilius praetor cum filio, cui Marco praenomen erat, in pigro iuvene ad equites pergit iussosque escendere in equos repente in hostem emittit. tumultum equestrem auxit clamor ab legionibus additus. nec stetisset hostium acies, ni Mago ad primum equitum motum paratos elephanos

7 extemplo in proelium induxisset. ad quorum stridorem odoremque et aspectum territi equi vanum equestre auxilium fecerunt. et ut turbae permixtus, ubi cuspile uti et comminus gladio posset, roboris maioris Romanus eques erat, ita in ablatum paventibus procul 8 equis melius ex intervallo Numidae iaculabantur. simul et peditum legio duodecima, magna ex parte caesa, 9 pudore magis quam viribus tenebat locum; nec diutius tenuisset, ni ex subsidiis tertia decuma legio in primam aciem inducta proelium dubium excepisset. Mago quoque ex subsidiis Gallos integræ legioni op- 10 posuit, quibus haud magno certamine fusis hastati legionis undecimae conglobant sese atque elephantes 11 iam etiam peditum aciem turbantes invadunt. in quos eum pila confertos conieccissent, nullo ferme frustra emisso omnes retro in aciem suorum averterunt; quat- 12 tuor gravati vulneribus conuerunt. tum primum com- mota hostium acies, simul omnibus equitibus, ut aversos videre elephantos, ad augendum pavorem ac tumultum effasis. sed donec stetit ante signa Mago, gradum sensim referentes ordines et tenorem pugnae 13 servabant; postquam femine transfixo eadentem au- ferrique proelio prope exsanguem videre, extemplo in fugam omnes versi. ad quinque milia hostium eo die 14 caesa et signa militaria duo et viginti capta. nec Romanis incruenta victoria fuit: duo milia et trecenti de exercitu praetoris, pars multo maxima ex legione 15 duodecima amissi; inde et tribuni militum duo, M. Cosconius et M. Maevius; tertiae decimae quoque le- gionis, quae postremo proelio adfuerat, C. Helvius tribunus militum in restituenda pugna cecidit, et duo et viginti ferme illustres equites obtriti ab elephan- 2 tentis cum centurionibus aliquot perierunt. et longius certamen fuisset, ni vulnera ducis concessa victoria esset.

1 XIX. Mago proximae silentio noctis prefectus, quantum pati viae per vulnus poterat itineribus ex- 2 tentis, ad mare in Ligures Ingaunos pervenit. ibi eum

legati ab Carthagine paucis ante diebus in sinum Gallicum adpulsis navibus adierunt iubentes primo quoque tempore in Africam traicere; id et fratrem eius Hannibalem — nam ad eum quoque isse legatos eadem iubentes — facturum; non in eo esse Carthaginiensium res, ut Galliam atque Italiam armis obtineant. Mago non imperio modo senatus periculoque patriæ motus, sed metuens etiam, ne victor hostias moranti instaret, Liguresque ipsi, relinquì Italiam a Poenis cernentes, ad eos, quorum mox in potestate futuri essent, deficerent, simul sperans leniorem in navigatione quam in via iactationem vulneris fore et curationi omnia commodiora, impositis copiis in naves profectus, vixdum superata Sardinia ex vulnere moritur. naves quoque aliquot Poenorum disiectae in alto a classe Romana, quae circa Sardiniam erat, capiuntur. haec terra marique in parte Italiae, qua iacet ad 6 Alpes, gesta.

Consul C. Servilius nulla memorabili re in pro- 7 vineia Etruria Galliaque — nam eo quoque processerat — gesta, patre C. Servilio et C. Lutatio ex ser- 8 vitute post sextum decimum annum receptis, qui ad vicum Tannetum a Bois capti fuerant, hinc patre, 9 hinc Catulo lateri circumdati privato magis quam publico decore insignis Romam rediit. latum ad po- 10 pulum est, ne C. Servilio fraudi esset, quod patre, qui sella curuli sedisset, vivo, cum id ignoraret, tribunus plebis atque aedilis plebis fuisset, contra quam sanctum legibus erat. hac rogatione perlata in provin- ciam rediit.

Ad Cn. Servilium consulem, qui in Bruttiis erat, 10 Consentia, Aufugum, Bergae, Besidiae, Oriculum, Lymphaeum, Argentanum, Clampetia multique ignobiles populi, senescere Punicum bellum cernentes, defecere. idem consul cum Hannibale in agro Crotonensi acie 11 confixit. obscura eius pugnae fama est. Valerius An- tias quinque milia hostium caesa ait; quae tanta res

est, ut aut impudenter facta sit aut neglegenter prae-
 12 termissa. nihil certe ultra rei in Italia ab Hannibale
 gestum; nam ad eum quoque legati ab Carthaginie
 vocantes in Africam iis forte diebus, quibus ad Ma-
 1 gonem, venerunt. XX. frendens gemensque ac vix la-
 crimis temperans dicitur legatorum verba audisse.
 2 postquam edita sunt mandata, „iam non perplexe“
 inquit, „sed palam revocant, qui vetando supplemen-
 3 tum et pecuniam mitti iam pridem retrahebant. vicit
 ergo Hannibalem non populus Romanus, totiens cae-
 sus fugatusque, sed senatus Carthaginiensis obtrecta-
 4 tione atque invidia. neque hac deformitate redditus
 mei tam P. Scipio exultabit atque efferet sese quam
 Hanno, qui domum nostram, quando alia re non po-
 5 tuit, ruina Carthaginis oppressit“. iam hoc ipsum
 praesagiens animo praeparaverat ante naves. itaque
 inutili militum turba praesidii specie in oppida Brutii
 agri, quae pauca metu magis quam fide continebantur,
 6 dimissa, quod roboris in exercitu erat in Africam
 transvexit, multis Italici generis, qui in Africam se-
 cuturos abnuentes concesserant in Iunonis Laciniae
 delubrum inviolatum ad eam diem, in templo ipso
 7 foede interfectis. raro quemquam alium patriam exilii
 causa relinquente tam maestum abisse ferunt quam
 Hannibalem hostium terra excedentem. respxisse
 saepe Italiae litora, et deos hominesque accusantem
 8 in se quoque ac suum ipsius caput execratum, quod
 non cruentum ab Cannensi victoria militem Romanum
 duxisset. Scipionem ire ad Carthaginem ausum, qui
 9 consul hostem Poenum in Italia non vidisset; se centum
 milibus armatorum ad Trasumennum, ad Cannas
 caesis circa Casilinum Cumasque et Nolam conse-
 nuisse. haec accusans querensque ex diutina posses-
 sione Italiae est detractus.

¹ XXI. Romam per eosdem dies et Magonem et
 Hannibalem profectos adlatum est. cuius duplicitis gra-
 tulationis minuit laetitiam, et quod parum duces in

retinendis iis, cum id mandatum ab senatu esset, ant
 animi aut virium habuisse videbantur, et quod solli-
 citi erant, omni belli mole in unum exercitum ducen-
 que inclinata quo evasura esset res.

Per eosdem dies legati Saguntini venerunt con-
 3 prensos cum pecunia adducentes Carthaginienses, qui
 ad conducenda auxilia in Hispaniam traiecerint. du-
 4 centa et quinquaginta auri, octingenta pondo argenti
 in vestibulo curiae posuerunt. hominibus acceptis et
 5 in carcerem conditis, auro argentoque reddito gratiae
 legatis actae atque insuper munera data ac naves,
 quibus in Hispaniam reverterentur.

Mentio deinde ab senioribus facta est segniss 6
 homines bona quam mala sentire; transitu in Italiam
 Hannibal quantum terroris pavorisque esse memi-
 nisse! quas deinde clades, quos luctus incidisse! visa
 7 castra hostium e muris urbis; quae vota singulorum
 universorumque fuisse! quotiens in conciliis voces
 manus ad caelum porgentium auditas, en unquam
 ille dies futurus esset, quo vacuam hostibus Italiam
 8 bona pace florentem visuri essent! dedisse tandem id
 deis sexto decimo demum anno, nec esse, qui deis
 gratias agendas censeat; adeo ne advenientem quidem
 9 gratiam homines benigne accipere, nedum ut pree-
 teritae satis memores sint. conclamatum deinde ex 10
 omni parte curiae est, uti referret P. Aelius praetor;
 decretumque, ut quinque dies circa omnia pulvinaria
 supplicaretur, vietumque maiores immolarentur cen-
 tum viginti.

Iam dimisso Laelio legatisque Masinissae cum 11
 Carthaginiensium legatos de pace ad senatum ve-
 nientes Puteolis visos, inde terra venturos adlatum
 esset, revocari C. Laelium placuit, ut coram eo de
 pace ageretur. Q. Fulvius Gillo, legatus Scipionis, 12
 Carthaginienses Romam adduxit. quibus vetitis in-
 gredi urbem hospitium in villa publica, senatus ad
 aedem Bellonae datus est.

¹ XXII. Orationem eandem ferme quam apud Scipionem habuerunt, culpam omnem belli a publico
² consilio in Hannibalem vertentes: eum iniussu senatus
³ non Alpes modo sed Hiberum quoque transgressum,
⁴ nec Romanis solum sed ante etiam Saguntinis privato
⁵ consilio bellum intulisse; senatui ac populo Cartha-
⁶ giniensi, si quis vere aestimet, foedus ad eam diem
⁷ inviolatum esse cum Romanis. itaque nihil aliud sibi
⁸ mandatum esse uti peterent, quam ut in ea pace, quae
⁹ postremo cum C. Lutatio facta esset, manere liceret.
¹⁰ cum more tradito [a] patribus potestatem interrogandi,
¹¹ si quis quid vellet, legatos praetor fecisset, seniores
¹² que, qui foederibus interfuerant, alii alia interrogarent,
¹³ nec meminisse se per aetatem — etenim omnes ferme
¹⁴ iuvenes erant — dicerent legati, concilatum ex
¹⁵ omni parte curiae est Punica fraude electos, qui ve-
¹⁶ terem pacem repeterent, cuius ipsi non meminissent.

¹ XXIII. Emotis deinde curia legatis sententiae
² interrogari coptae. M. Livius C. Servilius consulem,
³ qui propior esset, arcessendum, ut eoram eo de pace
⁴ ageretur, censebat; cum de re maiore, quam quanta
⁵ ea esset, consultatio incidere non posset, non videri
⁶ sibi absente consulum altero ambobusve eam rem agi
⁷ satis ex dignitate populi Romani esse. Q. Metellus,
⁸ qui triennio ante consul dictatorque fuerat: cum P.
⁹ Scipio caedendo exercitus, agros populando in eam
¹⁰ necessitatem hostes compulisset, ut supplices pacem
¹¹ peterent, et nemo omnium verius existumare posset,
¹² qua mente ea pax peteretur, quam qui ante portas
¹³ Carthaginis bellum gereret, nullius alterius consilio
¹⁴ quam Scipionis accipiendam abnuendamve pacem esse.
¹⁵ M. Valerius Laevinus, qui bis consul fuerat, specula-
¹⁶ tores, non legatos venisse arguebat iubendosque Italia
¹⁷ excedere et custodes cum iis usque ad naves mitten-
¹⁸ dos Scipionique scribendum, ne bellum remitteret.
¹⁹ Laelius Fulviusque adiecerunt, et Scipionem in eo po-
²⁰ sitam habuisse spem pacis, si Hannibal et Mago ex

Italia non revocarentur. ceterum omnia simulaturos
⁷ Carthaginenses duces eos exercitusque expectantes;
⁸ deinde quamvis recentium foederum et deorum omnium
⁹ oblitos bellum gesturos. eo magis in Laevini senten-
¹⁰ tiam discessum. legati pace infecta ac prope sine re-
¹¹ sponso dimissi.

¹ XXIV. Per eos dies Cn. Servilius consul, haud
² dubius, quin pacatae Italiae penes se gloria esset,
³ velut pulsum ab se Hannibalem persecutus in Sici-
⁴ liam, inde in Africam transiturus, traiecit. quod ubi
⁵ Romae vulgatum est, primo censurant patres, ut
⁶ praetor scriberet consuli senatum aequum censere in
⁷ Italianam reverti eum; dein cum praetor spreturum eum
⁸ litteras suas diceret, dictator ad id ipsum creatus P.
⁹ Sulpicius pro iure maioris imperii consulem in Italianam
¹⁰ revocavit. reliquum anni cum M. Servilio magistro
¹¹ equitum circumaeundis Italiae urbibus, quae bello
¹² alienatae fuerant, noscendisque singularum causis con-
¹³ sumpsit.

Per indutiarum tempus [et] ex Sardinia a P. Len-
⁵ tulo praetore centum onerariae naves cum commateu-
⁶ viginti rostratarum praesidio et ab hoste et ab tem-
⁷ pestatibus mari tuto in Africam transmiserunt. Cn. Octavio ducentis onerariis, triginta longis navibus ex
⁸ Sicilia traicienti non eadem fortuna fuit. in conspectum
⁹ ferme Africae prospero cursu evectum primo destituit
¹⁰ ventus, dein versus in Africum turbavit ac passim
¹¹ naves disiecit. ipse cum rostratis per adversos fluctus
¹² ingenti remigum labore eniis Apollinis promun-
¹³ trium tenuit; onerariae pars maxima ad Aegimurum
¹⁴ — insula ea sinum ab alto claudit, in quo sita Cartha-
¹⁵ go est, triginta ferme milia ab urbe —, aliae adver-
¹⁶ sia in conspectu Carthaginis erant. itaque ex tota
¹⁷ urbe in forum concursum est; magistratus senatum
¹⁸ vocare; populus in curiae vestibulo fremere, ne tanta
¹⁹ ex oculis manibusque amitteretur praeda. cum quidam 11

pacis petitiae, alii indutiarum — necdum enim dies exierat — fidem opponerent, permixto paene senatus populi concilio consensum est, ut classem quinquaginta navium Hasdrubal Aegimurum traiceret, inde per litora portusque dispersas Romanas naves colligent. desertae fuga nautarum primum ab Aegimuro, deinde ab Aquis onerariae Carthaginem pupibus tractae sunt.

XXV. Nondum ab Roma reverterant legati, neque sciebatur, quae senatus Romani de bello aut pace sententia esset, necdum indutiarum dies exierat; eo indignorem iniuriam ratus Scipio, ab iis, qui petissent pacem et indutias, et spem pacis et fidem indutiarum violatam esse, legatos Carthaginem L. Baebium, L. Sergium, L. Fabium extemplo misit. qui cum multitudinis concursu prope violati essent nec redditum tutiorem futurum cernerent, petierunt a magistratibus, quorum auxilio vis prohibita erat, ut naves mitterent, quae se prosequerentur. datae triremes duae cum ad Bagradam flumen pervenissent, unde castra Romana conspiciebantur, Carthaginem rediere. classis Punica ad Uticam stationem habebat. ex ea tres quadriremes — seu clam missa a Carthagine nuntio, ut id fieret, seu Hasdrubale, qui classi praererat, sine publica fraude auso facinus — quinqueremem Romanam superantem promunturium ex alto repente adgressae sunt. sed neque rostro ferire celeritate sua praeterlabentem poterant, neque transilire armati ex humilioribus in altiorem navem, et defendebatur egregie, quoad tela suppeditarunt. quis deficiens iam nulla alia res eam quam propinquitas terrae multitudineque a castris in litus effusa tueri potuit. concitatam enim remis, quanto maximo impetu poterant, in terram cum immisissent, navis tantum iactura facta, incolumes ipsi evaserunt. ita alio super aliud scelere cum haud dubie indutiae ruptae essent, Laelius Fulviusque ab Roma cum legatis Carthaginiensibus supervenerunt. quibus

Scipio, etsi non indutiarum modo fides a Carthaginiensibus sed ius etiam gentium in legatis violatum esset, tamen se nihil nec institutis populi Romani nec suis moribus indignum in iis facturum esse cum dixisset, dimissis legatis bellum parabat.

Hannibali iam terrae adpropinquanti iussus e 11 nauticis unus escendere in malum, ut specularetur, quam tenerent regionem, cum dixisset sepulchrum di- 12 rutum proram spectare, abominatus praetervehi iusso gubernatore ad Leptim adpulit classem atque ibi copias exposuit.

XXVI. Haec eo anno in Africa gesta; insequen- 1 tia excedunt in eum annum, quo M. Servilius Gemi- 2 nus, qui tum magister equitum erat, et Ti. Claudius Nero consules facti sunt, ceterum exitu superioris anni cum legati sociarum urbium ex Graecia questi 3 essent vastatos agros ab regiis praesidiis profectos que in Macedoniam legatos ad res repetendas non admissos ad Philippum regem, simul nuntiassent quat- 4 tuor milia militum cum Sopatro duce traiecta in Afri- cam dici, ut essent Carthaginiensibus praesidio, et pecuniae aliquantum una missum, legatos ad regem, qui haec adversus foedus facta videri patribus nuntiarent, mittendos censuit senatus. missi C. Terentius Varro, C. Mamilius, M. Aurelius. iis tres quinque- 5 remes datae.

Annus insignis incendio ingenti, quo elivus Pu- 6 blicius ad solum exustus est, et aquarum magnitudine et annonae vilitate fuit, praeterquam quod pace omnis Italia erat aperta, etiam quod magnam vim frumenti ex Hispania missam M. Valerius Falto et M. Fabius Buteo aediles curules quaternis aeris vicatim populo discriperunt.

Eodem anno Q. Fabius Maximus moritur exactae 7 aetatis, si quidem verum est augurem duos et sexaginta annos fuisse, quod quidam auctores sunt. vir 8 certe fuit dignus tanto cognomine, vel si novum ab

eo inciperet. superavit paternos honores, avitos aequavit. pluribus victoriis et maioribus proeliis avus insignis Rullus; sed omnia aequare unus hostis Hannibal potest. cautior tamen quam promptior hic habitus; et sicut dubitos, utrum ingenio cunctator fuerit an quia ita bello proprie, quod tum gerebatur, aptum erat, sic nihil certius est quam unum hominem nobis 10 cunctando rem restituisse, sicut Ennius ait. augur in locum eius inaugurus Q. Fabius Maximus filius; in eiusdem locum pontifex — nam duo sacerdotia habuit — Ser. Sulpicius Galba.

11 Ludi Romani diem unum, plebei ter toti instaurati ab aedilibus M. Sextio Sabino et Cn. Tremellio Flacco. ii ambo praetores facti et cum iis C. Livius 12 Salinator et C. Aurelius Cotta. comitia eius anni utrum C. Servilius consul habuerit an, quia eum res in Etruria tenuerint quaestiones ex senatus consulto de coniurationibus principum habentem, dictator ab eo dictus P. Sulpicius, incertum ut sit, diversi auctores faciunt.

1 XXVII. Principio insequentis anni M. Servilius et Ti. Claudio senatu in Capitolium vocato de princiis rettulerunt. Italiam atque Africam in sortem coici, Africam ambo cupientes, volebant. ceterum Q. Metello maxime admittente neque negata neque data est Africa; consules iussi cum tribunis plebis agere, ut, si iis videretur, populum rogarent, quem vellent in Africa bellum gerere. omnes tribus P. Scipionem 4 insserunt. nihilo minus consules provinciam Africam — ita enim senatus decreverat — in sortem coniecerunt. Ti. Claudio Africa evenit, ut quinquaginta navium classem, omnes quinqueremes, in Africam traiceret parique imperio cum P. Scipione [imperator] 6 esset; M. Servilius Etruriam sortitus. in eadem provincia et C. Servilio prorogatum imperium, si consul 7 manere ad urbem senatu placuisse. praetores M. Sextius Galliam est sortitus, ut duas legiones pro-

vinciamque traderet ei P. Quinctilius Varus; C. Livius Bruttios cum duabus legionibus, quibus P. Sempronius proconsul priore anno praefuerat; Cn. Tremellius Siciliam, ut a P. Villio Tappulo praetore prioris anni provinciam et duas legiones acciperet; Villius pro praetore viginti navibus longis et militibus mille oram Siciliae tutaretur; M. Pomponius viginti navibus reliquis mille et quingentos milites Romam deportaret; C. Aurelio Cottae urbana evenit. ceteris ita, ut quisque obtinebant provincias exercitusque, prorogata imperia. sedecim non amplius eo anno legionibus defensum imperium est. et ut placatis dis omnia inciperent agerentque, ludos, quos M. Claudio Marcellus, T. Quinctio consulibus T. Manlius dictator, quasque hostias maiores voverat, si per quinquennium res publica eodem statu fuisset, ut eos ludos consules, priusquam ad bellum proficserentur, facerent. ludi in circa 12 per quadriduum facti, hostiaeque quibus votae erant dis caesae.

XVIII. Inter haec simul spes simul cura in dies crescebat, nec satis certum constare apud animos poterat, utrum gudio dignius esset Hannibalem post sextum decimum annum ex Italia decadentem vacuam possessionem eius reliquisse populo Romano, an magis metuendum, quod incolui exercitu in Africam transisset: locum nimirum, non periculum mutatum; cuius tantae dimicationis vatem, qui nuper decessisset, Q. Fabium haud frustra canere solitum graviorem in sua terra futurum hostem Hannibalem, quam in aliena fuisset. nec Scipioni aut cum Syphace, inconditae barbariae rege, cui Statorius semilixa docere exercitus solitus sit, aut cum socero eius Hasdrubale, fugacissimo duce, rem futuram aut tumultuariis exercitibus ex agrestium semermi turba subito conlectis, sed cum Hannibale, prope nato in praetorio patris, fortissimi ducis, alito atque educato inter arma, puer quondam milite, vixdum iuvene imperatore, qui senex vincendo 25

factus Hispanias, Gallias, Italiam ab Alpibus ad fre-
tum monumentis ingentium rerum complesset. ducere
exercitum aequalem stipendiis suis, duratum omnium
rerum patientia, quas vix fides fiat homines passos,
perfusum miliens crux Romano, exuvias non militum
tantum sed etiam imperatorum portantem. multos oc-
cursuros Scipioni in acie, qui praetores, qui impera-
tores, qui consules Romanos manu sua occidissent,
muralibus vallaribusque insignes coronis, pervagatos
capta castra, captas urbes Romanas. non esse hodie
tot fasces magistratibus populi Romani, quot captos
ex caede imperatorum p[re]ae se ferre posset Hannibal.
has formidines agitando animis ipsi curas et metus
augebant, etiam quod, cum adsuissent per aliquot
annos bellum ante oculos aliis atque aliis in Italiae
partibus lenta spe in nullum propinquum debellandi
finem gerere, erexerant omnium animos Scipio et
Hannibal, velut ad supremum certamen comparati
duces. eis quoque, quibus erat ingens in Scipione fi-
ducia et victoriae spes, quo magis in propinquam
eam imminebant animis, eo curae intentiores erant.
haud dispar habitus animorum Carthaginiensibus erat,
quos modo petisse pacem, intuentes Hannibalem ac
rerum gestarum eius magnitudinem, paenitebat, modo,
cum respicerent bis sese acie viatos, Syphacem cap-
tum, pulsos se Hispania, pulsos Italia, atque ea om-
nia unius virtute et consilio Scipionis facta, velut fa-
talem eum ducem in exitium suum natum horrebant.

XXIX. Iam Hadrumetum pervenerat Hannibal,
unde, ad reficiendum ex iactatione maritima militem
paucis diebus sumptis, excitus pavidis nuntiis omnia
circa Carthaginem obtineri armis adferentium, magnis
itteribus Zamam contendit. Zama quinque dieram
iter ab Carthagine abest. inde praemissi speculatores
cum excepti ab custodibus Romanis deducti ad Sci-
pionem essent, traditos eos tribunos militum iussos-
que omissa metu visere omnia per castra, qua vellent,

circumduci iussit; percunctatusque, sat[ur] per commo-
dum omnia explorassent, datis, qui prosequerentur,
retro ad Hannibalem dimisit. Hannibal nihil quidem
eorum, quae nuntiabantur — nam et Masinissam cum
sex milibus peditum, quattuor equitum venisse eo ipso
forte die adferebant —, laeto animo audivit, maxime
hostis fiducia *audacie*, que, non de nihilo profecto con-
cepta, perculsus est. itaque quamquam et ipse causa
belli erat et adventu sua turbaverat et pactas inutias
et spem foederum, tamen, si integer quam si victus
peteret pacem, aequiora impetrari posse ratus, nun-
tium ad Scipionem misit, ut conloquendi secum pot-
estatem ficeret. id utrum sua sponte fecerit an pu-
blico consilio, neutrum cur adfirmem habeo. Valerius
Antias primo proelio victum eum ab Scipione, quo
duodecim milia armorum in acie sint caesa, mille
et septingenti capti, legatum cum aliis decem legatis
tradit in castra ad Scipionem venisse.) ceterum Scipio
cum conloquium haud abnusset, ambo ex composito
duces castra protulerunt, ut coire ex propinquo pos-
sent. Scipio haud procul Naragara urbe, cum ad
coniectum erat, consedit. Hannibal tumulum a quat-
tuor milibus inde, tutum commodumque alioqui, nisi
quod longinqua aquationis erat, cepit. ibi in medio
locus conspectus undique, ne quid insidiarum esset,
delectus.

XXX. Summotis pari spatio armatis cum singulis
interpretibus congressi sunt, non suae modo aetatis
maximi duces, sed omnis ante se memoriae, omnium
gentium cuilibet regum imperatorumve pares. pau-
lis per alter alterius conspectu, admiratione mutua
prope attoniti, conticuere. tum Hannibal prior: „si
hoc ita fato datum erat, ut qui primus bellum intuli
populo Romano quique totiens prope in manibus
victoriam habui, is ultra ad pacem petendam venirem,
laetor te mihi sorte potissimum datum, a quo pete-

4 rem. tibi quoque inter multa egregia non in ultimis
 laudum hoc fuerit, Hannibalem, cui tot de Romanis
 ducibus victoram di deditissent, tibi cessisse, teque
 huic bello, vestris prius quam nostris cladibus insigni,
 5 finem imposuisse. hoc quoque ludibrium casus ediderit
 fortuna, ut, cum patre tuo consule ceperim arma, cum
 eodem primum Romano imperatore signa contulerim,
 ad filium eius inermis ad pacem petendam veniam.
 6 optimum quidem fuerat eam patribus nostris mentem
 datam ab dis esse, ut et vos Italiae et nos Africae
 7 imperio contenti essemus; neque enim ne vobis qui-
 dem Sicilia ac Sardinia satis digna pretia sunt pro
 tot classibus, tot exercitibus, tot tam egregiis amissis
 ducibus. sed praeterita magis reprehendi possunt quam
 8 corrigi. ita aliena adipetivimus, ut de nostris dimi-
 caremus, nec in Italia solum nobis bellum, vobis in
 Africa esset, sed et vos in portis vestris prope ac
 moenibus signa armaque hostium vidistis et nos ab
 Carthagine fremitum castrorum Romanorum exaudi-
 9 mus. quod igitur nos maxime abominaremur, vos ante
 omnia optaretis, in meliore vestra fortuna de pace
 agitur. agimus ei, quorum et maxime interest pacem
 esse, et qui quodecumque egerimus, ratum civitates
 nostrae habituae sunt. animo tantum nobis opus est
 10 non abhorrente a quietis consiliis. quod ad me attinet,
 iam aetas senem in patriam revertentem, unde puer pro-
 fectus sum, iam secundae, iam adversae res ita erudie-
 11 runt, ut rationem sequi quam fortunam malim; tuam
 et adulescentiam et perpetuam felicitatem, ferociora
 utraque quam quietis opus est consiliis, metuo. non
 temere incerta casuum reputat, quem fortuna num-
 12 quam decepit. quod ego fui ad Trasumennum, ad Can-
 nas, id tu hodie es. vixdum militari aestate imperio
 accepto omnia audacissime incipientem nusquam fe-
 13 fellit fortuna. patris et patrui persecutus mortem ex
 calamitate vestrae domus decus insigne virtutis pie-
 tatisque eximiae cepisti; amissas Hispanias reciperasti

quattuor inde Punicis exercitibus pulsis; consul crea- 14
 tus, cum ceteris ad tutandam Italiam parum animi
 esset, transgressus in Africam, duobus hic exercitibus
 caesis, binis eadem hora captis simul incensisque
 castris, Syphace potentissimo rege capto, tot urbibus
 regni eius, tot nostri imperii erectis, me sextum de-
 cimum iam annum haerentem in possessione Italiae
 detraxisti. potest victoriam malle quam pacem animus.
 novi spiritus magnos magis quam utiles; et mihi talis 15
 aliquando fortuna adfulsit. quodsi in secundis rebus 16
 bonam quoque mentem darent dei, non ea solum,
 quae evenissent, sed etiam ea, quae evenire possent,
 reputaremus. ut omnium obliviscaris aliorum, satis 17
 ego documenti in omnes casus sum, quem, modo ca-
 stris inter Anienem atque urbem vestram positis signa
 inferentem ac iam prope scandentem moenia Romana,
 hic cernas duobus fratribus, fortissimis viris, clarissi-
 mis imperatoribus orbatum ante moenia prope obses-
 sae patriae, quibus terrui vestram urbem, ea pro mea
 deprecantem. maximae cuique fortunae minime cre- 18
 dendum est. in bonis tuis rebus, nostris dubiis, tibi
 ampla ac speciosa danti est pax, nobis potentibus
 magis necessaria quam honesta. melior tutiorque est 19
 certa pax quam sperata Victoria; haec in tua, illa in
 deorum manu est. ne tot annorum felicitatem in unius
 horae dederis discrimen; cum tuas vires, tum vim 20
 fortunae Martemque belli communem propone animo.
 utrumque ferrum, utrumque corpora humana erunt;
 nusquam minus quam in bello eventus respondent; 21
 non tantum ad id, quod data pace iam habere potes,
 si proelio vineas, gloriae adieceris, quantum *denipseris*,
 si quid adversi eveniat. simul parta ac sperata de-
 cora unius horae fortuna evertere potest. omnia in 22
 pace iungenda tuae potestatis sunt, P. Cornelii; tunc
 ea habenda fortuna erit, quam di dederint inter pauca 23
 felicitatis virtutisque exempla M. Atilius quondam in
 hac eadem terra fuisset, si victor pacem potentibus

dedisset patribus nostris; sed non statuendo felicitati modum nec cohibendo efferentem se fortunam, quanto 24 altius elatus erat, eo foedius conruit. est quidem eius, qui dat, non qui petit, condiciones dicere pacis; sed forsitan non indigni simus, qui nobismet ipsi multam 25 inrogemus. non recusamus, quin omnia, propter quae ad bellum itum est, vestra sint, Sicilia, Sardinia, Hispania, quidquid insularum toto inter Africam Italiamque continetur mari. Carthaginenses inclusi Africae litoribus vos, quando ita dis placuit, externa etiam 27 terra marique videamus regentes imperio. haud negaverim propter non nimis sincere petitam aut expectatam nuper pacem suspectam esse vobis Punicam fidem, multum, per quos petita sit, ad fidem tuendae pacis 28 pertinet, Scipio. vestri quoque, ut audio, patres non nihil etiam ob hoc, quia parum dignitatis in legatione 29 erat, negaverunt pacem: Hannibal peto pacem, qui neque peterem, nisi utilem crederem, et propter ean- 30 dem utilitatem tuebor eam, propter quam petii. et quem ad modum, quia a me bellum coeptum est, ne quem eius paeniteret, quoad ipsi invidere dei, praestiti, ita admittar, ne quem pacis per me partae paeniteat".

¹ XXXI. Adversus haec imperator Romanus in hanc fere sententiam respondit: „non me fallebat, Hannibal, adventus tui spe Carthaginenses et praesentem indutiarum fidem et spem pacis turbasse; neque tu id sane dissimulas, qui de condicionibus superioribus pacis omnia subtrahas praeter ea, quae iam pridem in nostra potestate sunt. ceterum ut tibi curiae est sentire cives tuos, quanto per te onore leventur, sic mihi laborandum est, ne, [si] quae tunc pepigerunt, hodie subtracta ex condicionibus pacis praemia per fidiae habeant. indigni, quibus eadem pateat condicio, etiam ut prosit vobis fraus petitis. neque patres nostri priores de Sicilia, neque nos de Hispania fecimus bellum; et tunc Mamertinorum sociorum periculum et nunc Sagunti excidium nobis pia ac iusta indu-

runt arma: vos lacessisse et tu ipse fateris et dei testes sunt, qui et illius belli exitum secundum ius fasque dederunt et huius dant et dabunt. quod ad me attinet, et humanae infirmitatis memini et vim fortunae reproto et omnia, quaecumque agimus, subiecta et violenter me faterer facere, si, priusquam in Africam traiecisset, te tua voluntate cedentem Italia et inposito in naves exercitu ipsum venientem ad pacem petendam aspernarer, sic nunc, cum prope manu consertum restitantem ac tergiversantem in Africam adtraxerim, nulla sum tibi verecundia obstrictus. proinde si quid ad ea, in quae tum pax conventura videbatur, quasi multa navium cum commeatu per indutias expugnatarum legatorumque violatorum, adicitur, est quod referam ad consilium; sin illa quoque gravior videntur, bellum parate, quoniam pacem pati non potuistis".

Ita infecta pace ex conloquio ad suos cum se recepissent, frustra verba praelata renuntiant: armis decernendum esse habendamque eam fortunam, quam dei dedissent. XXXII. In castra ut est ventum, pronuntiant ambo, arma expedirent milites animosque ad supremum certamen, non in unum diem sed in perpetuum, si felicitas adasset, victores. Roma an Carthago iura gentibus daret, ante crastinam noctem scituros; neque enim Africam aut Italiam, sed orbem terrarum victoriae praemium fore; par periculum prae-¹ mio, quibus adversa pugnae fortuna fuisse. nam neque Romanis effugium ullum patebat in aliena ignota-² terra et Carthagini supremo auxilio effuso adesse videbatur praesens excidium.

Ad hoc discrimen procedunt postero die duorum opulentissimorum populorum duo longe clarissimi duces, duo fortissimi exercitus, multa ante parta decora aut cumulaturi eo die aut eversuri. anceps igitur spes et metus miscebant animos; contemplantibusque modo

suam modo hostium aciem, cum *non* oculis magis quam ratione pensarent vires, simul laeta simul tristia obversabantur. quae ipsis sua sponte non succurrebant, ea duces admonendo atque hortando subiciebant. Poenus sedecim annorum in terra Italia res gestas, tot duces Romanos, tot exercitus occidione occisos et sua cuique decora, ubi ad insignem aliquius pugnae memoria militem venerat, referebat; Scipio Hispanias et recentia in Africa proelia et confessionem hostium, quod neque non petere pacem propter metum neque manere in ea p[ro]rae insita animis perfidia potuissent. ad hoc conloquium Hannibalis, in secreto habitum ac liberum fingenti, qua vult, flectit; ominatur, quibus quondam auspiciis patres eorum ad Aegates pugnaverint insulas, ea illis exequentibus in aciem portendisse deos. adesse finem belli ac laboris. in manibus esse praedam Carthaginis, redditum domum in patriam ad parentes, liberos, coniuges penatesque deos. celsus haec corpore vultuque ita laeto, ut vicesse iam crederes, dicebat. instruit deinde primos hastatos, post eos principes, triariis postremam aciem clausit.

XXXIII. non confertas autem cohortes ante sua quaque signa instruebat, sed manipulos aliquantum inter se distantes, ut esset spatium, qua elephanti hostium acti nihil ordines turbarent. Laelium, cuius ante legati, eo anno quaestoris extra sortem ex senatus consulto opera utebatur, cum Italico equitatu ab sinistro cornu, Masinissam Numidasque ab dextro opposuit. vias patentes inter manipulos antesignanorum velitibus — ea tunc levis armatura erat — complevit, dato praecepto, ut ad impetum elephantorum aut post directos refugerent ordines aut in dextram laevamque discursu applicantes se antesignanis viam, qua inruerent in ancipitia tela, beluis darent. Hannibal ad terrorem primos elephantos — octoginta autem erant, quot nulla umquam in acie ante habuerat — instruxit, deinde auxilia Ligurum Gallorumque Baliliaribus Mau-

risque admixtis; in secunda acie Carthaginenses Afrosque et Macedonum legionem; modico deinde intervallo reliquo subsidiariam aciem Italorum militum — Brutii plerique erant, vi ac necessitate plures quam sua voluntate decadentem ex Italia seuti — instruxit equitatum et ipse circumdedit cornibus; dextrum Carthaginenses, sinistrum Numidae tenuerunt. Varia adhortatio erat in exercitu inter tot homines, quibus non lingua, non mos, non lex, non arma, non vestitus habitusque, non causa militandi eadem esset. auxiliariis et praesens et multiplicata ex praeda merces ostentatur; Galli proprio atque insito in Romanos odio accenduntur; Liguribus campi uberes Italiae deductis ex asperrimis montibus in spem victoriae ostentantur; Mauros Numidasque Masinissae inpotenti futuro dominatu terret; aliis aliae spes ac metus iactantur. Carthaginensisibus moenia patriae, di penates, sepulera maiorum, liberi cum parentibus coniugesque pavidae, aut excidium servitiumque aut imperium orbis terrarum, nihil aut in metum aut in spem medium, ostentatur.

Cum maxime haec imperator apud Carthaginenses, duces suarum gentium inter populares, pleraque per interpres inter immixtos alienigenas agerent, tubae cornuaque ab Romanis cecinerunt, tantusque clamor ortus, ut elephanti in suos, sinistrum maxime cornu, verterentur, Mauros ac Numidas. addidit facile Masinissa percussis terrorem nudavitque ab ea parte aciem equestri auxilio. paucae tamen bestiarum intrepidae in hostem actae inter velutum ordines cum multis suis vulneribus ingentem stragem edebant, resilientes enim ad manipulos velites, cum viam elephantis, ne obtererentur, fecissent, in ancipites ad ictum utrumque coniciebant hastas, nec pila ab antesignanis cessabant, donec undique incidentibus telis exacti ex Romana acie hi quoque in suos dextrum cornu, ipsos Carthaginenses equites, in fugam verterunt.

Laelius ut turbatos vidi hostes, addidit pereculis terrorem.

XXXIV. Utrumque nudata equite erat Punica acies, cum pedes concurrit, nec spe nec viribus iam par. ad hoc dictu parva, sed magna eadem in re gerenda momenta: congruens clamor ab Romanis eoque maior et terribilior, dissonae illis, ut gentium multarum discrepantibus linguis, voces; pugna Romana stabilis et suo et armorum pondere incumbentium in hostem, concursatio et velocitas illinc maior quam vis. igitur primo impetu extempsu movere loco hostium aciem Romani. ala deinde et umbonibus pulsantes, in summotos gradu intato, aliquantum spatii velut nullo resistente incessere, urgentibus et novissimis primos, ut semel motam aciem sensere, quod ipsum vim magnam ad pellendum hostem addebat. apud hostes auxiliares cedentes secunda acies, Afri et Carthaginenses, adeo non sustinebant, ut contra etiam, ne resistentes pertinaciter primos caedendo ad se perveniret hostis, pedem referrent. igitur auxiliares terga dant repente, et in suos versi partim refugere in secundam aciem, partim non recipientes caedere, ut et paulo ante non adiuti et tunc exclusi. et prope duo iam permixta proelia erant, cum Carthaginenses simul cum hostibus, simul cum suis cogerentur manus conserere. non tamen ita percusso iratosque in aciem accepere, sed densatis ordinibus in cornua vacuumque circa campum extra proelium eiecere, ne pavido fuga et vulneribus milite sinceram et integrum aciem miscerent. ceterum tanta strages hominum armorumque locum, in quo steterant paulo ante auxiliares, compleverat, ut prope difficilior transitus esset, quam per confertos hostes fuerat. itaque, qui primi erant, hastati per cumulos corporum armorumque et tabem sanguinis, qua quisque poterat, sequentes hostem et signa et ordines confuderunt. principum quoque signa fluctuari coepit vagam ante se cernendo aciem. quod Scipio

ubi vidit, receptui propere canere hastatis iussit et sauciis in postremam aciem subductis principes triariosque in cornua inducit, quo tutior firmiorque media hastatorum acies esset. ita novum de integro proelium ortum est; quippe ad veros hostes perventum erat, et armorum genere et usu militiae et fama rerum gestarum et magnitudine vel spei vel periculi pares. sed et numero superior Romanus erat et animo, quod iam equites, iam elephantes fuderat, iam prima acie pulsa in secundam pugnabat. XXXV. in tempore Laelius ac Masinissa, pulsos per aliquantum spatii secuti equites, revertentes in aversam hostium aciem incurrire. is demum equitum impetus pereculit hostem. multi circumventi in acie caesi; multi per patentem circa campum fuga sparsi tenente omnia equitatu passim interierunt. Carthaginensium sociorumque caesa eo die supra viginti milia; par ferme numerus captus cum signis militaribus centum triginta duobus, elephantis undecim. victores ad mille et quingentos cecidere.

Hannibal cum paucis equitibus inter tumultum elapsus Hadrumetum perfugit, omnia et integro proelio et inclinante acie, priusquam excederet pugna, expertus et confessione etiam Scipionis omniumque peritorum militiae illam laudem adeptus, singulari arte aciem eo die instruxisse: elephantes in prima fronte, quorum fortuitus impetus atque intolerabilis vis signa sequi et servare ordines, in quo plurimum spei ponerent, Romanos prohiberent; deinde auxiliares ante Carthaginensium aciem, ne homines mixti ex conluvione omnium gentium, quos non fides teneret, sed merces, liberum receptum fugae haberent, simul primum ardorem atque impetum hostium excipientes fatigarent ac, si nihil aliud, vulneribus suis ferrumi hostile hebetarent; tum, ubi omnis spes esset, milites Carthaginenses Afrosque, ut, omnibus rebus aliis pares, eo, quod integri cum fessis ac sauciis pugna-

rent, superiores essent; Italicos intervallo quoque dimemptos, incertos, socii an hostes essent, in postrem aciem summotos. hoc edito velut ultimo virtutis opere Hannibal cum Hadrumetum refugisset, accitumque inde Carthaginem sexto ac tricesimo post anno, quam puer inde profectus erat, redisset, fassus in curia est non proelio modo se sed bello victum, nec spem salutis alibi quam in pace impetranda esse.

XXXVI. Scipio confestim a proelio expugnatis hostium castris direptisque cum ingenti praeda ad mare ac naves rediit nuntio allato P. Lentulum cum quinquaginta rostratis, centum onerariis, cum omni genere commeatus ad Uticam accessisse. admovendum igitur undique terrorem percussae Carthagini ratus, missus Laelio Romam cum victoriae nuntio Cn. Octavium terrestri itinere ducere legiones Carthaginem iubet; ipse ad suam veterem nova Lentuli classe ad iuneta profectus ab Utica portum Carthaginis petit. haud procul aberat, cum velata infulis ramisque oleae Carthaginiensium occurrit napis. decem legati erant, principes civitatis, auctore Hannibale missi ad petendam pacem. qui cum ad puppim praetoriae navis accessissent velamenta supplicum porrigentes, orantes implorantesque fidem ac misericordiam Scipionis, nullum iis aliud responsum datum, quam ut Tynetem venirent; eo se moturum castra. ipse ad contemplandum Carthaginis situm non tam noscendi in praesentia quam terrendi hostis causa *proiectus* Uticam, eodem et Octavio revocato, rediit. inde procedentibus ad Tynetem nuntius allatus Verminam Syphacis filium cum equitibus pluribus quam pedibus venire Cartaginiensibus auxilio. pars exercitus cum omni equitatu [†] Saturnalibus primis agmen adgressa Numidarum leviter certamine fudit. exitu quoque fugae intercluso ab omni parte circumdati equitibus quindecim milia hominum caesa, mille et ducenti vivi capti, et equi Numidici mille et quingenti, signa militaria duo et septuaginta.

regulus ipse inter tumultum cum paucis effugit. tum ad Tynetem eodem quo antea loco castra posita, legati triginta ab Carthagine ad Scipionem venerunt. et illi quidem multo miserabilius quam antea, quo magis cogebat fortuna, egerunt; sed aliquanto minore cum misericordia ab recenti memoria perfidiae auditum sunt. in consilio quamquam iusta ira omnes ad delendam stimulabat Carthaginem, tamen cum et quanta res esset et quam longi temporis obsidio tam munitae et tam validae urbis reputarent, et ipsum Scipionem expectatio successoris venturi ad paratam alterius labore ac periculo finiti belli famam sollicitaret, ad pacem omnium animi versi sunt. XXXVII. postero die revocatis legatis et cum multa castigatione perfidiae monitis, ut tot cladibus edocti tandem deos et ius iurandum esse crederent, condiciones pacis dictae, ut liberi legibus suis viverent; quas urbes quosque agros quibusque finibus ante bellum tenuissent, tenerent, populandique finem eo die Romanus faceret; perfugas fugitivosque et captivos omnes redderent Romanis et naves rostratas praeter decem triremes traderent elephantosque, quos haberent, domitos, neque domarent alios; bellum neve in Africa neve extra Africam in iusu populi Romani gererent; Masinissae res redderent foedusque cum eo facerent; frumentum stipendiumque auxiliis, donec ab Roma legati redissent, praestarent. decem milia talentum argenti, discripta pensionibus aequis in annos quinquaginta, solverent; obsides centum arbitratu Scipionis darent, ne minores quattuordecim annis neu triginta maiores. industias ita se daturum, si per priores industias naves onerariae captae, quaeque fuissent in navibus, restituerentur; aliter nec industias nec spem pacis ullam esse.

Has condiciones legati cum domum referre iussi in contione ederent, et Gisgo ad dissuadendam pacem processisset audireturque a multitudine inquieta eadem et inbelli, indignatus Hannibal dici ea in tali tempore

audiri que, arreptum Gisgonem manu sua ex superiore
loco detraxit. quae insueta liberae civitati species cum
fremitum populi movisset, perturbatus militaris vir ur-
9 bana libertate „novem“ inquit „annorum a vobis pro-
fectus post sextum et tricesimum annum redii. mili-
tares artes, quas me a puero fortuna nunc privata
10 nunc publica docuit, probe videoe scire; urbis ac fori
iura, leges, mores vos me oportet doceatis“. excusata
imprudentia de pace multia verbis disserruit, quam nec
11 iniqua et necessaria esset. id omnium maxime difficile
erat, quod ex navibus per induitias captis nihil praeter
ipsas comparebat naves; nec inquisitio erat facilis,
12 adversantibus paci qui arguerentur. placuit naves reddi
et homines utique inquiri; cetera, quae abessent,
aestimanda Scipioni permitti, atque ita pecunia laere
13 Carthaginienses. Sunt, qui Hannibalem ex acie ad
mare pervenisse, inde praeparata nave ad regem Anti-
ochum extemplo profectum tradant, postulantique
ante omnia Scipioni, ut Hannibal sibi traderetur, re-
sponsum esse Hannibalem in Africa non esse.

¹ XXXVIII. Postquam redierunt ad Scipionem le-
gati, quae publica in navibus fuerant, ex publicis de-
scripta rationibus quaestores, quae privata profieri
2 domini iussi; pro ea summa pecuniae viginti quinque
milia pondo argenti praesentia exacta; induitiaeque
3 Carthaginiensibus datae in tres menses. additum, ne
per induitiarum tempus alio usquam quam Romanum
mitterent legatos, et quicumque legati Carthaginem
venissent, ne ante dimitterent eos, quam Romanum
imperatorem, qui et quae petentes venissent, certiorem
4 facerent. eum legatis Carthaginiensibus Romam missi
L. Veturius Philo et M. Marcius Ralla et L. Scipio
5 imperatoris frater. per eos dies commeatus ex Sicilia
Sardiniaque tantam vilitatem annonae effecerunt, ut
pro vectura frumentum nautis mercator relinquenter.
⁶ Romae ad nuntium primum rebellionis Cartha-
giniensium trepidatum fuerat, iussusque erat Ti. Clau-

dius mature classem in Siciliam ducere atque inde in
Africam traicere, et alter consul M. Servilius ad ur-
bem morari, donec, quo statu res in Africa essent,
sciretur. segniter omnia in comparanda deducendaque
classe ab Ti. Claudio consule facta erant, quod patres
de pace P. Scipionis potius arbitrium esse, quibus
legibus daretur, quam consulis censuerant. prodigia
quoque nuntiata sub ipsam famam rebellionis terrorem
adulerant: Cumis solis orbis minui visus et pluit la-
pideo imbri, et in Veliterno agro terra ingentibus
cavernis consedit, arboresque in profundum haustae;
Ariciae forum et circa tabernae, Frusinone murus ali-
quot locis et porta de caelo tacta; et in Palatio la-
pidibus pluit. id prodigium more patrio novemdi-
sacra, cetera hostiis maioribus expiata. inter quae etiam
aquarum insolita magnitudo in religionem versa; nam
ita abundavit Tiberis, ut ludi Apollinares circa inun-
dato extra portam Collinam ad aedem Eryciniae Ve-
neris parati sint: ceterum ludorum ipso die subita
serenitate orta pompa duci copta ad portam Collinam
revocata deductaque in circum est, cum decessisse
inde aquam nuntiatum esset; laetitiamque populo et ¹¹
ludis celebritatem addidit sedes sua sollemni specta-
culo redditia.

¹ XXXIX. Claudiu consulem, profectum tandem
ab urbe, inter portus Cosanum Loretanumque atrox
vis tempestatis adorta in metum ingentem adduxit.
Populonum inde cum pervenisset stetissetque ibi, dum
reliquum tempestatis exsaeviret, Ilvam insulam et ab
Ilva Corsicam, a Corsica in Sardiniam traiecit. ibi
superantem Insanos montes multo et saevior et in-
festioribus locis tempestas adorta disiecit classem. mul-
tae quassatae armamentisque spoliatae naves, quaedam
fractae. ita vexata ac lacerata classis Carales tenuit.
ubi dum subductae reficiuntur naves, hiems oppressit,
circumactumque anni tempus, et nullo prorogante im-
perium privatus Ti. Claudius classem Romanam reduxit.
³

- ⁴ M. Servilius, ne comitiorum causa ad urbem revocatur, dictatore dicto C. Servilio Geminio in provinciam est profectus. dictator magistrum equitum P.
⁵ Aelium Paetum dixit. saepe comitia indicta perfici tempestates prohibuerunt; itaque cum pridie idus Martias veteres magistratus abissent, novi suffecti non essent, res publica sine curulibus magistratibus erat.
⁶ T. Manlius Torquatus pontifex eo anno mortuus, in locum eius suffectus C. Sulpicius Galba. ab L. Licinio Lucullo et Q. Fulvio aedilibus curulibus ludi Ro-
⁷ mani ter toti instaurati pecuniam ex aerario scribae viatoresque aedilicij clam egesisse per indicem *com-
 perti* damnati sunt, non sine infamia Luculli aedilis.
⁸ P. Aelius Tubero et L. Laetorius aediles plebis vitio creati magistratu se abdicaverunt, cum ludos ludorumque causa epulum Iovi fecissent et signa tria ex multaticio argento facta in Capitolio posuissent. Cer-
 ralia ludos dictator et magister equitum ex senatus consulto fecerunt.
- ¹ XL. Legati ex Africa Romani simul Carthaginiensesque cum venissent Romam, senatus ad aedem Bellonae habitus est. ubi cum L. Veturius Philo pugnatum cum Hannibale esse supra Carthaginensibus pugna finemque tandem lugubri bello inpositum
² ingenti laetitia patrum exposuisset, adiecit Verminam etiam Syphacis filium, quae parva bene gestae rei accessio erat, devictum. in contionem inde prodire
⁴ iussus gaudiumque id populo inpertire. tum patefacta gratulationi omnia in urbe templa, supplicationesque in triduum decretae. legatis Carthaginensium et Phili-
 pippi regis — nam ii quoque venerant — potentibus, ut senatus sibi daretur, responsum iusu patrum ab dictatore est consules novos iis senatum datus esse.
⁵ comitia inde habita. creati consules Cn. Cornelius Lentulus, P. Aelius Paetus; praetores M. Iunius Pen-
 nus, cui sors urbana evenit, M. Valerius Falto Brutios, M. Fabius Buteo Sardiniam, P. Aelius Tubero

Siciliam est sortitus. de provinciis consulum nihil ante ⁶ placebat agi, quam legati Philippi regis et Cartha-
 giniensium auditii essent; belli finem alterius, alterius principium prospiciebant animis. Cn. Lentulus consul ⁷ cupiditate flagrabat provinciae Africae, seu bellum foret, facilem victoriam, seu iam finiretur, finiti tanti belli ⁸ a se consule gloriam petens. negare itaque prius quicquam agi passurum, quam sibi provincia Africa decreta esset, concedente conlega, moderato viro et prudenti, qui gloriae eius certamen cum Scipione, praeterquam quod iniquum esset, etiam inpar futuram cernebat. Q. Minucius Thermus et M'. Acilius Glabrio ⁹ tribuni plebis rem priore anno nequicquam temptatam ab Ti. Claudio consule Ch. Cornelium temptare aie-
 bant; ex auctoritate patrum latum ad populum esse, ¹⁰ cuius vellent imperium in Africa esse; omnes quin-
 que et triginta tribus P. Scipioni id imperium decressere. multis contentionibus et in senatu et ad populum acta ¹¹ res postremo eo deducta est, ut senatui permitterent. patres igitur iurati — ita enim convenerat — censu- ¹²
 erunt, uti consules provincias inter se conpararent sortienturve, uter Italianam, uter classem navium quin-
 quaginta haberet; cui classis obvenisset, in Siciliam navigaret; si pax cum Carthaginensibus componi ne- ¹³
 quisset, in Africam traiceret; consul mari, Scipio eo-
 dem quo adhuc iure imperii terra rem gereret; si ¹⁴ condiciones convenient pacis, tribuni plebis populum rogarent, utrum consulem an P. Scipionem iuberent pacem dare, et quem, si deportandus exercitus victor ex Africa esset, deportare; si pacem per P. Scipionem ¹⁵ dari atque ab eodem exercitum deportari iussissent, ne consul ex Sicilia in Africam traiceret. alter con-
 sul, cui Italia evenisset, duas legiones a M. Sextio praetore acciperet. ¹ XLI. P. Scipioni cum exercitibus, ¹ quos haberet, in provincia Africa prorogatum impe-
 riun. praetoribus M. Valerio Faltoni duae legiones in Bruttis, quibus C. Livius priore anno praefuerat, de- ¹⁶

2 cretae; P. Aelius praetor duas legiones in Sicilia ab
3 Cn. Tremellio acciperet; legio una M. Fabio in Sar-
diniam, quam P. Lentulus pro praetore habuisse, de-
4 cernitur. M. Servilio prioris anni consuli cum suis
5 duabus item legionibus in Etruria prorogatum impe-
6 rium est, quod ad Hispanias attineret, aliquot annos
7 iam ibi L. Cornelium Lentulum et L. Manlium Aci-
8 dinum esse; uti consules cum tribunis agerent, ut, si
9 iis videretur, plebem rogarent, cui iuberent in Hispa-
10 nia imperium esse; is ex duobus exercitibus in unam
11 legionem conscriberet Romanos milites et in quin-
decim cohortes socios Latini nominis, quibus provin-
12 ciaciam obtineret; veteres milites L. Cornelius et L. Man-
13 lius in Italiam deportarent. Consuli quinquaginta
14 navium classis ex duabus classibus, Cn. Octavi, quae
15 in Africa esset, et P. Villi, quae Siciliae oram tueba-
tur, decreta, ut quas vellet naves deligeret. P. Scipio
quadragesima naves longas, quas habuisse, haberet;
16 quibus si Cn. Octavianum, sicut praefuisset, paaesesse
vellet, Octavio pro praetore in eum annum imperium
17 esset; si Laelium praeficeret, Octavius Romanam dece-
deret reduceretque naves, quibus consuli usus non
18 esset. et M. Fabio in Sardiniam decem longae naves
19 decretae. et consules duas urbanas legiones scribere
iussi, ut quattuordecim legionibus eo anno, centum
20 navibus longis res publica administraretur.

1 XLII. Tum de legatis Philippi et Carthaginien-
2 sium actum. priores Macedonas introduci placuit; quo-
rum varia oratio fuit, partim purgantium, quae questi
3 erant missi ad regem ab Roma legati de populatione
sociorum, partim ultro accusantium quidem et socios
populi Romani, sed multo infestius M. Aurelium,
4 quem ex tribus ad se missis legatis dilectu habitu
substissee et se bello laceassisce contra foedus et
saepe cum praefectis suis signis conlatis pugnassee,
partim postulantium, ut Macedones duxque eorum So-
pater, qui apud Hannibalem mercede militassent, tum

capti in vincis essent, sibi restituerentur. adversus 5
ea M. Furius, missus ad id ipsum ab Aurelio ex Ma-
cedonia, disseruit Aurelium relictum, ne socii populi
Romani fessi populationibus vi atque iniuria ad re-
gem deficerent; finibus sociorum non excessisse, dedisse 6
operam, ne impune in agros eorum populares trans-
cenderent. Sopatrum ex purpuratis et propinquis regis
esse; eum cum quatuor milibus Macedonum et pecunia
missum nuper in Africam esse Hannibali et Cartha-
giniensibus auxilio. de his rebus interrogati Macedones 7
cum perplexe responderent, nequaquam ipsi simile re-
sponsum tulerunt: bellum quaerere regem et, si per-
gat, propediem inventuram. dupliciter ab eo foedus 8
violatum, et quod sociis populi Romani iniurias fece-
rit ac bello armisque lacesiverit, et quod hostes au-
xiliis et pecunia iuverit. et P. Scipionem recte atque 9
ordine fecisse videri et facere, quod eos, qui arma
contra populum Romanum ferentes capti sint, hostium
numero in vincis habeat, et M. Aurelium e re pu-
blica facere, gratumque id senatui esse, quod socios 10
populi Romani, quando iure foederis non possit, ar-
mis tueatur.

Cum hoc tam tristi responso dimisis Macedoni- 11
bus legati Carthaginenses vocati; quorum aetatibus
dignitatibusque conspectis — nam longe primi civi-
tatis erant — tum pro se quisque dicere vere de
pace agi. insignis tamen inter ceteros Hasdrubal erat 12
— Haedum populares cognomine appellabant — pacis
semper auctor adversusque factioni Barciniae. eo tum 13
plus illi auctoritatis fuit belli culpam in paucorum
cupiditatem ab re publica transferenti. qui cum varia 14
oratione usus esset, nunc purgando criminis nunc quae-
dam fatendo, ne impudenter certa negantibus difficilior
venia esset, nunc monendo etiam patres conscriptos,
ut rebus secundis modeste ac moderate uterentur; si 15
se atque Hannonem audissent Carthaginenses et tem-
pore uti voluissent, datus fuisse pacis condiciones,

quas tunc peterent. raro simul hominibus bonam for-
 16 tunam bonamque mentem dari; populum Romanum
 eo invictum esse, quod in secundis rebus sapere et
 consulere meminerit. et hercule mirandum fuisse, si
 17 aliter faceret. ex insolentia, quibus nova bona fortuna
 sit, impotentes laetitiae insanire; populo Romano usi-
 tata ac prope iam obsoleta ex victoria gaudia esse,
 ac plus paene parcendo viciis quam vincendo impe-
 18 rium auxisse, — ceterorum miserabilior oratio fuit
 commemorantium, ex quantis opibus quo recidissent
 Carthaginiensium res: nihil iis, qui modo orbem prope
 terrarum obtinuerint armis, superesse praeter Cartha-
 19 ginis moenia; his inclusos non terra, non mari que-
 quam sui iuris cernere; urbem quoque ipsam ac pe-
 nates ita habituros, si non in ea quoque, quo nihil
 20 ulterius sit, saevire populus Romanus velit. cum fleti
 misericordia patres appareret, senatorem unum in-
 festum perfidiae Carthaginiensium suclamassee ferunt,
 per quos deos foedus icturi essent, cum eos, per quos
 21 ante ictum esset, fefellissent; „per eosdem“ inquit
 Hasdrubal, „quoniam tam infesti sunt foedera vio-
 lantibus“.

¹ XLIII. Inclinatis omnium ad pacem animis Cn.
 Lentulus consul, cui classis provincia erat, senatus
 2 consulto intercessit. tum M'. Acilius et Q. Minucius
 tribuni plebis ad populum tulerunt, vellent iuberentne
 senatum decernere, ut cum Carthaginiensibus pax fieret;
 et quem eam pacem dare, quemque ex Africa exer-
 3 citum deportare iuberent. de pace ‘uti rogas’ omnes
 tribus iusserunt; pacem dare P. Scipionem, eundem
 4 exercitum deportare. ex hac rogatione senatus decre-
 vit, ut P. Scipio ex decem legatorum sententia pacem
 cum populo Carthaginiensi, quibus legibus ei videre-
 tur, faceret. gratias deinde patribus egere Carthagi-
 nienses et petierunt, ut sibi in urbem introire et col-
 loqui cum civibus suis liceret, qui capti in publica
 6 custodia essent; esse in iis partim propinquos ami-

cosque suos, nobiles homines, partim ad quos mandata
 a propinquis haberent. quibus conventis cum rursus
 peterent, ut sibi quos vellent ex iis redimenti pote-
 stas fieret, iussi nomina edere; et cum ducentos ferme
 ederent, senatus consultum factum est, ut legati Ro-
 mani ducentos ex captivis, quos Carthaginienses vellent,
 ad P. Cornelium in Africam deportarent nuntiarent
 que ei, ut, si pax convenisset, sine pretio eos Cartha-
 giniensibus redderet. fetiales cum in Africam ad foe-
 dus feriendum ire iuberentur, ipsis postulantibus
 7 senatus consultum in haec verba factum est, ut pri-
 8 mos lapides silices privasque verbenas secum ferrent;
 ut ubi praetor Romanus iis imperaret, ut foedus feri-
 rent, illi praetorem sagmina poscerent. herbae id genus
 9 ex arce sumptum fetialibus dari solet.

Ita dimissi ab Roma Carthaginienses cum in 10
 Africam venissent ad Scipionem, quibus ante dictum
 est legibus pacem fecerunt. naves longas, elephantes,
 11 perfugas, fugitivos, captivorum quattuor milia tradi-
 derunt, inter quos Q. Terentius Culleo senator fuit.
 naves provectas in altum incendi iussit. quingentas 12
 fuisse omnis generis, quae remis agerentur, quidam
 tradunt; quarum conspectum repente incendium tam
 lugubre fuisse Poenis, quam si ipsa Carthago arderet.
 de perfugis gravius quam de fugitivis consultum; no- 13
 minis Latini qui erant, securi percussi, Romani in
 eruecum sublati.

¹ XLIV. Annis ante quadraginta pax cum Cartha-
 giniensibus postremo facta erat Q. Lutatio, A. Man-
 lio consulibus. bellum initum annis post tribus et vi-
 2 ginti P. Cornelio, Ti. Sempronio consulibus, finitum
 est septimo decimo anno Cn. Cornelio, P. Aelio Paeto
 consulibus. saepe postea ferunt Scipionem dixisse Ti.
 3 Claudi primum cupiditatem, deinde Cn. Corneli fuisse
 in mora, quo minus id bellum exitio Carthaginis finiret.

⁴ Carthagini cum prima conlatio pecuniae diutino
 bello exhaustis difficilis videretur, maestitiaque et fle-

tus in curia esset, ridentem Hannibalem ferunt conspectum. cuius cum Hasdrubal Haedus risum increparet in publico fletu, cum ipse lacrimarum causa esset, „si quem ad modum oris habitus cernitur oculis“ inquit, „sic et animus intus cerni posset, facile vobis appareret non laeti, sed prope amentis malis cordis hunc, quem increpati, risum esse; qui tamen nequaquam adeo est intempestivus, quam vestrae istae absurdæ atque abhorrentes lacrimæ sunt. tunc flesse decuit, cum adempta sunt nobis arma, incensae naves, interdictum externis bellis; illo enim vulnere concidimus. nec est, cur vos otio vestro consultum ab Romanis credatis. nulla magna civitas diu quiescere potest; si foris hostem non habet, domi invenit, ut praevalida corpora ab externis causis tuta videntur, sed suis ipsa viribus onerantur. tantum nimirum ex publicis malis sentimus, quantum ad privatas res pertinet; nec in iis quicquam acrius quam pecuniae damnum stimulat. itaque cum spolia victae Carthagini detrahebantur, cum inermem iam ac nudam destitui inter tot armatas gentes Africae cerneretis, nemo in gemuit; nunc, quia tributum ex privato conferendum est, tamquam in publico funere comploratis. quam vereor, ne propediem sentiatis levissimo in malo vos hodie lacrimasse.“ haec Hannibal apud Carthaginenses.

Scipio contione advocata Masinissam ad regnum paternum Cirta oppido et ceteris urbibus agrisque, quae ex regno Syphacis in populi Romani potestatem 13 venissent, adiectis donavit. Cn. Octavium classem in Siciliam ductam Cn. Cornelio consuli tradere iussit, legatos Carthaginiensium Romam proficisci, ut, quae ab se ex decem legatorum sententia acta essent, ea patrum auctoritate populique iussu confirmarentur.

XLV. Pace terra marique parta, exercitu in naves in posito, in Siciliam Lilybaeum traiecit. inde magna parte militum navibus missa ipse per laetam pace

non minus quam Victoria Italiam, effusis non urbibus modo ad habendos honores, sed agrestium etiam turba obsidente vias, Romam peruenit triumphoque omnium clarissimo urbem est invictus. argenti tulit in aerarium pondo centam triginta tria milia. militibus ex praeda quadringenos aeris divisit. morte subtractus spectaculo magis hominum quam triumphantis gloriae Syphax est, Tiburi haud ita multo ante mortuus, quo ab Alba traductus fuerat. conspecta tamen mors eius fuit, quia publico funere est elatus. hunc regem in triumpho ductum Polybius, haudquaquam sphenodus auctor, tradit. secutus Scipionem triumphantem est pilleo capiti imposito Q. Terentius Culleo, omniq[ue] deinde vita, ut dignum erat, libertatis auctorem coluit. Africani cognomen militaris prius favor an popularis aura celebraverit an, sicuti Felicis Syllae Magnique Pompei patrum memoria, coeptum ab adsentatione familiari sit, param compertum habeo. primus certe hic imperator nomine victae ab se gentis est nobilitatus; exemplo deinde huius nequaquam Victoria pares insignes imaginum titulos claraque cognomina familiarium asciverunt.